

॥ नमो तस्स भगवतो अरहतो सम्मासम्बुद्धस्स ॥

द्वेमातिकापाळि

भिक्षुपातिमोक्खपाळि

पुब्बकरणं-४

सम्मज्जनी पदीपो च, उदकं आसनेन च ।
उपोसथस्स एतानि, “पुब्बकरणं”न्ति वुच्चति ॥

पुब्बकिच्चं-५

छन्द, पारिसुद्धि, उतुखानं, भिक्षुगणना च ओवादो ।
उपोसथस्स एतानि, “पुब्बकिच्चं”न्ति वुच्चति ॥

पत्तकल्लअङ्गा-४

उपोसथो, यावतिका च भिक्षु कम्मपत्ता ।
सभागापत्तियो च न विज्जन्ति ।
वज्जनीया च पुग्गला तस्मिं न होन्ति, “पत्तकल्लं”न्ति वुच्चति ॥

पुब्बकरणपुब्बकिच्चानि समापेत्वा देसितापत्तिकस्स समग्गस्स भिक्षुसङ्घस्स अनुमतिया पातिमोक्खं उद्दिसितुं आराधनं करोम ।

निदानुद्देशो

सुणातु मे भन्ते सङ्घो? अज्जुपोसथो पन्नरसो, यदि सङ्घस्स पत्तकल्लं, सङ्घो उपोसथं करेय्य, पातिमोक्खं उद्दिसेय्य ।

किं सङ्घस्स पुब्बकिच्चं? पारिसुद्धि आयस्मन्तो आरोचेथ, पातिमोक्खं उद्दिसिस्सामि, तं सब्बेव सन्ता साधुकं सुणोम मनसि करोम । यस्स सिया आपत्ति, सो आविकरेय्य, असन्तिया आपत्तिया तुण्ही भवितब्बं, तुण्हीभावेन खो पनायस्मन्तो “परिसुद्धा”ति वेदिसिस्सामि । यथा खो पन पच्चेकपुद्गस्स वेय्याकरणं होति, एवमेवं एवरूपाय परिसाय यावततियं अनुसावितं होति । यो पन भिक्षु यावततियं अनुसावियमाने सरमानो सन्ति आपत्तिं नाविकरेय्य, सम्पजानमुसावादस्स होति । सम्पजानमुसावादो खो पनायस्मन्तो अन्तरायिको धम्मो वुत्तो भगवता, तस्मा सरमानेन भिक्षुना आपन्नेन विसुद्धापेक्खेन सन्तो आपत्ति आविकातब्बा, आविकता हिस्स फासु होति ।

उद्दिट्ठं खो आयस्मन्तो निदानं । तत्थायस्मन्ते पुच्छामि, कच्चित्थ परिसुद्धा, दुतियमि पुच्छामि, कच्चित्थ परिसुद्धा, ततियमि पुच्छामि, कच्चित्थ परिसुद्धा, परिसुद्धेत्थायस्मन्तो, तस्मा तुण्ही, एवमेतं धारयामीति ।

निदानं निड्डितं ।

पाराजिकुद्देशो

तन्निमे चत्तारो पाराजिका धम्मा उद्देसं आगच्छन्ति ।

मेथुनधम्म सिकखापदं

१. यो पन भिक्षु भिक्षुनं सिकखासाजीवसमापन्नो सिकखं अप्पच्चक्खाय दुब्बल्यं अनाविकत्वा मेथुनं धम्मं पटिसेवेय्य, अन्तमसो तिरच्छानगतायपि, पाराजिको होति असंवासो ।

अदिन्नादानसिकखापदं

२. यो पन भिक्षु गामा वा अरञ्जा वा अदिन्नं थेय्यसङ्घातं आदियेय्य, यथारूपे अदिन्नादाने राजानो चोरं गहेत्वा हनेय्युं वा बन्धेय्युं वा पब्बाजेय्युं वा चोरोसि बालोसि मूळोसि थेनोसीति, तथारूपं भिक्षु अदिन्नं आदियमानो अयमि पाराजिको होति असंवासो ।

मनुस्सविग्गहसिकखापदं

३. यो पन भिक्षु सज्जिच्च मनुस्सविग्गहं जीविता वोरपेय्य, सत्थहारकं वास्स परियेसेय्य, मरणवण्णं वा संवण्णेय्य, मरणाय वा समादपेय्य “अम्मो पुरिस किं तुय्हिमाणा पापकेन दुज्जीवितेन, मतं ते जीविता सेय्यो”ति, इति चित्तमनो चित्तसङ्कप्पो अनेकपरियायेन मरणवण्णं वा संवण्णेय्य, मरणाय वा समादपेय्य, अयमि पाराजिको होति असंवासो ।

उत्तरिमनुस्सधम्मसिकखापदं

४. यो पन भिक्षु अनभिजानं उत्तरिमनुस्सधम्मं अतुपनायिकं अलमरियजाणदस्सं समुदाचरेय्य “इति जानामि, इति पस्सामी”ति, ततो अपरेन समयेन समनुग्गाहीयमानो वा असमनुग्गाहीयमानो वा आपन्नो विसुद्धापेक्खो एवं वदेय्य “अजानमेवं आवुसो अवचं जानामि, अपस्सं पस्सामि, तुच्छं मुसा विलपि”न्ति, अज्जत्र अधिमाना, अयमि पाराजिको होति असंवासो ।

उद्दिट्ठा खो आयस्मन्तो चत्तारो पाराजिका धम्मा । येसं भिक्षु अज्जतरं वा अज्जतरं वा आपज्जित्वा न लभति भिक्षुहि सद्धिं संवासं यथा पुरे, तथा पच्छा, पाराजिको होति असंवासो । तत्थायस्मन्ते पुच्छामि, कच्चित्थ परिसुद्धा, दुतियमि पुच्छामि, कच्चित्थ परिसुद्धा, ततियमि पुच्छामि, कच्चित्थ परिसुद्धा, परिसुद्धेत्थायस्मन्तो, तस्मा तुण्ही, एवमेतं धारयामीति ।

पाराजिकं निड्डितं ।

सङ्घादिसेसुहेसो

इमे खो पनायस्मन्तो तेरस सङ्घादिसेसा

धम्मा उद्देसं आगच्छन्ति ।

सुक्कविस्सड्डिसिक्खापदं

१. सञ्चेतनिका सुक्कविस्सड्डि अञ्जत्र सुपिनन्ता सङ्घादिसेसो ।

कायसंसर्गसिक्खापदं

२. यो पन भिक्खु ओतिण्णो विपरिणतेन चित्तेन मातुगामेन सड्डि कायसंसर्गं समापज्जेय्य हत्थग्गाहं वा वेणिग्गाहं वा अञ्जतरस्स वा अञ्जतरस्स वा अङ्गस्स परामसनं, सङ्घादिसेसो ।

दुडुल्लवाचासिक्खापदं

३. यो पन भिक्खु ओतिण्णो विपरिणतेन चित्तेन मातुगामं दुडुल्लाहि वाचाहि ओभासेय्य यथा तं युवा युवतिं मेथुनुपसंहिताहि, सङ्घादिसेसो ।

अत्तकामपारिचरियसिक्खापदं

४. यो पन भिक्खु ओतिण्णो विपरिणतेन चित्तेन मातुगामस्स सन्तिके अत्तकामपारिचरियाय वण्णं भासेय्य “एतदग्गं भगिनि पारिचरियानं या मादिसं सीलवन्तं कल्याणधम्मं ब्रह्मचारिं एतेन धम्मेन परिचरेय्या”ति मेथुनुपसंहितेन, सङ्घादिसेसो ।

सञ्चरित्तसिक्खापदं

५. यो पन भिक्खु सञ्चरित्तं समापज्जेय्य इत्थिया वा पुरिसमर्तितं पुरिसस्स वा इत्थिमर्तितं, जायत्तने वा जारत्तने वा, अन्तमसो तद्धुणिकायपि, सङ्घादिसेसो ।

कुटिकारसिक्खापदं

६. सञ्जाचिकाय पन भिक्खुना कुटिं कारयमानेन अस्सामिकं अत्तुद्देसं पमाणिका कारेतब्बा, तत्रिदं पमाणं, दीघसो द्वादस विदत्थियो सुगतविदत्थिया, तिरियं सत्तन्तरा, भिक्खू अभिनेतब्बा वत्थुदेसनाय, तेहि भिक्खूहि वत्थु देसेतब्बं अनारम्भं सपरिक्कमनं । सारम्भे चे भिक्खु वत्थुस्मिं अपरिक्कमने सञ्जाचिकाय कुटिं कारेय्य, भिक्खू वा अनभिनेय्य वत्थुदेसनाय, पमाणं वा अतिक्रामेय्य, सङ्घादिसेसो ।

विहारकारसिक्खापदं

७. महल्लकं पन भिक्खुना विहारं कारयमानेन सस्सामिकं अत्तुद्देसं भिक्खू अभिनेतब्बा वत्थुदेसनाय, तेहि भिक्खूहि वत्थु देसेतब्बं अनारम्भं सपरिक्कमनं । सारम्भे चे भिक्खु वत्थुस्मिं अपरिक्कमने महल्लकं विहारं कारेय्य, भिक्खू वा अनभिनेय्य वत्थुदेसनाय, सङ्घादिसेसो ।

दुडुदोससिक्खापदं

८. यो पन भिक्खु भिक्खुं दुडुदोसो अप्पतीतो अमूलकेन पाराजिकेन धम्मेन अनुद्दंसेय्य “अप्पेव नाम नं इमम्हा ब्रह्मचरिया चावेय्य”न्ति, ततो अपरेन समयेन समनुग्गाहीयमानो वा असमनुग्गाहीयमानो वा अमूलकञ्चेव तं अधिकरणं होति, भिक्खु च दोसं पतिट्ठाति, सङ्घादिसेसो ।

अञ्जभागियसिक्खापदं

९. यो पन भिक्खु भिक्खुं दुडुदोसो अप्पतीतो अञ्जभागियस्स अधिकरणस्स किञ्चिदेसं लेसमतं उपादाय पाराजिकेन धम्मेन अनुद्दंसेय्य “अप्पेव नाम नं इमम्हा ब्रह्मचरिया चावेय्य”न्ति, ततो अपरेन समयेन समनुग्गाहीयमानो वा असमनुग्गाहीयमानो वा अञ्जभागियञ्चेव तं अधिकरणं होति कोचिदेसो लेसमतो उपादिन्नो, भिक्खु च दोसं पतिट्ठाति, सङ्घादिसेसो ।

सङ्घभेदसिक्खापदं

१०. यो पन भिक्खु समग्गस्स सङ्घस्स भेदाय परक्कमेय्य, भेदनसंवत्तनिकं वा अधिकरणं समादाय पग्गह् तिट्ठेय्य, सो भिक्खु भिक्खूहि एवमस्स वचनीयो “मायस्मा समग्गस्स सङ्घस्स भेदाय परक्कमि, भेदनसंवत्तनिकं वा अधिकरणं समादाय पग्गह् अट्ठासि, समेतायस्मा सङ्घेन, समग्गो हि सङ्घो सम्मोदमानो अविवादमानो एकुद्देसो फासु विहरती”ति, एवञ्च सो भिक्खु भिक्खूहि वुच्चमानो तथेव पग्गण्हेय्य, सो भिक्खु भिक्खूहि यावततियं समनुभासितब्बो तस्स पटिनिस्सग्गाय, यावततियञ्चे समनुभासियमानो तं पटिनिस्सज्जेय्य, इच्चेतं कुसलं, नो चे पटिनिस्सज्जेय्य, सङ्घादिसेसो ।

भेदानुवत्तकसिक्खापदं

११. तस्सेव खो पन भिक्खुस्स भिक्खू होन्ति अनुवत्तका वग्गवादका एको वा द्वे वा तयो वा, ते एवं वदेय्युं “मायस्मन्तो एतं भिक्खुं किञ्चि अवचुत्थ, धम्मवादी चेसो भिक्खु, विनयवादी चेसो भिक्खु, अम्हाकञ्चेसो भिक्खु छन्दञ्च रुचिञ्च आदाय वोहरति, जानाति, नो भासति, अम्हाकम्पेतं खमती”ति, ते भिक्खू भिक्खूहि एवमस्सु वचनीया “मायस्मन्तो एवं अवचुत्थ, न चेसो भिक्खु धम्मवादी, न चेसो भिक्खु विनयवादी, मायस्मन्तान्मिं सङ्घभेदो रुचिञ्च, समेतायस्मन्तानं सङ्घेन, समग्गो हि सङ्घो सम्मोदमानो अविवादमानो एकुद्देसो फासु विहरती”ति, एवञ्च ते भिक्खू भिक्खूहि वुच्चमाना तथेव पग्गण्हेय्युं, ते भिक्खू भिक्खूहि यावततियं समनुभासितब्बा तस्स पटिनिस्सग्गाय, यावततियञ्चे समनुभासियमाना तं पटिनिस्सज्जेय्युं, इच्चेतं कुसलं, नो चे पटिनिस्सज्जेय्युं, सङ्घादिसेसो ।

दुब्बचसिक्खापदं

१२. भिक्खु पनेव दुब्बचजातिको होति उद्देसपरियापन्नेसु सिक्खापदेसु भिक्खूहि सहधम्मिकं वुच्चमानो अत्तानं अवचनीयं करोति “मा मं आयस्मन्तो किञ्चि अवचुत्थ कल्याणं वा पापकं वा, अहम्मायस्मन्ते न किञ्चि वक्खामि कल्याणं वा पापकं वा, विरमथायस्मन्तो मम वचनाया”ति, सो भिक्खु भिक्खूहि एवमस्स वचनीयो “मायस्मा अत्तानं अवचनीयं अकासि, वचनीयमेवायस्मा अत्तानं करोतु, आयस्मापि भिक्खू वदतु सहधम्मेन, भिक्खूपि आयस्मन्तं वक्खन्ति सहधम्मेन, एवं संवद्धा हि तस्स भगवतो परिसा यदिदं अञ्जमञ्जवचनेन अञ्जमञ्जवुट्ठापनेना”ति, एवञ्च सो भिक्खु भिक्खूहि

वुच्चमानो तथैव पग्गण्हैय्य, सो भिक्खु भिक्खूहि यावततियं समनुभासितब्बो तस्स पटिनिस्सग्गाय, यावततियञ्चे समनुभासियमानो तं पटिनिस्सज्जेय्य, इच्चेतं कुसलं, नो चे पटिनिस्सज्जेय्य, सङ्गादिसेसो ।

कुलदूसकसिक्खापदं

१३. भिक्खु पनेव अञ्जतरं गामं वा निगमं वा उपनिस्साय विहरति कुलदूसको पापसमाचरो, तस्स खो पापका समाचारा दिस्सन्ति चेव सुय्यन्ति च, कुलानि च तेन दुड्डानि दिस्सन्ति चेव सुय्यन्ति च, सो भिक्खु भिक्खूहि एवमस्स वचनीयो “आयस्सा खो कुलदूसको पापसमाचरो, आयस्मतो खो पापका समाचारा दिस्सन्ति चेव सुय्यन्ति च, कुलानि चायस्मता दुड्डानि दिस्सन्ति चेव सुय्यन्ति च, पक्कमतायस्सा इमम्हा आवासा, अलं ते इध वासेना”ति, एवञ्च सो भिक्खु भिक्खूहि वुच्चमानो ते भिक्खु एवं वदेय्य “छन्दगामिनो च भिक्खु, दोसगामिनो च भिक्खु, मोहगामिनो च भिक्खु, भयगामिनो च भिक्खु तादिसिकाय आपत्तिया एकच्चं पब्बाजेन्ति, एकच्चं न पब्बाजेन्ती”ति, सो भिक्खु भिक्खूहि एवमस्स वचनीयो “मायस्सा एवं अवच, न च भिक्खु छन्दगामिनो, न च भिक्खु दोसगामिनो, न च भिक्खु मोहगामिनो, न च भिक्खु भयगामिनो, आयस्सा खो कुलदूसको पापसमाचरो, आयस्मतो खो पापका समाचारा दिस्सन्ति चेव सुय्यन्ति च, कुलानि चायस्मता दुड्डानि दिस्सन्ति चेव सुय्यन्ति च, पक्कमतायस्सा इमम्हा आवासा, अलं ते इध वासेना”ति, एवञ्च सो भिक्खु भिक्खूहि वुच्चमानो तथैव पग्गण्हैय्य, सो भिक्खु भिक्खूहि यावततियं समनुभासितब्बो तस्स पटिनिस्सग्गाय, यावततियञ्चे समनुभासियमानो तं पटिनिस्सज्जेय्य, इच्चेतं कुसलं, नो चे पटिनिस्सज्जेय्य, सङ्गादिसेसो ।

उद्दिट्ठा खो आयस्मन्तो तेरस सङ्गादिसेसा धम्मा नव पठमापत्तिका, चत्तारो यावततियका । येसं भिक्खु अञ्जतरं वा अञ्जतरं वा आपज्जित्वा यावतीहं जानं पटिच्छादेति, तावतीहं तेन भिक्खुना अकामा परिवत्थब्बं । परिवत्थपरिवासेन भिक्खुना उत्तरि छारत्तं भिक्खुमानत्ताय पटिपज्जितब्बं, चिण्णमानतो भिक्खु यत्थ सिया वीसतिगणो भिक्खुसङ्घो, तत्थ सो भिक्खु अब्भेतब्बो । एकेनपि चे ऊनो वीसतिगणो भिक्खुसङ्घो तं भिक्खुं अब्भेय्य, सो च भिक्खु अनब्भितो, ते च भिक्खू गारुहा, अयं तत्थ सामीचि । तत्थायस्मन्ते पुच्छामि, कच्चित्थ परिसुद्धा, दुतियमि पुच्छामि, कच्चित्थ परिसुद्धा, ततियमि पुच्छामि, कच्चित्थ परिसुद्धा, परिसुद्धेत्थायस्मन्तो, तस्मा तुण्ही, एवमेतं धारयामीति ।

सङ्गादिसेसो निड्डितो ।

अनियतुद्देसो

इमे खो पनायस्मन्तो द्वे अनियता धम्मा

उद्देसं आगच्छन्ति ।

पठमअनियतसिक्खापदं

१. यो पन भिक्खु मातुगामेन सङ्घि एको एकाय रहो पटिच्छन्ने आसने अलंकम्मनिये निसज्जं कपेय्य, तमेनं सङ्खेय्यवचसा उपासिका दिस्वा तिण्णं धम्मानं अञ्जतरेन वदेय्य पाराजिकेन वा सङ्गादिसेसेन वा पाचित्तियेन वा, निसज्जं भिक्खु पटिजानमानो तिण्णं धम्मानं अञ्जतरेन कारेतब्बो पाराजिकेन वा सङ्गादिसेसेन वा पाचित्तियेन वा, येन वा सा सङ्खेय्यवचसा उपासिका वदेय्य, तेन सो भिक्खु कारेतब्बो, अयं धम्मो अनियतो ।

दुतियअनियतसिक्खापदं

२. न हेव खो पन पटिच्छन्ने आसने होति नालंकम्मनियं, अलञ्च खो होति मातुगामं दुड्डल्लाहि वाचाहि ओभासितुं, यो पन भिक्खु तथारूपे आसने मातुगामेन सङ्घि एको एकाय रहो निसज्जं कपेय्य, तमेनं सङ्खेय्यवचसा उपासिका दिस्वा द्विन्नं धम्मानं अञ्जतरेन वदेय्य सङ्गादिसेसेन वा पाचित्तियेन वा, निसज्जं भिक्खु पटिजानमानो द्विन्नं धम्मानं अञ्जतरेन कारेतब्बो सङ्गादिसेसेन वा पाचित्तियेन वा, येन वा सा सङ्खेय्यवचसा उपासिका वदेय्य, तेन सो भिक्खु कारेतब्बो, अयमि धम्मो अनियतो ।

उद्दिट्ठा खो आयस्मन्तो द्वे अनियता धम्मा । तत्थायस्मन्ते पुच्छामि, कच्चित्थ परिसुद्धा, दुतियमि पुच्छामि, कच्चित्थ परिसुद्धा, ततियमि पुच्छामि, कच्चित्थ परिसुद्धा, परिसुद्धेत्थायस्मन्तो, तस्मा तुण्ही, एवमेतं धारयामीति ।

अनियतो निड्डितो ।

निस्सगियपाचित्तिया

इमे खो पनायस्मन्तो तिस निस्सगिया पाचित्तिया

धम्मा उद्देसं आगच्छन्ति ।

कथिनसिक्खापदं

१. निड्डितचीवरस्मिं भिक्खुना उब्भतस्मिं कथिने दसाहपरमं अतिरेकचीवरं धारेतब्बं, तं अतिक्रामयतो निस्सगियं पाचित्तियं ।

उदोसितसिक्खापदं

२. निड्डितचीवरस्मिं भिक्खुना उब्भतस्मिं कथिने एकरत्तमिं चे भिक्खु तिचीवरेन विपवसेय्य, अञ्जत्र भिक्खुसम्मत्तिया निस्सगियं पाचित्तियं ।

अकालचीवरसिक्खापदं

३. निड्डितचीवरस्मिं भिक्खुना उब्भतस्मिं कथिने भिक्खुनो पनेव अकालचीवरं उपज्जेय्य, आकङ्खमानेन भिक्खुना पटिग्गहेतब्बं, पटिग्गहेत्वा खिप्पमेव कारेतब्बं, नो चस्स पारिपूरि, मासपरमं तेन भिक्खुना तं चीवरं निक्खिपितब्बं ऊनस्स पारिपूरिया सतिया पच्चासाय । ततो चे उत्तरि निक्खिपेय्य सतियापि पच्चासाय, निस्सगियं पाचित्तियं ।

पुराणचीवरसिक्खापदं

४. यो पन भिक्खु अज्जातिकाय भिक्खुनिया पुराणचीवरं धोवापेय्य वा रजापेय्य वा आकोटापेय्य वा, निस्सगियं पाचित्तियं ।

चीवरपटिगहणसिक्खापदं

५. यो पन भिक्खु अज्जातिकाय भिक्खुनिया हत्थतो चीवरं पटिगण्हेय्य अज्जत्र पारिवत्तका, निस्सगियं पाचित्तियं ।

अज्जातकविज्जतिसिक्खापदं

६. यो पन भिक्खु अज्जातकं गहपतिं वा गहपतानि वा चीवरं विज्जापेय्य अज्जत्र समया, निस्सगियं पाचित्तियं । तत्थायं समयो, अच्छिन्नचीवरो वा होति भिक्खु, नडुचीवरो वा, अयं तत्थ समयो ।

ततुत्तरिसिक्खापदं

७. तज्जे अज्जातको गहपति वा गहपतानी वा बहूहि चीवरेहि अभिहडुं पवारेय्य, सन्तरुत्तरपरमं तेन भिक्खुना ततो चीवरं सादितब्बं । ततो चे उत्तरि सादियेय्य, निस्सगियं पाचित्तियं ।

पठमउपक्खटसिक्खापदं

८. भिक्खुं पनेव उद्दिस्स अज्जातकस्स गहपतिस्स वा गहपतानिया वा चीवरचेतापन्नं उपक्खटं होति “इमिना चीवरचेतापन्नेन चीवरं चेतापेत्वा इत्थन्नामं भिक्खुं चीवरेन अच्छादेस्सामी”ति, तत्र चे सो भिक्खु पुब्बे अप्पवारितो उपसङ्कमित्वा चीवरे विकप्पं आपज्जेय्य “साधु वत मं आयस्सा इमिना चीवरचेतापन्नेन एवरूपं वा एवरूपं वा चीवरं चेतापेत्वा अच्छादेही”ति कल्याणकम्यतं उपादाय, निस्सगियं पाचित्तियं ।

दुतियउपक्खटसिक्खापदं

९. भिक्खुं पनेव उद्दिस्स उभिन्नं अज्जातकानं गहपतीनं वा गहपतानीनं वा पच्चेकचीवरचेतापन्नानि उपक्खटानि होन्ति “इमेहि मयं पच्चेकचीवरचेतापन्नेहि पच्चेकचीवरानि चेतापेत्वा इत्थन्नामं भिक्खुं चीवरेहि अच्छादेस्सामी”ति, तत्र चे सो भिक्खु पुब्बे अप्पवारितो उपसङ्कमित्वा चीवरे विकप्पं आपज्जेय्य “साधु वत मं आयस्सन्तो इमेहि पच्चेकचीवरचेतापन्नेहि एवरूपं वा एवरूपं वा चीवरं चेतापेत्वा अच्छादेय उभोव सन्ता एकेना”ति कल्याणकम्यतं उपादाय, निस्सगियं पाचित्तियं ।

राजसिक्खापदं

१०. भिक्खुं पनेव उद्दिस्स राजा वा राजभोगो वा ब्राह्मणो वा गहपतिको वा दूतेन चीवरचेतापन्नं पहिण्य “इमिना चीवरचेतापन्नेन चीवरं चेतापेत्वा इत्थन्नामं भिक्खुं चीवरेन अच्छादेही”ति । सो चे दूतो तं भिक्खुं उपसङ्कमित्वा एवं वदेय्य “इदं खो, भन्ते, आयस्सन्तं उद्दिस्स चीवरचेतापन्नं आभतं, पटिगण्हातु आयस्सा चीवरचेतापन्नं”ति । तेन भिक्खुना सो दूतो एवमस्स वचनीयो “न खो मयं, आवुसो, चीवरचेतापन्नं पटिगण्हाम, चीवरञ्च खो मयं पटिगण्हाम कालेन कप्पिय”ति । सो चे दूतो तं भिक्खुं एवं वदेय्य “अत्थि पनायस्मतो कांचि वेय्यावच्चकरो”ति । चीवरत्थिकेन, भिक्खवे, भिक्खुना वेय्यावच्चकरो निहिसितब्बो आरामिको वा उपासको वा “एसो खो, आवुसो, भिक्खून् वेय्यावच्चकरो”ति । सो चे दूतो तं वेय्यावच्चकरो सज्जापेत्वा तं भिक्खुं उपसङ्कमित्वा एवं वदेय्य “यं खो, भन्ते, आयस्सा वेय्यावच्चकरो निहिसि, सज्जतो सो मया, उपसङ्कमतायस्सा कालेन, चीवरेन तं अच्छादेस्सती”ति । चीवरत्थिकेन, भिक्खवे, भिक्खुना वेय्यावच्चकरो उपसङ्कमित्वा द्वित्तिकखत्तुं चोदेतब्बो सारेतब्बो “अत्थो मे, आवुसो, चीवरेना”ति, द्वित्तिकखत्तुं चोदयमानो सारयमानो तं चीवरं अभिनिष्पादेय्य, इच्चेतं कुसलं, नो चे अभिनिष्पादेय्य, चतुक्खत्तुं पञ्चक्खत्तुं छक्खत्तुपरमं तुण्हीभूतेन उद्दिस्स ठातब्बं, चतुक्खत्तुं पञ्चक्खत्तुं छक्खत्तुपरमं तुण्हीभूतो उद्दिस्स तिड्डमानो तं चीवरं अभिनिष्पादेय्य, इच्चेतं कुसलं, ततो चे उत्तरि वायममानो तं चीवरं अभिनिष्पादेय्य, निस्सगियं पाचित्तियं । नो चे अभिनिष्पादेय्य, यतस्स चीवरचेतापन्नं आभतं, तत्थ सामं वा गन्तब्बं, दूतो वा पाहेतब्बो “यं खो तुम्हे आयस्सन्तो भिक्खुं उद्दिस्स चीवरचेतापन्नं पहिणित्थ, न तं तस्स भिक्खुनो किञ्चि अत्थं अनुभोति, युज्जन्तायस्सन्तो सकं, मा वो सकं विनस्सा”ति, अयं तत्थ सामीचि ।

कथिनवग्गो पठमो ।

कोसियसिक्खापदं

११. यो पन भिक्खु कोसियमिस्सकं सन्थतं कारापेय्य, निस्सगियं पाचित्तियं ।

सुद्धकाळकसिक्खापदं

१२. यो पन भिक्खु सुद्धकाळकानं एळकलोमानं सन्थतं कारापेय्य, निस्सगियं पाचित्तियं ।

द्वेभागसिक्खापदं

१३. नवं पन भिक्खुना सन्थतं कारयमानेन द्वे भागा सुद्धकाळकानं एळकलोमानं आदातब्बा, ततियं ओदातानं, चतुत्थं गोचरियानं । अनादा चे भिक्खु द्वे भागे सुद्धकाळकानं एळकलोमानं, ततियं ओदातानं, चतुत्थं गोचरियानं, नवं सन्थतं कारापेय्य, निस्सगियं पाचित्तियं ।

छब्बस्ससिक्खापदं

१४. नवं पन भिक्खुना सन्थतं कारापेत्वा छब्बस्सानि धारेतब्बं, ओरेन चे छन्नं वस्सानं तं सन्थतं विस्सज्जेत्वा वा अविस्सज्जेत्वा वा अज्जं नवं सन्थतं कारापेय्य अज्जत्र भिक्खुस्समुत्तिया, निस्सगियं पाचित्तियं ।

निसीदनसन्थतसिक्खापदं

१५. निसीदनसन्थतं पन भिक्खुना कारयमानेन पुराणसन्थतस्स सामन्ता सुगतविदत्थि आदातब्बा दुब्बण्णकरणाय । अनादा चे भिक्खु पुराणसन्थ तस्स सामन्ता सुगतविदत्थिं, नवं निसीदनसन्थतं कारापेय्य, निस्सगियं पाचित्तियं ।

एळकलोमसिक्खापदं

१६. भिक्खुनो पनेव अद्धानमगगपटिपन्नस्स एळकलोमानि उप्पज्जेय्युं, आकङ्कमानेन भिक्खुना पटिगहेतब्बानि, पटिगहेत्वा तियोजनपरमं सहत्था हरितब्बानि असन्ते हारके । ततो चे उत्तरि हरेय्य, असन्तेपि हारके, निस्सगियं पाचित्तियं ।

एळकलोमधोवापनसिक्खापदं

१७. यो पन भिक्खु अज्जातिकाय भिक्खुनिया एळकलोमानि धोवापेय्य वा रजापेय्य वा विजटापेय्य वा, निस्सगियं पाचित्तियं ।

रूपियसिक्खापदं

१८. यो पन भिक्खु जातरूपरजतं उग्गण्हेय्य वा उग्गण्हापेय्य वा उपनिक्खित्तं वा सादियेय्य, निस्सगियं पाचित्तियं ।

रूपियसंवोहारसिक्खापदं

१९. यो पन भिक्खु नानप्पकारकं रूपियसंवोहारं समापज्जेय्य, निस्सगियं पाचित्तियं ।

कयविककयसिक्खापदं

२०. यो पन भिक्खु नानप्पकारकं कयविककयं समापज्जेय्य, निस्सगियं पाचित्तियं ।

कोसियवग्गो दुतियो ।

पत्तसिक्खापदं

२१. दसाहपरमं अतिरेकपत्तो धारेतब्बो, तं अतिक्कामयतो निस्सगियं पाचित्तियं ।

ऊनपच्चबन्धनसिक्खापदं

२२. यो पन भिक्खु ऊनपच्चबन्धनेन पत्तेन अज्जं नवं पत्तं चेतापेय्य, निस्सगियं पाचित्तियं । तेन भिक्खुना सो पत्तो भिक्खुपरिसाय निस्सज्जितब्बो, यो च तस्सा भिक्खुपरिसाय पत्तपरियन्तो, सो तस्स भिक्खुनो पदातब्बो “अयं ते भिक्खु पत्तो याव भेदनाय धारेतब्बो”ति, अयं तत्थ सामीचि ।

भेसज्जसिक्खापदं

२३. यानि खो पन तानि गिलानानं भिक्खून् पटिसायनीयानि भेसज्जानि, सेय्यथिदं — सपि नवनीतं तेलं मधु फाणितं, तानि पटिग्गहेत्वा सत्ताहपरमं सन्निधिकारकं परिभुज्जितब्बानि, तं अतिक्कामयतो निस्सगियं पाचित्तियं ।

वस्सिकसाटिकसिक्खापदं

२४. “मासो सेसो गिम्हान”न्ति भिक्खुना वस्सिकसाटिकचीवरं परियेसितब्बं, “अद्धमासो सेसो गिम्हान”न्ति कत्वा निवासेतब्बं । ओरेन चे “मासो सेसो गिम्हान”न्ति वस्सिकसाटिकचीवरं परियेसेय्य, ओरेन “अद्धमासो सेसो गिम्हान”न्ति कत्वा निवासेय्य, निस्सगियं पाचित्तियं ।

चीवरअच्छिन्दनसिक्खापदं

२५. यो पन भिक्खु भिक्खुस्स सामं चीवरं दत्वा कुपितो अनत्तमनो अच्छिन्देय्य वा अच्छिन्दापेय्य वा, निस्सगियं पाचित्तियं ।

सुत्तविज्जत्तिसिक्खापदं

२६. यो पन भिक्खु सामं सुत्तं विज्जापेत्वा तन्तवायेहि चीवरं वायापेय्य, निस्सगियं पाचित्तियं ।

महापेसकारसिक्खापदं

२७. भिक्खुं पनेव उद्दिस्स अज्जातको गहपति वा गहपतानी वा तन्तवायेहि चीवरं वायापेय्य, तत्र चे सो भिक्खु पुब्बे अप्पवारितो तन्तवाये उपसङ्कमित्वा चीवरे विकप्पं आपज्जेय्य “इदं खो, आवुसो, चीवरं मं उद्दिस्स विव्याति, आयतञ्च करोथ, वित्थतञ्च, अप्पितञ्च, सुवीतञ्च, सुप्पवायितञ्च, सुविलेखितञ्च, सुवितच्छितञ्च करोथ, अप्पेव नाम मयम्पि आयस्मन्तानं किञ्चिमत्तं अनुपदज्जेय्यामा”ति । एवञ्च सो भिक्खु वत्ता किञ्चिमत्तं अनुपदज्जेय्य अन्तमसो पिण्डपातमत्तम्पि, निस्सगियं पाचित्तियं ।

अच्चेकचीवरसिक्खापदं

२८. दसाहानागतं कत्तिकतेमासिकपुण्णमं भिक्खुनो पनेव अच्चेकचीवरं उपज्जेय्य, अच्चेकं मज्जमानेन भिक्खुना पटिग्गहेतब्बं, पटिग्गहेत्वा याव चीवरकालसमयं निक्खिपितब्बं । ततो चे उत्तरि निक्खिपेय्य, निस्सगियं पाचित्तियं ।

सासङ्कसिक्खापदं

२९. उपवस्सं खो पन कत्तिकपुण्णमं यानि खो पन तानि आरज्जकानि सेनासनानि सासङ्कसम्मत्तानि सप्पटिभयानि, तथारूपेसु भिक्खु सेनासनेसु विहरन्तो आकङ्कमानो तिण्णं चीवरानं अज्जतरं चीवरं अन्तरधरे निक्खिपेय्य, सिया च तस्स भिक्खुनो कोचिदेव पच्चयो तेन चीवरेन विष्णवासाय, छारत्तपरमं तेन भिक्खुना तेन चीवरेन विष्णवसितब्बं । ततो चे उत्तरि विष्णवसेय्य अज्जत्र भिक्खुसम्मत्तिया, निस्सगियं पाचित्तियं ।

परिणतसिक्खापदं

३०. यो पन भिक्खु जानं सङ्गिकं लाभं परिणतं अत्तनो परिणामेय्य, निस्सगियं पाचित्तियं ।

पत्तवग्गो ततियो ।

उद्दिष्टा खो आयस्मन्तो तिस निस्सगिया पाचित्तिया धम्मा । तत्थायस्मन्तो पुच्छामि, कच्चित्थ परिसुद्धा, दुतियम्पि पुच्छामि, कच्चित्थ परिसुद्धा, ततियम्पि पुच्छामि, कच्चित्थ परिसुद्धा, परिसुद्धेतथायस्मन्तो, तस्मा तुण्ही, एवमेतं धारयामीति ।

निस्सगियपाचित्तिया निड्डिता ।

सुद्धपाचित्तिया

इमे खो पनायस्मन्तो द्वेनवुति पाचित्तिया

धम्मा उद्देसं आगच्छन्ति ।

मुसावादसिक्खापदं

१. सम्पजानमुसावादे पाचित्तियं ।

ओमसवादसिक्खापदं

२. ओमसवादे पाचित्तियं ।

पेसुञ्जसिक्खापदं

३. भिक्खुपेसुञ्जे पाचित्तियं ।

पदसोधम्मसिक्खापदं

४. यो पन भिक्खु अनुपसम्पन्नं पदसो धम्मं वाचेय्य, पाचित्तियं ।

पठमसहसेय्यसिक्खापदं

५. यो पन भिक्खु अनुपसम्पन्नेन उत्तरिदिरत्तितरत्तं सहसेय्यं कप्पेय्य, पाचित्तियं ।

दुतियसहसेय्यसिक्खापदं

६. यो पन भिक्खु मातुगामेन सहसेय्यं कप्पेय्य, पाचित्तियं ।

धम्मदेसनासिक्खापदं

७. यो पन भिक्खु मातुगामस्स उत्तरिछप्पञ्चवाचाहि धम्मं देसेय्य अञ्जत्र विञ्जुना पुरिसविग्गहेन, पाचित्तियं ।

भूतारोचनसिक्खापदं

८. यो पन भिक्खु अनुपसम्पन्नस्स उत्तरिमनुस्सधम्मं आरोचेय्य, भूतस्मिं पाचित्तियं ।

दुड्डुल्लारोचनसिक्खापदं

९. यो पन भिक्खु भिक्खुस्स दुड्डुल्लं आपत्तिं अनुपसम्पन्नस्स आरोचेय्य अञ्जत्र भिक्खुसम्मुतिया, पाचित्तियं ।

पथवीखणनसिक्खापदं

१०. यो पन भिक्खु पथविं खणेय्य वा खणापेय्य वा पाचित्तियं ।

मुसावादवग्गो पठमो ।

भूतगामसिक्खापदं

११. भूतगामपातव्यताय पाचित्तियं ।

अञ्जवादकसिक्खापदं

१२. अञ्जवादके, विहेसके पाचित्तियं ।

उज्झापनकसिक्खापदं

१३. उज्झापनके, खियनके पाचित्तियं ।

पठमसेनासनसिक्खापदं

१४. यो पन भिक्खु सङ्घिकं मञ्चं वा पीठं वा भिसिं वा कोच्छं वा अज्झोकासे सन्थरित्वा वा सन्थरापेत्वा वा तं पक्कमन्तो नेव उद्धरेय्य, न उद्धरापेय्य, अनापुच्छं वा गच्छेय्य, पाचित्तियं ।

दुतियसेनासनसिक्खापदं

१५. यो पन भिक्खु सङ्घिके विहारे सेय्यं सन्थरित्वा वा सन्थरापेत्वा वा तं पक्कमन्तो नेव उद्धरेय्य, न उद्धरापेय्य, अनापुच्छं वा गच्छेय्य, पाचित्तियं ।

अनुपखज्जसिक्खापदं

१६. यो पन भिक्खु सङ्घिके विहारे जानं पुब्बुपगतं भिक्खुं अनुपखज्ज सेय्यं कप्पेय्य “यस्स सम्बाधो भविस्सति, सो पक्कमिस्सती”ति एतदेव पच्चयं करित्वा अनज्जं, पाचित्तियं ।

निककङ्कनसिक्खापदं

१७. यो पन भिक्खु भिक्खुं कुपितो अनत्तमनो सङ्घिका विहारा निककङ्कयेय्य वा निककङ्कापेय्य वा, पाचित्तियं ।

वेहासकुटिसिक्खापदं

१८. यो पन भिक्खु सङ्घिके विहारे उपरिवेहासकुटिया आहच्चपादकं मज्जं वा पीठं वा अभिनिसीदेय्य वा अभिनिपज्जेय्य वा, पाचित्तियं ।

महल्लकविहारसिक्खापदं

१९. महल्लकं पन भिक्खुना विहारं कारयमानेन याव द्वारकोसा अगगळट्टुपनाय आलोकसन्धिपरिकम्माय द्वत्तिच्छदनस्स परियायं अप्पहरिते ठितेन अधिङ्गातब्बं, ततो चे उत्तरि अप्पहरितेपि ठितो अधिङ्गहेय्य, पाचित्तियं ।

सप्पाणकसिक्खापदं

२०. यो पन भिक्खु जानं सप्पाणकं उदकं तिणं वा मत्तिकं वा सिञ्चेय्य वा सिञ्चापेय्य वा, पाचित्तियं ।

भूतगामवग्गो दुतियो ।

ओवादसिक्खापदं

२१. यो पन भिक्खु असम्मतो भिक्खुनियो ओवदेय्य, पाचित्तियं ।

अत्थङ्गतसिक्खापदं

२२. सम्मतोपि चे भिक्खु अत्थङ्गते सूरिये भिक्खुनियो ओवदेय्य, पाचित्तियं ।

भिक्खुनुपस्सयसिक्खापदं

२३. यो पन भिक्खु भिक्खुनुपस्सयं उपसङ्कमित्वा भिक्खुनियो ओवदेय्य अज्जत्र समया, पाचित्तियं । तत्थायं समयो, गिलाना होति भिक्खुनी, अयं तत्थ समयो ।

आमिससिक्खापदं

२४. यो पन भिक्खु एवं वदेय्य “आमिसहेतु थेरा भिक्खू भिक्खुनियो ओवदन्ती”ति, पाचित्तियं ।

चीवरदानसिक्खापदं

२५. यो पन भिक्खु अज्जातिकाय भिक्खुनिया चीवरं ददेय्य अज्जत्र पारिवत्तका, पाचित्तियं ।

चीवरसिब्बनसिक्खापदं

२६. यो पन भिक्खु अज्जातिकाय भिक्खुनिया चीवरं सिब्बेय्य वा सिब्बापेय्य वा, पाचित्तियं ।

संविधानसिक्खापदं

२७. यो पन भिक्खु भिक्खुनिया सङ्घि संविधाय एकङ्कानमगं पटिपज्जेय्य अन्तमसो गामन्तरम्पि अज्जत्र समया, पाचित्तियं । तत्थायं समयो, सत्थगमनीयो होति मग्गो, सासङ्कसम्मतो, सप्पटिभयो, अयं तत्थ समयो ।

नावाभिरुहनसिक्खापदं

२८. यो पन भिक्खु भिक्खुनिया सङ्घि संविधाय एकं नावं अभिरुहेय्य उद्धंगामिनिं वा अधोगामिनिं वा अज्जत्र तिरियं तरणाय, पाचित्तियं ।

परिपाचितसिक्खापदं

२९. यो पन भिक्खु जानं भिक्खुनिपरिपाचितं पिण्डपातं भुज्जेय्य अज्जत्र पुब्बे गिहिसमारम्भा, पाचित्तियं ।

रहोनिस्सज्जसिक्खापदं

३०. यो पन भिक्खु भिक्खुनिया सङ्घि एको एकाय रहो निस्सज्जं कप्पेय्य, पाचित्तियं ।

ओवादवग्गो ततियो ।

आवसथपिण्डसिक्खापदं

३१. अगिलानेन भिक्खुना एको आवसथपिण्डो भुञ्जितब्बो । ततो चे उत्तरि भुञ्जेय्य, पाचित्तियं ।

गणभोजनसिक्खापदं

३२. गणभोजने अञ्जत्र समया पाचित्तियं । तत्थायं समयो, गिलानसमयो, चीवरदानसमयो, चीवरकारसमयो, अद्धानगमनसमयो, नावाभिरुहनसमयो, महासमयो, समणभत्तसमयो, अयं तत्थ समयो ।

परम्परभोजनसिक्खापदं

३३. परम्परभोजने अञ्जत्र समया पाचित्तियं । तत्थायं समयो, गिलानसमयो, चीवरदानसमयो, चीवरकारसमयो, अयं तत्थ समयो ।

काणमातुसिक्खापदं

३४. भिक्खुं पनेव कुलं उपगतं पूवेहि वा मन्थेहि वा अभिहट्ठुं पवारेय्य, आकङ्खमानेन भिक्खुना द्वत्तिपत्तपूरा पटिग्गहेतब्बा । ततो चे उत्तरि पटिग्गण्हेय्य, पाचित्तियं । द्वत्तिपत्तपूरे पटिग्गहेत्वा ततो नीहरित्वा भिक्खूहि सङ्घिं संविभजितब्बं, अयं तत्थ सामीचि ।

पठमपवारणासिक्खापदं

३५. यो पन भिक्खु भुत्तावी पवारितो अनतिरित्तं खादनीयं वा भोजनीयं वा खादेय्य वा भुञ्जेय्य वा, पाचित्तियं ।

दुतियपवारणासिक्खापदं

३६. यो पन भिक्खु भिक्खुं भुत्ताविं पवारितं अनतिरित्तेन खादनीयेन वा भोजनीयेन वा अभिहट्ठुं पवारेय्य “हन्द भिक्खु खाद वा भुञ्ज वा”ति जानं आसादनापेक्खो, भुत्तस्मिं पाचित्तियं ।

विकालभोजनसिक्खापदं

३७. यो पन भिक्खु विकाले खादनीयं वा भोजनीयं वा खादेय्य वा भुञ्जेय्य वा, पाचित्तियं ।

सन्निधिकारकसिक्खापदं

३८. यो पन भिक्खु सन्निधिकारकं खादनीयं वा भोजनीयं वा खादेय्य वा भुञ्जेय्य वा, पाचित्तियं ।

पणीतभोजनसिक्खापदं

३९. यानि खो पन तानि पणीतभोजनानि, सेय्यथिदं — सप्पि, नवनीतं, तेलं, मधु, फाणितं, मच्छो, मंसं, खीरं, दधि । यो पन भिक्खु एवरूपानि पणीतभोजनानि अगिलानो अत्तनो अत्थाय विञ्जापेत्वा भुञ्जेय्य, पाचित्तियं ।

दन्तपोनसिक्खापदं

४०. यो पन भिक्खु अदिन्नं मुखद्वारं आहारं आहरेय्य अञ्जत्र उदकदन्तपोना, पाचित्तियं ।

भोजनवग्गो चतुत्थो ।

अचेलकसिक्खापदं

४१. यो पन भिक्खु अचेलकस्स वा परिब्बाजकस्स वा परिब्बाजिकाय वा सहत्था खादनीयं वा भोजनीयं वा ददेय्य, पाचित्तियं ।

उय्योजनसिक्खापदं

४२. यो पन भिक्खु भिक्खुं “एहावुसो, गामं वा निगमं वा पिण्डाय पविसिस्सामा”ति तस्स दापेत्वा वा अदापेत्वा वा उय्योजेय्य “गच्छावुसो, न मे तथा सङ्घि कथा वा निसज्जा वा फासु होती, एककस्स मे कथा वा निसज्जा वा फासु होती”ति एतदेव पच्चयं करित्वा अनञ्जं, पाचित्तियं ।

सभोजनसिक्खापदं

४३. यो पन भिक्खु सभोजने कुले अनुपखज्ज निसज्जं कप्पेय्य, पाचित्तियं ।

रहोपटिच्छन्नसिक्खापदं

४४. यो पन भिक्खु मातुगामेन सङ्घिं रहो पटिच्छन्ने आसने निसज्जं कप्पेय्य, पाचित्तियं ।

रहोनिसज्जसिक्खापदं

४५. यो पन भिक्खु मातुगामेन सङ्घिं एको एकाय रहो निसज्जं कप्पेय्य, पाचित्तियं ।

चारित्तसिक्खापदं

४६. यो पन भिक्खु निमन्तितो सभत्तो समानो सन्तं भिक्खुं अनापुच्छा पुरेभत्तं वा पच्छाभत्तं वा कुत्सेसु चारित्तं आपज्जेय्य अज्जत्र समया, पाचित्तियं । तत्थायं समयो, चीवरदानसमयो, चीवरकारसमयो, अयं तत्थ समयो ।

महानामसिक्खापदं

४७. अगिलानेन भिक्खुना चतुमासप्यच्चयपवारणा सादितब्बा अज्जत्र पुनपवारणाय, अज्जत्र निच्चपवारणाय । ततो चे उत्तरि सादियेय्य, पाचित्तियं ।

उय्युत्तसेनासिक्खापदं

४८. यो पन भिक्खु उय्युत्तं सेनं दस्सनाय गच्छेय्य अज्जत्र तथारूपप्यच्चया, पाचित्तियं ।

सेनावासिक्खापदं

४९. सिया च तस्स भिक्खुनो कोचिदेव पच्चयो सेनं गमनाय, दिरत्तितरत्तं तेन भिक्खुना सेनाय वसितब्बं । ततो चे उत्तरि वसेय्य, पाचित्तियं ।

उय्योधिकसिक्खापदं

५०. दिरत्तितरत्तं चे भिक्खु सेनाय वसमानो उय्योधिकं वा बलगं वा सेनाव्यूहं वा अनीकदस्सनं वा गच्छेय्य, पाचित्तियं ।

अचेलकवग्गो पञ्चमो ।

सुरापानसिक्खापदं

५१. सुरामेरयपाने पाचित्तियं ।

अङ्गुलिपतोदकसिक्खापदं

५२. अङ्गुलिपतोदके पाचित्तियं ।

हसधम्मसिक्खापदं

५३. उदके हसधम्मे पाचित्तियं ।

अनादरियसिक्खापदं

५४. अनादरिये पाचित्तियं ।

भिसापनसिक्खापदं

५५. यो पन भिक्खु भिक्खुं भिसापेय्य, पाचित्तियं ।

जोतिसिक्खापदं

५६. यो पन भिक्खु अगिलानो विसिब्बनापेक्खो जोतिं समादहेय्य वा समादहापेय्य वा अज्जत्र तथारूपप्यच्चया, पाचित्तियं ।

नहानसिक्खापदं

५७. यो पन भिक्खु ओरेनद्धमासं नहायेय्य अज्जत्र समया, पाचित्तियं । तत्थायं समयो “दियङ्गो मासो सेसो गिम्हान”न्ति “वस्सानस्स पठमो मासो” इच्चेते अङ्गुतेय्यमासा उण्हसमयो, परिळाहसमयो, गिलानसमयो, कम्मसमयो, अङ्गानगमनसमयो, वातवुट्टिसमयो, अयं तत्थ समयो ।

दुब्बण्णकरणसिक्खापदं

५८. नवं पन भिक्खुना चीवरलाभेन तिण्णं दुब्बण्णकरणानं अज्जतरं दुब्बण्णकरणं आदातब्बं नीलं वा कदमं वा काळसामं वा । अनादा चे भिक्खु तिण्णं दुब्बण्णकरणानं अज्जतरं दुब्बण्णकरणं नवं चीवरं परिभुज्जेय्य, पाचित्तियं ।

विकप्पनसिक्खापदं

५९. यो पन भिक्खु भिक्खुस्स वा भिक्खुनिया वा सिक्खमानाय वा सामणेरस्स वा सामणेरिया वा सामं चीवरं विकप्पेत्वा अप्पच्चुद्धारणं परिभुज्जेय्य, पाचित्तियं ।

अपनिधानसिक्खापदं

६०. यो पन भिक्खु भिक्खुस्स पत्तं वा चीवरं वा निसीदनं वा सूचिघरं वा कायबन्धनं वा अपनिधेय्य वा अपनिधापेय्य वा अन्तमसो हसापेक्खोपि, पाचित्तियं ।

सुरापानवग्गो छट्ठो ।

सञ्चिच्चसिक्खापदं

६१. यो पन भिक्खु सञ्चिच्च पाणं जीविता वोरपेय्य, पाचित्तियं ।

सप्पाणकसिक्खापदं

६२. यो पन भिक्खु जानं सप्पाणकं उदकं परिभुज्जेय्य, पाचित्तियं ।

उक्कोटनसिक्खापदं

६३. यो पन भिक्खु जानं यथाधम्मं निहताधिकरणं पुनकम्माय उक्कोटेय्य, पाचित्तियं ।

दुड्डुल्लसिक्खापदं

६४. यो पन भिक्खु भिक्खुस्स जानं दुड्डुल्लं आपत्तिं पटिच्छादेय्य, पाचित्तियं ।

ऊनवीसतिवस्ससिक्खापदं

६५. यो पन भिक्खु जानं ऊनवीसतिवस्सं पुगलं उपसम्मादेय्य, सो च पुगलो अनुपसम्पन्नो, ते च भिक्खू गारहा, इदं तस्मिं पाचित्तियं ।

थेय्यसत्यसिक्खापदं

६६. यो पन भिक्खु जानं थेय्यसत्येन सद्धिं संविधाय एकद्धानमग्गं पटिपज्जेय्य अन्तमसो गामन्तरम्मि, पाचित्तियं ।

संविधानसिक्खापदं

६७. यो पन भिक्खु मातुगामेन सद्धिं संविधाय एकद्धानमग्गं पटिपज्जेय्य अन्तमसो गामन्तरम्मि, पाचित्तियं ।

अरिद्धसिक्खापदं

६८. यो पन भिक्खु एवं वदेय्य ‘‘तथाहं भगवता धम्मं देसितं आजानामि, यथा येमे अन्तरायिका धम्मा वुत्ता भगवता, ते पटिसेवतो नालं अन्तरायाया’’ति, सो भिक्खु भिक्खूहि एवमस्स वचनीयो ‘‘मायस्मा एवं अवच, मा भगवन्तं अब्भाचिक्खि, न हि साधु भगवतो अब्भक्खानं, न हि भगवा एवं वदेय्य, अनेकपरियायेनावुसो अन्तरायिका धम्मा अन्तरायिका वुत्ता भगवता, अलञ्च पन ते पटिसेवतो अन्तरायाया’’ति । एवञ्च सो भिक्खु भिक्खूहि वुच्चमानो तथेव पगणहेय्य, सो भिक्खु भिक्खूहि यावततियं समनुभासितब्बो तस्स पटिनिस्सग्गाय । यावततियञ्चे समनुभासियमानो तं पटिनिस्सज्जेय्य, इच्चेतं कुसलं । नो चे पटिनिस्सज्जेय्य, पाचित्तियं ।

उक्खित्तसम्भोगसिक्खापदं

६९. यो पन भिक्खु जानं तथावादिना भिक्खुना अकटानुधम्मेन तं दिद्धिं अप्पटिनिस्सट्ठेन सद्धिं सम्भुज्जेय्य वा, संवसेय्य वा, सह वा सेय्यं कपेय्य, पाचित्तियं ।

कण्टकसिक्खापदं

७०. समणुद्देसोपि चे एवं वदेय्य ‘‘तथाहं भगवता धम्मं देसितं आजानामि, यथा येमे अन्तरायिका धम्मा वुत्ता भगवता, ते पटिसेवतो नालं अन्तरायाया’’ति, सो समणुद्देसो भिक्खूहि एवमस्स वचनीयो ‘‘मावुसो, समणुद्देस एवं अवच, मा भगवन्तं अब्भाचिक्खि, न हि साधु भगवतो अब्भक्खानं, न हि भगवा एवं वदेय्य, अनेकपरियायेनावुसो, समणुद्देस अन्तरायिका धम्मा अन्तरायिका वुत्ता भगवता, अलञ्च पन ते पटिसेवतो अन्तरायाया’’ति, एवञ्च सो समणुद्देसो भिक्खूहि वुच्चमानो तथेव पगणहेय्य, सो समणुद्देसो भिक्खूहि एवमस्स वचनीयो ‘‘अज्जतग्गे ते, आवुसो, समणुद्देस न चेव सो भगवा सत्था अपदिसितब्बो, यम्पि चज्जे समणुद्देसा लभन्ति भिक्खूहि सद्धिं दिरत्तितरत्तं सहसेय्यं, सापि ते नत्थि, चर पिरे, विनस्सा’’ति । यो पन भिक्खु जानं तथानासितं समणुद्देसं उपलापेय्य वा, उपट्ठापेय्य वा, सम्भुज्जेय्य वा, सह वा सेय्यं कपेय्य, पाचित्तियं ।

सप्पाणकवग्गो सत्तमो ।

सहधम्मिकसिक्खापदं

७१. यो पन भिक्खु भिक्खूहि सहधम्मिकं वुच्चमानो एवं वदेय्य ‘‘न तावाहं, आवुसो, एतस्मिं सिक्खापदे सिक्खिस्सामि, याव न अज्जं भिक्खुं ब्यत्तं विनयधरं परिपुच्छामी’’ति, पाचित्तियं । सिक्खमानेन, भिक्खवे, भिक्खुना अज्जातब्बं परिपुच्छित्तब्बं परिपज्जितत्बं, अयं तत्थ सामीचि ।

विलेखनसिक्खापदं

७२. यो पन भिक्खु पातिमोक्खे उद्दिस्समाने एवं वदेय्य ‘‘किं पनिमेहि ख्हुद्वानुखुद्देहि सिक्खापदेहि उद्दिट्ठेहि, यावदेव कुक्कुच्चाय विहेसाय विलेखाय संवत्तन्ती’’ति, सिक्खापदविवण्णके पाचित्तियं ।

मोहनसिक्खापदं

७३. यो पन भिक्खु अन्वद्धमासं पातिमोक्खे उद्दिस्समाने एवं वदेय्य ‘‘इद्वानेव खो अहं जानामि, अयम्पि किर धम्मो सुत्तागतो सुत्तपरियापन्नो अन्वद्धमासं उद्देसं आगच्छती’’ति । तज्जे भिक्खुं अज्जे भिक्खू जानेय्युं निसिन्नपुब्बं इमिना भिक्खुना इत्तिकखत्तुं पातिमोक्खे उद्दिस्समाने, को पन वादो भिय्यो, न च तस्स भिक्खुनो अज्जाणकेन मुत्ति अत्थि, यज्ज तत्थ आपत्तिं आपन्नो, तज्ज यथाधम्मो कारेतब्बो, उत्तरि चस्स मोहो आरोपेतब्बो ‘‘तस्स ते, आवुसो, अलाभा, तस्स ते दुल्लङ्गं, यं त्वं पातिमोक्खे उद्दिस्समानेन साधुकं अड्ढिं कत्वा मनसि करोसी’’ति, इदं तस्मिं मोहनके पाचित्तियं ।

पहारसिक्खापदं

७४. यो पन भिक्खु भिक्खुस्स कुपितो अनत्तमनो पहारं ददेय्य, पाचित्तियं ।

तलसत्तिकसिक्खापदं

७५. यो पन भिक्खु भिक्खुस्स कुपितो अनत्तमनो तलसत्तिकं उगिरेय्य, पाचित्तियं ।

अमूलकसिक्खापदं

७६. यो पन भिक्खु भिक्खुं अमूलकेन सङ्गादिसेसेन अनुद्धंसेय्य, पाचित्तियं ।

सञ्चिच्चसिक्खापदं

७७. यो पन भिक्खु भिक्खुस्स सञ्चिच्च कुक्कुच्चं उपदहेय्य “इतिस्स मुहुत्तम्पि अफासु भविस्सती”ति एतदेव पच्चयं करित्वा अनञ्जं, पाचित्तियं ।

उपस्सुतिसिक्खापदं

७८. यो पन भिक्खु भिक्खुं भण्डनजातानं कलहजातानं विवादापन्नानं उपस्सुतिं तिट्ठेय्य “यं इमे भणिस्सन्ति, तं सोस्सामी”ति एतदेव पच्चयं करित्वा अनञ्जं, पाचित्तियं ।

कम्मप्पटिबाहनसिक्खापदं

७९. यो पन भिक्खु धम्मिकानं कम्मानं छन्दं दत्त्वा पच्छा खीयनधम्मं आपज्जेय्य, पाचित्तियं ।

छन्दं अदत्त्वागमनसिक्खापदं

८०. यो पन भिक्खु सङ्गे विनिच्छयकथाय वत्तमानाय छन्दं अदत्त्वा उट्ठायासना पक्कमेय्य, पाचित्तियं ।

दुब्बलसिक्खापदं

८१. यो पन भिक्खु समग्गेन सङ्गेन चीवरं दत्त्वा पच्छा खीयनधम्मं आपज्जेय्य “यथासन्धुतं भिक्खू सङ्घिकं लाभं परिणामेन्ती”ति, पाचित्तियं ।

परिणामनसिक्खापदं

८२. यो पन भिक्खु जानं सङ्घिकं लाभं परिणतं पुगलस्स परिणामेय्य, पाचित्तियं ।

सहधम्मिकवग्गो अट्टमो ।

अन्तेपुरसिक्खापदं

८३. यो पन भिक्खु रञ्जो खत्तिस्स मुद्धाभिसित्तस्स अनिक्खन्तराजके अनिग्गततरनके पुब्बे अप्पटिसंविदितो इन्दखीलं अतिक्कामेय्य, पाचित्तियं ।

रतनसिक्खापदं

८४. यो पन भिक्खु रतनं वा रतनसम्मतं वा अञ्जत्र अञ्जारामा वा अञ्जावसथा वा उग्गणहेय्य वा उग्गणहापेय्य वा, पाचित्तियं । रतनं वा पन भिक्खुना रतनसम्मतं वा अञ्जारामे वा अञ्जावसथे वा उग्गहेत्त्वा वा उग्गहापेत्त्वा वा निक्खिपितब्बं “यस्स भविस्सति, सो हरिस्सती”ति, अयं तत्थ सामीचि ।

विकालगामप्पवेसनसिक्खापदं

८५. यो पन भिक्खु सन्तं भिक्खुं अनापुच्छाविकाले गामं पविसेय्य अञ्जत्र तथारूपा अच्चायिका करणीया, पाचित्तियं ।

सूचिघरसिक्खापदं

८६. यो पन भिक्खु अट्टिमयं वा दन्तमयं वा विसाणमयं वा सूचिघरं कारापेय्य, भेदनकं पाचित्तियं ।

मञ्चपीठसिक्खापदं

८७. नवं पन भिक्खुना मञ्चं वा पीठं वा कारयमानेन अट्ठङ्गुलपादकं कारेतब्बं सुगतङ्गुलेन अञ्जत्र हेट्ठिमाय अट्ठिमाय । तं अतिक्कामयतो छेदनकं पाचित्तियं ।

तूलोनद्धसिक्खापदं

८८. यो पन भिक्खु मञ्चं वा पीठं वा तूलोनद्धं कारापेय्य, उद्दालनकं पाचित्तियं ।

निसीदनसिक्खापदं

८९. निसीदनं पन भिक्खुना कारयमानेन पमाणिकं कारेतब्बं, तत्रिदं पमाणं, दीघसो द्वे विदत्थियो सुगतविदत्थिया, तिरियं दियङ्गुं, दसा विदत्थि । तं अतिक्कामयतो छेदनकं पाचित्तियं ।

कण्डुप्पटिच्छादिसिक्खापदं

९०. कण्डुप्पटिच्छादिं पन भिक्खुना कारयमानेन पमाणिका कारेतब्बा, तत्रिदं पमाणं, दीघसो चतस्सो विदत्थियो सुगतविदत्थिया, तिरियं द्वे विदत्थियो । तं अतिक्कामयतो छेदनकं पाचित्तियं ।

वस्सिकसाटिकसिक्खापदं

११. वस्सिकसाटिकं पन भिक्खुना कारयमानेन पमाणिका कारेतब्बा, तत्रिदं पमाणं, दीघसो छ विदत्थियो सुगतविदत्थिया, तिरियं अट्ठतेय्या। तं अतिककामयतो छेदनकं पाचित्तियं।

नन्दसिक्खापदं

१२. यो पन भिक्खु सुगतचीवरप्पमाणं चीवरं कारापेय्य, अतिरेकं वा, छेदनकं पाचित्तियं। तत्रिदं सुगतस्स सुगतचीवरप्पमाणं, दीघसो नव विदत्थियो सुगतविदत्थिया, तिरियं छ विदत्थियो, इदं सुगतस्स सुगतचीवरप्पमाणन्ति।

रतनवग्गो नवमो।

उद्दिट्ठा खो आयस्मन्तो द्वेनवुति पाचित्तिया धम्मा। तत्थायस्मन्ते पुच्छामि, कच्चित्थ परिसुद्धा, दुतियम्पि पुच्छामि, कच्चित्थ परिसुद्धा, ततियम्पि पुच्छामि, कच्चित्थ परिसुद्धा, परिसुद्धेतथायस्मन्तो, तस्मा तुण्ही, एवमेतं धारयामीति।

पाचित्तिया निट्ठिता।

पाटिदेसनीया

इमे खो पनायस्मन्तो चत्तारो पाटिदेसनीया

धम्मा उद्देसं आगच्छन्ति।

पठमपाटिदेसनीयसिक्खापदं

१. यो पन भिक्खु अज्जातिकाय भिक्खुनिया अन्तरघरं पविट्ठाय हत्थतो खादनीयं वा भोजनीयं वा सहत्था पटिग्गहेत्वा खादेय्य वा भुज्जेय्य वा, पटिदेसेतब्बं तेन भिक्खुना “गारहं, आवुसो, धम्मं आपज्जिं असप्पायं पाटिदेसनीयं, तं पटिदेसेमी”ति।

दुतियपाटिदेसनीयसिक्खापदं

२. भिक्खू पनेव कुलेसु निमन्तिता भुज्जन्ति, तत्र चे सा भिक्खुनी वोसासमानरूपा ठिता होति “इध सूपं देथ, इध ओदनं देथा”ति। तेहि भिक्खूहि सा भिक्खुनी अपसादेतब्बा “अपसक्क ताव भगिनि, याव भिक्खू भुज्जन्ती”ति। एकस्सपि चे भिक्खुनो न पटिभासेय्य तं भिक्खुनिं अपसादेतुं “अपसक्क ताव भगिनि, याव भिक्खू भुज्जन्ती”ति, पटिदेसेतब्बं तेहि भिक्खूहि “गारहं, आवुसो, धम्मं आपज्जिं असप्पायं पाटिदेसनीयं, तं पटिदेसेमी”ति।

ततियपाटिदेसनीयसिक्खापदं

३. यानि खो पन तानि सेक्खसम्मत्तानि कुलानि, यो पन भिक्खु तथारूपेसु सेक्खसम्मतेसु कुलेसु पुब्बे अनिमन्तितो अगिलानो खादनीयं वा, भोजनीयं वा सहत्था पटिग्गहेत्वा खादेय्य वा, भुज्जेय्य वा, पटिदेसेतब्बं तेन भिक्खुना “गारहं, आवुसो, धम्मं आपज्जिं असप्पायं पाटिदेसनीयं, तं पटिदेसेमी”ति।

चतुत्थपाटिदेसनीयसिक्खापदं

४. यानि खो पन तानि आरज्जकानि सेनासनानि सासङ्कसम्मत्तानि सप्पटिभयानि, यो पन भिक्खु तथारूपेसु सेनासनेसु पुब्बे अप्पटिसंविदितं खादनीयं वा, भोजनीयं वा अज्झारामे सहत्था पटिग्गहेत्वा अगिलानो खादेय्य वा, भुज्जेय्य वा, पटिदेसेतब्बं तेन भिक्खुना “गारहं, आवुसो, धम्मं आपज्जिं असप्पायं पाटिदेसनीयं, तं पटिदेसेमी”ति।

उद्दिट्ठा खो आयस्मन्तो चत्तारो पाटिदेसनीया धम्मा। तत्थायस्मन्ते पुच्छामि, कच्चित्थ परिसुद्धा, दुतियम्पि पुच्छामि, कच्चित्थ परिसुद्धा, ततियम्पि पुच्छामि, कच्चित्थ परिसुद्धा, परिसुद्धेतथायस्मन्तो, तस्मा तुण्ही, एवमेतं धारयामीति।

पाटिदेसनीया निट्ठिता।

सेखिया

इमे खो पनायस्मन्तो सेखिया धम्मा उद्देसं आगच्छन्ति।

परिमण्डलसिक्खापदं

१. परिमण्डलं निवासेस्सामीति सिक्खा करणीया।

२. परिमण्डलं पारुपिस्सामीति सिक्खा करणीया।

सुप्पटिच्छन्नसिक्खापदं

३. सुप्पटिच्छन्नो अन्तरघरे गमिस्सामीति सिक्खा करणीया।

४. सुप्पटिच्छन्नो अन्तरघरे निसीदिस्सामीति सिक्खा करणीया।

सुसंवुतसिक्खापदं

५. सुसंवुतो अन्तरघरे गमिस्सामीति सिक्खा करणीया।

६. सुसंवृतो अन्तरघरे निसीदिस्सामीति सिक्खा करणीया ।

ओक्खित्तचक्खुसिक्खापदं

७. ओक्खित्तचक्खु अन्तरघरे गमिस्सामीति सिक्खा करणीया ।

८. ओक्खित्तचक्खु अन्तरघरे निसीदिस्सामीति सिक्खा करणीया ।

उक्खित्तकसिक्खापदं

९. न उक्खित्तकाय अन्तरघरे गमिस्सामीति सिक्खा करणीया ।

१०. न उक्खित्तकाय अन्तरघरे निसीदिस्सामीति सिक्खा करणीया ।

परिमण्डलवग्गो पठमो ।

उज्जग्घिकसिक्खापदं

११. न उज्जग्घिकाय अन्तरघरे गमिस्सामीति सिक्खा करणीया ।

१२. न उज्जग्घिकाय अन्तरघरे निसीदिस्सामीति सिक्खा करणीया ।

उच्चसद्दसिक्खापदं

१३. अप्पसद्दो अन्तरघरे गमिस्सामीति सिक्खा करणीया ।

१४. अप्पसद्दो अन्तरघरे निसीदिस्सामीति सिक्खा करणीया ।

कायप्पचालकसिक्खापदं

१५. न कायप्पचालकं अन्तरघरे गमिस्सामीति सिक्खा करणीया ।

१६. न कायप्पचालकं अन्तरघरे निसीदिस्सामीति सिक्खा करणीया ।

बाहुप्पचालकसिक्खापदं

१७. न बाहुप्पचालकं अन्तरघरे गमिस्सामीति सिक्खा करणीया ।

१८. न बाहुप्पचालकं अन्तरघरे निसीदिस्सामीति सिक्खा करणीया ।

सीसप्पचालकसिक्खापदं

१९. न सीसप्पचालकं अन्तरघरे गमिस्सामीति सिक्खा करणीया ।

२०. न सीसप्पचालकं अन्तरघरे निसीदिस्सामीति सिक्खा करणीया ।

उज्जग्घिकवग्गो दुतियो ।

खम्भकतसिक्खापदं

२१. न खम्भकतो अन्तरघरे गमिस्सामीति सिक्खा करणीया ।

२२. न खम्भकतो अन्तरघरे निसीदिस्सामीति सिक्खा करणीया ।

ओगुण्ठितसिक्खापदं

२३. न ओगुण्ठितो अन्तरघरे गमिस्सामीति सिक्खा करणीया ।

२४. न ओगुण्ठितो अन्तरघरे निसीदिस्सामीति सिक्खा करणीया ।

उक्कुटिकसिक्खापदं

२५. न उक्कुटिकाय अन्तरघरे गमिस्सामीति सिक्खा करणीया ।

पल्लत्थिकसिक्खापदं

२६. न पल्लत्थिकाय अन्तरघरे निसीदिस्सामीति सिक्खा करणीया ।

- सककच्चपटिग्गहणसिक्खापदं
३७. सककच्चं पिण्डपातं पटिग्गहेस्सामीति सिक्खा करणीया ।
- पत्तसञ्जीपटिग्गहणसिक्खापदं
३८. पत्तसञ्जी पिण्डपातं पटिग्गहेस्सामीति सिक्खा करणीया ।
- समसूपकपटिग्गहणसिक्खापदं
३९. समसूपकं पिण्डपातं पटिग्गहेस्सामीति सिक्खा करणीया ।
- समतित्तिकसिक्खापदं
३०. समतित्तिकं पिण्डपातं पटिग्गहेस्सामीति सिक्खा करणीया ।
- खम्भकतवग्गो ततियो ।
- सककच्चभुज्जनसिक्खापदं
३१. सककच्चं पिण्डपातं भुज्जिस्सामीति सिक्खा करणीया ।
- पत्तसञ्जीभुज्जनसिक्खापदं
३२. पत्तसञ्जी पिण्डपातं भुज्जिस्सामीति सिक्खा करणीया ।
- सपदानसिक्खापदं
३३. सपदानं पिण्डपातं भुज्जिस्सामीति सिक्खा करणीया ।
- समसूपकसिक्खापदं
३४. समसूपकं पिण्डपातं भुज्जिस्सामीति सिक्खा करणीया ।
- नथूपकतसिक्खापदं
३५. न थूपकतो ओमहित्वा पिण्डपातं भुज्जिस्सामीति सिक्खा करणीया ।
- ओदनप्पटिच्छादनसिक्खापदं
३६. न सूपं वा ब्यञ्जनं वा ओदनेन पटिच्छादेस्सामि भिय्योक्कम्यतं उपादायाति सिक्खा करणीया ।
- सूपोदनविज्जत्तिसिक्खापदं
३७. न सूपं वा ओदनं वा अगिलानो अत्तनो अत्थाय विज्जापेत्वा भुज्जिस्सामीति सिक्खा करणीया ।
- उज्झानसञ्जीसिक्खापदं
३८. न उज्झानसञ्जी परेसं पत्तं ओलोकेस्सामीति सिक्खा करणीया ।
- कबळसिक्खापदं
३९. नातिमहन्तं कबळं करिस्सामीति सिक्खा करणीया ।
- आलोपसिक्खापदं
४०. परिमण्डलं आलोपं करिस्सामीति सिक्खा करणीया ।
- सककच्चवग्गो चतुत्थो ।
- अनाहटसिक्खापदं
४१. न अनाहटे कबळे मुखद्वारं विवरिस्सामीति सिक्खा करणीया ।
- भुज्जमानसिक्खापदं
४२. न भुज्जमानो सब्बहत्थं मुखे पक्खिपिस्सामीति सिक्खा करणीया ।

- सकबळसिक्खापदं
४३. न सकबळेन मुखेन ब्याहरिस्सामीति सिक्खा करणीया ।
- पिण्डुक्खेपकसिक्खापदं
४४. न पिण्डुक्खेपकं भुज्जिस्सामीति सिक्खा करणीया ।
- कबळावच्छेदकसिक्खापदं
४५. न कबळावच्छेदकं भुज्जिस्सामीति सिक्खा करणीया ।
- अवगण्डकारकसिक्खापदं
४६. न अवगण्डकारकं भुज्जिस्सामीति सिक्खा करणीया ।
- हत्थनिद्धुनकसिक्खापदं
४७. न हत्थनिद्धुनकं भुज्जिस्सामीति सिक्खा करणीया ।
- सित्थावकारकसिक्खापदं
४८. न सित्थावकारकं भुज्जिस्सामीति सिक्खा करणीया ।
- जिह्वानिच्छारकसिक्खापदं
४९. न जिह्वानिच्छारकं भुज्जिस्सामीति सिक्खा करणीया ।
- चपुचपुकारकसिक्खापदं
५०. न चपुचपुकारकं भुज्जिस्सामीति सिक्खा करणीया ।
- कबळवग्गो पञ्चमो ।
- सुरुसुरुकारकसिक्खापदं
५१. न सुरुसुरुकारकं भुज्जिस्सामीति सिक्खा करणीया ।
- हत्थनिल्लेहकसिक्खापदं
५२. न हत्थनिल्लेहकं भुज्जिस्सामीति सिक्खा करणीया ।
- पत्तनिल्लेहकसिक्खापदं
५३. न पत्तनिल्लेहकं भुज्जिस्सामीति सिक्खा करणीया ।
- ओडुनिल्लेहकसिक्खापदं
५४. न ओडुनिल्लेहकं भुज्जिस्सामीति सिक्खा करणीया ।
- सामिसिक्खापदं
५५. न सामिसेन हत्थेन पानीयथालकं पटिग्गहेस्सामीति सिक्खा करणीया ।
- ससित्थकसिक्खापदं
५६. न ससित्थकं पत्तधोवनं अन्तरघरे छट्ठेस्सामीति सिक्खा करणीया ।
- छत्तपाणिसिक्खापदं
५७. न छत्तपाणिस्स अगिलानस्स धम्मं देसेस्सामीति सिक्खा करणीया ।
- दण्डपाणिसिक्खापदं
५८. न दण्डपाणिस्स अगिलानस्स धम्मं देसेस्सामीति सिक्खा करणीया ।
- सत्थपाणिसिक्खापदं

५९. न सत्यपाणिस्स अगिलानस्स धम्मं देसेस्सामीति सिक्खा करणीया ।
आवुधपाणिसिक्खापदं
६०. न आवुधपाणिस्स अगिलानस्स धम्मं देसेस्सामीति सिक्खा करणीया ।
सुरुसुरुवगो छट्ठो ।
पादुक्सिक्खापदं
६१. न पादुकारुहस्स अगिलानस्स धम्मं देसेस्सामीति सिक्खा करणीया ।
उपाहनसिक्खापदं
६२. न उपाहनारुहस्स अगिलानस्स धम्मं देसेस्सामीति सिक्खा करणीया ।
यानसिक्खापदं
६३. न यानगतस्स अगिलानस्स धम्मं देसेस्सामीति सिक्खा करणीया ।
सयनसिक्खापदं
६४. न सयनगतस्स अगिलानस्स धम्मं देसेस्सामीति सिक्खा करणीया ।
पल्लत्थिकसिक्खापदं
६५. न पल्लत्थिकाय निसिन्नस्स अगिलानस्स धम्मं देसेस्सामीति सिक्खा करणीया ।
वेठितसिक्खापदं
६६. न वेठितसीस्स अगिलानस्स धम्मं देसेस्सामीति सिक्खा करणीया ।
ओगुण्ठितसिक्खापदं
६७. न ओगुण्ठितसीस्स अगिलानस्स धम्मं देसेस्सामीति सिक्खा करणीया ।
छमासिक्खापदं
६८. न छमायं निसीदित्वा आसने निसिन्नस्स अगिलानस्स धम्मं देसेस्सामीति सिक्खा करणीया ।
नीचासनसिक्खापदं
६९. न नीचे आसने निसीदित्वा उच्चे आसने निसिन्नस्स अगिलानस्स धम्मं देसेस्सामीति सिक्खा करणीया ।
ठितसिक्खापदं
७०. न ठितो निसिन्नस्स अगिलानस्स धम्मं देसेस्सामीति सिक्खा करणीया ।
पच्छतो गमनसिक्खापदं
७१. न पच्छतो गच्छन्तो पुरतो गच्छन्तस्स अगिलानस्स धम्मं देसेस्सामीति सिक्खा करणीया ।
उप्पथेन गमनसिक्खापदं
७२. न उप्पथेन गच्छन्तो पथेन गच्छन्तस्स अगिलानस्स धम्मं देसेस्सामीति सिक्खा करणीया ।
ठितो उच्चारसिक्खापदं
७३. न ठितो अगिलानो उच्चारं वा पस्सावं वा करिस्सामीति सिक्खा करणीया ।
हरिते उच्चारसिक्खापदं
७४. न हरिते अगिलानो उच्चारं वा पस्सावं वा खेळं वा करिस्सामीति सिक्खा करणीया ।
उदके उच्चारसिक्खापदं
७५. न उदके अगिलानो उच्चारं वा पस्सावं वा खेळं वा करिस्सामीति सिक्खा करणीया ।

पादुकवग्गो सत्तमो ।

उद्दिट्ठा खो आयस्मन्तो सेखिया धम्मा । तत्थायस्मन्ते पुच्छामि, कच्चित्थ परिसुद्धा, दुतियम्पि पुच्छामि, कच्चित्थ परिसुद्धा, ततियम्पि पुच्छामि, कच्चित्थ परिसुद्धा, परिसुद्धेतथायस्मन्तो, तस्मा तुण्ही, एवमेतं धारयामीति ।

सेखिया निट्ठिता ।

अधिकरणसमथा

इमे खो पनायस्मन्तो सत्त अधिकरणसमथा

धम्मा उद्देसं आगच्छन्ति ।

उप्पन्नुप्पन्नानं अधिकरणानं समथाय वूपसमाय सम्मुखविनयो दातब्बो ।

सतिविनयो दातब्बो ।

अमूळहविनयो दातब्बो ।

पटिज्जाय कारेतब्बं ।

येभ्य्यसिका ।

तस्सपापियसिका ।

तिणवत्थारकोति ।

उद्दिट्ठा खो आयस्मन्तो सत्त अधिकरणसमथा धम्मा । तत्थायस्मन्ते, पुच्छामि कच्चित्थ परिसुद्धा, दुतियम्पि पुच्छामि, कच्चित्थ परिसुद्धा, ततियम्पि पुच्छामि, कच्चित्थ परिसुद्धा, परिसुद्धेतथायस्मन्तो, तस्मा तुण्ही, एवमेतं धारयामीति ।

अधिकरणसमथा निट्ठिता ।

उद्दिट्ठं खो आयस्मन्तो निदानं,

उद्दिट्ठा चत्तारो पाराजिका धम्मा,

उद्दिट्ठा तेरस सङ्गादिसेसा धम्मा,

उद्दिट्ठा द्वे अनियता धम्मा,

उद्दिट्ठा तिस निस्सगिया पाचिचित्ति धम्मा,

उद्दिट्ठा द्वेनवुत्ति पाचिचित्ति धम्मा,

उद्दिट्ठा चत्तारो पाटिदेसनीया धम्मा,

उद्दिट्ठा सेखिया धम्मा,

उद्दिट्ठा सत्त अधिकरणसमथा धम्मा, एतकं तस्स भगवतो सुत्तागतं सुत्तपरियापन्नं अन्वद्धमासं उद्देसं आगच्छति, तत्थ सब्बेहेव समग्गेहि सम्मोदमानेहि अविवदमानेहि सिक्खितब्बन्ति ।

वित्थारुद्देसो पञ्चमो ।

भिक्षुपातिमोक्खं निट्ठितं ।

॥ नमो तस्स भगवतो अरहतो सम्मासम्बुद्धस्स ॥

भिक्षुनीपातिमोक्खपाळि

पुब्बकरणं-४

सम्मज्जनी पदीपो च, उदकं आसनेन च ।

उपोसथस्स एतानि, “पुब्बकरणं”न्ति वुच्चति ॥

पुब्बकिच्चं-५

छन्द, पारिसुद्धि, उत्तुक्खानं, भिक्षुनिगणना च ओवादो ।

उपोसथस्स एतानि, “पुब्बकिच्चं”न्ति वुच्चति ॥

पत्तकल्लअङ्गा-४

उपोसथो, यावतिका च भिक्खुनी कम्मपत्ता ।
सभागापत्तियो च न विज्जन्ति ।
वज्जनीया च पुग्गला तस्मिं न होन्ति, “पत्तकल्ल”न्ति वुच्चति ॥

पुब्बकरणपुब्बकिच्चाणि समापेत्वा देसितापत्तिकस्स समग्गस्स भिक्खुनिसङ्घस्स अनुमतिया पातिमोक्खं उद्दिसितुं आराधनं करोम ।

निदानुद्देशो

सुणातु मे अय्ये सङ्घो, अज्जुपोसथो पन्नरसो, यदि सङ्घस्स पत्तकल्लं, सङ्घो उपोसथं करेय्य, पातिमोक्खं उद्दिसेय्य ।

किं सङ्घस्स पुब्बकिच्चं? पारिसुद्धि अय्यायो आरोचेथ, पातिमोक्खं उद्दिसिस्सामि, तं सब्बाव सन्ता साधुकं सुणोम मनसि करोम । यस्सा सिया आपत्ति, सा आविकरेय्य, असन्तिया आपत्तिया तुण्ही भवितव्वं, तुण्हीभावेन खो पनाय्यायो, “परिसुद्धा”ति वेदिस्सामि । यथा खो पन पच्चेकपुट्टस्सा वेय्याकरणं होति, एवमेवं एवरूपाय परिसाय यावततियं अनुसावितं होति । या पन भिक्खुनी यावततियं अनुसावियमाने सरमाना सन्ति आपत्ति नाविकरेय्य, सम्पजानमुसावादस्सा होति । सम्पजानमुसावादो खो पनाय्यायो, अन्तरायिको धम्मो वुत्तो भगवता, तस्मा सरमानाय भिक्खुनिया आपन्नाय विसुद्धापेक्खाय सन्ती आपत्ति आविकातव्वा, आविकता हिस्सा फासु होति ।

उद्दिट्ठं खो, अय्यायो, निदानं । तत्थाय्यायो पुच्छामि, कच्चित्थ परिसुद्धा, दुतियम्पि पुच्छामि, कच्चित्थ परिसुद्धा, ततियम्पि पुच्छामि, कच्चित्थ परिसुद्धा, परिसुद्धेत्याय्यायो, तस्मा तुण्ही, एवमेतं धारयामीति ।

निदानं निड्डितं ।

पाराजिकुद्देशो

तत्रिमे अट्ठ पाराजिका धम्मा उद्देशं आगच्छन्ति ।

मेथुनधम्मसिक्खापदं

१. या पन भिक्खुनी छन्दसो मेथुनं धम्मं पटिसेवेय्य, अन्तमसो तिरच्छानगतेनपि, पाराजिका होति असंवासा ।

अदिन्नादानसिक्खापदं

२. या पन भिक्खुनी गामा वा अरज्जा वा अदिन्नं थेय्यसङ्गातं आदियेय्य, यथारूपे अदिन्नादाने राजानो चोरं गहेत्वा हनेय्युं वा बन्धेय्युं वा पब्बाजेय्युं वा चोरसि बालासि मूळ्हासि थेनासीति, तथारूपं भिक्खुनी अदिन्नं आदियमाना अयम्पि पाराजिका होति असंवासा ।

मनुस्सविग्गहसिक्खापदं

३. या पन भिक्खुनी सज्जिच्च मनुस्सविग्गहं जीविता वोरपेय्य, सत्थहारकं वास्स परियेसेय्य, मरणवण्णं वा संवण्णेय्य, मरणाय वा समादपेय्य “अम्मो पुरिस, किं तुद्धिमिना पापकेन दुज्जीवितेन, मतं ते जीविता सेय्यो”ति, इति चित्तमना चित्तसङ्कप्पा अनेकपरियायेन मरणवण्णं वा संवण्णेय्य, मरणाय वा समादपेय्य, अयम्पि पाराजिका होति असंवासा ।

उत्तरिमनुस्सधम्मसिक्खापदं

४. या पन भिक्खुनी अनभिजानं उत्तरिमनुस्सधम्मं अत्तुपनायिकं अलमरियजाणदस्सनं समुदाचरेय्य “इति जानामि, इति परस्सामी”ति, ततो अपरेन समयेन समनुग्गाहीयमाना वा असमनुग्गाहीयमाना वा आपन्ना विसुद्धापेक्खा एवं वदेय्य “अजानमेवं, अय्ये, अवचं जानामि, अपस्सं परस्सामि, तुच्छं मुसा विलिपि”न्ति, अज्जत्र अधिमाना, अयम्पि पाराजिका होति असंवासा ।

उब्भजाणुमण्डलिकासिक्खापदं

५. या पन भिक्खुनी अवस्सुता अवस्सुतस्स पुरिसपुगलस्स, अधकखकं उब्भजाणुमण्डलं आमसनं वा परामसनं वा गहणं वा छुपनं वा पटिपीळनं वा सादियेय्य, अयम्पि पाराजिका होति असंवासा उब्भजाणुमण्डलिका ।

वज्जपटिच्छादिकासिक्खापदं

६. या पन भिक्खुनी जानं पाराजिकं धम्मं अज्झापन्नं भिक्खुनिं नेवत्तना पटिचोदेय्य, न गणस्स आरोचेय्य, यदा च सा ठिता वा अस्स चुता वा नासिता वा अवस्सटा वा, सा पच्छा एवं वदेय्य “पुब्बेवाहं, अय्ये, अज्जासि एतं भिक्खुनिं ‘एवरूपा च एवरूपा च सा भगिनी’ति, नो च खो अत्तना पटिचोदेस्सं, न गणस्स आरोचेस्स”न्ति, अयम्पि पाराजिका होति असंवासा वज्जपटिच्छादिका ।

उक्खित्तानुवर्तिकासिक्खापदं

७. या पन भिक्खुनी समग्गेन सङ्गेन उक्खित्तं भिक्खुं धम्मेन विनयेन सत्थुसासनेन अनादरं अपट्टिकारं अकतसहायं तमनुवत्तेय्य, सा भिक्खुनी भिक्खुनीहि एवमस्स वचनीया “एसो खो, अय्ये, भिक्खु समग्गेन सङ्गेन उक्खित्तो, धम्मेन विनयेन सत्थुसासनेन अनादरो अपट्टिकारो अकतसहायो, माय्ये, एतं भिक्खुं अनुवत्ती”ति, एवञ्च सा भिक्खुनी भिक्खुनीहि वुच्चमाना तथैव पग्गण्हेय्य, सा भिक्खुनी भिक्खुनीहि यावततियं समनुभासितव्वा तस्स पटिनिस्सग्गाय, यावततियं चे समनुभासियमाना तं पटिनिस्सज्जेय्य, इच्चेतं कुसलं, नो चे पटिनिस्सज्जेय्य, अयम्पि पाराजिका होति असंवासा उक्खित्तानुवर्तिका ।

अट्ठवत्थुकासिक्खापदं

८. या पन भिक्खुनी अवस्सुता अवस्सुतस्स पुरिसपुगलस्स हत्थग्गहणं वा सादियेय्य, सङ्घाटिकण्णग्गहणं वा सादियेय्य, सन्तिट्ठेय्य वा, सल्लपेय्य वा, सङ्केतं वा गच्छेय्य, पुरिसस्स वा अब्भागमनं सादियेय्य, छन्नं वा अनुपविसेय्य, कायं वा तदत्थाय उपसंहरेय्य एतस्स असङ्गमस्स पटिसेवनत्थाय, अयम्पि पाराजिका होति असंवासा अट्ठवत्थुका ।

उद्दिष्टा खो, अय्यायो, अट्ट पाराजिका धम्मा । येसं भिक्खुनी अञ्जतरं वा अञ्जतरं वा आपज्जित्वा न लभति भिक्खुनीहि सद्धिं संवासं यथा पुरे, तथा पच्छा, पाराजिका होति असंवासा । तत्थाय्यायो, पुच्छामि, कच्चित्थं परिसुद्धा, दुतियम्पि पुच्छामि, कच्चित्थं परिसुद्धा, ततियम्पि पुच्छामि, कच्चित्थं परिसुद्धा, परिसुद्धेत्थाय्यायो, तस्मा तुण्ही, एवमेतं धारयामीति ।

पाराजिकं निड्डितं ।

सङ्गादिसेसुद्देशो

इमे खो पनाय्यायो सत्तरस सङ्गादिसेसा

धम्मा उद्देशं आगच्छन्ति ।

उस्सयवादिकासिक्खापदं

१. या पन भिक्खुनी उस्सयवादिका विहरेय्य गहपतिना वा गहपतिपुत्तेन वा दासेन वा कम्मकारेन वा अन्तमसो समणपरिब्बाजकेनापि, अयम्पि भिक्खुनी पठमापत्तिकं धम्मं आपन्ना निस्सारणीयं सङ्गादिसेसं ।

चोरीवुद्धापिकासिक्खापदं

२. या पन भिक्खुनी जानं चोरिं वज्झं विदितं अनपलोकेत्वा राजानं वा सङ्गं वा गणं वा पूगं वा सेणं वा, अञ्जत्र कप्पा वुद्धापेय्य, अयम्पि भिक्खुनी पठमापत्तिकं धम्मं आपन्ना निस्सारणीयं सङ्गादिसेसं ।

एकगामन्तरगमनसिक्खापदं

३. या पन भिक्खुनी एका वा गामन्तरं गच्छेय्य, एका वा नदीपारं गच्छेय्य, एका वा रत्तिं विण्णवसेय्य, एका वा गणम्हा ओहियेय्य, अयम्पि भिक्खुनी पठमापत्तिकं धम्मं आपन्ना निस्सारणीयं सङ्गादिसेसं ।

उक्खित्तकओसारणसिक्खापदं

४. या पन भिक्खुनी समग्गेन सङ्गेन उक्खित्तं भिक्खुनिं धम्मेन विनयेन सत्युसासेन अनपलोकेत्वा कारकसङ्गं, अनञ्जाय गणस्स छन्दं ओसारेय्य, अयम्पि भिक्खुनी पठमापत्तिकं धम्मं आपन्ना निस्सारणीयं सङ्गादिसेसं ।

भोजनपटिगहणपठमसिक्खापदं

५. या पन भिक्खुनी अवस्सुता अवस्सुतस्स पुरिसपुगलस्स हत्थतो खादनीयं वा, भोजनीयं वा सहत्था पटिगहेत्वा खादेय्य वा भुञ्जेय्य वा, अयम्पि भिक्खुनी पठमापत्तिकं धम्मं आपन्ना निस्सारणीयं सङ्गादिसेसं ।

भोजनपटिगहणदुतियसिक्खापदं

६. या पन भिक्खुनी एवं वदेय्य “किं ते, अय्ये, एसो पुरिसपुगलो करिस्सति अवस्सुतो वा अनवस्सुतो वा, यतो त्वं अनवस्सुता, इह्म, अय्ये, यं ते एसो पुरिसपुगलो देति खादनीयं वा भोजनीयं वा, तं त्वं सहत्था पटिगहेत्वा खाद वा भुञ्ज वा”ति, अयम्पि भिक्खुनी पठमापत्तिकं धम्मं आपन्ना निस्सारणीयं सङ्गादिसेसं ।

सञ्चरित्तसिक्खापदं

७. या पन भिक्खुनी सञ्चरित्तं समापज्जेय्य इत्थिया वा पुरिसमतिं, पुरिसस्स वा इत्थिमतिं, जायतने वा जारत्तने वा अन्तमसो तद्धणिंकायपि, अयम्पि भिक्खुनी पठमापत्तिकं धम्मं आपन्ना निस्सारणीयं सङ्गादिसेसं ।

दुड्ढदोससिक्खापदं

८. या पन भिक्खुनी भिक्खुनिं दुड्ढा दोसा अप्पतीता अमूलकेन पाराजिकेन धम्मेन अनुद्धंसेय्य “अपेव नाम नं इमम्हा ब्रह्मचरिया चावेय्य”न्ति, ततो अपरेन समयेन समनुगाहीयमाना वा अस मनुगाहीयमाना वा अमूलकञ्चेव तं अधिकरणं होति, भिक्खुनी च दोसं पटिड्ढाति, अयम्पि भिक्खुनी पठमापत्तिकं धम्मं आपन्ना निस्सारणीयं सङ्गादिसेसं ।

अञ्जभागियसिक्खापदं

९. या पन भिक्खुनी भिक्खुनिं दुड्ढा दोसा अप्पतीता अञ्जभागियस्स अधिकरणस्स किञ्चिदेसं लेसमतं उपादाय पाराजिकेन धम्मेन अनुद्धंसेय्य “अपेव नाम नं इमम्हा ब्रह्मचरिया चावेय्य”न्ति, ततो अपरेन समयेन समनुगाहीयमाना वा असमनुगाहीयमाना वा अञ्जभागियञ्चेव तं अधिकरणं होति । कोचिदेसो लेसमतो उपादिन्नो, भिक्खुनी च दोसं पटिड्ढाति, अयम्पि भिक्खुनी पठमापत्तिकं धम्मं आपन्ना निस्सारणीयं सङ्गादिसेसं ।

सिक्खं पच्चाचिक्खणसिक्खापदं

१०. या पन भिक्खुनी कुपिता अनत्तमना एवं वदेय्य “बुद्धं पच्चाचिक्खामि धम्मं पच्चाचिक्खामि, सङ्गं पच्चाचिक्खामि, सिक्खं पच्चाचिक्खामि, किन्नुमाव समणियो या समणियो सकयधीतरो, सन्तञ्जापि समणियो लज्जिनियो कुक्कुच्चिका सिक्खाकामा, तासाहं सन्तिके ब्रह्मचरियं चरिस्सामी”ति । सा भिक्खुनी भिक्खुनीहि एवमस्स वचनीया “माय्ये कुपिता अनत्तमना एवं अवच ‘बुद्धं पच्चाचिक्खामि, धम्मं पच्चाचिक्खामि, सङ्गं पच्चाचिक्खामि, सिक्खं पच्चाचिक्खामि, किन्नुमाव समणियो या समणियो सकयधीतरो, सन्तञ्जापि समणियो लज्जिनियो कुक्कुच्चिका सिक्खाकामा, तासाहं सन्तिके ब्रह्मचरियं चरिस्सामी”ति, अभिरमाय्ये, स्वाक्खातो धम्मो, चर ब्रह्मचरियं सम्मा दुक्खस्स अन्तकिरियाया”ति, एवञ्च सा भिक्खुनी भिक्खुनीहि वुच्चमाना तथेव पगण्हेय्य, सा भिक्खुनी भिक्खुनीहि यावततियं समनुभासितब्बा तस्स पटिनिस्सग्गाय, यावततियञ्चे समनुभासियमाना तं पटिनिस्सज्जेय्य, इच्चेतं कुसलं, नो चे पटिनिस्सज्जेय्य, अयम्पि भिक्खुनी यावततियकं धम्मं आपन्ना निस्सारणीयं सङ्गादिसेसं ।

अधिकरणकुपितसिक्खापदं

११. या पन भिक्खुनी किस्मिञ्चिदेव अधिकरणे पच्चाकता कुपिता अनत्तमना एवं वदेय्य “छन्दगामिनियो च भिक्खुनियो, दोसगामिनियो च भिक्खुनियो, मोहगामिनियो च भिक्खुनियो, भयगामिनियो च भिक्खुनियो”ति, सा भिक्खुनी भिक्खुनीहि एवमस्स वचनीया “माय्ये, किस्मिञ्चिदेव अधिकरणे पच्चाकता कुपिता अनत्तमना एवं अवच “छन्दगामिनियो च भिक्खुनियो, दोसगामिनियो च भिक्खुनियो, मोहगामिनियो च भिक्खुनियो, भयगामिनियो च भिक्खुनियो”ति, अय्या खो छन्दापि गच्छेय्य, दोसापि गच्छेय्य, मोहापि गच्छेय्य, भयापि गच्छेय्य”ति। एवञ्च सा भिक्खुनी भिक्खुनीहि वुच्चमाना तथेव पग्गण्हेय्य, सा भिक्खुनी भिक्खुनीहि यावततियं समनुभासितब्बा तस्स पटिनिस्सग्गाय, यावततियञ्चे समनुभासियमाना तं पटिनिस्सज्जेय्य, इच्चेतं कुसलं, नो चे पटिनिस्सज्जेय्य, अयम्पि भिक्खुनी यावततियकं धम्मं आपन्ना निस्सारणीयं सङ्गादिसेसं।

पापसमाचारपठमसिक्खापदं

१२. भिक्खुनियो पनेव संसद्दा विहरन्ति पापाचारा पापसद्दा पापसिलोका भिक्खुनिसङ्गस्स विहेसिका अज्जमज्जिस्सा वज्जपटिच्छादिका, ता भिक्खुनियो भिक्खुनीहि एवमस्स वचनीया “भगिनियो खो संसद्दा विहरन्ति पापाचारा पापसद्दा पापसिलोका भिक्खुनिसङ्गस्स विहेसिका अज्जमज्जिस्सा वज्जपटिच्छादिका, विविच्चथाय्ये, विवेकज्जेव भगिनीनं सङ्घो वण्णेती”ति, एवञ्च ता भिक्खुनियो भिक्खुनीहि वुच्चमाना तथेव पग्गण्हेय्य, ता भिक्खुनियो भिक्खुनीहि यावततियं समनुभासितब्बा तस्स पटिनिस्सग्गाय, यावततियञ्चे समनुभासियमाना तं पटिनिस्सज्जेय्य, इच्चेतं कुसलं, नो चे पटिनिस्सज्जेय्य, इमापि भिक्खुनियो यावततियकं धम्मं आपन्ना निस्सारणीयं सङ्गादिसेसं।

पापसमाचारदुतियसिक्खापदं

१३. या पन भिक्खुनी एवं वदेय्य “संसद्दाव, अय्ये, तुम्हे विहरथ, मा तुम्हे नाना विहरित्थ, सन्ति सङ्घे अज्जापि भिक्खुनियो एवाचारा एवंसद्दा एवंसिलोका भिक्खुनिसङ्गस्स विहेसिका अज्जमज्जिस्सा वज्जपटिच्छादिका, ता सङ्घो न किञ्चि आह तुम्हज्जेव सङ्घो उज्जाय परिभवेन अक्खन्ति या वेभस्सिया दुब्बल्या एवमाह — “भगिनियो खो संसद्दा विहरन्ति पापाचारा पापसद्दा पापसिलोका भिक्खुनिसङ्गस्स विहेसिका अज्जमज्जिस्सा वज्जपटिच्छादिका, विविच्चथाय्ये, विवेकज्जेव भगिनीनं सङ्घो वण्णेती”ति, सा भिक्खुनी भिक्खुनीहि एवमस्स वचनीया “माय्ये, एवं अवच, संसद्दाव अय्ये तुम्हे विहरथ, मा तुम्हे नाना विहरित्थ, सन्ति सङ्घे अज्जापि भिक्खुनियो एवाचारा एवंसद्दा एवंसिलोका भिक्खुनिसङ्गस्स विहेसिका अज्जमज्जिस्सा वज्जपटिच्छादिका, ता सङ्घो न किञ्चि आह, तुम्हज्जेव सङ्घो उज्जाय परिभवेन अक्खन्ति या वेभस्सिया दुब्बल्या एवमाह — “भगिनियो खो संसद्दा विहरन्ति पापाचारा पापसद्दा पापसिलोका भिक्खुनिसङ्गस्स विहेसिका अज्जमज्जिस्सा वज्जपटिच्छादिका, विविच्चथाय्ये, विवेकज्जेव भगिनीनं सङ्घो वण्णेती”ति, एवञ्च सा भिक्खुनी भिक्खुनीहि वुच्चमाना तथेव पग्गण्हेय्य, सा भिक्खुनी भिक्खुनीहि यावततियं समनुभासितब्बा तस्स पटिनिस्सग्गाय, यावततियञ्चे समनुभासियमाना तं पटिनिस्सज्जेय्य, इच्चेतं कुसलं, नो चे पटिनिस्सज्जेय्य, अयम्पि भिक्खुनी यावततियकं धम्मं आपन्ना निस्सारणीयं सङ्गादिसेसं।

सङ्गभेदकसिक्खापदं

१४. या पन भिक्खुनी समग्गस्स सङ्गस्स भेदाय परक्कमेय्य, भेदनसंवत्तनिकं वा अधिकरणं समादाय पग्गह तिट्ठेय्य, सा भिक्खुनी भिक्खुनीहि एवमस्स वचनीया “माय्या, समग्गस्स सङ्गस्स भेदाय परक्कमि, भेदनसंवत्तनिकं वा अधिकरणं समादाय पग्गह अट्ठासि, समेताय्या, सङ्गेन, समग्गो हि सङ्घो सम्मोदमानो अविवादमानो एकुद्देसो फासु विहरती”ति। एवञ्च सा भिक्खुनी भिक्खुनीहि वुच्चमाना तथेव पग्गण्हेय्य, सा भिक्खुनी भिक्खुनीहि यावततियं समनुभासितब्बा तस्स पटिनिस्सग्गाय, यावततियञ्चे समनुभासियमाना तं पटिनिस्सज्जेय्य, इच्चेतं कुसलं, नो चे पटिनिस्सज्जेय्य, अयम्पि भिक्खुनी यावततियकं धम्मं आपन्ना निस्सारणीयं सङ्गादिसेसं।

भेदानुवत्तकसिक्खापदं

१५. तस्सायेव खो पन भिक्खुनिया भिक्खुनियो होन्ति अनुवत्तिका वग्गवादिता एका वा द्वे वा तिस्रो वा, ता एवं वदेय्युं “माय्यायो, एतं भिक्खुनिं किञ्चि अवचुत्थ धम्मवादिनी चेसा भिक्खुनी, विनयवादिनी चेसा भिक्खुनी, अम्हाकज्जेसा भिक्खुनी छन्दज्च रुचिञ्च आदाय वोहरति, जानाति, नो भासति, अम्हाकम्पेतं खमती”ति, ता भिक्खुनियो भिक्खुनीहि एवमस्स वचनीया “माय्यायो, एवं अवचुत्थ, न चेसा भिक्खुनी धम्मवादिनी, न चेसा भिक्खुनी विनयवादिनी, माय्यानम्पि सङ्गभेदो रुचिचत्थ, समेताय्यानं सङ्गेन, समग्गो हि सङ्घो सम्मोदमानो अविवादमानो एकुद्देसो फासु विहरती”ति, एवञ्च ता भिक्खुनियो भिक्खुनीहि वुच्चमाना तथेव पग्गण्हेय्य, ता भिक्खुनियो भिक्खुनीहि यावततियं समनुभासितब्बा तस्स पटिनिस्सग्गाय, यावततियञ्चे समनुभासियमाना तं पटिनिस्सज्जेय्य, इच्चेतं कुसलं, नो चे पटिनिस्सज्जेय्य, इमापि भिक्खुनियो यावततियकं धम्मं आपन्ना निस्सारणीयं सङ्गादिसेसं।

दुब्बचसिक्खापदं

१६. भिक्खुनी पनेव दुब्बचजातिका होति उद्देसपरियापन्नेसु सिक्खापदेसु भिक्खुनीहि सहधम्मिकं वुच्चमाना अत्तानं अवचनीयं करोति “मा मं अय्यायो किञ्चि अवचुत्थ कल्याणं वा पापकं वा, अहम्माय्यायो, न किञ्चि वक्खामि कल्याणं वा पापकं वा, विरमथाय्यायो, मम वचनाया”ति, सा भिक्खुनी भिक्खुनीहि एवमस्स वचनीया “माय्या, अत्तानं अवचनीयं अकासि, वचनीयमेव, अय्या, अत्तानं करोतु, अय्यापि भिक्खुनियो वदतु सहधम्मन, भिक्खुनियापि अय्यं वक्खन्ति सहधम्मन, एवं संवद्दा हि तस्स भगवतो परिसा यदिदं अज्जमज्जवचनेन अज्जमज्जवुट्ठपणेना”ति। एवञ्च सा भिक्खुनी भिक्खुनीहि वुच्चमाना तथेव पग्गण्हेय्य, सा भिक्खुनी भिक्खुनीहि यावततियं समनुभासितब्बा तस्स पटिनिस्सग्गाय, यावततियञ्चे समनुभासियमाना तं पटिनिस्सज्जेय्य, इच्चेतं कुसलं, नो चे पटिनिस्सज्जेय्य, अयम्पि भिक्खुनी यावततियकं धम्मं आपन्ना निस्सारणीयं सङ्गादिसेसं।

कुलदूसकसिक्खापदं

१७. भिक्खुनी पनेव अज्जतरं गामं वा निगमं वा उपनिस्साय विहरति कुलदूसिका पापसमाचारा, तस्सा खो पापका समाचारा दिस्सन्ति चेव सुय्यन्ति च, कुलानि च ताय दुड्डानि दिस्सन्ति चेव सुय्यन्ति च, सा भिक्खुनी भिक्खुनीहि एवमस्स वचनीया “अय्या, खो कुलदूसिका पापसमाचारा, अय्याय खो पापका समाचारा दिस्सन्ति चेव सुय्यन्ति च, कुलानि चाय्याय, दुड्डानि दिस्सन्ति चेव सुय्यन्ति च, पक्कमताय्या इमम्हा आवासा, अलं ते इध वासेना”ति। एवञ्च सा भिक्खुनी भिक्खुनीहि वुच्चमाना ता भिक्खुनियो एवं वदेय्य “छन्दगामिनियो च भिक्खुनियो, दोसगामिनियो च भिक्खुनियो, मोहगामिनियो च भिक्खुनियो, भयगामिनियो च भिक्खुनियो, तादिसिकाय आपत्तिया एकच्चं पब्बाजेन्ति एकच्चं न पब्बाजेन्ती”ति, सा भिक्खुनी भिक्खुनीहि एवमस्स वचनीया “माय्या, एवं अवच, न च भिक्खुनियो छन्दगामिनियो, न च भिक्खुनियो दोसगामिनियो, न च भिक्खुनियो मोहगामिनियो, न च भिक्खुनियो भयगामिनियो, अय्या खो कुलदूसिका पापसमाचारा, अय्याय खो पापका समाचारा दिस्सन्ति चेव सुय्यन्ति च, कुलानि चाय्याय दुड्डानि दिस्सन्ति चेव सुय्यन्ति च, पक्कमताय्या, इमम्हा आवासा अलं ते इध वासेना”ति। एवञ्च सा भिक्खुनी भिक्खुनीहि वुच्चमाना तथेव पग्गण्हेय्य, सा भिक्खुनी भिक्खुनीहि यावततियं समनुभासितब्बा तस्स पटिनिस्सग्गाय, यावततियञ्चे समनुभासियमाना तं पटिनिस्सज्जेय्य, इच्चेतं कुसलं, नो चे पटिनिस्सज्जेय्य, अयम्पि भिक्खुनी यावततियकं धम्मं आपन्ना निस्सारणीयं सङ्गादिसेसं।

उद्दिद्दा खो अय्यायो सत्तरस सङ्गादिसेसा धम्मा नव पठमापत्तिका, अट्ठ यावततियका,

येसं भिक्खुनी अज्जतरं वा अज्जतरं वा आपज्जति, ताय भिक्खुनिया उभतोसङ्गे पक्खमानतं चरितब्बं। चिण्णमानत्ता भिक्खुनी यत्थ सिया वीसतिगणो भिक्खुनिसङ्घो, तत्थ सा भिक्खुनी अब्भेतब्बा। एकायापि चे ऊनो वीसतिगणो भिक्खुनिसङ्घो तं भिक्खुनिं अब्भेय्य, सा च भिक्खुनी अनब्भिता, ता च भिक्खुनियो गारह्हा, अयं तत्थ सामीचि। तत्थाय्यायो पुच्छामि, कच्चित्थ परिसुद्धा, दुतियम्पि,

पुच्छामि, कच्चित्थ परिसुद्धा, ततियम्पि पुच्छामि, कच्चित्थ परिसुद्धा, परिसुद्धेत्याय्यायो, तस्मा तुण्ही, एवमेतं धारयामीति ।

सङ्गादिसेसो निड्डितो ।

निस्सगिय पाचित्तिया

इमे खो पनाय्यायो तिस निस्सगिया पाचित्तिया

धम्मा उद्देसं आगच्छन्ति ।

पत्तसन्निचयसिक्खापदं

१. या पन भिक्खुनी पत्तसन्निचयं करेय्य, निस्सगियं पाचित्तियं ।

अकालचीवरभाजनसिक्खापदं

२. या पन भिक्खुनी अकालचीवरं “कालचीवर”न्ति अधिद्वहिक्वा भाजापेय्य, निस्सगियं पाचित्तियं ।

चीवरपरिवत्तनसिक्खापदं

३. या पन भिक्खुनी भिक्खुनिया सद्धि चीवरं परिवत्तेत्वा सा पच्छा एवं वदेय्य “हन्दाय्ये, तुहं चीवरं, आहर मेतं चीवरं, यं तुहं तुहमेवेतं, यं मय्हं मय्हमेवेतं, आहर मेतं चीवरं, सकं पच्चाहरा”ति अच्छिन्देय्य वा अच्छिन्दापेय्य वा, निस्सगियं पाचित्तियं ।

अञ्जविज्जापनसिक्खापदं

४. या पन भिक्खुनी अञ्जं विज्जापेत्वा अञ्जं विज्जापेय्य, निस्सगियं पाचित्तियं ।

अञ्जचेतापन सिक्खापदं

५. या पन भिक्खुनी अञ्जं चेतापेत्वा अञ्जं चेतापेय्य, निस्सगियं पाचित्तियं ।

पठमसङ्घिकचेतापनसिक्खापदं

६. या पन भिक्खुनी अञ्जदत्थिकेन परिकखारेन अञ्जुद्दिसिकेन सङ्घिकेन अञ्जं चेतापेय्य, निस्सगियं पाचित्तियं ।

दुतियसङ्घिकचेतापनसिक्खापदं

७. या पन भिक्खुनी अञ्जदत्थिकेन परिकखारेन अञ्जुद्दिसिकेन सङ्घिकेन सञ्जाचिकेन अञ्जं चेतापेय्य, निस्सगियं पाचित्तियं ।

पठमगणिकचेतापनसिक्खापदं

८. या पन भिक्खुनी अञ्जदत्थिकेन परिकखारेन अञ्जुद्दिसिकेन महाजनिकेन अञ्जं चेतापेय्य, निस्सगियं पाचित्तियं ।

दुतियगणिकचेतापनसिक्खापदं

९. या पन भिक्खुनी अञ्जदत्थिकेन परिकखारेन अञ्जुद्दिसिकेन महाजनिकेन सञ्जाचिकेन अञ्जं चेतापेय्य, निस्सगियं पाचित्तियं ।

पुगलिकचेतापनसिक्खापदं

१०. या पन भिक्खुनी अञ्जदत्थिकेन परिकखारेन अञ्जुद्दिसिकेन पुगलिकेन सञ्जाचिकेन अञ्जं चेतापेय्य, निस्सगियं पाचित्तियं ।

पत्तवग्गो पठमो ।

गरुपावुरणसिक्खापदं

११. गरुपावुरणं पन भिक्खुनिया चेतापेत्तिया चतुक्कंसपरमं चेतापेतब्बं । ततो चे उत्तरि चेतापेय्य, निस्सगियं पाचित्तियं ।

लहुपावुरणसिक्खापदं

१२. लहुपावुरणं पन भिक्खुनिया चेतापेत्तिया अट्ठतेय्यकंसपरमं चेतापेतब्बं । ततो चे उत्तरि चेतापेय्य, निस्सगियं पाचित्तियं ।

कथिनसिक्खापदं

१३. निड्डितचीवरस्मिं भिक्खुनिया उब्भतस्मिं कथिने दसाहपरमं अतिरेकचीवरं धारेतब्बं । तं अतिककामेत्तिया, निस्सगियं पाचित्तियं ।

उदोसितसिक्खापदं

१४. निड्डितचीवरस्मिं भिक्खुनिया उब्भतस्मिं कथिने एकरत्तम्पि चे भिक्खुनी तिचीवरेन विण्णवसेय्य, अञ्जत्र भिक्खुनिसम्मुत्तिया निस्सगियं पाचित्तियं ।

अकालचीवरसिक्खापदं

१५. निडितचीवरस्मिं भिक्खुनिया उब्भतस्मिं कथिने भिक्खुनिया पनेव अकालचीवरं उपज्जेय्य, आकङ्खमानाय भिक्खुनिया पटिग्गहेतब्बं, पटिग्गहेत्वा खिप्पमेव कारेतब्बं, नो चस्स पारिपूरि, मासपरमं ताय भिक्खुनिया तं चीवरं निक्खिपितब्बं ऊनस्स पारिपूरिया सतिया पच्चासाय। ततो चे उत्तरि निक्खिपेय्य सतियापि पच्चासाय, निस्सगियं पाचित्तियं।

अज्जातकविज्जतिसिक्खापदं

१६. या पन भिक्खुनी अज्जातकं गहपतिं वा गहपतानिं वा चीवरं विज्जापेय्य अज्जत्र समया, निस्सगियं पाचित्तियं। तत्थायं समयो अच्छिन्नचीवरा वा होति भिक्खुनी, नडुचीवरा वा, अयं तत्थ समयो।

ततुत्तरिसिक्खापदं

१७. तज्जे अज्जातको गहपतिं वा गहपतानीं वा बहूहि चीवरेहि अभिहट्ठुं पवारोय्य, सन्तरुत्तरपरमं ताय भिक्खुनिया ततो चीवरं सादितब्बं। ततो चे उत्तरि सादियेय्य, निस्सगियं पाचित्तियं।

पठमउपकखटसिक्खापदं

१८. भिक्खुनिं पनेव उद्दिस्स अज्जातकस्स गहपतिस्स वा गहपतानिया वा चीवरचेतापन्नेन उपकखटं होति “इमिना चीवरचेतापन्नेन चीवरं चेतापेत्वा इत्थन्नामं भिक्खुनिं चीवरेन अच्चादेस्सामी”ति। तत्र चेसा भिक्खुनी पुब्बे अप्पवारिता उपसङ्कमित्वा चीवरे विकप्पं आपज्जेय्य “साधु वत, मं आयस्सा इमिना चीवरचेतापन्नेन एवरूपं वा एवरूपं वा चीवरं चेतापेत्वा अच्चादेही”ति कल्याणकम्यतं उपादाय, निस्सगियं पाचित्तियं।

दुतियउपकखटसिक्खापदं

१९. भिक्खुनिं पनेव उद्दिस्स उभिन्नं अज्जातकानं गहपतीनं वा गहपतानीनं वा पच्चेकचीवरचेतापन्नेन उपकखटानिं होन्ति “इमेहि मयं पच्चेकचीवरचेतापन्नेहि पच्चेकचीवरानि चेतापेत्वा इत्थन्नामं भिक्खुनिं चीवरेहि अच्चादेस्सामी”ति। तत्र चेसा भिक्खुनी पुब्बे अप्पवारिता उपसङ्कमित्वा चीवरे विकप्पं आपज्जेय्य “साधु वत, मं आयस्सन्तो इमेहि पच्चेकचीवरचेतापन्नेहि एवरूपं वा एवरूपं वा चीवरं चेतापेत्वा अच्चादेय उभोव सन्ता एकेना”ति कल्याणकम्यतं उपादाय, निस्सगियं पाचित्तियं।

राजसिक्खापदं

२०. भिक्खुनिं पनेव उद्दिस्स राजा वा राजभोगो वा ब्राह्मणो वा गहपतिको वा दूतेन चीवरचेतापन्नं पहिणेय्य “इमिना चीवरचेतापन्नेन चीवरं चेतापेत्वा इत्थन्नामं भिक्खुनिं चीवरेन अच्चादेही”ति। सो चे दूतो तं भिक्खुनिं उपसङ्कमित्वा एवं वदेय्य “इदं खो, अय्ये, अय्यं उद्दिस्स चीवरचेतापन्नं आभतं, पटिग्गण्हाताय्या चीवरचेतापन्नं”ति। ताय भिक्खुनिया सो दूतो एवमस्स वचनीयो “न खो मयं, आवुसो, चीवरचेतापन्नं पटिग्गण्हाम, चीवरज्ज खो मयं पटिग्गण्हाम कालेन कप्पिय”ति। सो चे दूतो तं भिक्खुनिं एवं वदेय्य “अत्थि पनाय्याय, कोचि वेय्यावच्चकरो”ति, चीवरत्थिकाय, भिक्खवे, भिक्खुनिया वेय्यावच्चकरो निहिसितब्बो आरामिको वा उपासको वा “एसो खो, आवुसो, भिक्खुनीनं वेय्यावच्चकरो”ति। सो चे दूतो तं वेय्यावच्चकरं सज्जापेत्वा तं भिक्खुनिं उपसङ्कमित्वा एवं वदेय्य “यं खो, अय्ये, अय्या वेय्यावच्चकरं निहिसि, सज्जतो सो मया, उपसङ्कमताय्या कालेन, चीवरेन तं अच्चादेस्सती”ति। चीवरत्थिकाय, भिक्खवे, भिक्खुनिया वेय्यावच्चकरो उपसङ्कमित्वा द्रत्तिकखत्तुं चोदेतब्बो सारेतब्बो “अत्थो मे, आवुसो, चीवरेना”ति, द्रत्तिकखत्तुं चोदयमाना सारयमाना तं चीवरं अभिनिष्पादेय्य, इच्चेतं कुसलं, नो चे अभिनिष्पादेय्य, चतुक्खत्तुं पञ्चक्खत्तुं छक्खत्तुपरमं तुण्हीभूताय उद्दिस्स ठातब्बं, चतुक्खत्तुं पञ्चक्खत्तुं छक्खत्तुपरमं तुण्हीभूता उद्दिस्स तिड्डमाना तं चीवरं अभिनिष्पादेय्य, इच्चेतं कुसलं। ततो चे उत्तरि वायममाना तं चीवरं अभिनिष्पादेय्य, निस्सगियं पाचित्तियं। नो चे अभिनिष्पादेय्य, यतस्सा चीवरचेतापन्नं आभतं, तत्थ सामं वा गन्तब्बं, दूतो वा पाहेतब्बो “यं खो तुम्हे आयस्सन्तो भिक्खुनिं उद्दिस्स चीवरचेतापन्नं पहिणित्थ, न तं तस्सा भिक्खुनिया किञ्चि अत्थं अनुभोति, युज्जन्तायस्सन्तो सकं, मा वो सकं विनस्सा”ति, अयं तत्थ सामीचि।

चीवरवग्गो दुतियो।

रूपियसिक्खापदं

२१. या पन भिक्खुनी जातरूपरजतं उग्गण्हेय्य वा उग्गण्हापेय्य वा उपनिक्खित्तं वा सादियेय्य, निस्सगियं पाचित्तियं।

रूपियसंवोहारसिक्खापदं

२२. या पन भिक्खुनी नानप्पकारकं रूपियसंवोहारं समापज्जेय्य, निस्सगियं पाचित्तियं।

कयविककयसिक्खापदं

२३. या पन भिक्खुनी नानप्पकारकं कयविककयं समापज्जेय्य, निस्सगियं पाचित्तियं।

ऊनपञ्चबन्धनसिक्खापदं

२४. या पन भिक्खुनी ऊनपञ्चबन्धनेन पत्तेन अज्जं नवं पत्तं चेतापेय्य, निस्सगियं पाचित्तियं। ताय भिक्खुनिया सो पत्तो भिक्खुनिपरिसाय निस्सज्जितब्बो, यो च तस्सा भिक्खुनिपरिसाय पत्तपरियन्तो, सो तस्सा भिक्खुनिया पदातब्बो “अयं ते भिक्खुनि पत्तो यावभेदनाय धारेतब्बो”ति, अयं तत्थ सामीचि।

भेसज्जसिक्खापदं

२५. यानि खो पन तानि गिलानानं भिक्खुनीनं पटिसायनीयानि भेसज्जानि, सेय्यथिदं — सप्पि नवनीतं तेलं मधु फाणितं, तानि पटिग्गहेत्वा सत्ताहरमं सन्निधिकारकं परिभुज्जितब्बानि। तं अतिक्रामेन्तिया, निस्सगियं पाचित्तियं।

चीवरअच्छिन्दनसिक्खापदं

२६. या पन भिक्खुनी भिक्खुनिया सामं चीवरं दत्त्वा कुपिता अनत्तमना अच्छिन्देय्य वा अच्छिन्दापेय्य वा, निस्सगियं पाचित्तियं।

सुत्तविज्जत्तिसिक्खापदं

२७. या पन भिक्खुनी सामं सुत्तं विज्जापेत्वा तन्तवायेहि चीवरं वायापेय्य, निस्सगियं पाचित्तियं।

महापेसकारसिक्खापदं

२८. भिक्खुनि पनेव उद्दिस्स अज्जातको गहपति वा गहपतानी वा तन्तवायेहि चीवरं वायापेय्य, तत्र चेसा भिक्खुनी पुब्बे अप्पवारिता तन्तवाये उपसङ्कमित्वा चीवरे विकप्पं आपज्जेय्य “इदं खो आवुसो चीवरं मं उद्दिस्स विव्यति, आयतज्ज करोथ, वित्थतज्ज अप्पितज्ज सुवीतज्ज सुप्पवायितज्ज सुविलेखितज्ज सुवितच्छित्तज्ज करोथ, अप्पेव नाम मयम्पि आयस्मन्तानं किञ्चिमत्तं अनुपदज्जेय्यामि”ति, एवज्ज सा भिक्खुनी वत्वा किञ्चिमत्तं अनुपदज्जेय्य अन्तमसो पिण्डपातमत्तम्पि, निस्सगियं पाचित्तियं।

अच्चेकचीवरसिक्खापदं

२९. दसाहानागतं कत्तिकतेमासिकपुण्णमं भिक्खुनिया पनेव अच्चेकचीवरं उपज्जेय्य, अच्चेकं मज्जमानाय भिक्खुनिया पटिग्गहेतब्बं, पटिग्गहेत्वा याव चीवरकालसमयं निक्खिपितब्बं। ततो चे उत्तरि निक्खिपेय्य, निस्सगियं पाचित्तियं।

परिणतसिक्खापदं

३०. या पन भिक्खुनी जानं सङ्घिकं लाभं परिणतं अत्तनो परिणामेय्य, निस्सगियं पाचित्तियं।

पत्तवगो ततियो।

उद्दिट्ठा खो, अय्यायो, तिस निस्सगिया पाचित्तिया धम्मा। तत्थाय्यायो, पुच्छामि, कच्चित्थ परिसुद्धा, दुतियम्पि पुच्छामि, कच्चित्थ परिसुद्धा, ततियम्पि पुच्छामि, कच्चित्थ परिसुद्धा, परिसुद्धेत्याय्यायो, तस्मा तुण्ही, एवमेतं धारयामीति।

निस्सगियपाचित्तिया निड्डिता।

सुद्धपाचित्तिया

इमे खो पनाय्यायो, छसड्डिसता पाचित्तिया

धम्मा उद्देसं आगच्छन्ति।

लसुणसिक्खापदं

१. या पन भिक्खुनी लसुणं खादेय्य पाचित्तियं।

सम्बाधलोमसिक्खापदं

२. या पन भिक्खुनी सम्बाधे लोमं संहरापेय्य, पाचित्तियं।

तलघातकसिक्खापदं

३. तलघातके पाचित्तियं।

जतुमट्टकसिक्खापदं

४. जतुमट्टके पाचित्तियं।

उदकसुद्धिकसिक्खापदं

५. उदकसुद्धिकं पन भिक्खुनिया आदियमानाय द्रङ्कुलपब्बपरमं आदातब्बं। तं अतिक्कामेन्तिया पाचित्तियं।

उपतिट्टनसिक्खापदं

६. या पन भिक्खुनी भिक्खुस्स भुज्जन्तस्स पानीयेन वा विधूपनेन वा उपतिट्टेय्य, पाचित्तियं।

आमकधज्जसिक्खापदं

७. या पन भिक्खुनी आमकधज्जं विज्जत्वा वा विज्जापेत्वा वा भज्जित्वा वा भज्जापेत्वा वा कोट्टेत्वा वा कोट्टापेत्वा वा पचित्वा वा पचापेत्वा वा भुज्जेय्य, पाचित्तियं।

पठमउच्चारछड्डनसिक्खापदं

८. या पन भिक्खुनी उच्चारं वा पस्सावं वा सङ्कारं वा विधासं वा तिरोकुट्टे वा तिरोपाकारे वा छड्डेय्य वा छड्डापेय्य वा, पाचित्तियं।

दुतियउच्चारछड्डनसिक्खापदं

९. या पन भिक्खुनी उच्चारं वा पस्सावं वा सङ्कारं वा विधासं वा हरिते छड्डेय्य वा छड्डापेय्य वा, पाचित्तियं।

नच्चगीतसिक्खापदं

१०. या पन भिक्खुनी नच्चं वा गीतं वा वादितं वा दस्सनाय गच्छेय्य, पाचित्तियं ।

लसुणवग्गो पठमो ।

रत्तन्धकारसिक्खापदं

११. या पन भिक्खुनी रत्तन्धकारे अप्पदीपे पुरिसेन सद्धिं एकेनेका सन्तिट्ठेय्य वा सल्लपेय्य वा, पाचित्तियं ।

पटिच्छन्नोकाससिक्खापदं

१२. या पन भिक्खुनी पटिच्छन्ने ओकासे पुरिसेन सद्धिं एकेनेका सन्तिट्ठेय्य वा सल्लपेय्य वा, पाचित्तियं ।

अज्झोकाससल्लपनसिक्खापदं

१३. या पन भिक्खुनी अज्झोकासे पुरिसेन सद्धिं एकेनेका सन्तिट्ठेय्य वा सल्लपेय्य वा, पाचित्तियं ।

दुत्तियिकउय्योजनसिक्खापदं

१४. या पन भिक्खुनी रथिकाय वा ब्यूहे वा सिङ्गाटके वा पुरिसेन सद्धिं एकेनेका सन्तिट्ठेय्य वा सल्लपेय्य वा निकण्णिकं वा जप्पेय्य दुत्तियिकं वा भिक्खुनिं उय्योजेय्य, पाचित्तियं ।

अनापुच्छापक्कमनसिक्खापदं

१५. या पन भिक्खुनी पुरेभत्तं कुलानि उपसङ्कमित्वा आसने निसीदित्वा सामिके अनापुच्छा पक्कमेय्य, पाचित्तियं ।

अनापुच्छाअभिनिसीदनसिक्खापदं

१६. या पन भिक्खुनी पच्छाभत्तं कुलानि उपसङ्कमित्वा सामिके अनापुच्छा आसने अभिनिसीदेय्य वा अभिनिपज्जेय्य वा, पाचित्तियं ।

अनापुच्छासन्थरणसिक्खापदं

१७. या पन भिक्खुनी विकाले कुलानि उपसङ्कमित्वा सामिके अनापुच्छा सेय्यं सन्थरित्वा वा सन्थरापेत्वा वा अभिनिसीदेय्य वा अभिनिपज्जेय्य वा, पाचित्तियं ।

परउज्झापनकसिक्खापदं

१८. या पन भिक्खुनी दुग्गाहितेन दूपधारितेन परं उज्झापेय्य, पाचित्तियं ।

परअभिसपनसिक्खापदं

१९. या पन भिक्खुनी अत्तानं वा परं वा निरयेन वा ब्रह्मचरियेन वा अभिसपेय्य, पाचित्तियं ।

रोदनसिक्खापदं

२०. या पन भिक्खुनी अत्तानं वधित्वा वधित्वा रोदेय्य, पाचित्तियं ।

रत्तन्धकारवग्गो दुत्तियो ।

नगसिक्खापदं

२१. या पन भिक्खुनी नग्गा नहायेय्य, पाचित्तियं ।

उदकसाटिकसिक्खापदं

२२. उदकसाटिकं पन भिक्खुनिया कारयमानाय पमाणिका कारेतब्बा, तत्रिदं पमाणं, दीघसो चतस्सो विदत्थियो सुगतविदत्थिया, तिरियं द्वे विदत्थियो । तं अतिक्कामेन्तिया छेदनकं पाचित्तियं ।

चीवरसिब्बनसिक्खापदं

२३. या पन भिक्खुनी भिक्खुनिया चीवरं विसिब्बेत्वा वा विसिब्बापेत्वा वा सा पच्छा अनन्तरायिकिनी नेव सिब्बेय्य, न सिब्बापनाय उस्सुक्कं करेय्य अज्जत्र चतूहपञ्चाहा, पाचित्तियं ।

सङ्घाटिचारसिक्खापदं

२४. या पन भिक्खुनी पञ्चाहिकं सङ्घाटिचारं अतिक्कामेय्य, पाचित्तियं ।

चीवरसङ्कमनीयसिक्खापदं

२५. या पन भिक्खुनी चीवरसङ्कमनीयं धारेय्य, पाचित्तियं ।

गणचीवरसिक्खापदं

२६. या पन भिक्खुनी गणस्स चीवरलाभं अन्तरायं करेय्य, पाचित्तियं ।

पटिबाहनसिक्खापदं

२७. या पन भिक्खुनी धम्मिकं चीवरविभङ्गं पटिबाहेय्य, पाचित्तियं ।

चीवरदानसिक्खापदं

२८. या पन भिक्खुनी अगारिकस्स वा परिब्बाजकस्स वा परिब्बाजिकाय वा समणचीवरं ददेय्य, पाचित्तियं ।

कालअतिक्कमनसिक्खापदं

२९. या पन भिक्खुनी दुब्बलचीवरपच्चासाय चीवरकालसमयं अतिक्कामेय्य, पाचित्तियं ।

कथिनुद्धारसिक्खापदं

३०. या पन भिक्खुनी धम्मिकं कथिनुद्धारं पटिबाहेय्य, पाचित्तियं ।

नग्गवग्गो ततियो ।

एकमञ्चतुवट्टनसिक्खापदं

३१. या पन भिक्खुनियो द्वे एकमञ्चे तुवट्टेय्युं, पाचित्तियं ।

एकत्थरणतुवट्टनसिक्खापदं

३२. या पन भिक्खुनियो द्वे एकत्थरणपावुरणा तुवट्टेय्युं, पाचित्तियं ।

अफासुकरणसिक्खापदं

३३. या पन भिक्खुनी भिक्खुनिया सञ्चिच्च अफासुं करेय्य, पाचित्तियं ।

नउपट्ठापनसिक्खापदं

३४. या पन भिक्खुनी दुक्खितं सहजीविनि नेव उपट्ठहेय्य, न उपट्ठापनाय उस्सुक्कं करेय्य, पाचित्तियं ।

निक्कट्टनसिक्खापदं

३५. या पन भिक्खुनी भिक्खुनिया उपस्सयं दत्त्वा कुपिता अनत्तमना निक्कट्टेय्य वा निक्कट्टापेय्य वा, पाचित्तियं ।

संसट्ठसिक्खापदं

३६. या पन भिक्खुनी संसट्ठा विहरेय्य गहपतिना वा गहपतिपुत्तेना वा, सा भिक्खुनी भिक्खुनीहि एवमस्स वचनीया “माय्ये, संसट्ठा विहरि गहपतिनापि गहपतिपुत्तेनापि, विविच्चाय्ये, विवेकञ्जेव भगिनिया सङ्खो वण्णेती”ति । एवञ्च सा भिक्खुनी भिक्खुनीहि वुच्चमाना तथेव पगण्हेय्य, सा भिक्खुनी भिक्खुनीहि यावततियं समनुभासितब्बा तस्स पटिनिस्सग्गाय, यावततियञ्चे समनुभासियमाना तं पटिनिस्सज्जेय्य, इच्चेतं कुसलं । नो चे पटिनिस्सज्जेय्य, पाचित्तियं ।

अन्तोरट्ठसिक्खापदं

३७. या पन भिक्खुनी अन्तोरट्ठे सासङ्कसम्मते सप्पटिभये असत्थिका चारिकं चरेय्य, पाचित्तियं ।

तिरोरट्ठसिक्खापदं

३८. या पन भिक्खुनी तिरोरट्ठे सासङ्कसम्मते सप्पटिभये असत्थिका चारिकं चरेय्य, पाचित्तियं ।

अन्तोवस्ससिक्खापदं

३९. या पन भिक्खुनी अन्तोवस्सं चारिकं चरेय्य, पाचित्तियं ।

चारिकनपक्कमनसिक्खापदं

४०. या पन भिक्खुनी वस्संवुट्ठा चारिकं न पक्कमेय्य अन्तमसो छप्पञ्चयोजनानिपि, पाचित्तियं ।

तुवट्टवग्गो चतुत्थो ।

राजागारसिक्खापदं

४१. या पन भिक्खुनी राजागारं वा चित्तागारं वा आरामं वा उय्यानं वा पोक्खरणिं वा दस्सनाय गच्छेय्य, पाचित्तियं ।

आसन्दिपरिभुञ्जनसिक्खापदं

४२. या पन भिक्खुनी आसन्दिं वा पल्लङ्कं वा परिभुञ्जेय्य, पाचित्तियं ।

सुत्तकन्तनसिक्खापदं

४३. या पन भिक्खुनी सुत्तं कन्तेय्य, पाचित्तियं ।

गिहिवेय्यावच्चसिक्खापदं

४४. या पन भिक्खुनी गिहिवेय्यावच्चं करेय्य, पाचित्तियं ।

अधिकरणसिक्खापदं

४५. या पन भिक्खुनी भिक्खुनिया “एहाय्ये, इमं अधिकरणं वूपसमेही”ति वुच्चमाना “साधू”ति पटिस्सुणित्वा सा पच्छा अनन्तरायिकिनी नेव वूपसमेय्य, न वूपसमाय उस्सुक्कं करेय्य, पाचित्तियं ।

भोजनदानसिक्खापदं

४६. या पन भिक्खुनी अगारिकस्स वा परिब्बाजकस्स वा परिब्बाजिकाय वा सहत्था खादनीयं वा भोजनीयं वा ददेय्य, पाचित्तियं ।

आवसथचीवरसिक्खापदं

४७. या पन भिक्खुनी आवसथचीवरं अनिस्सज्जेत्वा परिभुञ्जेय्य, पाचित्तियं ।

आवसथविहारसिक्खापदं

४८. या पन भिक्खुनी आवसथं अनिस्सज्जित्वा चारिकं पक्कमेय्य, पाचित्तियं ।

तिरच्छानविज्जापरियापुणनसिक्खापदं

४९. या पन भिक्खुनी तिरच्छानविज्जं परियापुणेय्य, पाचित्तियं ।

तिरच्छानविज्जावाचनसिक्खापदं

५०. या पन भिक्खुनी तिरच्छानविज्जं वाचेय्य, पाचित्तियं ।

चित्तागारवग्गो पञ्चमो ।

आरामपविसनसिक्खापदं

५१. या पन भिक्खुनी जानं सभिक्खुकं आरामं अनापुच्छा पविसेय्य, पाचित्तियं ।

भिक्खुअक्कोसनसिक्खापदं

५२. या पन भिक्खुनी भिक्खुं अक्कोसेय्य वा परिभासेय्य वा, पाचित्तियं ।

गणपरिभासनसिक्खापदं

५३. या पन भिक्खुनी चण्डीकता गणं परिभासेय्य, पाचित्तियं ।

पवारितसिक्खापदं

५४. या पन भिक्खुनी निमन्तिता वा पवारिता वा खादनीयं वा भोजनीयं वा खादेय्य वा भुञ्जेय्य वा, पाचित्तियं ।

कुलमच्छरिनीसिक्खापदं

५५. या पन भिक्खुनी कुलमच्छरिनी अस्स, पाचित्तियं ।

अभिक्खुकावाससिक्खापदं

५६. या पन भिक्खुनी अभिक्खुके आवासे वस्सं वसेय्य, पाचित्तियं ।

अपवारणासिक्खापदं

५७. या पन भिक्खुनी वस्संवुट्ठा उभतोसङ्गे तीहि ठानेहि न पवारेय्य दिट्ठेन वा सुतेन वा परिसङ्गाय वा, पाचित्तियं ।

ओवादसिक्खापदं

५८. या पन भिक्खुनी ओवादाय वा संवासाय वा न गच्छेय्य, पाचित्तियं ।

ओवादूपसङ्कमनसिक्खापदं

५९. अन्वद्धमासं भिक्खुनिया भिक्खुसङ्गतो द्वे धम्मा पच्चासीसितब्बा उपोसथपुच्छकञ्च ओवादूपसङ्कमनञ्च । तं अतिकामेन्तिया पाचित्तियं ।

पसाखेजातसिक्खापदं

६०. या पन भिक्खुनी पसाखे जातं गण्डं वा रुधितं वा अनपलोकेत्वा सङ्गं वा गणं वा पुरिसेन सङ्गि एकेनेका भेदापेय्य वा फालापेय्य वा धोवापेय्य वा आलिम्पापेय्य वा बन्धापेय्य वा मोचापेय्य वा, पाचित्तियं ।

आरामवग्गो छट्ठो ।

गब्भिनीसिक्खापदं

६१. या पन भिक्खुनी गब्भिनिं वुट्ठापेय्य, पाचित्तियं ।

पायन्तीसिक्खापदं

६२. या पन भिक्खुनी पायन्तिं वुट्ठापेय्य, पाचित्तियं ।

पठमसिक्खमानसिक्खापदं

६३. या पन भिक्खुनी द्वे वस्सानि छसु धम्मेसु असिक्खितसिक्खं सिक्खमानं वुट्ठापेय्य, पाचित्तियं ।

दुतियसिक्खमानसिक्खापदं

६४. या पन भिक्खुनी द्वे वस्सानि छसु धम्मेसु सिक्खितसिक्खं सिक्खमानं सङ्गेन असम्मत्तं वुट्ठापेय्य, पाचित्तियं ।

पठमगिहिगतसिक्खापदं

६५. या पन भिक्खुनी ऊनद्वादसवस्सं गिहिगतं वुट्ठापेय्य, पाचित्तियं ।

दुतियगिहिगतसिक्खापदं

६६. या पन भिक्खुनी परिपुण्णद्वादसवस्सं गिहिगतं द्वे वस्सानि छसु धम्मेसु असिक्खितसिक्खं वुट्ठापेय्य, पाचित्तियं ।

ततियगिहिगतसिक्खापदं

६७. या पन भिक्खुनी परिपुण्णद्वादसवस्सं गिहिगतं द्वे वस्सानि छसु धम्मेसु सिक्खितसिक्खं सङ्गेन असम्मत्तं वुट्ठापेय्य, पाचित्तियं ।

पठमसहजीविनीसिक्खापदं

६८. या पन भिक्खुनी सहजीविनिं वुट्ठापेत्वा द्वे वस्सानि नेव अनुगणहेय्य न अनुगणहापेय्य, पाचित्तियं ।

पवत्तिनीनानुबन्धनसिक्खापदं

६९. या पन भिक्खुनी वुट्ठापितं पवत्तिनिं द्वे वस्सानि नानुबन्धेय्य, पाचित्तियं ।

दुतियसहजीविनीसिक्खापदं

७०. या पन भिक्खुनी सहजीविनिं वुट्ठापेत्वा नेव वूपकासेय्य न वूपकासापेय्य अन्तमसो छप्पञ्चयोजनानिपि, पाचित्तियं ।

गब्भिनिवग्गो सत्तमो ।

पठमकुमारिभूतसिक्खापदं

७१. या पन भिक्खुनी ऊनवीसतिवस्सं कुमारिभूतं वुट्ठापेय्य, पाचित्तियं ।

दुतियकुमारिभूतसिक्खापदं

७२. या पन भिक्खुनी परिपुण्णवीसतिवस्सं कुमारिभूतं द्वे वस्सानि छसु धम्मेसु असिक्खितसिक्खं वुट्ठापेय्य, पाचित्तियं ।

ततियकुमारिभूतसिक्खापदं

७३. या पन भिक्खुनी परिपुण्णवीसतिवस्सं कुमारिभूतं द्वे वस्सानि छसु धम्मेसु सिक्खितसिक्खं सङ्गेन असम्मत्तं वुट्ठापेय्य, पाचित्तियं ।

ऊनद्वादसवस्ससिक्खापदं

७४. या पन भिक्खुनी ऊनद्वादसवस्सा वुट्ठापेय्य, पाचित्तियं ।

परिपुण्णद्वादसवस्ससिक्खापदं

७५. या पन भिक्खुनी परिपुण्णद्वादसवस्सा सङ्गेन असम्मता वुट्ठापेय्य, पाचित्तियं ।

खिय्यनधम्मसिक्खापदं

७६. या पन भिक्खुनी “अलं ताव ते, अय्ये, वुट्ठापितेना”ति वुच्चमाना “साधू”ति पटिस्सुणित्वा सा पच्छा खिय्यनधम्मं आपज्जेय्य, पाचित्तियं ।

पठमसिक्खमाननवुट्ठापनसिक्खापदं

७७. या पन भिक्खुनी सिक्खमानं “सचे मे त्वं, अय्ये, चीवरं दस्ससि, एवाहं तं वुट्ठापेस्सामी”ति वत्त्वा सा पच्छा अनन्तरायिकिनी नेव वुट्ठापेय्य, न वुट्ठापनाय उस्सुक्कं करेय्य, पाचित्तियं ।

दुतियसिक्खमाननवुट्ठापनसिक्खापदं

७८. या पन भिक्खुनी सिक्खमानं “सचे मे त्वं, अय्ये, द्वे वस्सानि अनुबन्धिस्ससि, एवाहं तं वुट्ठापेस्सामी”ति वत्त्वा सा पच्छा अनन्तरायिकिनी नेव वुट्ठापेय्य, न वुट्ठापनाय उस्सुक्कं करेय्य, पाचित्तियं ।

सोकावाससिक्खापदं

७९. या पन भिक्खुनी पुरिससंसङ्गं कुमारकसंसङ्गं चण्डिं सोकावासं सिक्खमानं वुट्ठापेय्य, पाचित्तियं ।

अननुज्जातसिक्खापदं

८०. या पन भिक्खुनी मातापितृहि वा सामिकेन वा अननुज्जातं सिक्खमानं वुट्ठापेय्य, पाचित्तियं ।

पारिवासिकसिक्खापदं

८१. या पन भिक्खुनी पारिवासिकछन्ददानेन सिक्खमानं वुट्ठापेय्य, पाचित्तियं ।

अनुवस्ससिक्खापदं

८२. या पन भिक्खुनी अनुवस्सं वुट्ठापेय्य, पाचित्तियं ।

एकवस्ससिक्खापदं

८३. या पन भिक्खुनी एकं वस्सं द्वे वुट्ठापेय्य, पाचित्तियं ।

कुमारिभूतवग्गो अट्ठमो ।

छत्तुपाहनसिक्खापदं

८४. या पन भिक्खुनी अगिलाना छत्तुपाहनं धारेय्य, पाचित्तियं ।

यानसिक्खापदं

८५. या पन भिक्खुनी अगिलाना यानेन यायेय्य, पाचित्तियं ।

सङ्घाणिसिक्खापदं

८६. या पन भिक्खुनी सङ्घाणि धारेय्य, पाचित्तियं ।

इत्थालङ्कारसिक्खापदं

८७. या पन भिक्खुनी इत्थालङ्कारं धारेय्य, पाचित्तियं ।

गन्धवण्णकसिक्खापदं

८८. या पन भिक्खुनी गन्धवण्णकेन नहायेय्य, पाचित्तियं ।

वासितकसिक्खापदं

८९. या पन भिक्खुनी वासितकेन पिज्जाकेन नहायेय्य, पाचित्तियं ।

भिक्खुनिउम्महापनसिक्खापदं

९०. या पन भिक्खुनी भिक्खुनिया उम्महापेय्य वा परिमहापेय्य वा, पाचित्तियं ।

सिक्खमानउम्महापनसिक्खापदं

९१. या पन भिक्खुनी सिक्खमानाय उम्महापेय्य वा परिमहापेय्य वा, पाचित्तियं ।

सामणेरीउम्महापनसिक्खापदं

९२. या पन भिक्खुनी सामणेरीया उम्महापेय्य वा परिमहापेय्य वा, पाचित्तियं ।

गिहिनिउम्महापनसिक्खापदं

९३. या पन भिक्खुनी गिहिनिया उम्महापेय्य वा परिमहापेय्य वा, पाचित्तियं ।

अनापुच्छासिक्खापदं

९४. या पन भिक्खुनी भिक्खुस्स पुरतो अनापुच्छा आसने निसीदेय्य, पाचित्तियं ।

पज्हापुच्छनसिक्खापदं

९५. या पन भिक्खुनी अनोकासकतं भिक्खुं पज्जं पुच्छेय्य, पाचित्तियं ।

असंकच्चिकसिक्खापदं

९६. या पन भिक्खुनी असंकच्चिका गामं पविसेय्य, पाचित्तियं ।

छत्तुपाहनवग्गो नवमो ।

मुसावादसिक्खापदं

९७. सम्पजानमुसावादे पाचित्तियं ।

ओमसवादसिक्खापदं

९८. ओमसवादे पाचित्तियं ।

पेसुञ्जसिक्खापदं

९९. भिक्खुनिपेसुञ्जे पाचित्तियं ।

पदसोधम्मसिक्खापदं

१००. या पन भिक्खुनी अनुपसम्पन्नं पदसो धम्मं वाचेय्य, पाचित्तियं ।

पठमसहसेय्यसिक्खापदं

१०१. या पन भिक्खुनी अनुपसम्पन्नाय उत्तरिदिरत्तितरत्तं सहसेय्यं कप्पेय्य, पाचित्तियं ।

दुतियसहसेय्यसिक्खापदं

१०२. या पन भिक्खुनी पुरिसेन सहसेय्यं कप्पेय्य, पाचित्तियं ।

धम्मदेसनासिक्खापदं

१०३. या पन भिक्खुनी पुरिसस्स उत्तरिछप्पञ्चवाचाहि धम्मं देसेय्य अञ्जत्र विञ्जुना इत्थिविग्गहेन, पाचित्तियं ।

भूतारोचनसिक्खापदं

१०४. या पन भिक्खुनी अनुपसम्पन्नाय उत्तरिमनुस्सधम्मं आरोचेय्य, भूतस्मिं पाचित्तियं ।

दुड्डुल्लारोचनसिक्खापदं

१०५. या पन भिक्खुनी भिक्खुनिया दुड्डुल्लं आपत्तिं अनुपसम्पन्नाय आरोचेय्य अञ्जत्र भिक्खुनिसम्मुतिया, पाचित्तियं ।

पथवीखणनसिक्खापदं

१०६. या पन भिक्खुनी पथविं खणेय्य वा खणापेय्य वा, पाचित्तियं ।

मुसावादवगो दसमो ।

भूतगामसिखापदं

१०७. भूतगामपातव्यताय पाचित्तियं ।

अञ्जवादकसिखापदं

१०८. अञ्जवादके, विहेसके पाचित्तियं ।

उज्झापनकसिखापदं

१०९. उज्झापनके, खिन्नके पाचित्तियं ।

पठमसेनासनसिखापदं

११०. या पन भिक्खुनी सङ्घिकं मञ्चं वा पीठं वा भिसिं वा कोच्छं वा अज्झोकासे सन्थरित्वा वा सन्थरापेत्वा वा तं पक्कमन्ती नेव उद्धरेय्य, न उद्धरापेय्य, अनापुच्छं वा गच्छेय्य, पाचित्तियं ।

दुतियसेनासनसिखापदं

१११. या पन भिक्खुनी सङ्घिके विहारे सेय्यं सन्थरित्वा वा सन्थरापेत्वा वा तं पक्कमन्ती नेव उद्धरेय्य, न उद्धरापेय्य, अनापुच्छं वा गच्छेय्य, पाचित्तियं ।

अनुपखज्जसिखापदं

११२. या पन भिक्खुनी सङ्घिके विहारे जानं पुब्बुपगतं भिक्खुनिं अनुपखज्ज सेय्यं कपेय्य “यस्सा सम्बाधो भविस्सति, सा पक्कमिस्सती”ति एतदेव पच्चयं करित्वा अनञ्जं, पाचित्तियं ।

निककट्टनसिखापदं

११३. या पन भिक्खुनी भिक्खुनिं कुपिता अनत्तमना सङ्घिका विहारा निककट्टेय्य वा निककट्टापेय्य वा, पाचित्तियं ।

वेहासकुटिसिखापदं

११४. या पन भिक्खुनी सङ्घिके विहारे उपरिवेहासकुटिया आहच्चपादकं मञ्चं वा पीठं वा अभिनिसीदेय्य वा अभिनिपज्जेय्य वा, पाचित्तियं ।

महल्लकविहारसिखापदं

११५. महल्लकं पन भिक्खुनिया विहारं कारयमानाय याव द्वारकोसा अगगळडुपनाय, आलोकसन्धिपरिकम्माय द्वत्तिच्छदनस्स परियायं अप्पहरिते ठिताय अधिद्वातब्बं । ततो चे उत्तरि अप्पहरितेपि ठिता अधिद्वाहेय्य, पाचित्तियं ।

सप्पाणकसिखापदं

११६. या पन भिक्खुनी जानं सप्पाणकं उदकं तिणं वा मत्तिकं वा सिञ्चेय्य वा सिञ्चापेय्य वा, पाचित्तियं ।

भूतगामवगो एकादसमो ।

आवसथपिण्डसिखापदं

११७. अगिलानाय भिक्खुनिया एको आवसथपिण्डो भुज्जितब्बो । ततो चे उत्तरि भुज्जेय्य, पाचित्तियं ।

गणभोजनसिखापदं

११८. गणभोजने अञ्जत्र समयो पाचित्तियं । तत्थायं समयो, गिलानसमयो, चौवरदानसमयो, चौवरकारसमयो, अद्धानगमनसमयो, नावाभिरुहनसमयो, महासमयो, समणभत्तसमयो, अयं तत्थ समयो ।

काणमातुसिखापदं

११९. भिक्खुनिं पनेव कुलं उपगतं पूवेहि वा मन्थेहि वा अभिहट्ठं पवारेय्य, आकङ्खमानाय भिक्खुनिया द्वत्तिपत्तपूरा पटिगहेतब्बा । ततो चे उत्तरि पटिगण्हेय्य, पाचित्तियं । द्वत्तिपत्तपूरे पटिगहेत्वा ततो नीहरित्वा भिक्खुनीहि सङ्घिं संविभजितब्बं, अयं तत्थ सामीचि ।

विकालभोजनसिखापदं

१२०. या पन भिक्खुनी विकाले खादनीयं वा भोजनीयं वा खादेय्य वा भुज्जेय्य वा, पाचित्तियं ।

सन्निधिकारकसिखापदं

१२१. या पन भिक्खुनी सन्निधिकारकं खादनीयं वा भोजनीयं वा खादेय्य वा भुज्जेय्य वा, पाचित्तियं ।

दन्तपोनसिक्खापदं

१२२. या पन भिक्खुनी अदिन्नं मुखद्वारं आहारं आहरेय्य अञ्जत्र उदकदन्तपोना, पाचित्तियं ।

उय्योजनसिक्खापदं

१२३. या पन भिक्खुनी भिक्खुनिं “एहाय्ये, गामं वा निगमं वा पिण्डाय पविसिस्सामा”ति तस्सा दापेत्वा वा अदापेत्वा वा उय्योजेय्य “गच्छाय्ये, न मे तया सद्धिं कथा वा निसज्जा वा फासु होति, एकिकाय मे कथा वा निसज्जा वा फासु होती”ति एतदेव पच्चयं करित्वा अनञ्जं, पाचित्तियं ।

सभोजनसिक्खापदं

१२४. या पन भिक्खुनी सभोजने कुले अनुपखज्जं निसज्जं कण्ठेय्य, पाचित्तियं ।

रहोपटिच्छन्नसिक्खापदं

१२५. या पन भिक्खुनी पुरिसेन सद्धिं रहो पटिच्छन्ने आसने निसज्जं कण्ठेय्य, पाचित्तियं ।

रहो निसज्जसिक्खापदं

१२६. या पन भिक्खुनी पुरिसेन सद्धिं एकेनेका रहो निसज्जं कण्ठेय्य, पाचित्तियं ।

भोजनवग्गो द्वादसमो ।

चारित्तसिक्खापदं

१२७. या पन भिक्खुनी निमन्तिता सभत्ता समाना सन्ति भिक्खुनिं अनापुच्छा पुरेभत्तं वा पच्छाभत्तं वा कुलेसु चारित्तं आपज्जेय्य अञ्जत्र समया, पाचित्तियं । तत्थायं समयो, चीवरदानसमयो, चीवरकारसमयो, अयं तत्थ समयो ।

महानामसिक्खापदं

१२८. अगिलानाय भिक्खुनिया चतुमासपच्चयपवारणा सादितब्बा अञ्जत्र पुनपवारणाय, अञ्जत्र निच्चपवारणाय । ततो चे उत्तरि सादियेय्य, पाचित्तियं ।

उय्युत्तसेनासिक्खापदं

१२९. या पन भिक्खुनी उय्युत्तं सेनं दस्सनाय गच्छेय्य अञ्जत्र तथारूपपच्चया, पाचित्तियं ।

सेनावाससिक्खापदं

१३०. सिया च तस्सा भिक्खुनिया कोचिदेव पच्चयो सेनं गमनाय, दिरत्तितरत्तं तां भिक्खुनिया सेनाय वसितब्बं । ततो चे उत्तरि वसेय्य, पाचित्तियं ।

उय्योधिकसिक्खापदं

१३१. दिरत्तितरत्तं चे भिक्खुनी सेनाय वसमाना उय्योधिकं वा बलगं वा सेनाब्बूहं वा अनीकदस्सनं वा गच्छेय्य, पाचित्तियं ।

सुरापानसिक्खापदं

१३२. सुरामेरयपाने पाचित्तियं ।

अङ्गुलिपतोदकसिक्खापदं

१३३. अङ्गुलिपतोदके पाचित्तियं ।

हसधम्मसिक्खापदं

१३४. उदके हसधम्मे पाचित्तियं ।

अनादरियसिक्खापदं

१३५. अनादरिये पाचित्तियं ।

भिसापनसिक्खापदं

१३६. या पन भिक्खुनी भिक्खुनिं भिसापेय्य, पाचित्तियं ।

चारित्तवग्गो तेरसमो ।

जोतिसिक्खापदं

१३७. या पन भिक्खुनी अगिलाना विसिब्बनापेक्खा जोतिं समादहेय्य वा समादहापेय्य वा अज्जत्र तथारूपपच्चया, पाचित्तियं ।

नहानसिक्खापदं

१३८. या पन भिक्खुनी ओरेनद्धमासं नहायेय्य अज्जत्र समया, पाचित्तियं । तत्थायं समयो “दियद्दो मासो सेसो गिम्हान” न्ति “वस्सानस्स पठमो मासो” इच्चेते अद्दुतेय्यमासा उण्हसमयो, परिळाहसमयो, गिलानसमयो, कम्मसमयो, अद्धानगमनसमयो, वातवुद्धिसमयो, अयं तत्थ समयो ।

दुब्बण्णकरणसिक्खापदं

१३९. नवं पन भिक्खुनिया चीवरलाभाय तिण्णं दुब्बण्णकरणानं अज्जतरं दुब्बण्णकरणं आदातब्बं नीलं वा कद्धमं वा काळसामं वा । अनादा चे भिक्खुनी तिण्णं दुब्बण्णकरणानं अज्जतरं दुब्बण्णकरणं नवं चीवरं परिभुज्जेय्य, पाचित्तियं ।

विकप्पनसिक्खापदं

१४०. या पन भिक्खुनी भिक्खुस्स वा भिक्खुनिया वा सिक्खमानाय वा सामणेस्स वा सामणेरिया वा सामं चीवरं विकप्पेत्वा अपच्चुद्धारणं परिभुज्जेय्य, पाचित्तियं ।

अपनिधापनसिक्खापदं

१४१. या पन भिक्खुनी भिक्खुनिया पत्तं वा चीवरं वा निसीदनं वा सूचिघरं वा कायबन्धनं वा अपनिधेय्य वा अपनिधापेय्य वा अन्तमसो हसापेक्खापि, पाचित्तियं ।

सञ्चिच्चसिक्खापदं

१४२. या पन भिक्खुनी सञ्चिच्च पाणं जीविता वोरोपेय्य, पाचित्तियं ।

सप्पाणकसिक्खापदं

१४३. या पन भिक्खुनी जानं सप्पाणकं उदकं परिभुज्जेय्य, पाचित्तियं ।

उक्कोटनसिक्खापदं

१४४. या पन भिक्खुनी जानं यथाधम्मं निहताधिकरणं पुनकम्माय उक्कोटेय्य, पाचित्तियं ।

थेय्यसत्थसिक्खापदं

१४५. या पन भिक्खुनी जानं थेय्यसत्थेन सद्धिं संविधाय एकद्धानमग्गं पटिपज्जेय्य अन्तमसो गामन्तरम्पि, पाचित्तियं ।

अरिद्धसिक्खापदं

१४६. या पन भिक्खुनी एवं वदेय्य “तथाहं भगवता धम्मं देसितं आजानामि, यथा येमे अन्तरायिका धम्मा वुत्ता भगवता, ते पटिसेवतो नालं अन्तरायाया” ति । सा भिक्खुनी भिक्खुनीहि एवमस्स वचनीया “माय्ये एवं अवच, मा भगवन्तं अब्भाचिक्खि, न हि साधु भगवतो अब्भक्खानं, न हि भगवा एवं वदेय्य, अनेकपरियायेनाय्ये अन्तरायिका धम्मा अन्तरायिका वुत्ता भगवता, अलज्ज पन ते पटिसेवतो अन्तरायाया” ति । एवज्ज सा भिक्खुनी भिक्खुनीहि वुच्चमाना तथेव पग्गहेय्य, सा भिक्खुनी भिक्खुनीहि यावततियं समनुभासितब्बा तस्स पटिनिस्सग्गाय । यावततियञ्चे समनुभासियमाना तं पटिनिस्सज्जेय्य, इच्चेतं कुसलं । नो चे पटिनिस्सज्जेय्य, पाचित्तियं ।

जोतिवग्गो चुद्धसमो ।

उक्खित्तसम्भोगसिक्खापदं

१४७. या पन भिक्खुनी जानं तथावादिनया भिक्खुनिया अकटानुधम्माय तं दिट्ठिं अप्पटिनिस्सट्ठाय सद्धिं सम्भुज्जेय्य वा, संवसेय्य वा, सह वा सेय्यं कप्पेय्य, पाचित्तियं ।

कण्टकसिक्खापदं

१४८. समणुद्देशापि चे एवं वदेय्य “तथाहं भगवता धम्मं देसितं आजानामि, यथा येमे अन्तरायिका धम्मा वुत्ता भगवता, ते पटिसेवतो नालं अन्तरायाया” ति । सा समणुद्देशा भिक्खुनीहि एवमस्स वचनीया “माय्ये, समणुद्देशे एवं अवच, मा भगवन्तं अब्भाचिक्खि, न हि साधु भगवतो अब्भक्खानं, न हि भगवा एवं वदेय्य, अनेकपरियायेनाय्ये, समणुद्देशे अन्तरायिका धम्मा अन्तरायिका वुत्ता भगवता, अलज्ज पन ते पटिसेवतो अन्तरायाया” ति । एवज्ज सा समणुद्देशा भिक्खुनीहि वुच्चमाना तथेव पग्गहेय्य, सा समणुद्देशा भिक्खुनीहि एवमस्स वचनीया “अज्जतग्गे ते, अय्ये, समणुद्देशे न चेव सो भगवा सत्था अपदिसितब्बो, यम्पि चज्जा समणुद्देशा लभन्ति भिक्खुनीहि सद्धिं दिरत्ततिरत्तं सहसेय्यं, सापि ते नत्थि, चर पिरे, विनस्सा” ति । या पन भिक्खुनी जानं तथानासितं समणुद्देशं उपलापेय्य वा, उपट्ठापेय्य वा, सम्भुज्जेय्य वा, सह वा सेय्यं कप्पेय्य, पाचित्तियं ।

सहधम्मिकसिक्खापदं

१४९. या पन भिक्खुनी भिक्खुनीहि सहधम्मिकं वुच्चमाना एवं वदेय्य “न तावाहं, अय्ये, एतस्मिं सिक्खापदे सिक्खिस्सामि, याव न अज्जं भिक्खुनिं ब्यत्तं विनयधरं परिपुच्छामी” ति, पाचित्तियं । सिक्खमानाय, भिक्खवे, भिक्खुनिया अज्जातब्बं परिपुच्छितब्बं परिपज्जितब्बं, अयं तत्थ सामीचि ।

विलेखनसिक्खापदं

१५०. या पन भिक्खुनी पातिमोक्खे उद्दिस्समाने एवं वदेय्य “किं पनिमेहि खुद्धानुखुद्दकेहि सिक्खापदेहि उद्दिद्देहि, यावदेव कुक्कुच्चाय विहेसाय विलेखाय संवत्तन्ती” ति, सिक्खापदविवण्णके पाचित्तियं ।

मोहनसिक्खापदं

१५१. या पन भिक्खुनी अन्वद्धमासं पातिमोक्खे उद्दिस्समाने एवं वदेय्य “इदानीं खो अहं, अय्ये, जानामि अयमि किर धम्मो सुत्तागतो सुत्तपरियापन्नो अन्वद्धमासं उद्देसं आगच्छती”ति, तज्जे भिक्खुनिं अज्जा भिक्खुनियो जानेय्युं निसिन्नपुब्बं इमाय भिक्खुनिया द्वत्तिकखत्तुं पातिमोक्खे उद्दिस्समाने, को पन वादो भिय्यो, न च तस्सा भिक्खुनिया अज्जाणकेन मुत्ति अत्थि, यज्ज तत्थ आपत्तिं आपन्ना, तज्ज यथाधम्मो कारेतब्बो, उत्तरि चस्सा मोहो आरोपेतब्बो “तस्सा ते, अय्ये, अलाभा, तस्सा ते दुल्लङ्गं, यं त्वं पातिमोक्खे उद्दिस्समाने न साधुकं अट्ठिं कत्वा मनसि करोसी”ति, इदं तस्मिं मोहनके पाचित्तियं।

पहारसिक्खापदं

१५२. या पन भिक्खुनी भिक्खुनिया कुपिता अनत्तमना पहारं ददेय्य, पाचित्तियं।

तलसत्तिकसिक्खापदं

१५३. या पन भिक्खुनी भिक्खुनिया कुपिता अनत्तमना तलसत्तिकं उगिरेय्य, पाचित्तियं।

अमूलकसिक्खापदं

१५४. या पन भिक्खुनी भिक्खुनिं अमूलकेन सङ्गादिसेसेन अनुद्धंसेय्य, पाचित्तियं।

सञ्चिच्चसिक्खापदं

१५५. या पन भिक्खुनी भिक्खुनिया सञ्चिच्च कुक्कुच्चं उपदहेय्य “इतिस्सा मुहुत्तमि अफासु भविस्सती”ति एतदेव पच्चयं करित्वा अनज्जं, पाचित्तियं।

उपस्सुति सिक्खापदं

१५६. या पन भिक्खुनी भिक्खुनीनं भण्डनजातानं कलहजातानं विवादापन्नानं उपस्सुतिं तिड्डेय्य “यं इमा भणिस्सन्ति, तं सोस्सामी”ति एतदेव पच्चयं करित्वा अनज्जं, पाचित्तियं।

दिट्ठिवग्गो पन्नरसमो।

कम्मप्पटिबाहनसिक्खापदं

१५७. या पन भिक्खुनी धम्मिकानं कम्मानं छन्दं दत्वा पच्छा खीयनधम्मं आपज्जेय्य, पाचित्तियं।

छन्दं अदत्वागमनसिक्खापदं

१५८. या पन भिक्खुनी सङ्गे विनिच्छयकथाय वत्तमानाय छन्दं अदत्वा उट्ठायासना पक्कमेय्य, पाचित्तियं।

दुब्बलसिक्खापदं

१५९. या पन भिक्खुनी समग्गेन सङ्गेन चीवरं दत्वा पच्छा खीयनधम्मं आपज्जेय्य “यथासन्थुतं भिक्खुनियो सङ्घिकं लाभं परिणामेन्ती”ति, पाचित्तियं।

परिणामनसिक्खापदं

१६०. या पन भिक्खुनी जानं सङ्घिकं लाभं परिणतं पुगलस्स परिणामेय्य, पाचित्तियं।

रतनसिक्खापदं

१६१. या पन भिक्खुनी रतनं वा रतनसम्मतं वा अज्जत्र अज्झारामा वा अज्झावसथा वा उग्गण्हेय्य वा उग्गणापेय्य वा, पाचित्तियं। रतनं वा पन भिक्खुनिया रतनसम्मतं वा अज्झारामे वा अज्झावसथे वा उग्गहेत्वा वा उग्गापेत्वा वा निक्खिपितब्बं “यस्स भविस्सति, सो हरिस्सती”ति, अयं तत्थ सामीचि।

सूचिघरसिक्खापदं

१६२. या पन भिक्खुनी अट्ठिमयं वा दन्तमयं वा विसाणमयं वा सूचिघरं कारापेय्य, भेदनकं पाचित्तियं।

मञ्चपीठसिक्खापदं

१६३. नवं पन भिक्खुनिया मञ्चं वा पीठं वा कारयमानाय अट्ठङ्गुलपादकं कारेतब्बं सुगतङ्गुलेन अज्जत्र हेट्ठिमाय अटनिया। तं अतिकामेन्तिया छेदनकं पाचित्तियं।

तूलोनद्धसिक्खापदं

१६४. या पन भिक्खुनी मञ्चं वा पीठं वा तूलोनद्धं कारापेय्य, उद्दालनकं पाचित्तियं।

कण्डुप्पटिच्छादिसिक्खापदं

१६५. कण्डुप्पटिच्छादिं पन भिक्खुनिया कारयमानाय पमाणिका कारेतब्बा, तत्रिदं पमाणं, दीघसो चत्तस्सो विदत्थियो सुगतविदत्थिया, तिरियं द्वे विदत्थियो। तं अतिकामेन्तिया छेदनकं पाचित्तियं।

नन्दसिक्खापदं

१६६. या पन भिक्खुनी सुगतचीवरप्पमाणं चीवरं कारापेय्य, अतिरेकं वा, छेदनकं पाचित्तिर्यं । तत्रिदं सुगतस्स सुगतचीवरप्पमाणं, दीघसो नव विदत्थियो सुगतविदत्थिया, तिरियं छ विदत्थियो, इदं सुगतस्स सुगतचीवरप्पमाणन्ति ।

धम्मिकवग्गो सोळसमो ।

उद्दिट्ठा खो, अय्यायो, छसड्डिसता पाचित्तिया धम्मा । तत्थाय्यायो, पुच्छामि, कच्चित्थ परिसुद्धा, दुतियम्पि पुच्छामि, कच्चित्थ परिसुद्धा, ततियम्पि पुच्छामि, कच्चित्थ परिसुद्धा, परिसुद्धेत्याय्यायो, तस्मा तुण्ही, एवमेतं धारयामीति ।

पाचित्तिया निड्डिता ।

पाटिदेसनीया

इमे खो पनाय्यायो अट्ट पाटिदेसनीया

धम्मा उद्देसं आगच्छन्ति ।

सप्पिविज्जापनसिक्खापदं

१. या पन भिक्खुनी अगिलाना सप्पिं विज्जापेत्वा भुज्जेय्य, पटिदेसेतब्बं तां भिक्खुनिया “गारहं, अय्ये, धम्मं आपज्जिं असप्पायं पाटिदेसनीयं, तं पटिदेसेमी”ति ।

तेलविज्जापनसिक्खापदं

२. या पन भिक्खुनी अगिलाना तेलं विज्जापेत्वा भुज्जेय्य...पे०... तं पटिदेसेमीति ।

मधुविज्जापनसिक्खापदं

३. या पन भिक्खुनी अगिलाना मधुं विज्जापेत्वा भुज्जेय्य...पे०... तं पटिदेसेमीति ।

फाणितविज्जापनसिक्खापदं

४. या पन भिक्खुनी अगिलाना फाणितं विज्जापेत्वा भुज्जेय्य...पे०... तं पटिदेसेमीति ।

मच्छविज्जापनसिक्खापदं

५. या पन भिक्खुनी अगिलाना मच्छं विज्जापेत्वा भुज्जेय्य...पे०... तं पटिदेसेमीति ।

मंसविज्जापनसिक्खापदं

६. या पन भिक्खुनी अगिलाना मंसं विज्जापेत्वा भुज्जेय्य...पे०... तं पटिदेसेमीति ।

खीरविज्जापनसिक्खापदं

७. या पन भिक्खुनी अगिलाना खीरं विज्जापेत्वा भुज्जेय्य...पे०... तं पटिदेसेमीति ।

दधिविज्जापनसिक्खापदं

८. या पन भिक्खुनी अगिलाना दधिं विज्जापेत्वा भुज्जेय्य, पटिदेसेतब्बं तां भिक्खुनिया “गारहं, अय्ये, धम्मं आपज्जिं असप्पायं पाटिदेसनीयं, तं पटिदेसेमी”ति ।

उद्दिट्ठा खो, अय्यायो, अट्ट पाटिदेसनीया धम्मा । तत्थाय्यायो, पुच्छामि, कच्चित्थ परिसुद्धा, दुतियम्पि पुच्छामि, कच्चित्थ परिसुद्धा, ततियम्पि पुच्छामि, कच्चित्थ परिसुद्धा, परिसुद्धेत्याय्यायो, तस्मा तुण्ही, एवमेतं धारयामीति ।

पाटिदेसनीया निड्डिता ।

सेखिया

इमे खो पनाय्यायो, सेखिया धम्मा उद्देसं आगच्छन्ति ।

परिमण्डलसिक्खापदं

१. परिमण्डलं निवासेस्सामीति सिक्खा करणीया ।

२. परिमण्डलं पारुपिस्सामीति सिक्खा करणीया ।

सुप्पटिच्छन्नसिक्खापदं

३. सुप्पटिच्छन्ना अन्तरधरे गमिस्सामीति सिक्खा करणीया ।

४. सुप्पटिच्छन्ना अन्तरधरे निसीदिस्सामीति सिक्खा करणीया ।

सुसंवृतसिक्खापदं

५. सुसंवृता अन्तरघरे गमिस्सामीति सिक्खा करणीया ।
 ६. सुसंवृता अन्तरघरे निसीदिस्सामीति सिक्खा करणीया ।

ओक्खित्तचक्खुसिक्खापदं

७. ओक्खित्तचक्खुनी अन्तरघरे गमिस्सामीति सिक्खा करणीया ।
 ८. ओक्खित्तचक्खुनी अन्तरघरे निसीदिस्सामीति सिक्खा करणीया ।

उक्खित्तकसिक्खापदं

९. न उक्खित्तकाय अन्तरघरे गमिस्सामीति सिक्खा करणीया ।
 १०. न उक्खित्तकाय अन्तरघरे निसीदिस्सामीति सिक्खा करणीया ।

परिमण्डलवग्गो पठमो ।

उज्जग्घिकसिक्खापदं

११. न उज्जग्घिकाय अन्तरघरे गमिस्सामीति सिक्खा करणीया ।
 १२. न उज्जग्घिकाय अन्तरघरे निसीदिस्सामीति सिक्खा करणीया ।

उच्चसद्वसिक्खापदं

१३. अप्पसद्दा अन्तरघरे गमिस्सामीति सिक्खा करणीया ।
 १४. अप्पसद्दा अन्तरघरे निसीदिस्सामीति सिक्खा करणीया ।

कायप्पचालकसिक्खापदं

१५. न कायप्पचालकं अन्तरघरे गमिस्सामीति सिक्खा करणीया ।
 १६. न कायप्पचालकं अन्तरघरे निसीदिस्सामीति सिक्खा करणीया ।

बाहुप्पचालकसिक्खापदं

१७. न बाहुप्पचालकं अन्तरघरे गमिस्सामीति सिक्खा करणीया ।
 १८. न बाहुप्पचालकं अन्तरघरे निसीदिस्सामीति सिक्खा करणीया ।

सीसप्पचालकसिक्खापदं

१९. न सीसप्पचालकं अन्तरघरे गमिस्सामीति सिक्खा करणीया ।
 २०. न सीसप्पचालकं अन्तरघरे निसीदिस्सामीति सिक्खा करणीया ।

उज्जग्घिकवग्गो दुतियो ।

खम्भकतसिक्खापदं

२१. न खम्भकता अन्तरघरे गमिस्सामीति सिक्खा करणीया ।
 २२. न खम्भकता अन्तरघरे निसीदिस्सामीति सिक्खा करणीया ।

ओगुण्ठितसिक्खापदं

२३. न ओगुण्ठिता अन्तरघरे गमिस्सामीति सिक्खा करणीया ।
 २४. न ओगुण्ठिता अन्तरघरे निसीदिस्सामीति सिक्खा करणीया ।

उक्कुटिकसिक्खापदं

२५. न उक्कुटिकाय अन्तरघरे गमिस्सामीति सिक्खा करणीया ।

पल्लत्थिकसिक्खापदं

२६. न पल्लत्थिकाय अन्तरघरे निसीदिस्सामीति सिक्खा करणीया ।

सक्कच्चपटिग्गहणसिक्खापदं

२७. सक्कच्चं पिण्डपातं पटिग्गहेस्सामीति सिक्खा करणीया ।

पत्तसज्जिनीपटिग्गहणसिक्खापदं

२८. पत्तसज्जिनी पिण्डपातं पटिग्गहेस्सामीति सिक्खा करणीया ।

समसूपकपटिग्गहणसिक्खापदं

२९. समसूपकं पिण्डपातं पटिग्गहेस्सामीति सिक्खा करणीया ।

समतित्तिकसिक्खापदं

३०. समतित्तिकं पिण्डपातं पटिग्गहेस्सामीति सिक्खा करणीया ।

खम्भकतवग्गो ततियो ।

सक्कच्चभुज्जनसिक्खापदं

३१. सक्कच्चं पिण्डपातं भुज्जिस्सामीति सिक्खा करणीया ।

पत्तसज्जिनीभुज्जनसिक्खापदं

३२. पत्तसज्जिनी पिण्डपातं भुज्जिस्सामीति सिक्खा करणीया ।

सपदानसिक्खापदं

३३. सपदानं पिण्डपातं भुज्जिस्सामीति सिक्खा करणीया ।

समसूपकसिक्खापदं

३४. समसूपकं पिण्डपातं भुज्जिस्सामीति सिक्खा करणीया ।

न थूपकतसिक्खापदं

३५. न थूपकतो ओमहित्वा पिण्डपातं भुज्जिस्सामीति सिक्खा करणीया ।

ओदनप्पटिच्छादनसिक्खापदं

३६. न सूपं वा ब्यज्जनं वा ओदनेन पटिच्छादेस्सामि भिय्योक्कम्यतं उपादायाति सिक्खा करणीया ।

सूपोदनविज्जित्तिसिक्खापदं

३७. न सूपं वा ओदनं वा अगिलाना अत्तनो अत्थाय विज्जापेत्वा भुज्जिस्सामीति सिक्खा करणीया ।

उज्झानसज्जिनीसिक्खापदं

३८. न उज्झानसज्जिनी परेसं पत्तं ओलोकेस्सामीति सिक्खा करणीया ।

कबळसिक्खापदं

३९. नातिमहन्तं कबळं करिस्सामीति सिक्खा करणीया ।

आलोपसिक्खापदं

४०. परिमण्डलं आलोपं करिस्सामीति सिक्खा करणीया ।

सक्कच्चवग्गो चतुत्थो ।

अनाहटसिक्खापदं

४१. न अनाहटे कबळे मुखद्वारं विवरिस्सामीति सिक्खा करणीया ।

- भुञ्जमानसिक्खापदं
४२. न भुञ्जमाना सब्बहत्यं मुखे पक्खिपिस्सामीति सिक्खा करणीया ।
- सकबळसिक्खापदं
४३. न सकबळेन मुखेन ब्याहरिस्सामीति सिक्खा करणीया ।
- पिण्डुक्खेपकसिक्खापदं
४४. न पिण्डुक्खेपकं भुञ्जिस्सामीति सिक्खा करणीया ।
- कबळावच्छेदकसिक्खापदं
४५. न कबळावच्छेदकं भुञ्जिस्सामीति सिक्खा करणीया ।
- अवगण्डकारकसिक्खापदं
४६. न अवगण्डकारकं भुञ्जिस्सामीति सिक्खा करणीया ।
- हत्यनिद्धुनकसिक्खापदं
४७. न हत्यनिद्धुनकं भुञ्जिस्सामीति सिक्खा करणीया ।
- सित्थावकारकसिक्खापदं
४८. न सित्थावकारकं भुञ्जिस्सामीति सिक्खा करणीया ।
- जिह्वानिच्छारकसिक्खापदं
४९. न जिह्वानिच्छारकं भुञ्जिस्सामीति सिक्खा करणीया ।
- चपुचपुकारकसिक्खापदं
५०. न चपुचपुकारकं भुञ्जिस्सामीति सिक्खा करणीया ।
- कबळवग्गो पञ्चमो ।
- सुरुसुरुकारकसिक्खापदं
५१. न सुरुसुरुकारकं भुञ्जिस्सामीति सिक्खा करणीया ।
- हत्यनिल्लेहकसिक्खापदं
५२. न हत्यनिल्लेहकं भुञ्जिस्सामीति सिक्खा करणीया ।
- पत्तनिल्लेहकसिक्खापदं
५३. न पत्तनिल्लेहकं भुञ्जिस्सामीति सिक्खा करणीया ।
- ओट्टुनिल्लेहकसिक्खापदं
५४. न ओट्टुनिल्लेहकं भुञ्जिस्सामीति सिक्खा करणीया ।
- सामिसिक्खापदं
५५. न सामिसेन हत्येन पानीयथालकं पटिग्गहेस्सामीति सिक्खा करणीया ।
- ससित्थकसिक्खापदं
५६. न ससित्थकं पत्तधोवनं अन्तरघरे छट्ठेस्सामीति सिक्खा करणीया ।
- छत्तपाणिसिक्खापदं
५७. न छत्तपाणिस्स अगिलानस्स धम्मं देसेस्सामीति सिक्खा करणीया ।
- दण्डपाणिसिक्खापदं

५८. न दण्डपाणिस्स अगिलानस्स धम्मं देसेस्सामीति सिक्खा करणीया ।
सत्थपाणिसिक्खापदं
५९. न सत्थपाणिस्स अगिलानस्स धम्मं देसेस्सामीति सिक्खा करणीया ।
आवुधपाणिसिक्खापदं
६०. न आवुधपाणिस्स अगिलानस्स धम्मं देसेस्सामीति सिक्खा करणीया ।
सुरुसुरुवगो छट्ठो ।
पादुकसिक्खापदं
६१. न पादुकारुहस्स अगिलानस्स धम्मं देसेस्सामीति सिक्खा करणीया ।
उपाहनसिक्खापदं
६२. न उपाहनारुहस्स अगिलानस्स धम्मं देसेस्सामीति सिक्खा करणीया ।
यानसिक्खापदं
६३. न यानगतस्स अगिलानस्स धम्मं देसेस्सामीति सिक्खा करणीया ।
सयनसिक्खापदं
६४. न सयनगतस्स अगिलानस्स धम्मं देसेस्सामीति सिक्खा करणीया ।
पल्लत्थिकसिक्खापदं
६५. न पल्लत्थिकाय निसिन्नस्स अगिलानस्स धम्मं देसेस्सामीति सिक्खा करणीया ।
वेठितसिक्खापदं
६६. न वेठितसीसस्स अगिलानस्स धम्मं देसेस्सामीति सिक्खा करणीया ।
ओगुण्ठितसिक्खापदं
६७. न ओगुण्ठितसीसस्स अगिलानस्स धम्मं देसेस्सामीति सिक्खा करणीया ।
छमासिक्खापदं
६८. न छमायं निसीदित्वा आसने निसिन्नस्स अगिलानस्स धम्मं देसेस्सामीति सिक्खा करणीया ।
नीचासनसिक्खापदं
६९. न नीचे आसने निसीदित्वा उच्चे आसने निसिन्नस्स अगिलानस्स धम्मं देसेस्सामीति सिक्खा करणीया ।
ठितासिक्खापदं
७०. न ठिता निसिन्नस्स अगिलानस्स धम्मं देसेस्सामीति सिक्खा करणीया ।
पच्छतो गच्छन्तीसिक्खापदं
७१. न पच्छतो गच्छन्ती पुरतो गच्छन्तस्स अगिलानस्स धम्मं देसेस्सामीति सिक्खा करणीया ।
उप्यथेन गच्छन्तीसिक्खापदं
७२. न उप्यथेन गच्छन्ती पथेन गच्छन्तस्स अगिलानस्स धम्मं देसेस्सामीति सिक्खा करणीया ।
ठिता उच्चारसिक्खापदं
७३. न ठिता अगिलाना उच्चारं वा पस्सावं वा करिस्सामीति सिक्खा करणीया ।
हरिते उच्चारसिक्खापदं
७४. न हरिते अगिलाना उच्चारं वा पस्सावं वा खेळं वा करिस्सामीति सिक्खा करणीया ।

उदके उच्चारसिक्खापदं

७५. न उदके अगिलाना उच्चारं वा पस्सावं वा खेळं वा करिस्सामीति सिक्खा करणीया ।

पादुकवगो सत्तमो ।

उद्दिट्ठा खो, अय्यायो, सेखिया धम्मा । तत्थाय्यायो, पुच्छामि, कच्चित्थ परिसुद्धा, दुतियम्पि पुच्छामि, कच्चित्थ परिसुद्धा, ततियम्पि पुच्छामि, कच्चित्थ परिसुद्धा, परिसुद्धेत्थाय्यायो, तस्मा तुण्ही, एवमेतं धारयामीति ।

सेखिया निट्ठिता ।

अधिकरणसमथा

इमे खो पनाय्यायो, सत्त अधिकरणसमथा

धम्मा उद्देसं आगच्छन्ति ।

उप्पन्नुप्पन्नानं अधिकरणानं समथाय वूपसमाय सम्मुखविनयो दातब्बो ।

सतिविनयो दातब्बो ।

अमूळहविनयो दातब्बो ।

पटिज्जाय कारेतब्बं ।

येभ्य्यसिका ।

तस्सपापियसिका ।

तिणवत्थारकोति ।

उद्दिट्ठा खो अय्यायो सत्त अधिकरणसमथा धम्मा । तत्थाय्यायो पुच्छामि, कच्चित्थ परिसुद्धा, दुतियम्पि पुच्छामि, कच्चित्थ परिसुद्धा, ततियम्पि पुच्छामि, कच्चित्थ परिसुद्धा, परिसुद्धेत्थाय्यायो, तस्मा तुण्ही, एवमेतं धारयामीति ।

अधिकरणसमथा निट्ठिता ।

उद्दिट्ठं खो अय्यायो निदानं,

उद्दिट्ठा अट्ठ पाराजिका धम्मा,

उद्दिट्ठा सत्तरस सङ्गादिसेसा धम्मा,

उद्दिट्ठा तिस निस्सगिया पाचित्तिया धम्मा,

उद्दिट्ठा छसट्ठि सता पाचित्तिया धम्मा,

उद्दिट्ठा अट्ठ पाटिदेसनीया धम्मा,

उद्दिट्ठा सेखिया धम्मा,

उद्दिट्ठा सत्त अधिकरणसमथा धम्मा, एतकं तस्स भगवतो सुत्तागतं सुत्तपरियापन्नं अन्वद्धमासं उद्देसं आगच्छति, तत्थ सब्बाहेव समग्गाहि सम्मोदमानाहि अविवदमानाहि सिक्खितब्बन्ति ।

वित्थारुद्देसो चतुत्थो ।

भिक्षुनिपातिमोक्खं निट्ठितं ।

॥ नमो तस्स भगवतो अरहतो सम्मासम्बुद्धस्स ॥

कङ्खावितरणी-अट्ठकथा

गन्थारम्भकथा

बुद्धं धम्मञ्च सङ्खञ्च, विप्पसन्नेन चेतसा ।

वन्दित्वा वन्दनामान, पूजासक्कारभाजनं ॥

थेरवंसपदीपानं, थिरानं विनयक्कमे ।

पुब्बाचरियसीहानं, नमो कत्वा कतञ्जली ॥

पामोक्खं अनवज्जानं, धम्मानं यं महिसिना ।
मुखं मोक्खण्वेसाय, पातिमोक्खं पकासितं ॥

सूरतेन निवातेन, सुचिसल्लेखवुत्तिना ।
विनयाचारयुत्तेन, सोणत्थेरेन याचितो ॥

तत्थ सज्जातकङ्कानं, भिक्खुनं तस्स वण्णनं ।
कङ्कावितरणत्थाय, परिपुण्णविनिच्छयं ॥

महाविहारवासीनं, वाचनामग्गनिस्सितं ।
वत्तयिस्सामि नामेन, कङ्कावितरणं सुभन्ति ॥

निदानवण्णना

तत्थ पातिमोक्खन्ति पअतिमोक्खं अतिपमोक्खं अतिसेड्ढं अतिउत्तमन्ति अत्थो । इति इमिना वचनत्थेन एकविधम्पि सीलगन्थभेदतो दुविधं होति । तथा हि “पातिमोक्खसंवरसंवृतो विहरती”ति (म० नि० १.६९; ३.७५; विभ० ५.०८) च “आदिमेतं मुखमेतं पमुखमेतं कुसलानं धम्मानं, तेन वुच्चति पातिमोक्ख”न्ति (महाव० १३५) च आदीसु सीलं पातिमोक्खन्ति वुच्चति, “उभयानि खो पनस्स पातिमोक्खानि वित्थारेन स्वागतानि होन्ती”ति आदीसु (पाचि० १४७; अ० नि० ८.५२; १०.३३) गन्थो पातिमोक्खन्ति वुच्चति । तत्थ सीलं यो न पाति रक्खति, तं मोक्खेति मोचयति आपायिकादीहि दुक्खेहि, अत्तानुवादादीहि वा भयेहीति पातिमोक्खं । गन्थो पन तस्स पातिमोक्खस्स जोतकत्ता पातिमोक्खन्ति वुच्चति । आदिहि पन वुत्तो वचनत्थो उभिन्नम्पि साधारणो होति ।

तत्थायं वण्णना सीलपातिमोक्खस्सापि युज्जति गन्थपातिमोक्खस्सापि, गन्थे हि वण्णिता तस्स अत्थो वण्णिताव होति । तं पनेतं गन्थपातिमोक्खं भिक्खुपातिमोक्खं भिक्खुनिपातिमोक्खन्ति दुविधं होति । तत्थ “सुणातु मे, भन्ते, सङ्घो”ति आदिकं (महाव० १३४) पञ्चहि उद्देसपरिच्छेदेहि ववत्थितं **भिक्खुपातिमोक्खं**, “सुणातु मे, अय्ये, सङ्घो”ति आदिकं चतूहि उद्देसपरिच्छेदेहि ववत्थितं **भिक्खुनिपातिमोक्खं** । तत्थ भिक्खुपातिमोक्खे पञ्च उद्देसा नाम निदानुद्देसो, पाराजिकुद्देसो, सङ्घादिसेसुद्देसो, अनियतुद्देसो, वित्थारुद्देसोति । तत्थ निदानुद्देसो ताव “सुणातु मे, भन्ते, सङ्घो...पे... आविकता हिस्स फासु होति, तत्थायस्मन्ते पुच्छामि, कच्चित्थ परिसुद्धा, दूतियम्पि पुच्छामि, कच्चित्थ परिसुद्धा, ततियम्पि पुच्छामि, कच्चित्थ परिसुद्धा, परिसुद्धेत्थायस्मन्तो, तस्मा तुण्हो, एवमेतं धारयामी”ति वत्त्वा “उद्दिट्ठं खो आयस्मन्तो निदानं”न्ति आदिना नयेन अवसेसे सुतेन साविते उद्दिट्ठो होति । पाराजिकुद्देसादीनं परिच्छेदा निदानस्स आदितो पट्ठाय पाराजिकादीनि ओसापेत्वा योजेतब्बा । वित्थारो वित्थारोयेव । “अवसेसं सुतेन सावेतब्ब”न्ति (महाव० १५०; परि० ३२५) वचनतो पन पाराजिकुद्देसादीसु यस्मिं विषकते अन्तरायो उपपज्जति, तेन सङ्घि अवसेसं सुतेन सावेतब्बं । निदानुद्देसे पन अनिद्धिते सुतेन सावेतब्बं नाम नत्थि । भिक्खुनिपातिमोक्खे पन अनियतुद्देसो परिहायति, सेसं वृत्तनयमेव । एवमेतेसं पञ्चहि चेव चतूहि च उद्देसपरिच्छेदेहि ववत्थितानं द्विन्नम्पि पातिमोक्खानं अयं वण्णना भविस्सति । यस्मा पनेत्थ भिक्खुपातिमोक्खं पठमं, तस्मा तस्स ताव वण्णनत्थमिदं वुच्चति ।

“सुणातु मे”ति आदीनं, पदानं अत्थनिच्छयं ।
भिक्खवो सीलसम्पन्ना, सिक्खाकामा सुणन्तु मेति ॥

एत्थ हि **सुणातु**ति इदं सवनाणत्तिवचनं । मेति यो सार्वेति, तस्स अत्तनिद्देसवचनं । भन्तेति सगारवसप्पत्तिस्सवचनं । सङ्घोति पुग्गलसमूहवचनं । सब्बमेव चेत्तं पातिमोक्खुद्देसकेन पठमं वत्तब्बवचनं । भगवता हि पातिमोक्खुद्देसं अनुजानन्तेन राजगहे वृत्तं, तस्मा यो पातिमोक्खं उद्दिहति, तेन सचे सङ्घत्थेरो होति, “आवुसो”ति वत्तब्बं । सचे नवकतरो होति, पाळियं (महाव० १३४) आगतनयेनेव “भन्ते”ति वत्तब्बं । सङ्घत्थेरो वा हि पातिमोक्खं उद्दिसेय्य “थेराधिकं पातिमोक्ख”न्तिवचनतो (महाव० १५४), नवकतरो वा “अनुजानामि, भिक्खवे, यो तत्थ भिक्खु ब्यत्तो पटिबलो, तस्सधेय्यं पातिमोक्ख”न्तिवचनतो (महाव० १५५) ।

“सङ्घो”ति इमिना पन पदेन किञ्चापि अविसेसतो पुग्गलसमूहो वुत्तो, अथ खो सो दक्खिणेय्यसङ्घो, सम्मुतिसङ्घो चाति दुविधो होति । तत्थ **दक्खिणेय्यसङ्घो**ति अट्ठ अरियपुग्गलसमूहो वुच्चति । **सम्मुतिसङ्घो**ति अविसेसेन भिक्खुसमूहो, सो इध अधिप्पेतो । सो पनेस कम्मवसेन पञ्चविधो (महाव० ३८८) होति — चतुवग्गो पञ्चवग्गो दसवग्गो वीसतिवग्गो अतिरेकवीसतिवग्गोति । तत्थ **चतुवग्गे**न ठपेत्वा उपसम्पदपवारणअब्भानानि सब्बं सङ्घकम्मं कातुं वट्ठति । **पञ्चवग्गे**न ठपेत्वा मज्झिमेसु जनपदेसु उपसम्पदञ्च अब्भानकम्मञ्च सब्बं सङ्घकम्मं कातुं वट्ठति । **दसवग्गे**न अब्भानकम्ममत्तं ठपेत्वा सब्बं सङ्घकम्मं कातुं वट्ठति । **वीसतिवग्गे**न न किञ्चि सङ्घकम्मं कातुं न वट्ठति, तथा **अतिरेकवीसतिवग्गे**न (सो पन चतुवग्गादिना सङ्घेन कत्तब्बं कम्मं ऊनकतरेन कातुं न वट्ठति, अतिरेकेन पन वट्ठतीति दस्सनत्थं वुत्तो । इमस्मिं पनत्थे चतुवग्गं उपादाय सब्बोपि सम्मुतिसङ्घो अधिप्पेतो ।

अज्जुपोसथोति अज्ज उपोसथदिवसो, एतेन अनुपोसथदिवसं पटिक्खिपति । **पन्नरसो**ति इमिना अज्जं उपोसथदिवसं पटिक्खिपति । दिवसवसेन हि तयो उपोसथा चातुद्दिसो पन्नरसिको सामग्गिउपोसथोति, एवं तयो उपोसथा वुत्ता । तत्थ हेमन्तगिम्हवस्सानानं तिण्णं उतूनं ततियसत्तमपक्खेसु द्वे द्वे कत्वा छ **चातुद्दिसिका**, अवसेसा अट्ठारस **पन्नरसिका**ति एवं एकसंवच्छरे चतुवीसति उपोसथा, इदं ताव पकतिचारितं । “अनुजानामि, भिक्खवे, सकिं पक्खस्स चातुद्दसे वा पन्नरसे वा पातिमोक्खं उद्दिहसितु”न्ति (महाव० १३६) वचनतो पन “आगन्तुकेहि आवासिकानं अनुवत्तिताब्ब”न्ति आदिवचनतो (महाव० १७८) च तथारूपपच्चये सति अज्जस्मिम्पि चातुद्दसे उपोसथं कातुं वट्ठति । पुरिमवस्संवुट्ठानं पन पुब्बकत्तिकपुण्णमा वा, तेसंयेव सचे भण्डनकारकेहि उपहुता पवारणं पच्चुक्कङ्कन्ति, अथ पुब्बकत्तिकमासस्स काळपक्खचातुद्दसो वा, पच्छिमकत्तिकपुण्णमा वा, पच्छिमवस्संवुट्ठानञ्च पच्छिमकत्तिकपुण्णमा एवाति इमे तयो पवारणादिवसापि होन्ति, इदम्पि पकतिचारितमेव । तथारूपपच्चये पन सति द्विन्नं कत्तिकपुण्णमानं पुरिमेसु चातुद्दसेसुपि पवारणं कातुं वट्ठति । यदा पन कोसम्बकक्खन्थके (महाव० ४५१) आगतनयेन भिन्ने सङ्घे ओसारिते तस्मिं भिक्खुस्मिं सङ्घो तस्स वत्थुस्स वृपसमाय सङ्घस्स सामग्गिं करोति, तदा “तावदेव उपोसथो कातब्बो, पातिमोक्खं उद्दिहसितब्ब”न्ति (महाव० ४७५) वचनतो ठपेत्वा चातुद्दसपन्नरसे, अज्जोपि यो कोचि दिवसो **सामग्गिउपोसथदिवसो** नाम होति, पुरिमवस्संवुट्ठानं पन कत्तिकमासब्बन्तरे अयमेव सामग्गिपवारणादिवसो नाम होति । इति इमेसु तीसु दिवसेसु “पन्नरसो”ति इमिना अज्जं उपोसथदिवसं पटिक्खिपति । तस्मा थ्यायं “अज्जुपोसथो”तिवचनेन अनुपोसथदिवसो पटिक्खित्तो, तस्मिं उपोसथो न कातब्बोयेव । यो पनायं अज्जो उपोसथदिवसो, तस्मिं उपोसथो कातब्बो । करोन्तेन पन सचे चातुद्दसिको होति, “अज्जुपोसथो चातुद्दसो”ति वत्तब्बं । सचे पन्नरसिको होति, “अज्जुपोसथो पन्नरसो”ति वत्तब्बं । सचे सामग्गिउपोसथो होति, “अज्जुपोसथो सामग्गो”ति वत्तब्बं ।

यदि सङ्घस्स पत्तकल्लन्ति एत्थ पत्तो कालो इमस्स कम्मस्साति पत्तकालं, पत्तकालमेव पत्तकल्लं । तदेतं इध चतूहि अङ्गेहि सङ्गहितं । यथाहु अट्ठकथाचरिया —

“उपोसथो यावतिका च भिक्खू कम्मपत्ता,
सभागापत्तियो च न विज्जन्ति ।
वज्जनीया च पुग्गला तस्मिं न होन्ति,
‘पत्तकल्ल’न्ति वुच्चती”ति ॥ (महाव० अट्ठ० १६८) ।

तत्थ **उपोसथो**ति तीसु उपोसथदिवसेसु अज्जतरउपोसथदिवसो । तस्मिञ्च सति इदं सङ्घस्स उपोसथकम्मं पत्तकल्लं नाम होति, नासति । यथाह “न च, भिक्खवे, अनुपोसथे उपोसथो कातब्बो, यो करेय्य, आपति दुक्कटस्सा”ति (महाव० १८३) ।

यावतिका च भिक्खू कम्मपत्तिता यतका भिक्खू तस्स उपोसथकम्मस्स पत्ता युत्ता अनुरूपा, सब्बन्तिमेन परिच्छेदेन चत्तारो पकतत्ता, ते च खो हत्थपासं अविजहित्वा एकसीमायं ठिता ।

सीमा च नामेसा बद्धसीमा अबद्धसीमाति दुविधा होति । तत्थ एकादस विपत्तिसीमायो अतिककमित्वा तिविधसम्पत्तियुत्ता निमित्तेन निमित्तं सम्बन्धित्वा सम्मता सीमा **बद्धसीमा** नाम, “अतिखुद्दका, अतिमहती, खण्डनिमिक्ता, छायानिमिक्ता, अनिमिक्ता, बहिसीमे ठिता सम्मता, नदिद्या सम्मता, समुद्दे सम्मता, जातस्सरे सम्मता, सीमाय सीमं सम्भिन्दन्तेन सम्मता, सीमाय सीमं अज्झोत्थरन्तेन सम्मता”ति इमा हि “एकादसहि आकारेहि सीमतो कम्मानि विपज्जन्ती”ति (परि० ४८६) वचनतो एकादस विपत्तिसीमायो नाम । तत्थ **अतिखुद्दका** नाम यत्थ एकवीसति भिक्खू निसीदितुं न सककोन्ति । **अतिमहती** नाम या अन्तमसो केसगमत्तेनापि तियोजनं अतिककमित्वा सम्मता । **खण्डनिमिक्ता** नाम अघटितनिमिक्ता वुच्चति, पुरत्थिमाय दिसाय निमित्तं कित्तेत्वा अनुक्कमेनेव दक्खिणाय पच्छिमाय उत्तराय दिसाय कित्तेत्वा पुन पुरत्थिमाय दिसाय पुब्बकिञ्चित्तं पटिकित्तेत्वा उपेतुं वट्टति, एवं अखण्डनिमिक्ता होति । सचे पन अनुक्कमेन आहरित्वा उत्तराय दिसाय निमित्तं कित्तेत्वा तत्थेव उपेत, खण्डनिमिक्ता नाम होति । अपरापि **खण्डनिमिक्ता** नाम या अनिमित्तपुगं तचसाररुक्खं वा खाणुकं वा पंसुपुज्जवालुकपुज्जानं वा अज्जतरं अन्तरा एकं निमित्तं कत्वा सम्मता । **छायानिमिक्ता** नाम पब्बतच्छायादीनं यं किञ्चि छायां निमित्तं कत्वा सम्मता । **अनिमिक्ता** नाम सब्बेन सब्बं निमित्तानि अतिकित्तेत्वा सम्मता । **बहिसीमे ठितसम्मता** नाम निमित्तानि कित्तेत्वा निमित्तानं बहिठितेन सम्मता । **नदिद्या समुद्दे जातस्सरे सम्मता** नाम एतेसु नदिआदीसु सम्मता । सा हि एवं सम्मतापि “सब्बा, भिक्खवे, नदी असीमा, सब्बो समुद्दो असीमो, सब्बो जातस्सरो असीमो”ति (महाव० १४७) वचनतो असम्मताव होति । **सीमाय सीमं सम्भिन्दन्तेन सम्मता** नाम अत्तनो सीमाय परेसं सीमं सम्भिन्दन्तेन सम्मता । सचे हि पोरानकस्स विहारस्स पुरत्थिमाय दिसाय अम्बो चेव जम्बू चाति द्वे रुक्खा अज्जमज्जं संसट्टविटपा होन्ति, तेसु अम्बस्स पच्छिमदिसाभागे जम्बू, विहारसीमा च जम्बू अन्तो कत्वा अम्बं कित्तेत्वा बट्टा होति, अथ पच्छा तस्स विहारस्स पुरत्थिमाय दिसाय विहारे कते सीमं बन्धन्ता भिक्खू तं अम्बं अन्तो कत्वा जम्बू कित्तेत्वा बन्धन्ति, सीमाय सीमं सम्भिन्ना होति । **सीमाय सीमं अज्झोत्थरन्तेन सम्मता** नाम अत्तनो सीमाय परेसं सीमं अज्झोत्थरन्तेन सम्मता । सचे हि परेसं बद्धसीमं सकलं वा तस्सा पदेसं वा अन्तो कत्वा अत्तनो सीमं सम्मन्ति, सीमाय सीमं अज्झोत्थरिता नाम होति । इति इमा एकादस विपत्तिसीमायो अतिककमित्वा सम्मता ।

तिविधसम्पत्तियुत्ताति निमित्तसम्पत्तिया परिसासम्पत्तिया कम्मवाचासम्पत्तिया च युत्ता । तत्थ **निमित्तसम्पत्तिया युत्ता** नाम पब्बतनिमित्तं, पासाणनिमित्तं, वननिमित्तं, रुक्खनिमित्तं, मग्गनिमित्तं, वम्मिकनिमित्तं, नदिनिमित्तं, उदकनिमित्तं एवं वृत्तेसु अट्टसु निमित्तेसु तस्मिं तस्मिं दिसाभागे यथालङ्घानि निमित्तपुगानि निमित्तानि “पुरत्थिमाय दिसाय किं निमित्तं, पब्बतो, भन्ते, एसो पब्बतो निमित्तं”ति आदिना नयेन सम्मा कित्तेत्वा सम्मता । तत्रेवं सङ्घेपतो निमित्तपुगता वेदितव्वा — सुद्धपंसुसुद्धपासाणउभयमिस्सकवसेन हि तिविधोपि **पब्बतो** हत्थिप्पमाणतो पट्टाय उद्धं निमित्तपुगो, ततो ओमकतरो न वट्टति । **पासाणनिमित्ते** अयोगुळमि पासाणसङ्घमेव गच्छति, तस्मा यो कोचि पासाणो उक्कंसवसेन हत्थिप्पमाणतो ओमकतरं आदिं कत्वा हेट्टिमपरिच्छेदेन द्वितिसपलगुळपिण्डपरिमाणो निमित्तपुगो, न ततो खुद्दकतरो । पिट्टिपासाणो पन अतिमहन्तोपि वट्टति । **वननिमित्ते** अन्तोसारोह वा अन्तोसारमिस्सकेहि वा रुक्खेहि चतुपञ्चरुक्खमत्तमि वनं निमित्तपुगं, ततो ऊनकतरं न वट्टति । **रुक्खो** जीवन्तोयेव अन्तोसारो भूमियं पतिट्टितो, अन्तमसो उब्बेधतो अट्टङ्गुलो, परिणाहतो सूचिदण्डकप्पमाणोपि निमित्तपुगो, ततो ओमकतरो न वट्टति । **मग्गो** जङ्गमग्गो वा होतु सकटमग्गो वा, यो विनिविज्जित्वा द्वे तीणि गामखेतानि गच्छति, तादिसो जङ्गसत्थसकटसत्थेहि वलज्जियमानोयेव निमित्तपुगो, अवलज्जितो न वट्टति । **वम्मिको** पन हेट्टिमपरिच्छेदेन तदिवसंजातो अट्टङ्गुलुब्बेधो गोविसाणमतोपि वम्मिको निमित्तपुगो, ततो ओमकतरो न वट्टति । यं पन अबद्धसीमालक्खणे **नदिं** वक्खाम, सा निमित्तपुगा, अज्जा न वट्टति । **उदकं** यं असन्दमानं आवाटपोक्खरणितळाकजातस्सरलोणिगसमुद्दारीसु ठितं, तं आदिं कत्वा अन्तमसो तङ्गणेयेव पर्यवियं खणिते आवाटके घट्टेहि आहरित्वा पूरितमि याव कम्मवाचापरियोसाना सण्टमानकं निमित्तपुगं, इतरं सन्दमानं वा वृत्तपरिच्छेदकालं अतिट्टन्तं वा भाजनगतं वा न वट्टतीति ।

परिसासम्पत्तिया युत्ता नाम सब्बन्तिमेन परिच्छेदेन चतुर्हि भिक्खूहि सन्निपतित्वा यावतिका तस्मिं गामखेत्ते बद्धसीमं वा नदिसमुद्दजातस्सरे वा अनोक्कमित्वा ठिता भिक्खू, ते सब्बे हत्थपासे वा कत्वा छन्दं वा आहरित्वा सम्मता ।

कम्मवाचासम्पत्तिया युत्ता नाम “सुणातु मे, भन्ते, सङ्घो, यावता समन्ता निमिक्ता किञ्चित्ता”ति आदिना (महाव० १३९) नयेन वृत्ताय परिसुद्धाय जत्तिदुतियकम्मवाचाय सम्मता । एवं एकादस विपत्तिसीमायो अतिककमित्वा तिविधसम्पत्तियुत्ता निमित्तेन निमित्तं सम्बन्धित्वा सम्मता सीमा “बद्धसीमा”ति वेदितव्वा । **खण्डसीमा समानसंवासीमा अविप्पवाससीमा**ति तस्सायेव पभेदो ।

अबद्धसीमा पन गामसीमा, सत्तब्भन्तरसीमा, उदकुक्खेपसीमाति तिविधा । तत्थ यावता एकं गामकखेत्तं, अयं **गामसीमा** नाम । अगामके अरज्जे समन्ता सत्तब्भन्तरा **सत्तब्भन्तरसीमा** नाम । तत्थ **अगामकं नाम अरज्जं** विज्जाटविआदीसु वा समुद्दमज्जे वा मच्छबन्धानं अगमनपथेसु दीपकेसु लब्धति । **समन्ता सत्तब्भन्तरा**ति मज्जे ठितानं सब्बदिसासु सत्तब्भन्तरा विनिब्बेधेन चूदस होन्ति । तत्थ एकं अब्भन्तरं अट्टवीसतिहत्थप्पमाणं होति, अयज्ज सीमा परिसावसेन वट्टति, तस्मा समन्ता परिसापरियन्ततो पट्टाय अब्भन्तरपरिच्छेदो कातव्वो । सचे पन द्वे सङ्घा विसुं उपोसथं करोन्ति, द्विन् सत्तब्भन्तरानं अन्तरे अज्जमेकं सत्तब्भन्तरं उपचारत्थाय उपेतव्वं । या पनेसा “सब्बा, भिक्खवे, नदी असीमा”ति आदिना (महाव० १४७) नयेन नदिआदीनं सीमभावं पटिकिञ्चित्वा पुन “नदिद्या वा, भिक्खवे, समुद्दे वा जातस्सरे वा यं मज्झिमस्स पुरिसस्स समन्ता उदकुक्खेपा, अयं तत्थ समानसंवासा एकूपोसथा”ति वृत्ता अयं **उदकुक्खेपसीमा** नाम । तत्थ यस्सा धम्मिकानं राजून् काले अन्वड्ढमासं अनुदसाहं अनुपज्जाहं अनतिककमित्वा देवे वस्सन्ते वलाहकेसु विगतमतेसु सोतं पच्छिज्जति, अयं नदिसड्डख्यं न गच्छति । यस्सा पन ईदिसे सुवुट्टिकाले वस्सनास्स चतुमासे सोतं न पच्छिज्जति, यत्थ तित्थेन वा अतित्थेन वा सिक्खाकरणेये आगतलक्खणेन तिमण्डलं पटिच्छादेत्वा अन्तरवासकं अनुक्खिपित्वा उत्तरन्तिया भिक्खुनिया एकद्वङ्गुलमत्तमि अन्तरवासको तेमियति, अयं समुद्दं वा पविसतु तळाकं वा, पभवतो पट्टाय **नदी** नाम । **समुद्दो** पाकटोयेव । यो पन केनचि खणित्वा अकतो संयंजातो सोब्बो समन्तो आगतेन उदकेन पूरितो तिट्टति, यत्थ नदिंयं वृत्तपकारे वस्सकाले उदकं सन्तिट्टति, अयं **जातस्सरो** नाम । योपि नदिं वा समुद्दं वा भिन्दित्वा निक्खन्तउदकेन खतो सोब्बो एतं लक्खणं पापुणाति, अयमि **जातस्सरो**येव ।

यं मज्झिमस्स पुरिसस्स समन्ता उदकुक्खेपाति यं ठानं थाममज्झिमस्स पुरिसस्स समन्ततो उदकुक्खेपेन परिच्छिन्नं, तत्थ यथा अक्खधुत्ता दारुगुळं खिपन्ति, एवं उदकं वा वालुकं वा हत्थेन गहेत्वा मज्झिमेन पुरिसेन सब्बथामेन खिपितव्वं, तत्थ यत्थ एवं खितं उदकं वा वालुकं वा पतति, अयं **उदकुक्खेपो** नाम ।

अयं तत्थ समानसंवासा एकूपोसथाति अयं तेसु नदिआदीसु उदकुक्खेपरिच्छिन्ना सीमा समानसंवासा चेव एकूपोसथा च, अयं पन एतेसं नदिआदीनं अन्तोयेव लब्धति, न बहि । तस्मा नदिद्या वा जातस्सरे वा यत्तकं पदेसं पकतिवस्सकाले चतूसु मासेसु उदकं ओत्थरति, समुद्दे यस्मिं पदेसं पकतिवीचियो ओत्थरित्वा सण्टहन्ति, ततो पट्टाय कप्पियभूमि, तत्थ उत्वा उपोसथादिकमं कातुं वट्टति । दुब्बुट्टिकाले वा गिम्हे वा नदिजातस्सरेसु सुक्खेसुपि सा एव कप्पियभूमि, सचे पन सुक्खे जातस्सरे वापि वा खणन्ति, वप्पं वा करोन्ति, तं ठानं गामकखेत्तं होति । या पनेसा “कप्पियभूमि”ति वृत्ता, ततो बहि उदकुक्खेपसीमा न गच्छति, अन्तोयेव गच्छति, तस्मा तेसं अन्तो परिसापरियन्ततो पट्टाय समन्ता उदकुक्खेपरिच्छेदो कातव्वो । सचे पन द्वे सङ्घा विसुं विसुं उपोसथादिकमं करोन्ति, द्विन् उदकुक्खेपानं अन्तरे अज्जो एको उदकुक्खेपो उपचारत्थाय उपेतव्वो । अयज्जि सत्तब्भन्तरसीमा च उदकुक्खेपसीमा च भिक्खून् ठितोकासतो पट्टाय लब्धति । परिच्छेदवन्तरे हत्थपासं विजहित्वा ठितोपि परिच्छेदतो बहि अज्जं तत्तकंयेव परिच्छेदं अनतिककमित्वा ठितोपि कम्मं कोपति, इदं सब्ब अट्टकथासु (महाव० अट्ट० १४७) सन्निट्टानं । एवं **अबद्धसीमा** वेदितव्वा । इति इमं बद्धसीमाबद्धसीमावसेन दुविधं सीमं सत्थायेतं वृत्तं “ते च खो हत्थपासं अविजहित्वा एकसीमायं ठिता”ति । तेसु हि चतूसु भिक्खूसु एकसीमायं हत्थपासं अविजहित्वा ठितेस्वेवेतं सङ्गस्स उपोसथकमं पत्तकल्लं नाम होति, न इतरथा । यथाह “अनुजानामि, भिक्खवे, चतुन् पातिमोक्खं उट्टिसितु”ति (महाव० १६८) ।

सभागापत्तियो च न विज्जन्तीति एत्थ यं सब्बो सङ्घो विकालभोजनादिना सभागवत्थुना लहुकार्पति आपज्जति, एवरूपा वत्थुसभागा “सभागा”ति वुच्चति, विकालभोजनपच्चया आपन्नं पन आपत्तिसभागं अनतिरितभोजनपच्चया आपन्नस्स सन्तिके देसेतुं वट्टति । सभागार्पत्तिया पन सति तेहि भिक्खूहि एको भिक्खु सामन्ता आवासा सज्जुकं पाहेतव्वो “गच्छावुसो, तं आपत्तिं पटिकरित्वा आगच्छ, मयं ते सन्तिके आपत्तिं पटिकरिस्सामा”ति, एवज्जेतं लभेथ, इच्चेतं कुसलं, नो चे लभेथ, ब्बत्तेन भिक्खुना पटिबलेन सङ्घो जापेतव्वो “सुणातु मे, भन्ते, सङ्घो, अयं सब्बो सङ्घो सभागं आपत्तिं आपन्नो, यदा अज्जं भिक्खुं सुद्धं अनापत्तिकं पस्सिस्सति, तदा तस्स सन्तिके तं आपत्तिं पटिकरिस्सती”ति (महाव० १७१) वत्था उपोसथो कातव्वो । सचे पन वेमतिको होति, “सुणातु मे, भन्ते, सङ्घो, अयं सब्बो सङ्घो सभागाय आपत्तिया वेमतिको, यदा निब्बेमतिको भविस्सति, तदा तं आपत्तिं पटिकरिस्सती”ति वत्था उपोसथो कातव्वो । सचे पनेत्थ कोचि तं सभागं आपत्तिं देसेतुं वट्टतीति मज्जमानो एकस्स सन्तिके देसेति, देसिता सुदेसिताव । अज्जं पन देसनापच्चया देसको, पटिगहणपच्चया पटिगहाहको चाति उभोपि दुक्कटं आपज्जन्ति, तं नानावत्थुकं होति, तस्मा अज्जमज्जं देसेतव्वं । एतावता ते द्वे निरापत्तिका होन्ति, तेसं सन्तिके सेसेहि सभागार्पत्तियो देसेतव्वो वा आरोचेतव्वो वा । सचे ते एवं अकत्वा उपोसथं करोन्ति, “पारिसुद्धिं आयस्सन्तो आरोचेत्था”ति आदिना (महाव० १३४) नयेन

सापत्तिकस्स उपोसथकरणे पञ्चत्तं दुक्कटं आपज्जन्ति। सचे सब्बो सङ्घो सभागापत्तिया सति वुत्तविधिं अकत्वा उपोसथं करोति, वुत्तनयेनेव सब्बो सङ्घो आपत्तिं आपज्जति, तस्मा सभागापत्तिया सति सङ्घस्स पत्तकल्लं नाम न होति, तेन वुत्तं “सभागापत्तियो च न विज्जन्ती”ति। एतासु हि सभागापत्तीसु अविज्जमानासु विसभागापत्तीसु विज्जमानासु पत्तकल्लं होतियेव।

वज्जनीया च पुगला तस्मिं न होन्तीति “न, भिक्खवे, सगहट्ठाया परिसाया पातिमोक्खं उद्दिसितब्बं, यो उद्दिसेय्य आपत्तिं दुक्कटस्सा”ति (महाव० १५४) वचनतो गहट्ठो, “न, भिक्खवे, भिक्खुनिया निस्सिन्नपरिसाया पातिमोक्खं उद्दिसितब्बं”न्ति आदिना (महाव० १८३) नयेन वुत्ता भिक्खुनी, सिक्खमाना, सामणेरो, सामणेरी, सिक्खापच्चक्खातको, अन्तिमवत्थुअज्झापन्नको, आपत्तिया अदस्सने उक्खित्तको, आपत्तिया अप्पटिकम्मे उक्खित्तको, पापिकाय दिट्ठिया अप्पटिनिस्सग्गे उक्खित्तको, पण्डको, थेय्यसंवासको, तित्थियपक्कन्तको, तिरच्छानगतो, मातुघातको, पितुघातको, अरहन्तघातको, भिक्खुनिदूसको, सङ्घभेदको, लोहितुप्पादको, उभतोव्यञ्जनकोति इमे वीसति चाति एकवीसति पुगला वज्जनीया नाम, ते हत्थपासतो बहिकरणवसेन वज्जेतब्बा। एतेसु हि तिविधे उक्खित्तके सति उपोसथं करोन्तो सङ्घो पाचितियं आपज्जति, सेसेसु दुक्कटं। एत्थ च **तिरच्छानगतीति** यस्स उपसम्पदा पटिक्खिता, तित्थिया गहट्ठेनेव सङ्गहिता। एतेपि हि वज्जनीया नाम। एवं पत्तकल्लं इमेहि चतूहि अङ्गेहि सङ्गहितन्ति वेदितब्बं।

सङ्घो उपोसथं करेय्याति इमिना ये ते अपरेपि तयो उपोसथा सङ्घे उपोसथो, गणे उपोसथो, पुगले उपोसथोति, एवं कारकवसेन तयो उपोसथा वुत्ता, तेसु इतरे द्वे पटिक्खिपित्वा सङ्घे उपोसथमेव दीपेति। **पातिमोक्खं उद्दिसेय्याति** इमिना ये ते अपरेपि तयो उपोसथा सुत्तुद्देसो, पारिसुद्धिउपोसथो, अधिट्ठानउपोसथोति, एवं कत्तब्बाकारवसेन तयो उपोसथा वुत्ता, तेसु इतरे द्वे पटिक्खिपित्वा सुत्तुद्देसमेव दीपेति। **सुत्तुद्देसो** नाम पातिमोक्खुद्देसो वुच्चति, सो दुविधो ओवादपातिमोक्खुद्देसो च आणापातिमोक्खुद्देसो च। तत्थ

“खन्ती परमं तपो तित्तिक्खा...पे०...॥

“सब्बपापस्स अकरणं...पे०...॥

“अनूपवादो अनूपघातो”ति॥ (दी० नि० २.९०; ध० प० १८४, १८३, १८५)

आदिना नयेन वुत्ता तिस्रो गाथायो **ओवादपातिमोक्खं** नाम, तं बुद्धा एव उद्दिसन्ति, न सावका। “सुणातु मे, भन्ते, सङ्घो”ति आदिना (महाव० १३४) नयेन वुत्तं **आणापातिमोक्खं** नाम, तं सावका एव उद्दिसन्ति, न बुद्धा। इदमेव च इमस्मिं अत्थे “पातिमोक्खं”न्ति अधिपेतं।

ये पन इतरे द्वे उपोसथा, तेसु **पारिसुद्धिउपोसथो** ताव अज्जेसञ्च सन्तिके, अज्जमज्जञ्च आरोचनवसेन दुविधो। तत्थ व्यायं अज्जेसं सन्तिके करीयति, सोपि पवारितानञ्च अप्पवारितानञ्च सन्तिके करणवसेन दुविधो। तत्थ महापवारणाय पवारितानं सन्तिके पच्छिमिकाय उपगतेन वा अनुपगतेन वा छिन्नवस्सेन वा चातुमासिनियं पन पवारितानं सन्तिके पुरिमिकाय उपगतेन वा अनुपगतेन वा छिन्नवस्सेन वा कायसामग्गिं दत्त्वा “परिसुद्धो अहं, भन्ते, ‘परिसुद्धो’ति मं धारेथा”ति तिक्खत्तुं वत्त्वा कातब्बो, उपेत्वा च पन पवारणादिवसं अज्जस्मिं काले आवासिकेहि उद्दिट्ठमत्ते पातिमोक्खे अवुट्ठिताय वा एकच्चाय वुट्ठिताय वा सब्बाय वा वुट्ठिताय परिसाय ये अज्जे समसमा वा थोकतरा वा आगच्छन्ति, तेहि तेसं सन्तिके वुत्तनयेनेव पारिसुद्धि आरोचेतब्बा। यो पनायं अज्जमज्जं आरोचनवसेन करीयति, सो जत्ति उपेत्वा च अट्टपेत्वा च करणवसेन दुविधो। तत्थ यस्मिं आवासे तयो भिक्खू विहरन्ति, तेसु उपोसथदिवसे सन्निपतितेसु एकेन भिक्खुना “सुणन्तु मे आयस्मन्ता अज्जुपोसथो चातुद्देसो”ति वा “पन्नरसो”ति वा वत्त्वा “यदायस्मन्तानं पत्तकल्लं मयं अज्जमज्जं पारिसुद्धिउपोसथं करेय्यामा”ति जत्तिया ठपिताय थेरेन भिक्खुना एकसं उत्तरासङ्गं करित्वा उक्कुटिकं निसीदित्वा अज्जलिं पग्गहेत्वा “परिसुद्धो अहं, आवुसो, ‘परिसुद्धो’ति मं धारेथा”ति (महाव० १६८) तिक्खत्तुं वत्तब्बं। इतरहि “भन्ते”ति वत्त्वा एवमेव वत्तब्बं। एवं जत्ति उपेत्वा कातब्बो। यत्थ पन द्वे भिक्खू विहरन्ति, तत्र जत्ति अट्टपेत्वा वुत्तनयेनेव पारिसुद्धि आरोचेतब्बाति अयं **पारिसुद्धिउपोसथो**।

सचे पन एकोव भिक्खु होति, सब्बं पुब्बकरणीयं कत्वा अज्जेसं अनागमनं जत्वा “अज्ज मे उपोसथो चातुद्देसो”ति वा “पन्नरसो”ति वा वत्त्वा “अधिट्ठामी”ति वत्तब्बं। अयं **अधिट्ठानुपोसथो**ति एवं कत्तब्बाकारवसेन तयो उपोसथाति वेदितब्बा। एतावता **नव उपोसथा** दीपिता होन्ति। तेसु दिवसवसेन पन्नरसिको, कारकवसेन सङ्घुपोसथो, कत्तब्बाकारवसेन सुत्तुद्देसोति एवं तिलक्खणसम्पन्नो उपोसथो इध निहिट्ठोति वेदितब्बो। तस्मिं पवत्तमाने उपोसथं अकत्वा तदहुपोसथे अज्जं अभिक्खुकं नानासंवासकेहि वा सभिक्खुकं आवासं वा अनावासं वा वासत्थाय अज्जत्र सङ्गेन, अज्जत्र अन्तराया गच्छन्तस्स दुक्कटं होति।

किं सङ्घस्स पुब्बकिच्चन्ति “सङ्घो उपोसथं करेय्या”ति एवं उपोसथकरणसम्बन्धेनेव वुत्तस्स सङ्घस्स उपोसथे कत्तब्बे यं तं “अनुजानामि, भिक्खवे, उपोसथागारं सम्मज्जितु”न्ति आदिना (महाव० १५९) नयेन पाळियं आगतं, अट्ठकथासु च –

“सम्मज्जनी पदीपो च, उदकं आसनेन च।

उपोसथस्स एतानि, ‘पुब्बकरण’न्ति वुच्चति॥

“छन्दपारिसुद्धिउत्तुक्खानं, भिक्खुगणना च ओवादो।

उपोसथस्स एतानि, ‘पुब्बकिच्च’न्ति वुच्चती”ति॥ (महाव० अट्ठ० १६८)।

एवं द्वीहि नामेहि नवविधं पुब्बकिच्चं दस्सितं, किं तं कतन्ति पुच्छति। न हि तं अकत्वा उपोसथं कातुं वट्ठति, तस्मा थेरेन आणत्तेन अगिलानेन भिक्खुना उपोसथागारं सम्मज्जितब्बं, पानीयं परिभोजनीयं उपट्ठापेतब्बं, आसनं पज्जापेतब्बं, पदीपो कातब्बो, अकरोन्तो दुक्कटं आपज्जति, थेरेनापि पतिरूपं जत्वा आणापेतब्बं।

छन्दपारिसुद्धीति एत्थ उपोसथकरणत्थं सन्निपतिते सङ्घे बहि उपोसथं कत्वा आगतेन सन्निपतितट्ठानं गत्वा कायसामग्गिं अदेन्तेन छन्दो दातब्बो। योपि गिलानो वा होति किच्चप्पसुतो वा, तेनापि पारिसुद्धिं देन्तेन छन्दोपि दातब्बो। कथं दातब्बो? एकस्स भिक्खुनो सन्तिके “छन्दं दम्मि, छन्दं मे हर, छन्दं मे आरोचेही”ति (महाव० १६५) अयं अत्थो कायेन वा वाचाय वा उभयेन वा विज्जापेतब्बो, एवं दिन्नां होति छन्दो। अकत्तूपोसथेन पन गिलानेन वा किच्चप्पसुतेन वा पारिसुद्धिं दातब्बा। कथं दातब्बा? एकस्स भिक्खुनो सन्तिके “पारिसुद्धिं दम्मि, पारिसुद्धिं मे हर, पारिसुद्धिं मे आरोचेही”ति (महाव० १६४) अयं अत्थो कायेन वा वाचाय वा उभयेन वा विज्जापेतब्बो, एवं दिन्नां होति पारिसुद्धिं, तं पन देन्तेन छन्दोपि दातब्बो। वुत्तज्जेतं भगवता “अनुजानामि, भिक्खवे, तदहुपोसथे पारिसुद्धिं देन्तेन छन्दम्पि दातुं, सन्ति सङ्घस्स करणीय”न्ति (महाव० १६५)। तत्थ पारिसुद्धिदानं सङ्घस्सपि अत्तनोपि उपोसथकरणं सम्पादेति, न अवसेसं सङ्घकिच्चं। छन्ददानं सङ्घस्सेव उपोसथकरणञ्च सेसकिच्चञ्च सम्पादेति, अत्तनो पन उपोसथो अकतोयेव होति। तस्मा पारिसुद्धिं देन्तेन छन्दोपि दातब्बो। पुब्बे वुत्तं पन सुद्धिकच्छन्दं वा इमं वा छन्दपारिसुद्धिं एकेन बहून्मि आहरितुं वट्ठति। सचे पन सो अन्तरामग्गे अज्जं भिक्खुं पस्सित्वा येसं तेन छन्दो वा पारिसुद्धिं वा गहिता, तेसञ्च अत्तनो च छन्दपारिसुद्धिं देति, तस्सेव सा आगच्छति, इतरा पन **बिडालसङ्गलिका छन्दपारिसुद्धि** नाम होति, सा नागच्छति, तस्मा सयमेव सन्निपतितट्ठानं गत्वा आरोचेतब्बं। सचे पन सज्जिच्च नारोचेति, दुक्कटं आपज्जति। छन्दपारिसुद्धिं पन तस्मिं हत्थपासं उपगतमत्तेयेव आगता होति।

उत्तुक्खानन्ति “हेमन्तादीनं उत्तुं एत्तकं अतिक्कन्तं, एत्तकं अवसिट्ठ”न्ति एवं उत्तुं आचिक्खनं। **भिक्खुगणनाति** “एत्तका भिक्खू उपोसथग्गे सन्निपतित”ति भिक्खून् गणना। इदम्पि हि उभयं कत्वाव उपोसथो कातब्बो। **ओवादो**ति भिक्खुनोवादो। न हि भिक्खुनीहि याचितं ओवादं अनारोचेत्वा उपोसथं कातुं वट्ठति। भिक्खुनियो हि “स्वे उपोसथो”ति आगत्वा “अयं उपोसथो चातुद्देसो पन्नरसो”ति पुच्छित्वा पुन उपोसथदिवसे आगत्वा “भिक्खुनिसङ्घो, अय्य, भिक्खुसङ्घस्स पादे वन्दति, ओवादूपसङ्गमनञ्च याचित, लभतु किर, अय्य, भिक्खुनिसङ्घो ओवादूपसङ्गमन”न्ति (चूळव० ४१३) एवं ओवादं याचन्ति। तं उपेत्वा बालगिलानगमिये अज्जो सचेपि आरज्जिको होति, अपटिगहेतुं न लभति, तस्मा येन सो पटिगहिता, तेन भिक्खुना उपोसथग्गे पातिमोक्खुद्देसको भिक्खु एवं वत्तब्बो “भिक्खुनिसङ्घो, भन्ते, भिक्खुसङ्घस्स पादे वन्दति, ओवादूपसङ्गमनञ्च याचित, लभतु किर, भन्ते, भिक्खुनिसङ्घो ओवादूपसङ्गमन”न्ति। पातिमोक्खुद्देसकेन वत्तब्बं “अत्थि कोचि भिक्खु

भिक्षुनोवादको सम्मतो”ति। सचे होति कोचि भिक्षु भिक्षुनोवादको सम्मतो, ततो तेन सो वत्तब्बो “इत्थन्नामो भिक्षु भिक्षुनोवादको सम्मतो, तं भिक्षुनिसङ्घो उपसङ्कमतू”ति (चूळव० ४१३)। सचे नत्थि, ततो तेन पुच्छितब्बं “को आयस्मा उस्सहति भिक्षुनियो ओवदितु”न्ति। सचे कोचि उस्सहति, सोपि च अट्टहि अट्टहि समन्नागतो, तं तथेव सम्मन्निता ओवादपटिगाहको वत्तब्बो “इत्थन्नामो भिक्षु भिक्षुनोवादको सम्मतो, तं भिक्षुनिसङ्घो उपसङ्कमतू”ति (चूळव० ४१३)। सचे पन कोचि न उस्सहति, पातिमोक्खुद्देसकेन वत्तब्बं “नत्थि कोचि भिक्षु भिक्षुनोवादको सम्मतो, पासादिकेन भिक्षुनिसङ्घो सम्पादेतू”ति। एतावता हि सिक्खत्तयसङ्गहिं सकलं सासनं आरोचितं होति। तेन भिक्षुना “साधू”ति सम्पाटिच्छित्वा पाटिपददिवसे भिक्षुनीनं आरोचेतब्बं।

भिक्षुनिसङ्घेनापि ता भिक्षुनियो पेसेतब्बा, गच्छथ, अय्या, पुच्छथ “किं, अय्य, लभति भिक्षुनिसङ्घो ओवादूपसङ्कमन”न्ति, ताहि “साधु, अय्ये”ति सम्पाटिच्छित्वा तं भिक्षुं उपसङ्कमित्वा एवं वत्तब्बं “किं, अय्य, लभति भिक्षुनिसङ्घो ओवादूपसङ्कमन”न्ति। तेन वत्तब्बं “नत्थि कोचि भिक्षु भिक्षुनोवादको सम्मतो, पासादिकेन भिक्षुनिसङ्घो सम्पादेतू”ति, ताहि “साधु अय्या”ति सम्पाटिच्छित्तब्बं। इदञ्च एकतो आगतानं द्विन्नं तिण्णं वा वसेन वुत्तं। तासु पन एकाय भिक्षुनिया वत्तब्बज्जेव सम्पाटिच्छित्तब्बज्ज, इतरा तस्सा सहायिका। सचे पन भिक्षुसङ्घो वा भिक्षुनिसङ्घो वा न पूरति, उभयतोपि वा गणमत्तमेव पुग्लमत्तं वा होति।

त्रायं वचनकमो — “भिक्षुनियो, अय्य, भिक्षुसङ्घस्स पादेवन्दन्ति, ओवादूपसङ्कमनञ्च याचन्ति, लभन्तु किर, अय्य, भिक्षुनियो ओवादूपसङ्कमन”न्ति, “अहं, अय्य, भिक्षुसङ्घस्स पादे वन्दामि, ओवादूपसङ्कमनञ्च याचामि, लभामहं, अय्य, ओवादूपसङ्कमन”न्ति, “भिक्षुनिसङ्घो, अय्या, अय्यानं पादे वन्दति, ओवादूपसङ्कमनञ्च याचति, लभतु किर, अय्या, भिक्षुनिसङ्घो ओवादूपसङ्कमन”न्ति। “भिक्षुनियो, अय्या, अय्यानं पादे वन्दन्ति, ओवादूपसङ्कमनञ्च याचन्ति, लभन्तु किर, अय्या, भिक्षुनियो ओवादूपसङ्कमन”न्ति, “अहं, अय्या, अय्यानं पादे वन्दामि, ओवादूपसङ्कमनञ्च याचामि, लभामहं, अय्या, ओवादूपसङ्कमन”न्ति, “भिक्षुनिसङ्घो, अय्य, अय्यस्स पादे वन्दति, ओवादूपसङ्कमनञ्च याचति, लभतु किर, अय्य, भिक्षुनिसङ्घो ओवादूपसङ्कमन”न्ति। “भिक्षुनियो, अय्य, अय्यस्स पादे वन्दन्ति, ओवादूपसङ्कमनञ्च याचन्ति, लभन्तु किर, अय्य, भिक्षुनियो ओवादूपसङ्कमन”न्ति, “अहं, अय्य, अय्यस्स पादे वन्दामि, ओवादूपसङ्कमनञ्च याचामि, लभामहं, अय्य, ओवादूपसङ्कमन”न्ति। तेनापि भिक्षुना उपोसथकाले एवं वत्तब्बं “भिक्षुनियो, भन्ते, भिक्षुसङ्घस्स पादे वन्दन्ति, ओवादूपसङ्कमनञ्च याचन्ति, लभन्तु किर, भन्ते, भिक्षुनियो ओवादूपसङ्कमन”न्ति, “भिक्षुनी, भन्ते, भिक्षुसङ्घस्स पादे वन्दति, ओवादूपसङ्कमनञ्च याचति, लभतु किर, भन्ते, भिक्षुनी ओवादूपसङ्कमन”न्ति। “भिक्षुनिसङ्घो, भन्ते, भिक्षुनियो, भन्ते, भिक्षुनी भन्ते आयस्मन्तानं पादे वन्दति, वन्दन्ति, वन्दति, ओवादूपसङ्कमनञ्च याचति, याचन्ति, याचति, लभतु किर, भन्ते, भिक्षुनिसङ्घो, लभन्तु किर, भन्ते, भिक्षुनियो, लभतु किर, भन्ते, भिक्षुनी ओवादूपसङ्कमन”न्ति। उपोसथगोपि पातिमोक्खुद्देसकेन वा जत्तिट्ठपकेन वा इतरेन वा भिक्षुना सचे सम्मतो भिक्षु अत्थि, पुरिमनयेनेव “तं भिक्षुनिसङ्घो, तं भिक्षुनियो, तं भिक्षुनी उपसङ्कमतु, उपसङ्कमन्तु, उपसङ्कमतू”ति वत्तब्बं। सचे नत्थि, “पासादिकेन भिक्षुनिसङ्घो, भिक्षुनियो, भिक्षुनी सम्पादेतु, सम्पादेतु, सम्पादेतू”ति वत्तब्बं। ओवादपटिगाहकेन पाटिपदे तं पच्चाहरित्वा तथेव वत्तब्बं, अयमेत्थ सङ्घेपविनिच्छयो। एवं भिक्षुनीहि याचितं ओवादं आरोचेत्वाव उपोसथो कातब्बो। तेन वुत्तं —

“छन्दपारिसुद्धिउत्तुखानं, भिक्षुगणना च ओवाद्दो।

उपोसथस्स एतानि, पुब्बकिच्च”न्ति वुच्चती”ति॥

पारिसुद्धि आयस्मन्तो आरोचेथा अत्तनो पारिसुद्धिभावं आरोचेथ, “पातिमोक्खं उद्दिस्सिस्सामी”तिइदं पारिसुद्धिआरोचनस्स कारणवचनं। “न च, भिक्षवे, सापत्तिकेन पातिमोक्खं सोतब्बं, यो सुणेय्य आपत्ति दुक्कटस्सा”ति (चूळव० ३८६) हि वचनतो अपरिसुद्धेहि पातिमोक्खं सोतुं न वट्टति। तेन वुत्तं — पारिसुद्धि आयस्मन्तो आरोचेथ, पातिमोक्खं उद्दिस्सिस्सामीति। एत्थ सिया “सङ्घो उपोसथं करेय्य, पातिमोक्खं उद्दिसेय्या”ति (महाव० १३४) वृत्तता इधापि “पातिमोक्खं उद्दिस्सिस्सती”ति वत्तब्बं, एवञ्च सति पुब्बेनापरं सन्धियतीति। वुच्चते, वचनमत्तमेवेतं न सन्धियति, लक्खणतो पन समेति, सङ्घस्स सामगिया, गणस्स सामगिया, पुग्लस्स उद्देसा सङ्घस्स उद्दिट्ठं होति पातिमोक्खन्ति इदञ्चेत्थ लक्खणं, तस्मा “पातिमोक्खं उद्दिस्सिस्सामी”ति इदमेवेत्थ वत्तब्बं।

तं सब्बेव सन्ता साधुकं सुणोम मनसि करोमाति न्ति पातिमोक्खं। **सब्बेव सन्ताति** यावतिका तस्सा परिसाय थेरा च नवा च मज्झिमा च। **साधुकं सुणोमाति** अट्ठिं कत्वा मनसि करित्वा सोतद्वारवसेन सब्बचेतसा समन्नाहराम। **मनसि करोमाति** एकगगिच्चा हुत्वा चित्ते ठपेय्याम। एत्थ च किञ्चापि “पातिमोक्खं उद्दिस्सिस्सामी”ति वुत्तता “सुणोथ मनसि करोथा”ति वत्तुं युत्तं विय दिस्सति, “सङ्घो उपोसथं करेय्य”तिइमिना पन न समेति। समगस्स हि सङ्घस्सेतं उपोसथकरणं, पातिमोक्खुद्देसको च सङ्घपरियापन्नोव, इच्चस्स सङ्घपरियापन्नता “सुणोम मनसि करोमा”ति इदमेव वत्तुं युत्तं।

इदानीं यं वुत्तं “पारिसुद्धि आयस्मन्तो आरोचेथा”ति, तत्थ यथा पारिसुद्धिआरोचनं होति, तं दस्सेतुं **यस्स सिया आपत्ति, सो आविकरेय्याति** आह। तत्थ **यस्स सियाति** यस्स छन्नं आकारानं अज्जतरेन आपन्नापत्ति भवेय्य। आपत्तिज्झि आपज्जन्तो अलज्जिता, अज्जाणता, कुक्कुच्चपकतता, अकपिये कपियसज्जिता, कपिये अकपियसज्जिता, सतिसम्मोसाति इमेहि छाहाकारेहि (परि० २९५) आपज्जति।

कथं **अलज्जिताय** आपज्जति? अकपियभावं जानन्तोयेव महित्वा वीतिककमं करोति।

वुत्तम्पि चेतं —

“सञ्चिच्च आपत्ति आपज्जति, आपत्तिं परिगूहति।

अगतिगमनञ्च गच्छति, एदिसो वुच्चति अलज्जिपुगलो”ति॥ (परि० ३५९)।

कथं **अज्जाणताय** आपज्जति? अज्जाणपुगलो हि मन्दो मोमूहो कत्तब्बाकत्तब्बं अजानन्तो अकत्तब्बं करोति, कत्तब्बं विराधेति, एवं अज्जाणताय आपज्जति।

कथं **कुक्कुच्चपकतताय** आपज्जति? कपियाकपियं निस्साय कुक्कुच्चे उपन्ने विनयधरं पुच्छित्वा कपियं चे, कत्तब्बं सिया, अकपियं चे, न कत्तब्बं, अयं पन “वट्टती”ति महित्वा वीतिककमितयेव, एवं कुक्कुच्चपकतताय आपज्जति।

कथं **अकपिये कपियसज्जिताय** आपज्जति? अच्छमंसं “सूकरमंसं”न्ति खादति, विकाले कालसज्जाय भुज्जति, एवं अकपिये कपियसज्जिताय आपज्जति।

कथं **कपिये अकपियसज्जिताय** आपज्जति? सूकरमंसं “अच्छमंसं”न्ति खादति, काले विकालसज्जाय भुज्जति, एवं कपिये अकपियसज्जिताय आपज्जति।

कथं **सतिसम्मोसा** आपज्जति? सहसेय्यचीवरविपवासादीनि सतिसम्मोसा आपज्जति, इति इमेसं छन्नं आकारानं अज्जतरेन आकारेन आपन्ना यस्स सिया सत्तन्नं आपत्तिकखन्धानं अज्जतरा आपत्ति थेरस्स वा नवस्स वा मज्झिमस्स वाति अत्थो।

सो आविकरेय्याति सो तं आपत्तिं देसेतु वा पकासेतु वाति वुत्तं होति। **असन्तिया आपत्तियाति** यस्स पन एवं अनापन्ना वा आपत्तिं आपज्जित्वा च पन वट्टिता वा देसिता वा आरोचिता वा आपत्ति, तस्स सा आपत्ति असन्ती नाम होति, एवं असन्तिया आपत्तिया तुण्ही भवितब्बं। **तुण्हीभावेन खो पनायस्मन्ते “परिसुद्धा”ति वेदिस्सामीति** तुण्हीभावेनापि हि कारणेन अहं आयस्मन्ते “परिसुद्धा”इच्चेव जानिस्सामीति। **यथा खो पन पच्चेकपुटुस्स वेय्याकरणं होतीति** यथा एकेनेको पुटो ब्याकरेय्य, यथा एकेनेको पच्चेकपुटो “मं एस पुच्छती”ति जत्वा ब्याकरेय्याति वुत्तं होति।

एवमेवं एवरूपाय परिसाय यावतितयं अनुसावितं होतीति एत्थ एकच्चे ताव आचरिया एवं वदन्ति “एवमेवं इमिस्साय भिक्षुपरिसाय यदेतं ‘यस्स सिया आपत्ति, सो आविकरेय्य, असन्तिया आपत्तिया तुण्ही भवितब्बं, तुण्हीभावेन खो पनायस्मन्ते परिसुद्धाति वेदिस्सामी’ति तिक्खतुं अनुसावितं, तं एकमेकेन ‘मं एस पुच्छती’ति एवं जानितब्बं होतीति अत्थो”ति। तं न युज्जति, कस्मा?

अथब्यञ्जनभेदतो। अनुस्सावनज्झि नाम अथतो च व्यञ्जनतो च अभिन्नं होति “दुतियमि एतमर्थं वदामी”ति आदीसु (महाव० ७२; चूळव० ३) विय, “यस्स सिया”ति आदिवचनत्तयं पन अथतोपि व्यञ्जनतोपि भिन्नं, तेनस्स अनुस्सावनत्तयं न युज्जति। यदि चेत् यावततियानुस्सावनं सिया, निदानुद्देसे अनिद्धितेपि आपत्ति सिया। न च युत्तं अनापत्तिकखेत्ते आपत्ति आपज्जितुं।

अपरे “अनुसावित”न्तिपदस्स अनुसावेतब्बन्ति अत्थं विकप्पेत्वा “यावततिय”न्तिइदं उपरि उद्देसावसाने “कच्चित्थ परिसुद्धा...पे०... ततियमि पुच्छामी”ति एतं सन्धाय वुत्तन्ति आहु। तमि न युज्जति, कस्मा? अथयुत्तीनं अभावतो। इदञ्चि पदं केचि “अनुसावेत”न्ति सज्झायन्ति, केचि “अनुसावेत”न्ति, तं उभयं वापि अतीतकालमेव दीपेति, न अनागतं। यदि चस्स अयं अत्थो सिया, “अनुसावितं हेस्सती”ति वदेय्य, एवं ताव अत्थाभावतो न युज्जति। यदि चेत् उद्देसावसाने वचनं सन्धाय वुत्तं सिया, “न आविकरिस्सामी”ति चित्तं उप्पादेन्तस्स निदाने समतोपि वुत्तमुसावादो न सिया, कस्मा? “यावततियं अनुस्सावियमाने”ति वचनतो (महाव० १३४) “यावततिय”न्ति इदं वचनमेव निरत्थकं सिया, कस्मा? निदानुद्देसे यावततियानुस्सावनस्स अभावतोति एवं युत्ति अभावतो तमि न युज्जति। “यावततियं अनुसावितं होती”ति इदं पन लक्खणवचनमत्तं, तेन इममत्थं दर्सेति — इदं पातिमोक्खं नाम यावततियं अनुस्सावियति, तस्मि यावततियं अनुस्सावियमाने यो सरमानो सन्ति आपत्ति नाविकरोति, तस्स यावततियानुस्सावानावसाने सम्पज्जानमुसावादो होतीति।

तदेतं यथा अनुसावितं यावततियं अनुसावितं नाम होति, तं दर्सेतुं **तत्थायस्मन्ते पुच्छामी**ति आदि वुत्तं। तं पनेत्तं पाराजिकादीनं अवसाने दिस्सति, न निदानावसाने। किञ्चापि न दिस्सति, अथ खो उद्देसकाले “आविकता हिस्स फासु होती”ति वत्त्वा “उद्दिट्ठं खो आयस्मन्तो निदानं, तत्थायस्मन्ते पुच्छामी”ति आदिना नयेन वत्तब्बमेव। एवञ्चि निदानं सुउद्दिट्ठं होति, अज्जथा दुउद्दिट्ठं। इममेव च अत्थं सन्धाय उपोसथक्खन्धके वुत्तं “यावततियं अनुसावितं होतीति सकिमि अनुसावितं होति, दुतियमि अनुसावितं होति, ततियमि अनुसावितं होती”ति (महाव० १३४)। अयमेत्थ आचरियपरम्पराभतो विनिच्छयो।

यो पन भिक्खु...पे०... सम्पज्जानमुसावादस्स होतीति सम्पज्जानमुसावादो अस्स होति, तेनस्स दुक्कटापत्ति होति, सा च खो पन न मुसावादलक्खणेन, “सम्पज्जानमुसावादे किं होति, दुक्कटं होती”ति (महाव० १३५) इमिना पन भगवतो वचनेन वचीद्वारे अकिरियसमुद्धानापत्ति होतीति वेदितब्बा।

वुत्तमि चेत् —

“अनालपन्तो मनुजेन केनचि,
वाचागिरं नो च परे भण्येय।
आपज्जेय्य वाचसिकं, न कायिकं,
पज्जामेसा कुसलेहि चिन्तिता”ति॥ (परि० ४७९)।

अन्तरायिकोति विण्पटिसारवत्थुताय पामोज्जादिसम्भवं निवारत्वा पठमज्झानादीनं अधिगमाय अन्तरायं करोति। **तस्मा**ति यस्मा अयं अनाविकरणसङ्घातो सम्पज्जानमुसावादो अन्तरायिको होति, तस्मा। **सरमानेना**ति अत्तनि सन्ति आपत्ति जानन्तेन। **विसुद्धापेक्खेना**ति वुद्धातुकात्तमेन विसुज्झितुकात्तमेन। **सन्ती आपत्ती**ति आपज्जित्वा अवुद्धिता आपत्ति। **आविकातब्बा**ति सङ्गमज्जे वा गणमज्जे वा एकपुगले वा पकासेतब्बा, अन्तमसो अनन्तरस्सापि भिक्खुनो “अहं, आवुसो, इत्थन्नामं आपत्ति आपन्नो, इतो वुद्धहित्वा तं आपत्ति पटिकरिस्सामी”ति (महाव० १७०) वत्तब्बं। सचोपि वेमतिको होति, “अहं, आवुसो, इत्थन्नामाय आपत्तिया वेमतिको, यदा निब्बेमतिको भविस्सामि, तदा तं आपत्ति पटिकरिस्सामी”ति (महाव० १६९) वत्तब्बं। **आविकता हिस्स फासु होतीति** एत्थ **आविकता**ति आविकताय, पकासितायाति अत्थो। अलज्जिताति आदीसु (परि० २९५) विय हि इदमि करणत्थे पच्चवचनं। हीति निपातमत्तं। **अस्सा**ति एतस्स भिक्खुनो। **फासु होतीति** पठमज्झानादीनं अधिगमाय फासु होति, अविण्पटिसारमूलकानं पामोज्जादीनं वसेन सुखप्पटिपदा सम्पज्जतीति अत्थो।

इति कङ्कवितरणिगा पातिमोक्खवण्णनाय

निदानवण्णना निद्धिता।

पाराजिककण्डो

इदानी यदेतं निदानानन्तरं **तत्रिमे चत्तारो**ति आदि पाराजिककण्डं, तत्थ **तत्रा**ति तस्मिं “पातिमोक्खं उद्दिसिस्सामी”ति एवं वुत्ते पातिमोक्खे। **इमे**ति इदानी वत्तब्बानं अभिमुखीकरणं। **चत्तारो**ति गणनपरिच्छेदो। **पाराजिका**ति एवंनामका। **धम्मा**ति आपत्तियो। **उद्देसं आगच्छन्ती**ति सरूपेन उद्दिसितब्बतं आगच्छन्ति, न निदाने विय “यस्स सिया आपत्ती”ति साधारणवचनमत्तेन।

१. पठमपाराजिकवण्णना

यो पनाति रस्सदीघादिना लिङ्गादिभेदेन यो कोचि। **भिक्खू**ति एहिभिक्खुउपसम्पदा, सरणगमनूपसम्पदा, ओवादपटिगहणूपसम्पदा, पञ्चाव्याकरणूपसम्पदा, अट्टगरुधम्मपटिगहणूपसम्पदा, दूतेनूपसम्पदा, अट्टवाचिकूपसम्पदा, जत्तिचतुत्थकम्मूपसम्पदाति इमासु अट्टसु उपसम्पदासु जत्तिचतुत्थेन उपसम्पदाकम्मेन अकुप्पेन ठानारहेन उपसम्पन्नो। तस्स पन कम्मस्स वत्थुजत्तिअनुस्सावन सीमा परिसासम्पत्तिवसेन अकुप्पता वेदितब्बा।

तत्थ **वत्थू**ति उपसम्पदापेक्खो पुगलो, सो ठपेत्वा ऊनवीसतिवस्सं अन्तिमवत्थुअज्झापन्नपुब्बं, पण्डकादयो च एकादस अभब्बपुगले वेदितब्बो। तत्थ **ऊनवीसतिवस्सो** नाम पटिसन्धिगहणतो पट्टाय अपरिपुण्णवीसतिवस्सो। **अन्तिमवत्थुअज्झापन्नपुब्बो** नाम चतुन्नं पाराजिकानं अज्जतरं अज्झापन्नपुब्बो। **पण्डका**दयो वज्जनीयपुगलकथायं वुत्ता। तेसु आसितपण्डकज्ज उसूयपण्डकज्ज ठपेत्वा ओपक्कमिकपण्डको नपुंसकपण्डको पण्डकभावपक्खे ठितो पक्खपण्डको च इध अधिप्पेत्तो।

थेय्यसंवासको पन ति विधो लिङ्गत्येनको संवासत्थेनको उभयत्थेनकोति। तत्थ यो सयं पब्बजित्वा न भिक्खुवस्सानि गणेति, न यथावुद्धं भिक्खून् वा सामणेरां वा वन्दनं सादियति, न आसनेन पटिबाहति, न उपोसथादीसु सन्दिस्सति, अयं असुद्धचित्ताय लिङ्गमत्तस्सेव थेंनितत्ता **लिङ्गत्येनको** नाम। यो पन भिक्खूहि पब्बजितो सामणेरो समानो कासायानि अपनेत्वा तेसु सउस्साहोव मेथुनं धम्मं पटिसेवित्वा पुन निवासेत्वा सामणेराभावं पटिजानाति, अयं भिक्खूहि दिन्नालिङ्गस्स अपरिच्चत्ता न लिङ्गत्येनको, न लिङ्गानुरूपस्स संवासस्स सादितत्ता नापि संवासत्थेनको। अन्तिमवत्थुअज्झापन्नकेपि एसेव नयो। यो च खो सामणेरो समानो विदेसं गत्वा भिक्खुवस्सानि गणेति, यथावुद्धं वन्दनं सादियति, आसनेन पटिबाहति, उपोसथादीसु सन्दिस्सति, अयं संवासमत्तस्सेव थेंनितत्ता **संवासत्थेनको** नाम। भिक्खुवस्सगणनादिको हि सब्बोपि किरियभेदो इमस्मिं अत्थे “संवासो”ति वेदितब्बो। सिक्खं पच्चक्खाय “न मं कोचि जानाती”ति पुन एवं पटिपज्जन्तेपि एसेव नयो। यो पन सयं पब्बजित्वा विहारं गत्वा यथावुद्धं वन्दनं सादियति, आसनेन पटिबाहति, भिक्खुवस्सानि गणेति, उपोसथादीसु सन्दिस्सति, अयं लिङ्गस्स चेव संवासस्स च थेंनितत्ता **उभयत्थेनको** नाम। धुरनिकखेपवसेन कासायानि अपनेत्वा अन्तिमवत्थु अज्झापज्जित्वा पुन तानि अच्छादेत्वा एवं पटिपज्जन्तेपि एसेव नयो, अयं ति विधोपि थेय्यसंवासको इध अधिप्पेत्तो। ठपेत्वा पन इमं ति विधं।

“राज दुब्भिक्ख कन्तार-रोग वेरी भयेन वा।
चीवराहरणत्थं वा, लिङ्गं आदियतीध यो॥

“संवासं नाधिवासेति, याव सो सुद्धमानसो।

थेय्यसंवासको नाम, ताव एस न वुच्चती”ति ॥ (महाव० अट्ट० ११०)।

यो पन उपसम्पन्नो तित्थियभावं पत्थयमानो सयं वा कुसचीरादिकं तित्थियलङ्घं आदियति, तेसं वा सन्तिके पब्बजति, नगगो वा हुत्वा आजीवकानं सन्तिकं गत्वा तेसं वतानि आदियति, अयं **तित्थियपक्कन्तको** नाम । ठपेत्वा पन मनुस्सजातिकं अवसेसो सब्बोपि **तिरच्छानगतो** नाम । येन मनुस्सजातिका जनेति सयम्पि मनुस्सभूतेनेव सञ्चिच्च जीविता वोरोपिता, अयं **मातुघातको** नाम । **पितुघातके**पि एसेव नयो । येन अन्तमसो गिहिलङ्घे ठितोपि मनुस्सजातिको खीणासवो सञ्चिच्च जीविता वोरोपितो, अयं **अरहन्तघातको** नाम । यो पन पकतत्तं भिक्खुं तिण्णं मग्गानं अञ्जतरस्मिं मग्गे दूसेति, अयं **भिक्खुनिदूसको** नाम । यो देवदत्तो विय सासनं उद्धम्मं उब्बिनयं कत्वा चत्तुन्नं कम्मानं अञ्जतरवसेन सङ्गं भिन्दति, अयं **सङ्गभेदको** नाम । यो देवदत्तो विय दुट्ठचित्तेन वधकर्कचित्तेन तथागतस्स जीवमानकसरीरे खुट्ठकमिक्खिकाय पिवनमत्तम्पि लोहितं उप्पादेति, अयं **लोहितुप्पादको** नाम । यस्स इत्थिनिमित्तुप्पादनकम्मतो च पुरिसनिमित्तुप्पादनकम्मतो च उभतो दुविधम्पि ब्यञ्जनं अत्थि, अयं **उभतोब्यञ्जनको** नाम । इति इमे तेरस पुग्गला उपसम्पदाय अवत्थु, इमे पन ठपेत्वा अञ्जस्मिं उपसम्पदापेक्खे सति उपसम्पदाकम्मं वत्थुसम्पत्तिवसेन अकुपं होति ।

कथं **जत्तिसम्पत्तिवसेन** अकुपं होति? वत्थुसङ्गपुग्गलजत्तीनं अपरामसनानि, पच्छा जत्तिट्ठपनञ्चाति इमे ताव पञ्च जत्तिदोसा । तत्थ “अयं इत्थन्नामो”ति उपसम्पदापेक्खस्स अकित्तनं **वत्थुअपरामसनं** नाम । “सुणातु मे, भन्ते, सङ्को”ति एत्थ “सुणातु मे, भन्ते”ति वत्वा “सङ्को”ति अभणनं **सङ्गअपरामसनं** नाम । “इत्थन्नामस्स उपसम्पदापेक्खो”ति उपज्झायस्स अकित्तनं **पुग्गलअपरामसनं** नाम । सब्बेन सब्बं जत्तिया अनुच्चारणं **जत्तिअपरामसनं** नाम । पठमं कम्मवाचं निट्ठापेत्वा “एसा जत्ती”ति वत्वा “खमति सङ्गस्सा”ति एवं जत्तिकित्तनं **पच्छा जत्तिट्ठपनं** नाम । इति इमेहि दोसेहि विमुत्ताय जत्तिया सम्पन्नं जत्तिसम्पत्तिवसेन अकुपं होति ।

अनुस्सावनवसेन अकुपतायपि वत्थुसङ्गपुग्गलानं अपरामसनानि, सावनाय हापनं, अकाले सावनन्ति इमे पञ्च अनुस्सावनदोसा । तत्थ वत्थादीनं अपरामसनानि जत्तियं वुत्तसदिसानेव । तीसु पन अनुस्सावनासु यत्थ कर्त्थाचि एतेसं अपरामसनं अपरामसनमेव । सब्बेन सब्बं पन कम्मवाचं अवत्वा चतुक्खत्तुं जत्तिकित्तनमेव, अथ वा पन कम्मवाचाब्भन्तरे अक्खरस्स वा पदस्स वा अनुच्चारणं वा दुरुच्चारणं वा **सावनाय हापनं** नाम । सावनाय अनोकासे पठमं जत्ति अट्ठपेत्वा अनुस्सावनकरणं **अकाले सावनं** नाम । इति इमेहि दोसेहि विमुत्ताय अनुस्सावनाय सम्पन्नं अनुस्सावनसम्पत्तिवसेन अकुपं होति ।

पुब्बे वुत्तं विपत्तिसीमालक्खणं समतिककन्ताय पन सीमाय कतं **सीमासम्पत्तिवसेन** अकुपं होति । यावतिका भिक्खु कम्मप्पत्ता, तेसं अनागमनं, छन्दारहानं छन्दस्स अनाहरणं, सम्मुखीभूतानं पटिक्कोसनन्ति इमे पन तयो परिसादोसा, तेहि विमुत्ताय परिसाय कतं **परिसासम्पत्तिवसेन** अकुपं होति । कारणारहता पन सत्थु सासनारहता **ठानारहे** नाम होति । इति यो इमिना एवं अकुप्पेन ठानारहेन जत्तिचतुत्थेन उपसम्पदाकम्मेन उपसम्पन्नो, अयं इध “भिक्खू”ति अधिपेत्तो । पण्णत्तिवज्जेसु पन अञ्जेपि सङ्गहं गच्छन्ति ।

भिक्खुनं सिक्खासाजीवसमापन्नोति वा भिक्खुनं अधिसीलसङ्घाता सिक्खा, तच्च, यत्थ चेते सह जीवन्ति, एकजीविका सभागवृत्तिनो होन्ति, तं भगवता पञ्चत्तं सिक्खापदसङ्घातं साजीवञ्च, तत्थ सिक्खनभावेन समापन्नोति भिक्खुनं सिक्खासाजीवसमापन्नो । **समापन्नो**ति सिक्खञ्च परिपूरुत्तो साजीवञ्च अवीतिकमन्तो हुत्वा तदुभयं उपगताति अत्थो । **सिक्खं अपच्चक्खाय दुब्बल्यं अनाविकत्वा**ति यं सिक्खं समापन्नो, तं अपटिक्खिपित्वा, यच्च साजीवं समापन्नो, तस्मिं दुब्बलभावं अपकासेत्वा । तत्थ चित्तखेतकालपयोगपुग्गलविज्ञाननवसेन सिक्खाय पच्चक्खानं जत्वा तदभावेन अपच्चक्खानं वेदितव्वं । कथं? उपसम्पन्नभावतो चवित्तुकामताचित्तेनेव हि सिक्खापच्चक्खानं होति, न दवा वा रवा वा भणन्तस्स । एवं **चित्तवसेन** सिक्खापच्चक्खानं होति, न तदभावेन । तथा “बुद्धं पच्चक्खामि, धम्मं पच्चक्खामि, सङ्गं पच्चक्खामि, सिक्खं, विनयं, पातिमोक्खं, उद्वेसं, उपज्झायं, आचरियं, सद्धिविहारिकं, अन्तेवासिकं, समानुपज्झायकं, समानाचरियकं, सन्नहचारि पच्चक्खामी”ति एवं वुत्तानं बुद्धादीनं चुट्ठस्सन्, “गिहीति मं धारेहि, उपासको, आरामिको, सामणेरो, तित्थियो, तित्थियसावको, असमणो, असक्खपुत्तियो”ति मं धारेही”ति एवं वुत्तानं गिहिआदीनं अट्ठन्ज्याति इमेसं द्वावीसतिधा खेतपदानं यस्स कस्सचि सवेवचनस्स वसेन तेसु यंकिञ्चि वत्तुकामस्स यंकिञ्चि वदतो सिक्खापच्चक्खानं होति, न रुक्खादीनं अञ्जतरस्स नामं गहेत्वा पच्चाचिक्खन्तस्स । एवं **खेतवसेन** पच्चक्खानं होति, न तदभावेन ।

तत्थ यदेतं “पच्चक्खामी”ति च, “मं धारेही”ति (पारा० ५१) च वुत्तं वत्तमानकालवचनं, यानि च “अलं मे बुद्धेन, किं नु मे बुद्धेन, न ममत्थो बुद्धेन, सुमुत्ताहं बुद्धेना”ति आदिना (पारा० ५२) नयेन आख्यातवसेन कालं अनामसित्वा पुरिमेहि चुट्ठसहि पदेहि सद्धि योजत्वा वुत्तानि “अलं मे”ति आदीनि चत्तारि पदानि, तेसंयेव च सवेवचनानं वसेन पच्चक्खानं होति, न “पच्चक्खासि”न्ति वा “पच्चक्खिस्स”न्ति वा “मं धारेसी”ति वा “मं धारेस्सती”ति वा “यैनुनाहं पच्चक्खेय्य”न्ति (पारा० ४५) वाति आदीनि अतीतानागतपरिकप्पवचनानि भणन्तस्स । एवं वत्तमान **कालवसेन** चैव अनामडुकालवसेन च पच्चक्खानं होति, न तदभावेन ।

पयोगो पन दुविधो कायिको च वाचसिको च । तत्थ “बुद्धं पच्चक्खामी”ति आदिना (पारा० ५१) नयेन याय कार्याच भासाय वचीभेदं कत्वा वाचसिकपयोगेनेव पच्चक्खानं होति, न अक्खरलिखनं वा हत्थमुद्दादिदस्सनं वा कायपयोगं करोन्तस्स । एवं वाचसिकपयोगेनेव पच्चक्खानं होति, न तदभावेन ।

पुग्गलो पन दुविधो — यो च पच्चक्खाति, यस्स च पच्चक्खाति । तत्थ यो पच्चक्खाति, सो सचे उम्मतकखित्तचित्तवेदनाट्ठानं अञ्जतरो न होति । यस्स पन पच्चक्खाति, सो सचे मनुस्सजातिको होति, न च उम्मतकादीनं अञ्जतरो, सम्मुखीभूतो च सिक्खापच्चक्खानं होति । न हि असम्मुखीभूतस्स दूतेन वा पण्णेन वा आरोचनं रुहति । एवं यथावुत्तपुग्गलवसेन पच्चक्खानं होति, न तदभावेन ।

विज्ञाननम्पि नियमितानियमितवसेन दुविधं । तत्थ यस्स येसं वा नियमेत्वा “इमस्स, इमेसं वा आरोचेमी”ति वदति, सचे ते यथा पकतिया लोके मनुस्सा वचनं सुत्वा आवज्जनसमये जानन्ति, एवं तस्स वचनानन्तरमेव तस्स “अयं उक्कण्ठितो”ति वा “गिहिभावं पत्थयती”ति वा येन केनचि आकारेन सिक्खापच्चक्खानभावं जानन्ति, पच्चक्खाताव होति सिक्खा । अथ अपरभागे “किं इमिना वुत्तं”न्ति चिन्तेत्वा जानन्ति, अञ्जे वा जानन्ति, अपच्चक्खाताव होति सिक्खा । अनियमेत्वा आरोचेन्तस्स पन सचे वुत्तनयेन यो कोचि मनुस्सजातिको वचनत्थं जानाति, पच्चक्खाताव होति सिक्खा । एवं विज्ञाननवसेन पच्चक्खानं होति, न तदभावेन । यो पन अन्तमसो दवायपि पच्चक्खाति, तेन अपच्चक्खाताव होति सिक्खा । इति इमेसं वुत्तप्पकारानं चित्तादीनं वा वसेन, सब्बसो वा पन अपच्चक्खानेन सिक्खं अपच्चक्खाय सिक्खापच्चक्खानस्सेव च अत्थभूतं एकच्चं दुब्बल्यं अनाविकत्वा ।

मेथुनं धम्मं पटिसेवेय्याति एत्थ **मेथुनं धम्मं**ति रागपरियुट्ठानेन सदिसानं उभिन्नं धम्मं । **पटिसेवेय्या**ति पटिसेवेय्य अज्झापज्जेय्य । **अन्तमसो**ति सब्बन्तिमेन परिच्छेदेन । **तिरच्छानगतायपी**ति पटिसत्थिवसेन तिरच्छानेसु गतायपि, अयमेत्थ अनुपज्जति । **पाराजिको होती**ति पराजितो होति, पराजयं आपन्नो । **असंवासो**ति पकतता भिक्खु सह वसन्ति एत्थाति एककम्मादिको विविधोपि विधि संवासो नाम, सो तेन सद्धि नत्थीति असंवासो । सङ्गकम्मेसु हि एस गणपूरकोपि न होति, अयं ताव पदवण्णना ।

अयं पनेत्थ विनिच्छयो — मनुस्सामनुस्सतिरच्छानगतवसेन हि तिस्रो इत्थियो, तासं वच्चमग्गपस्सावमग्गमुखमगवसेन तयो तयो कत्वा नव मग्गा, तथा उभतोब्यञ्जनकानं । पुरिसानं पन वच्चमग्गमुखमगवसेन द्वे द्वे कत्वा छ मग्गा, तथा पण्डकानन्ति एवं तिस मग्गा । तेसु अत्तनो वा परेसं वा यस्स कस्सचि मग्गस्स सन्थतस्स वा असन्थतस्स वा, परेसं पन मतानम्पि अक्खायितस्स वा येभुत्थेन अक्खायितस्स वा पकतिवातेन असंफुट्टे अल्लोकासे यो भिक्खु एकतिलबीजमत्तम्पि अत्तनो अङ्गजातं सन्थतं वा असन्थतं वा सेवनचित्तेन पवेसेति, परेन वा पवेसियमाने पवेसनपविट्ठितउद्धरणेसु यंकिञ्चि सादियति, अयं पाराजिकापत्तिं आपन्नो नाम होति, अयं तावेत्थ असाधारणविनिच्छयो । सब्बसिक्खापदानं पन साधारणविनिच्छयत्थं अयं मातिका —

निदानं पुग्गलं वत्थुं, पञ्जत्तिविधिमेव च ।

आणत्तापत्तिनापत्ति-विपत्तिं अङ्गमेव च ॥

समुट्ठानविधिं किरिया-सञ्चाचित्तेहि नानत्तं ।

वज्जकम्मपभेदञ्च, तिकट्ठयविधिं तथा ॥

लक्खणं सत्तरसथा, ठितं साधारणं इदं ।
जत्वा योजेय्य मेधावी, तत्थ तत्थ यथारहन्ति ॥

तत्थ निदानं नाम वेसालि-राजगह-सावत्थि-आळवि-कोसम्बि-सग्ग-भग्गानं वसेन सत्तविधं पञ्जत्तिदानं, इदञ्चि सब्बसिक्खापदानं निदानं । पुग्गलो नाम यं यं आरब्धं तं तं सिक्खापदं पञ्जत्तं । वत्थु नाम तस्स तस्स पुग्गलस्स अञ्जाचारो वुच्चति । पञ्जत्तिविधिन्ति पञ्जत्तिअनुपञ्जत्तिअनुपन्नपञ्जत्तिसब्बत्थपञ्जत्तिपदेसपञ्जत्तिसाधारणपञ्जत्ति असाधारणपञ्जत्तिएकतोपञ्जत्तिउभतोपञ्जत्तिवसेन नवविधा पञ्जत्ति । तत्थ अनुपन्नपञ्जत्ति नाम अनुपन्ने दोसे पञ्जत्ता, सा अट्ठगुरुधम्मपटिग्गहणवसेन (चूळव० ४०३) भिक्खुनीनंयेव आगता, अञ्जत्र नत्थि । विनयधरपञ्चमेन (महाव० २५९) गणेन उपसम्पदा, गणङ्गणूपाहना (महाव० २५९) धुवन्हानं चम्मत्थरणन्ति एतेसं वसेन चतुब्बिधा पदेसपञ्जत्ति नाम । मज्झिमदेसेयेव हि एतेहि आपत्तिं होति, तेसुपि धुवन्हानं पटिक्खेपमतमेव पातिमोक्खे आगतं, ततो अञ्जा पदेसपञ्जत्ति नाम नत्थि । सब्बानि सब्बत्थपञ्जत्तियेव होन्ति, साधारणपञ्जत्तिदुकञ्च एकतोपञ्जत्तिदुकञ्च अत्थतो एकं, तस्मा अनुपन्नपञ्जत्तिञ्च सब्बत्थपञ्जत्तिदुकञ्च एकतोपञ्जत्तिदुकञ्च ठपेत्वा सेसानं चतस्सन्नं पञ्जत्तीनं वसेन सब्बत्थ विनिच्छयो वेदितब्बो । आणत्तापत्तिनापत्तिविपत्तिन्तिएत्थ आणत्तीतिआणापना वुच्चति । आपत्तीति पुब्बपयोगादिवसेन आपत्तिभेदो । अनापत्तीति अजाननादिवसेन अनापत्ति । विपत्तीति सीलआचारदिट्ठिआजीवविपत्तीनं अञ्जतरा । इति इमासं आणत्तादीनम्पि वसेन सब्बत्थ विनिच्छयो वेदितब्बो । अङ्गन्ति सब्बसिक्खापदेसु आपत्तीनं अङ्गं वेदितब्बं ।

समुद्धानविधिन्ति सब्बापत्तीनं कायो वाचा कायवाचा कायचित्तं वाचाचित्तं कायवाचाचित्तन्ति इमानि एकङ्किद्वङ्किकतिवङ्गिकानि । छ समुद्धानानि नाम यानि “सिक्खापदसमउद्धानानी” तिपि वुच्चन्ति । तत्थ पुरिमानि तीणि अचित्तकानि, पच्छिमानि सचित्तकानि । तेसु एकेन वा द्वीहि वा तीहि वा चतूहि वा छहि वा समुद्धानेहि आपत्तियो समुद्दहन्ति, पञ्चसमुद्धाना नाम नत्थि । तत्थ एकसमुद्धाना नाम चतुत्थेन च पञ्चमेन च छट्ठेन च समुद्धानेन समुद्धानि, न अञ्जेन । द्विसमुद्धाना नाम पठमचतुत्थेहि च दुतियपञ्चमेहि च ततियछट्ठेहि च चतुत्थछट्ठेहि च पञ्चमछट्ठेहि च समुद्धानेहि, समुद्धानि, न अञ्जेहि । तिसमुद्धाना नाम पठमेहि च तीहि, पच्छिमेहि च तीहि समुद्धानेहि समुद्धानि, न अञ्जेहि । चतुसमुद्धाना नाम पठमततियचतुत्थछट्ठेहि च दुतियततियपञ्चमछट्ठेहि च समुद्धानेहि समुद्धानि, न अञ्जेहि । छ समुद्धाना नाम छहिपि समुद्धानि ।

एवं —

तिधा एकसमुद्धाना, पञ्चधा द्विसमुद्धाना ।
द्विधा तिचतुरो ठाना, एकधा छसमुद्धानाति ॥

समुद्धानवसेन सब्बाव तेरस आपत्तियो होन्ति (चूळव० १६५ आदयो), ता पठमपञ्जत्तिसिक्खापदवसेन समुद्धानतो तेरस नामानि लभन्ति पठमपाराजिकसमुद्धाना, अदिन्नादान-सञ्चरित-समनुभासन-कथिन-एळकलोम-पदसोधम्म-अद्धान-थेय्यसत्थ-धम्मदेसनाभूतारोचन-चोरिवुट्ठापन-अननुज्जातसमुद्धानाति । तत्थ या कायचित्ततो समुद्धानि, अयं पठमपाराजिकसमुद्धाना नाम । या सचित्तकेहि तीहि समुद्धानेहि समुद्धानि, अयं अदिन्नादानसमुद्धाना नाम । या छहिपि समुद्धानि, अयं सञ्चरितसमुद्धाना नाम । या छट्ठेनेव समुद्धानि, अयं समनुभासनसमुद्धाना नाम । या ततियछट्ठेहि समुद्धानि, अयं कथिनसमुद्धाना नाम । या पठमचतुत्थेहि समुद्धानि, अयं एळकलोमसमुद्धाना नाम । या दुतियपञ्चमेहि समुद्धानि, अयं पदसोधम्मसमुद्धाना नाम । या पठमततियचतुत्थछट्ठेहि समुद्धानि, अयं अद्धानसमुद्धाना नाम । या चतुत्थछट्ठेहि समुद्धानि, अयं थेय्यसत्थसमुद्धाना नाम । या पञ्चमेनेव समुद्धानि, अयं धम्मदेसनासमुद्धाना नाम । या अचित्तकेहि तीहि समुद्धानेहि समुद्धानि, अयं भूतारोचनसमुद्धाना नाम । या पञ्चमछट्ठेहि समुद्धानि, अयं चोरिवुट्ठापनसमुद्धाना नाम । या दुतियततियपञ्चमछट्ठेहि समुद्धानि, अयं अननुज्जातसमुद्धाना नामाति । इति इमस्स समुद्धानविधिनापि वसेन सब्बत्थ विनिच्छयो वेदितब्बो ।

किरियासञ्जाचित्तेहि नानत्तन्ति एतेहि किरियादीहि सब्बापत्तीनं नानाभावं जत्वा सब्बत्थ विनिच्छयो वेदितब्बो । सब्बापत्तियो हि किरियावसेन पञ्चविधा होन्ति, सेय्यथिदं — अत्थापत्ति किरियतो समुद्धानि, अत्थि अकिरियतो, अत्थि किरियाकिरियतो, अत्थि सिया किरियतो सिया अकिरियतो, अत्थि सिया किरियतो सिया किरियाकिरियतोति । तत्थ या कायेन वा वाचाय वा पथविखणनादीसु (पचि० ८४) विय वीतित्थकमं करोन्तस्स होति, अयं किरियतो समुद्धानि नाम । या कायवाचाहि कत्तब्बं अकरोन्तस्स होति पठमकथिनापत्ति (पारा० ४५९ आदयो) विय, अयं अकिरियतो समुद्धानि नाम । या करोन्तस्स च अकरोन्तस्स च होति अज्जातिकाय भिक्खुनिया हत्थतो चीवरप्पटिग्गहणापत्ति (पारा० ५०८-५११) विय, अयं किरियाकिरियतो समुद्धानि नाम । या सिया करोन्तस्स च, सिया अकरोन्तस्स च होति रूपियप्पटिग्गहणापत्ति (पारा० ५८२) विय, अयं सिया किरियतो सिया अकिरियतो समुद्धानि नाम । या सिया करोन्तस्स च सिया करोन्ताकरोन्तस्स च होति कुटिकारापत्ति (पारा० ३४२ आदयो) विय, अयं सिया किरियतो सिया किरियाकिरियतो समुद्धानि नाम ।

सब्बापत्तियो च सञ्जावसेन दुविधा होन्ति सञ्जाविमोक्खा नोसञ्जाविमोक्खाति । तत्थ यतो वीतित्थकमसञ्जाय अभावेन मुच्चति, अयं सञ्जाविमोक्खा, इतरा नोसञ्जाविमोक्खा । पुन च सब्बापि चित्तवसेन दुविधा होन्ति सचित्तका अचित्तका चाति । तत्थ या सचित्तकसमुद्धानवसेनेव समुद्धानि अयं सचित्तका । या अचित्तकेन वा सचित्तकमिस्सकेन वा समुद्धानि अयं अचित्तका ।

वज्जकम्मपभेदन्ति एत्थ सब्बापत्तियो वज्जवसेन दुविधा होन्ति लोकवज्जा पण्णत्तिवज्जा चाति । तत्थ यस्सा सचित्तकपक्खे चित्तं अकुसलमेव होति, अयं लोकवज्जा, सेसा पण्णत्तिवज्जा । सब्बा च कायकम्मवचीकम्मतदुभयवसेन तिविधा होन्ति । तत्थ कायद्वारे आपज्जितब्बा कायकम्मन्ति वुच्चति, वचीद्वारे आपज्जितब्बा वचीकम्मन्ति वुच्चति, उभयत्थ आपज्जितब्बा कायकम्मं वचीकम्मञ्चाति, मनोद्वारे आपत्ति नाम नत्थि । इति इमिना वज्जकम्मपभेदेनापि सब्बत्थ विनिच्छयो वेदितब्बो ।

तिकद्वयविधिन्ति कुसलत्तिकवेदनात्तिकविधि । आपत्तिं आपज्जमानो हि अकुसलचित्तो वा आपज्जति कुसलाब्बाकतचित्तो वा, तथा दुक्खवेदनासमङ्गी वा इतरवेदनाद्वयसमङ्गी वा । एवं सन्तेपि सब्बसिक्खापदेसु अकुसलचित्तवसेन एकं चित्तं, कुसलाब्बाकतचित्तवसेन द्वे चित्तानि, सब्बेसं वसेन तीणि चित्तानि । दुक्खवेदनावसेन एका वेदना, सुखउपेक्खावसेन द्वे, सब्बासं वसेन तिस्रो वेदनाति । अयमेव पभेदो लब्धमति, न अञ्जो ।

लक्खणं सत्तरसथा, ठितं साधारणं इदं, जत्वाति इदं निदानादिवेदनात्तिकपरियोसानं सत्तरसप्पकारं लक्खणं जानित्वा योजेय्य मेधावी । तत्थ तत्थ यथारहन्ति पण्डितो भिक्खु तस्मिं तस्मिं सिक्खापदे इदं लक्खणं यथानुरूपं योजेय्याति अत्थो । तं पन अयोजितं दुब्बिजानं होति, तस्मा नं सब्बसिक्खापदानं असाधारणविनिच्छयपरियोसाने इमं मातिकं अनुद्धरित्वाव योजेत्वा दस्सयिस्साम ।

इध पनस्स अयं योजना — इदं वेसालियं सुदिन्त्येयं आरब्धं मेथुनवीतित्थकमवत्थुस्मिं पञ्जत्तं । “मेथुनं धम्मं पटिसेवेय्या” ति अयमेत्थ पञ्जत्ति, “सिक्खं अपच्चक्खाया” ति च “अन्तमसो तिरच्छानगतायपी” ति च द्वे अनुपञ्जत्तियो । अनुपञ्जत्ति च नामेसा आपत्तिकरा च होति अज्जवादकसिक्खापदादीसु (पाचि० ९५ आदयो) विय, अनापत्तिकरा च अञ्जत्र सुपिन्नत्तातिआदीसु (पारा० २३६-२३७) विय, आपत्तिउपत्थम्भकरा च अदिन्नादानादीसु (पारा० ९१) विय, इध पन उपत्थम्भकराति वेदितब्बा । इतो परं पन यत्थ अनुपञ्जत्ति अत्थि, तत्थ “अयं अनुपञ्जत्ती” ति एतकमेव दस्सयिस्साम । ठपेत्वा पन अनुपञ्जत्ति अवसेसा पञ्जत्तियेवाति सब्बत्थ विनिच्छयो वेदितब्बो । भिक्खुं आरब्ध उपपन्नवत्थुस्मिंयेव “या पन भिक्खुनी छन्दसो मेथुनं धम्मं पटिसेवेय्या” ति एवं भिक्खुनीनम्पि पञ्जत्तितो साधारणपञ्जत्ति । आणत्तिया अनापज्जनतो अनाणत्तिकं । भिक्खुं पन आणापेन्तो अकपियसमादानापत्तितो न मुच्चति, मेथुनरागेन कायसंसग्गे दुक्कटं, जीवमानकसरीरस्स वुत्तप्पकारे मग्गे सचैपि तचादीनि अनवसेसेत्वा सब्बसो छिन्ने निमित्तसण्ठानमत्तं पञ्जायति, तत्थ अन्तमसो अङ्गजाते उड्डितं अनट्ठकायप्पसादं पीळकं वा चम्मखिलं वा पवेसेन्तस्सापि सेवन्चित्ते सति पाराजिकं, नट्ठकायप्पसादं सुखपीळकं वा मतचम्मं वा लोमं वा पवेसेन्तस्स दुक्कटं, सचे निमित्तसण्ठानमत्तम्पि अनवसेसेत्वा सब्बसो मग्गो उप्पाटितो, तत्थ उपकमतो वणसङ्केपवसेन थुल्लच्चयं, तथा मनुस्सानं अक्खिनासाकण्णच्छिद्ववत्थिकोसेसु सत्थकेन कतवणे वा, हत्थिअस्सादीनञ्च तिरच्छानानं वत्थिकोसनासापुटेसु थुल्लच्चयं । तिरच्छानानं पन अक्खिक्कण्णनासावणेषु अहिमच्छादीनं पवेसनप्पमाणवारहिते अणुनिमित्ते सब्बेसञ्च उपकच्छादीसु सेससरीरेसु दुक्कटं । मतसरीरे निमित्ते उपडुक्खायिततो पट्टाय याव न कुथितं होति, ताव थुल्लच्चयं । कुथिते दुक्कटं, तथा वट्टकते मुखे अच्छुपन्तं अङ्गजातं पवेसेन्तस्स दुक्कटं । ओडुतो बहि निक्खन्तजिह्वाय वा दन्तेसु वा थुल्लच्चयं । निमित्ततो बहि पतितमंसर्पसियं दुक्कटन्ति अयमेत्थ आपत्तिभेदो ।

अजानन्तस्स असादियन्तस्स उम्मतकस्स खित्तचित्तस्स वेदनादुस्स आदिकम्मिकानञ्च अनापत्ति। एत्थ पन यो निहं ओक्कन्तत्ता परेन कतम्पि उपवकमं न जानाति, सो अजानन्तो। यो जानित्वापि न सादियति, सो असादियन्तो। यो पित्तवसेन अतेकिच्छं उम्मादं पत्तो, सो उम्मतको। यक्खेहि कतचित्तविकखेपो खित्तचित्तो। द्विन्मि च एतेसं अगिसुवण्णगूथचन्दनादीसु समप्पवत्तिभावेन अजाननभावोव पमार्पा। यो अधिमत्तवेदनाय आतुरत्ता किञ्चि न जानाति, सो वेदनाट्ठो। यो तस्मिं तस्मिं वत्थुस्मिं आदिभूतो, सो आदिकम्मिको। अयं पन अनापत्ति। चतूसु विपत्तीसु सीलविपत्ति। तस्सा द्वे अङ्गानि सेवनचित्तञ्च मग्गेन मग्गपटिपादनञ्चाति। समुद्धानादितो इदं सिकखापदं पठमपाराजिकसमुद्धानं, किरियं, सज्जाविमोक्खं, सचित्तकं, लोकवज्जं, कायकम्मं, अकुसलचित्तं, द्विवेदनन्ति, इमानि च समुद्धानादीनि नाम आपत्तिया होन्ति, न सिकखापदस्स। वोहारसुखत्थं पन सब्बदुक्कथासु सिकखापदसीसेन देसना आगता, तस्मा अज्जेसुपि एवरूपेसु ठानेसु व्यञ्जने आदरं अकत्वा अधिपेतेव गहेतब्बं।

अत्थज्झि नाथो सरणं अवोच।

न व्यञ्जनं लोकहितो महेसो।

तस्मा अकत्वा रतिमक्खरेसु।

अत्थे निवेसेय्य मत्ति मुत्तीमात्ति।

पठमपाराजिकवण्णना निड्ढिता।

२. दुतियपाराजिकवण्णना

दुतिये **गामा वा अरज्जावाति** एत्थ सब्बोपि एककुटिकादिभेदो परिकिखत्तो वा अपरिकिखत्तो वा समनुस्सो वा अमनुस्सो वा अन्तमसो अतिरेकचातुमासनिविट्ठो यो कोचि सत्थोपि “गामो” ति वेदितब्बो। ठपेत्वा गामञ्च गामूपचारञ्च अवसेसं अरज्जं नाम। तत्थ असम्मोहत्थं घरं घरूपचारो गामो गामूपचारोति अयं विभागो वेदितब्बो। निब्बकोसस्स हि उदकपतनद्वानब्भन्तरं **घरं** नाम। यं पन द्वारे ठितो मातुगामो भाजनधोवनउदकं छट्ठेति, तस्स पतनद्वानञ्च मातुगामेनेव अन्तोगेहं ठितेन पकतिया बहि खित्तस्स सुपस्स वा संमुज्जनिना वा पतनद्वानञ्च घरस्स पुरतो द्वीसु कोणेषु सम्बन्धित्वा मज्जे रुक्खसूचिद्वारं ठपेत्वा गोरूपानं पवेसननिवारणत्थं कतपरिकखेपो च अयं सब्बोपि **घरूपचारो** नाम। यं पन सब्बन्तिमं घरं होति, तस्स घरस्स तादिसे घरूपचारो ठितस्स थाममज्झिमस्स पुरिसस्स यथा तरुणमनुस्सा अत्तनो बलं दस्सेत्तो बाहुं पसारेल्ला लेट्ठुं खिपन्ति, एवं खित्तस्स लेट्ठुस्स पतनद्वानब्भन्तरं **गामो** नाम। ततो अज्जस्स लेट्ठुपातस्स अब्भन्तरं **गामूपचारो** नाम। पतितस्स पन लेट्ठुनो पवत्तित्वा गतद्वानं न गहेतब्बं। परिकिखत्तस्स पन गामस्स परिकखेपोयेव गामस्स परिच्छेदो, तस्स सचे द्वे इन्दखिला होन्ति अब्भन्तरिमे इन्दखिले ठितस्स लेट्ठुपातब्भन्तरं **गामूपचारो** नाम। पदभाजनेपि (पारा० १२) हि इमिनाव नयेन अत्थो वेदितब्बो। तत्थ व्यायं अपरिकिखत्तस्स गामस्स उपचारो दस्सितो, तस्स वसेन विकाले गामप्पवेसनादीसु आपत्ति परिच्छिन्दितब्बा। इति इमं ठपेत्वा गामञ्च गामूपचारञ्च अवसेसं इमस्मिं सिकखापदे अरज्जं नाम। देसनामत्तमेव चेत्तं “गामा वा अरज्जावा” ति। ये पन इमेसं परिच्छेददस्सन्तथं घरघरूपचारगामूपचारा वुत्ता, ततोपि पाराजिकवत्थुं अवहरन्तस्स पाराजिकं होतियेव।

अदिन्न्ति अज्जस्स मनुस्सजातिकस्स सन्तकं। **थेय्यसङ्घातन्ति** एत्थ **थेनोति** चोरो, थेनस्स भावो थेय्यं, अवहरणचित्तस्सेतं नामं। सङ्घा सङ्घातन्ति अत्थतो एकं, कोट्टासस्सेतं नामं “सज्जानिदाना हि पपञ्चसङ्घा” ति आदीसु (सु० नि० ८८०; महानि० १०९) विय। थेय्यञ्च तं सङ्घातञ्चाति थेय्यसङ्घातं, थेय्यचित्तसङ्घातो एको चित्तकोट्टासोति अत्थो। करणत्थे चेत्तं पच्चत्तवचनं, तस्मा थेय्यसङ्घातेनाति अत्थतो दट्ठब्बं। यो च थेय्यसङ्घातेन आदियति, सो यस्मा थेय्यचित्तो होति, तस्मा व्यञ्जनं अनादियित्वा अत्यमेव दस्सेत्तु “थेय्यचित्तो अवहरणचित्तो” ति (पारा० १२) एवमस्स पदभाजनं वुत्तन्ति वेदितब्बं।

आदियेय्याति पञ्चवीसतिया अवहारानं अज्जतरवसेन हरेय्य। ते पन अवहारा पञ्च पञ्चकानि समोधानेत्वा साधुं सल्लक्खेतब्बा। पञ्च पञ्चकानि नाम नानाभण्डपञ्चकं एकभण्डपञ्चकं साहत्थिकपञ्चकं पुब्बपयोगपञ्चकं थेय्यावहारपञ्चकन्ति। तत्थ पुरिमानि द्वे पञ्चकानि एतस्सेव पदस्स पदभाजने वुत्तानं “आदियेय्य हरेय्य अवहरेय्य इरियापथं विकोपेय्य ठाना चावेय्या” ति इमेसं पदानं वसेन लब्भन्ति। तत्थ नानाभण्डपञ्चकं सविज्जाणकाविज्जाणकवसेन दट्ठब्बं, इतरं सविज्जाणकवसेनेव। कथं? **आदियेय्याति** आरामं अभियुज्जति, आपत्ति दुक्कटस्स। सामिकस्स विमत्ति उप्पादेति, आपत्ति थुल्लच्चयस्स। सामिको “न मद्धं भविस्सती” ति धुरं निक्खिपति, आपत्ति पाराजिकस्स। **हरेय्याति** अज्जस्स भण्डं हरन्तो सीसे भारं थेय्यचित्तो आमसति, दुक्कटं। फन्दापेति, थुल्लच्चयं। खन्धं ओरोपेति, पाराजिकं। **अवहरेय्याति** उपनिक्खितं भण्डं “देहि मे भण्डं” ति वुच्चमानो “नाहं गणहामी” ति भणति, दुक्कटं। सामिकस्स विमत्ति उप्पादेति, थुल्लच्चयं। सामिको “न मद्धं भविस्सती” ति धुरं निक्खिपति, पाराजिकं। **इरियापथं विकोपेय्याति** “सह भण्डहारकं नेस्सामी” ति पठमं पादं अतिक्कामेति, थुल्लच्चयं। दुतियं पादं अतिक्कामेति, पाराजिकं। **ठाना चावेय्याति** थलट्ठुं भण्डं थेय्यचित्तो आमसति, दुक्कटं। फन्दापेति, थुल्लच्चयं। ठाना चावेति, पाराजिकं। एवं ताव **नानाभण्डपञ्चकं** वेदितब्बं। ससामिकस्स पन दासस्स वा तिरच्छानगतस्स वा यथावुत्तेन अभियोगादिना नयेन आदियनहरणअवहरणइरियापथविकोपनठानाचावनवसेन **एकभण्डपञ्चकं** वेदितब्बं।

कतमं **साहत्थिकपञ्चकं**? साहत्थिको आणत्तिको निस्सगियो अत्थसाधको धुरनिकखेपोति। तत्थ **साहत्थिको** नाम परस्स भण्डं सहत्था अवहरति। **आणत्तिको** नाम “असुकस्स भण्डं अवहरा” ति अज्जं आणापेति। **निस्सगियो** नाम सुक्कधातकपरिकप्पितोकासानं अन्तो ठत्वा बहि पातनं। **अत्थसाधको** नाम “असुकस्स भण्डं यदा सक्कोति, तदा तं अवहरा” ति अज्जं आणापेति। तत्थ सचे परो अनन्तरायिको हुत्वा तं अवहरति, आणापकस्स आणत्तिकखणेयेव पाराजिकं। परस्स वा पन तेलकुम्भिया पादग्घनकतेलं अवस्सं पिवनकानि उपाहनादीनि पक्खिपति, हत्थतो मुत्तमत्तेयेव पाराजिकं। **धुरनिकखेपो** पन आरामाभियोगउपनिक्खितभण्डवसेन वेदितब्बो। तावकालिकभण्डेय्यानि अदेन्तस्सापि एसेवनयोति इदं साहत्थिकपञ्चकं।

कतमं **पुब्बपयोगपञ्चकं**? पुब्बपयोगो सहपयोगो संविधावहारो सङ्केतकम्मं निमित्तकम्मन्ति। तत्थ आणत्तिवसेन **पुब्बपयोगो** वेदितब्बो। ठाना चावनवसेन, खिलादीनि सङ्कामेत्वा खेत्तादिगणहणवसेन च **सहपयोगो** वेदितब्बो। **संविधावहारो** नाम “असुकं नाम भण्डं अवहरिस्सामी” ति संविदहित्वा संमन्तयित्वा अवहरणं। एवं संविदहित्वा गतेसु हि एकेनापि तस्मिं भण्डे ठाना चाविते सब्बेसं अवहारा होन्ति। **सङ्केतकम्मं** नाम सज्जाननकम्मं। सचे हि पुरेभत्तादीसु यंकिञ्चि कालं परिच्छिन्दित्वा “असुकस्मिं काले इत्थन्नामं भण्डं अवहरा” ति वुत्तो सङ्केततो अपच्छा अपुरे तं अवहरति, सङ्केतकारकस्स सङ्केतकरणखणेयेव अवहारो। **निमित्तकम्मं** नाम सज्जुप्पादनत्थं अक्खिनिकखणादिनिमित्तकरणं। सचे हि एवं कतनिमित्ततो अपच्छा अपुरे “यं अवहरा” ति वुत्तो, तं अवहरति, निमित्तकारकस्स निमित्तकरणखणेयेव अवहारोति इदं पुब्बपयोगपञ्चकं।

कतमं **थेय्यावहारपञ्चकं**? थेय्यावहारो पसद्दावहारो परिकप्पावहारो पटिच्छन्नावहारो कुसावहारोति। तत्थ यो सन्धिच्छेदादीनि कत्वा अदिस्समानो अवहरति, कूटमानकूटकहापणादीहि वा वज्जेत्वा गण्हाति, तस्सेवं गण्हतो अवहारो **थेय्यावहारो**ति वेदितब्बो। यो पन पसद्द बलक्कारेन परेसं सन्तकं गण्हाति गामघातकादयो विय, अत्तनो पत्तबलितो वा वुत्तनयेनेव अधिकं गण्हाति राजभट्टादयो विय, तस्सेवं गण्हतो अवहारो **पसद्दावहारो**ति वेदितब्बो। परिकप्पेत्वा गण्हं पन **परिकप्पावहारो** नाम। सो भण्डोकासवसेन दुविधो। तत्रायं **भण्डपरिकप्पो** — साटकत्थिको अन्तोगम्भं पविसित्वा “सचे साटको भविस्सति, गण्हिस्सामी, सचे सुत्तं, न गण्हिस्सामी” ति परिकप्पेत्वा अन्धकारे पविसिक्कं गण्हाति, तत्र चे साटको होति, उद्धारयेव पाराजिकं। सुत्तं चे होति, रक्खति। बहि नीहरित्वा मुञ्चित्वा “सुत्तं” ति जत्वा पुन आहरित्वा उपेति, रक्खति येव। “सुत्तं” ति जत्वापि “यं लद्धं, तं गहेतब्बं” ति गच्छति, पदवारेन कारेतब्बो। भूमियं ठपेत्वा गण्हाति, उद्धारं पाराजिकं। “चोरो चोरो” ति अनुबन्धो छट्ठेत्वा पलायति, रक्खति। सामिका दिस्वा गण्हन्ति, रक्खति येव। अज्जो चे कोचि गण्हाति, भण्डदेय्यं। सामिकेसु निवत्तेसु सयं दिस्वा पंसुकूलसज्जाय “पगेवेतं मया गहितं, मम दानि सन्तकं” ति गण्हन्तस्सापि भण्डेय्यमेव। तत्थ व्यायं “सचे साटको भविस्सति, गण्हिस्सामी” ति आदिना नयेन पवत्तो परिकप्पो, अयं भण्डपरिकप्पो नाम।

ओकासपरिकप्पो पन एवं वेदितब्बो — एकच्चो पन परपरिवेणादीनि पविट्ठो किञ्चि लोभनेय्यं भण्डं दिस्वा गम्भद्वारपमुखेहेट्ठापासादद्वारकोट्ठकरुक्खमूलादिवसेन परिच्छेदं कत्वा “सचे मं एत्थन्तरे पस्सिस्सन्ति, दट्ठकामताय गहेत्वा विचरन्तो विय दस्सामि, नो चे पस्सिस्सन्ति, हरिस्सामी” ति परिकप्पेति, तस्स तं आदाय परिकप्पितपरिच्छेदं अतिक्कन्तमत्ते अवहारो होति। इति व्यायं वुत्तनयेनेव पवत्तो परिकप्पो, अयं ओकासपरिकप्पो नाम। एवमिमेसं द्विन्मि परिकप्पानं वसेन परिकप्पेत्वा गण्हतो अवहारो “परिकप्पावहारो” ति वेदितब्बो।

पटिच्छादेत्वा पन अवहरणं **पटिच्छन्नावहारो** नाम। सो एवं वेदितब्बो — यो भिक्खु उय्यानादीसु परेसं ओमुज्जित्वा ठपितअङ्गलिमुद्धिकादीनि दिस्वा “पच्छा गण्हिस्सामी” ति पंसुना वा पण्णेन वा

पटिच्छादेति, तस्स एतावता उद्धारो नत्थीति न ताव अवहारो होति । यदा पन सामिका विचिनन्ता अपस्सित्वा “स्वे जानिस्सामा” ति सालयाव गता होन्ति, अथस्स तं उद्धारतो उद्धारं अवहारो । पटिच्छन्कालेयेव “एतं मम सन्तकं” ति सकसज्जाय वा “गता दानि ते, छड्ढितभण्डं इदं” ति पंसुकूलसज्जाय वा गण्हन्तस्स पन भण्डदेयं । तेसु दुतियततियदिवसे आगन्त्वा विचिन्त्वा अदिस्वा धुरनिकखेपं कत्वा गतेसुपि गहितं भण्डदेयमेव । पच्छा जत्वा चोदियमानस्स अददतो सामिकानं धुरनिकखेपं अवहारो होति । कस्मा? यस्मा तस्स पयोगेन तेहि न दिट्ठुं । यो पन तथारूपं भण्डं यथाठाने ठितंयेव अपटिच्छादेत्वा थेय्यचित्तो पादेन अक्कमित्वा कट्टमे वा वालुकाय वा पवेसेति, तस्स पवेसितमत्तेयेव अवहारो ।

कुसं सङ्कामेत्वा पन अवहरणं **कुसावहारो** नाम । सोपि एवं वेदितव्वो — यो भिक्खु विलीयमयं वा तालपण्णमयं वा कतसज्जाणं यंकिञ्चि कुसं पातेत्वा चीवरे भाजीयमाने अत्तनो कोट्टासस्स समीपे ठितं अप्पघतरं वा महग्घतरं वा समसमं वा अग्घेन परस्स कोट्टासं हरितुकामो अत्तनो कोट्टासे पतितं कुसं परस्स कोट्टासे पातेतुकामताय उद्धारति, रक्खति ताव । परस्स कोट्टासे पातिते रक्खतेव । यदा पन तस्मिं पतिते परस्स कोट्टासतो परस्स कुसं उद्धारति, उद्धारतमत्ते अवहारो । सचे पठमतरं परकोट्टासतो परस्स कुसं उद्धारति, अत्तनो कोट्टासे पातेतुकामताय उद्धारं रक्खति, पातनेपि रक्खति, अत्तनो कोट्टासतो पन अत्तनो कुसं उद्धारतो उद्धारयेव रक्खति, तं उद्धारित्वा परकोट्टासे पातेन्तस्स हत्थतो मुत्तमत्ते अवहारो । अयं कुसावहारो । इति यं वुत्तं “आदियेय्याति पच्चवीसतिया अवहारानं अज्जरवसेन हरेय्या” ति, तस्सत्थो पकासितो होति ।

यथारूपेति यादिसे । **अदिन्नादानेति** अदिन्तस्स परसन्तकस्स गहणे । **राजानोति** इदं बिम्बिसारयेव सन्धाय वुत्तं, अज्जे पन तथा करेय्युं वा न करेय्युं वाति ते नप्पमाणं । **हनेय्युं वाति** हत्थादीहि वा पोथेय्युं, सत्थेन वा छिन्देय्युं । **बन्धेय्युं वाति** रज्जुबन्धनादीहि बन्धेय्युं वा । **पब्बाजेय्युं वाति** नीहरेय्युं वा । **चोरोसि बालोसि मूळ्होसि थेनोसीति** इमेहि वचनेहि परिभासेय्युं । कीदिसस्स पन अदिन्तस्स आदाने राजानो एवं करोन्ति? पादस्स वा पादारहस्स वा । **तथारूपं भिक्खु अदिन्तं आदियमानोति** तादिसं भिक्खु पोराणकस्स कहापणस्स पादं वा पादारहं वा भण्डं अदिन्तं भूमिआदीसु यत्थ कत्थंचि ठितं यंकिञ्चि सजीवनिज्जीवं वुत्तप्पकारानं अवहारानं येन केनाचि अवहारेन अवहरन्तो पाराजिको होति, को पन वादो ततो अतिरेकतरस्मिन्ति ।

राजगहे धनियत्थेरं आरब्ध रज्जो दारुनि अदिन्तं आदियनवत्थुस्मिं पज्जत्तं, “गामा वा अरज्जा वा” ति अयमेत्थ अनुपज्जति, साधारणपज्जति, साणत्तिकं, हरणत्थाय गमनादिके पुब्बपयोगे दुक्कटं, आमसने दुक्कटं, पाराजिकवत्थुनो फन्दापने थुल्लच्चयं । आदियन्तस्स मासके वा ऊनमासके वा दुक्कटं, अतिरेकमासके वा ऊनपच्चमासके वा थुल्लच्चयं, पच्चमासके वा अतिरेकपच्चमासके वा पाराजिकं । सब्बत्थ गहणकालवसेन च गहणपदेसवसेन च परिभोगभाजनपरिवत्तनादीहि च परिहीनापरिहीनवसेन विनिच्छयो वेदितव्वो । सकसज्जिस्स, विस्सासग्गाहे, तावकालिके, पेत्तपरिग्गाहे, तिरच्छानगतपरिग्गाहे, पंसुकूलसज्जिस्स, उम्मतकादीनज्ज अनापत्ति । सीलविपत्ति, अज्जस्स मनुस्सजातिकस्स वसेन परपरिग्गाहितं, परपरिग्गाहितसज्जिता, गरुपरिक्खारो, थेय्यचित्तं, वुत्तप्पकारानं अवहारानं वसेन अवहरणज्जाति इमानेत्य पच्च अङ्गानि । अदिन्नादानसमुद्धानं, किरियं, सज्जाविमोक्खं, सचित्तकं, लोकवज्जं, कायकम्मं, वचीकम्मं, अकुसलचित्तं, तिवेदनन्ति ।

दुतियपाराजिकवण्णना निट्ठिता ।

३. ततियपाराजिकवण्णना

ततिये **सज्जिच्चाति** संघेतेत्वा सङ्घिं चेतत्वा । “पाणो” तिसज्जाय सङ्घियेव “वधामि न” ति वधकचेतनाय चेतत्वा पक्कयेत्वा । **मनुस्सविग्गहन्ति** कललतो पट्टाय जीवमानकमनुस्सजातिकसरीरं । **जीविता वोरोपेय्याति** कललकालेपि तापनमहनेहि वा भेसज्जसम्पदानेन वा ततो वा उद्भस्मि तदनुरूपेन उपक्कमेन जीविता वियोजेय्य । इमस्स पनत्थस्स आविभावत्थं पाणो वेदितव्वो, पाणातिपातो वेदितव्वो, पाणातिपाती वेदितव्वो, पाणातिपातस्स पयोगो वेदितव्वो । तत्थ **पाणोति** वोहारतो सत्तो, परमत्थतो जीवितिन्द्रियं । **पाणातिपातोति** याय चेतनाय जीवितिन्द्रियपच्छेदकपयोगं समुद्वापेति, सा चेतना । **पाणातिपातीति** वुत्तचेतनाय समङ्गिपुगलो । **पाणातिपातस्स पयोगोति** पाणातिपातस्स छ पयोगो साहत्थिको निस्सगियो आणत्तिको थावरो विज्जामयो इड्ढिमयोति । तत्थ **साहत्थिकोति** सयं मारेन्तस्स कायेन वा कायप्पटिबद्धेन वा पहरणं । **निस्सगियोति** दूरे ठितं मारेतुकामस्स कायेन वा कायप्पटिबद्धेन वा उसुसत्तियन्तपासाणादीनं निस्सज्जनं । तत्थ एकेको उड्ढिस्सानुडिस्सभेदतो दुविधो । तत्थ उड्ढिस्सके यं उड्ढिस्स पहरति, तस्सेव मरणेन कम्मबद्धो । “यो कोचि मरतु” ति एवं अनुडिस्सके पहारणच्चया यस्स कस्सचि मरणेन कम्मबद्धो । उभयत्थापि च पहरितमत्ते वा मरतु, पच्छा वा तेनेव रोगेन, पहरितक्खणेयेव कम्मबद्धो । **आणत्तिकोति** “असुकं नाम मारेही” ति अज्जं आणापेन्तस्स आणापनं ।

तत्थ —

वत्थु कालो च ओकासो, आवुधं इरियापथो ।

क्रियाविसेसोति इमे, छ आणत्ति नियामका ॥

तत्थ **वत्थुति** पुगलो । यच्चि पुगलं “मारेही” ति आणत्तो सचे तमेव मारेति, आणापकस्स आपत्ति । अथ अज्जं मारेति, तंमज्जमानो वा अज्जं मारेति, आणापको मुच्चति । “इमं मारेही” ति आणत्ते पन आणापकस्स दुक्कटं । **कालोति** पुरेभत्तादिकालो । सचे हि “पुरेभत्तं मारेही” ति आणत्तो पुरेभत्तमेव मारेति, आणापकस्स आपत्ति । अथ यं पुरेभत्तं नियामितं, ततो पच्छा वा पुरे वा मारेति, आणापको मुच्चति । इमिना नयेन सब्बत्थ विनिच्छयो वेदितव्वो । **थावरोति** असंहारिमेन उपकरणेन मारेतुकामस्स ओपातक्खणनं अपस्सेनसंविधानं असिआदीनं उपनिक्खिपनं तट्ठाकादीसु विससम्पयोजनं रूपूपहारोति एवमादि । वुत्तनयेनेव चेत्यापि उड्ढिस्सानुडिस्सभेदो वेदितव्वो । **विज्जामयोति** मारणत्थं विज्जापरिजप्पनं । **इड्ढिमयोति** कम्मविपाकजाय इड्ढिया पयोजनं ।

सत्थहारकं वास्स परियेसेय्याति एत्थ हरतीति हारकं, किं हरति? जीवितं । अथ वा हरितव्वन्ति हारकं, उपनिक्खिपितव्वन्ति अत्थो । सत्थज्ज तं हारकज्जाति सत्थहारकं । **अस्साति** मनुस्सविग्गहस्स । **परियेसेय्याति** यथा लभति, तथा करेय्य, उपनिक्खिपेय्याति अत्थो । एतेन थावरपयोगं दस्सेति । इतरथा हि परिधिड्ढिमत्तेयेव पाराजिको भवेय्य, न चेत्तं युत्तं । पदभाजने पनस्स व्यज्जनं अनादियित्वा यं एत्थ थावरपयोगसङ्गहितं सत्थं, तदेव दस्सेत्तुं “असिं वा” तिआदि वुत्तं । **मरणवण्णं वा संवण्णेय्याति** वाचाय वा तालपण्णादीसु लिखित्वा वा “यो एवं मरति, सो धनं वा लभती” तिआदिना नयेन मरणे गुणं पकासेय्य । एतेन यथा “अदिन्नादाने आदियेय्य” ति वुत्तता परियायकथाय मुच्चति, नयिध, एवं “संवण्णेय्या” ति वचनतो पन इध परियायकथायापि न मुच्चतीति अयमत्थो वेदितव्वो । **मरणाय वा समादपेय्याति** “सत्थं वा आहरा” तिआदिना (पारा० १७२) नयेन मरणत्थाय उपायं गाहापेय्य । एतेन आणत्तिकपयोगं दस्सेति । **अम्भो पुरिसाति** आलपनमेतं । **किं तुड्ढिमिनाति** आदि संवण्णनाकारनिदस्सनं । **इति चित्तमनोति** इति चित्तो इति मनो । “मत्तं ते जीविता सेय्यो” ति एत्थ वुत्तमरणचित्तो मरणमनोति अत्थो । एत्थ च “मनो” तिइदं चित्तस्स अत्थदीपनत्थं वुत्तं । तेनेवस्स पदभाजने “यं चित्तं तं मनो” ति (पारा० १७२) आह । **चित्तसङ्कप्पोति** विचित्तसङ्कप्पो । एत्थापि इति-सद्दो आहरितव्वो । “सङ्कप्पो” ति च संविदहनमत्तस्सेतं नामं, न वितक्कस्सेव । तज्ज संविदहनं इमस्मिं अत्थे सज्जाचेतनाधिप्पायेहि सङ्गहं गच्छति, तस्मा “इति चित्तसङ्कप्पो” ति “मत्तं ते जीविता सेय्यो” ति एत्थ वुत्तमरणसज्जो मरणचेतनो मरणाधिप्पायोति एवमेत्थ अत्थो दट्ठव्वो । पदभाजनेपि हि अयमेव नयो दस्सितो । एतेन मरणचित्तादीहि विना “एकाहं जीवितं सेय्यो, वीरियमारभतो दट्ठह” तिआदिना (ध० प० ११२) नयेन धम्मं भासन्तस्स संवण्णना नाम न होतीति दस्सेति । **अनेकपरियायेनाति** नानप्यकारेन उच्चावचनेन कारणेन । पुन **मरणवण्णन्ति** आदि निगमनवचनं । **पाराजिको होतीति** तट्ठणूपपन्निप्पि मनुस्सविग्गहं वुत्तनयेन जीविता वोरोपेत्तो पाराजिको होतीति ।

वेसालियं सम्बहूले भिक्खु आरब्ध अज्जमज्जं जीविता वोरोपनवत्थुस्मिं पज्जत्तं, “मरणवण्णं वा” ति अयमेत्थ अनुपज्जति, साधारणपज्जति, साणत्तिकं, मारणत्थाय ओपातक्खणादीसु दुक्कटं, अनोदिसस्स खते ओपाते यस्स कस्सचि पतनेपि दुक्कटं, यक्खपेत्ततिरच्छानगतमनुस्सविग्गहानं तिरच्छानगतस्स च दुक्खुपत्तियं दुक्कटमेव, मनुस्सजातिकस्स दुक्खुपत्तियं थुल्लच्चयं, तथा यक्खादीनं मरणे, तिरच्छानगतमरणे पन पाचित्तियं, मनुस्समरणे पाराजिकन्ति । इमिना नयेन सब्बत्थ पयोगभेदवसेन आपत्तिभेदो वेदितव्वो । असज्जिच्च मारेन्तस्स अजानन्तस्स मरणाधिप्पायस्स उम्मतकादीनज्ज अनापत्ति । तत्थ **असज्जिच्चाति** “इमिना उपक्कमेन इमं मारेमी” ति अचेतेत्वा कतेन उपक्कमेन मुसलुत्सापनवत्थुस्मिं (पारा० १८० आदयो) विय परे मतेपि अनापत्ति । **अजानन्तस्साति** “इमिना अयं मरिस्सतो” ति अजानन्तस्स उपक्कमेन विसगतपिण्डपातवत्थुस्मिं (पारा० १८१) विय परे मतेपि अनापत्ति । **नमरणाधिप्पायस्साति** मरणं अनिच्छन्तस्स उपक्कमेन भेसज्जवत्थुस्मिं (पारा० १८७) विय परे मतेपि अनापत्ति । एवं असज्जिच्चातिआदीसु विनिच्छयो वेदितव्वो । सीलविपत्ति, मनुस्सजातिकपाणो, पाणसज्जिता, वधकचित्तं, उपक्कमो, तेन मरणन्ति इमानेत्य पच्च अङ्गानि । अदिन्नादानसमुद्धानं, किरियं, सज्जाविमोक्खं, सचित्तकं, लोकवज्जं, कायकम्मं, वचीकम्मं, अकुसलचित्तं, दुक्खवेदनन्ति ।

ततियपाराजिकवण्णना निड्डिता।

४. चतुत्थपाराजिकवण्णना

चतुत्थे अनभिजानन्ति सकसन्ताने अनुपपन्ता अत्तनि अत्थिभावं अजानन्तो। उत्तरिमनुस्सधम्मन्ति उत्तरिमनुस्सानं ज्ञायीनञ्चेव अरियानञ्च धम्मं। अत्तुपनायिकन्ति अत्तनि तं उपनेति “मयि अत्थी”ति समुदाचरन्तो, अत्तानं वा तत्थ उपनेति “अहं एत्थ सन्दिस्सामी”ति समुदाचरन्तोति अत्तुपनायिको, तं अत्तुपनायिकं। एवं कत्वा समुदाचरेय्याति सम्बन्धो। अलमरियजाणदस्सनन्ति एत्थ महग्गतलोकुत्तरपञ्चा जाननट्टेन जाणं, चक्खुना च दिट्ठमिव धम्मं पच्चक्खकरणतो दस्सनत्थेन दस्सनन्ति जाणदस्सनं, अरियं विसुद्धं उत्तमं जाणदस्सनन्ति अरियजाणदस्सनं, अलं परियत्तं किलेसविद्धं सनसमत्थं अरियजाणदस्सनमेत्थ ज्ञानादिभेदे उत्तरिमनुस्सधम्मं, अलं वा अरियजाणदस्सनमस्साति अलमरियजाणदस्सनो, तं अलमरियजाणदस्सनं। समुदाचरेय्याति वुत्तप्पकारमेतं उत्तरिमनुस्सधम्मं अत्तुपनायिकं कत्वा कायेन वा वाचाय वा तदुभयेन वा विज्जुस्स मनुस्सजातिकस्स आरोचेय्य। इति जानामि इति पस्सामीति समुदाचरणाकारदस्सनमेतं, अत्तुपनायिकञ्चि कत्वा विना अज्जापदेसेन समुदाचरन्तो एवं समुदाचरन्ति, तस्मा ख्यायं पदभाजने (पारा० २०९) “पठमं ज्ञानं समापज्जि, समापज्जामि, समापन्नो”ति आदिभेदो वुत्तो, सो सब्बो इधेव सङ्गहं गच्छतीति वेदितव्वो। “इति जानामि इति पस्सामी”ति हि वदन्तो न यिदं वचनमत्तमेव वदन्ति, अथ खो “इमिना च इमिना च कारणेन अयं धम्मो मयि अत्थी”ति दीपेति, “समापज्जि”न्ति आदीनि च वदन्तेन हि समापज्जनादीहि कारणेहि अत्थिता दीपिता होति, तेन वुत्तं “ख्यायं पदभाजने पठमं ज्ञानं समापज्जि, समापज्जामि, समापन्नोति आदिभेदो वुत्तो, सो सब्बो इधेव सङ्गहं गच्छती”ति। ततो अपरेन समयेनाति ततो आरोचितकालतो अज्जतरस्मिं काले। इति आपत्तिपटिजाननकालदस्सनमेतं, अयं पन आरोचितक्खणवे आपत्तिं आपज्जति। आपत्तिं पन आपन्नो यस्मा परेन चोदितो वा अचोदितो वा पटिजानाति, तस्मा “समनुग्गाहीयमानो वा असमनुग्गाहीयमानो वा”ति वुत्तं। आपन्नोति आरोचितक्खणवेय पाराजिकं आपन्नो। विसुद्धापेक्खोति अत्तनो गिहिभावादिकं विसुद्धिं अपेक्खमानो इच्छमानो। अयञ्चि यस्मा पाराजिकं आपन्नो, तस्मा भिक्खुभावे उत्वा अभब्बो ज्ञानादीनि अधिगन्तुं, इच्चस्स भिक्खुभावो विसुद्धिं नाम न होति। यस्मा पन गिहि वा उपासकारामिकसामणेरानं वा अज्जतरो हुत्वा दानादीहि सगमगं वा ज्ञानादीहि मोक्खमगं वा आराधेतुं भब्बो होति, तस्मास्स गिहिआदिभावो विसुद्धिं नाम होति। तेन वुत्तं “गिहिभावादिकं विसुद्धिं अपेक्खमानो”ति। एवं वदेय्याति एवं भण्येय, कथं? “अजानमेवं, आवुसो”ति आदि। तत्थ अजानन्ति अजानन्तो। अपस्सन्ति अपस्सन्तो। तुच्छं मुसा विलपिन्ति अहं वचनत्थविरहतो तुच्छं, वज्चनाधिप्पायतो मुसा विलपिं अभणन्ति वुत्तं होति। अज्जत्र अधिमानाति ख्यायं तिलक्खणं आरोपेत्वा सङ्गारे सम्मसन्तस्स आरद्धविपस्सकस्स अपत्ते पत्तसज्जितासङ्गातो अधिमानो उपपज्जति, तं अधिमानं ठपेत्वा केवलं पापिच्छताय यो समुदाचरेय्य, अयम्पि पाराजिको होतीति अत्थो।

वेसालियं वग्गमुदातीरिये भिक्खु आरब्ध तेसं उत्तरिमनुस्सधम्ममारोचनवत्थुस्मिं पज्जत्तं, “अज्जत्र अधिमाना”ति अयमेत्थ अनुपज्जति, साधारणपज्जति, अनाणत्तिकं, “पठमं ज्ञानं समापज्जि”न्ति आदिना नयेन वुत्तप्पकारं असन्तं ज्ञानादिधम्मं आरोचेन्तस्स सचे यस्स कस्सचि आरोचेति, सो मनुस्सजातिको होति, अनन्तरमेव “अयं ज्ञानलाभी”ति वा “अरियो”ति वा येन केनचि आकारेन तमत्थं जानाति, पाराजिकं। सचे न जानाति, थुल्लच्चयं। सचे पन “यो ते विहारे वसि, सो भिक्खु पठमं ज्ञानं समापज्जी”ति आदिना (पारा० २२०) नयेन अज्जापदेसेन आरोचेन्तस्स जानाति, थुल्लच्चयं। सचे न जानाति, दुक्कटं। अधिमानेन आरोचेन्तस्स, अनुल्लपनाधिप्पायस्स, उम्मतकादीनञ्च अनापत्ति। सीलविपत्ति, उत्तरिमनुस्सधम्मस्स अत्तनि असन्ताता, पापिच्छताय तस्स आरोचनं, अनज्जापदेसो, यस्स आरोचेति, तस्स मनुस्सजातिकता, तङ्गणविजाननन्ति इमानेत्थ पञ्च अङ्गानि। समुद्धानादीनि अदिन्नादाने वुत्तसदिसानेवाति।

चतुत्थपाराजिकवण्णना निड्डिता।

उड्डिडा खो आयस्मन्तो चत्तारो पाराजिका धम्मातिइदं इध उड्डिडपाराजिकपरिदीपनमेव। समोधानेत्वा पन सब्बानेव चतुवीसति पाराजिकानि वेदितव्वानि। कतमानि चतुवीसति? पाळियं आगतानि ताव भिक्खून् चत्तारि भिक्खुनीन् असाधारणानि चत्तारीति अट्ठ, तानि एकादसन्तं पण्डकादीन् अभब्बभावसङ्गातेहि एकादसहि पाराजिकेहि सङ्घि एकूनवीसति, गिहिभावं पत्थयमानाय भिक्खुनिया विम्बन्तभावपाराजिकेन सङ्घि वीसति, अपरानिपि लम्बी, मुदुपिट्टिको, परस्स अङ्गजातं मुखेन गण्हाति, परस्स अङ्गजाते अभिनिसीदतीति इमेसं चतुन् वसेन “चत्तारि अनुलोमपाराजिकानी”ति वदन्ति, इति इमानि च चत्तारि, पुरिमानि च वीसतीति समोधानेत्वा सब्बानेव चतुवीसति पाराजिकानि वेदितव्वानि। न लभति भिक्खूहि सङ्घि संवासन्ति उपोसथादिभेदं संवासं भिक्खूहि सङ्घि न लभति। यथा पुरे, तथा पच्छाति यथा पुब्बे गिहिकाले अनुपसम्मन्तकाले च, पच्छा पाराजिकं आपन्नोपि तथेव असंवासो होति, नत्थि तस्स भिक्खूहि सङ्घि उपोसथादिभेदो संवासोति। तत्थायस्मन्ते पुच्छामीति तेसु चतुसु पाराजिकेसु आयस्मन्ते “कच्चित्थ परिमुद्धा”ति पुच्छामि। कच्चित्थाति कच्चि एत्थ, एतेसु चतुसु पाराजिकेसु कच्चि परिमुद्धाति अत्थो। अथ वा कच्चित्थ परिमुद्धाति कच्चि परिमुद्धा अत्थ, भवथाति अत्थो। सेसं सब्बत्थ उत्तानमेवाति।

कङ्गावितरणिया पातिमोक्खवण्णनाय

पाराजिकवण्णना निड्डिता।

सङ्गादिसेसकण्डो

इमे खो पनाति इदानी वत्तव्वानं अभिमुखीकरणं। आयस्मन्तोति सन्निपतितानं पियवचनेन आलपनं। तेरसाति गणनपरिच्छेदो। सङ्गादिसेसाति एवंनामका। धम्माति आपत्तियो। उदेसं आगच्छन्तीति सरूपेन उहिसितव्वतं आगच्छन्ति, न निदाने विय “यस्स सिया आपत्तो”ति साधारणवचनमत्तेन।

१. सुक्कविस्सट्ठिसिक्खापदवण्णना

संविज्जति चेतना अस्साति सज्चेतना, सज्चेतनाव सज्चेतनिका, सज्चेतना वा अस्स अत्थीति सज्चेतनिका। सुक्कविस्सट्ठीति सुक्कस्स विस्सट्ठि, रागूपत्थम्भादीसु येन केनचि अङ्गजाते कम्मज्जतं पत्ते आरोग्ग्यादीसु यकिञ्चि अपदिस्सित्वा अज्जत्तरूपादीसु यत्थ कत्थचि मोचनस्सादचेतनाय निमित्ते उपक्कमन्तस्स आसयधातुनानत्ततो नीलादिवसेन (पारा० २३९-२४०) दसविधेसु सुक्केसु यस्स कस्सचि सुक्कस्स ठाना चावनाति अत्थो। अज्जत्र सुपिनन्ताति या सुपिने सुक्कविस्सट्ठि होति, तं ठपेत्वा। सङ्गादिसेसाति या अज्जत्र सुपिनन्ता सज्चेतनिका सुक्कविस्सट्ठि, अयं सङ्गादिसेसो नाम आपत्तिनिकायाति अत्थो। वचनत्थो पनेत्थ सङ्गो आदिमिह चेव सेसे च इच्छितव्वो अस्साति सङ्गादिसेसो। किं वुत्तं होति — इमं आपत्तिं आपज्जित्वा वुद्धातुकात्मस्स यं तं आपत्तिवुद्धानं, तस्स आदिमिह चेव परिवसादानत्थाय, आदितो सेसे मज्जे मानत्तदानत्थाय मूलाय पटिकस्सनेन वा सह मानत्तदानत्थाय, अवसाने अम्भानत्थाय च सङ्गो इच्छितव्वो, न हेत्थ एकम्पि कम्मं विना सङ्गेन सक्का कातुं। इति सङ्गो आदिमिह चेव सेसे च इच्छितव्वो अस्साति सङ्गादिसेसाति।

सावत्थियं सेय्यसकं आरब्ध उपक्कमिक्त्वा असुचिमोचनवत्थुस्मिं पज्जत्तं, “अज्जत्र सुपिनन्ता”ति अयमेत्थ अनुपज्जति, असाधारणपज्जति, अनाणत्तिकं। सचे पन परेन अत्तनो अङ्गजाते उपक्कमं कारेत्वा मोचापत्ति, आपज्जतियेव। चेत्तेत्वा अन्तमसो आकासे कटिकम्पनेनपि निमित्ते उपक्कमन्तस्स सचे न मुच्चति, थुल्लच्चयं। सचे पन अन्तमसो यं एका खुदकमक्खिका पिवेय्य, तत्तकम्पि ठानतो मुच्चति, दकसोतं अनोतिण्णेपि सङ्गादिसेसो। ठानतो पन चूतं अवस्समेव दकसोतं ओतरति, तस्मा “दकसोतं ओतिण्णमत्ते बहि निक्खन्ते वा अनिक्खन्ते वा सङ्गादिसेसो”ति (पारा० अट्ठ० २.२३७) अट्ठकथासु वुत्तं। अनुपक्कमन्तस्स च, अमोचनाधिप्पायस्स च, सुपिने पस्सन्तस्स च, उम्मतकादीनञ्च मुत्तेपि अनापत्ति। सीलविपत्ति, चेतना, उपक्कमो, मुच्चनन्ति इमानेत्थ तीणि अङ्गानि। समुद्धानादीनि पठमपाराजिके वुत्तसदिसानेवाति।

सुक्कविस्सट्ठिसिक्खापदवण्णना निड्डिता।

२. कायसंसगसिक्खापदवण्णना

दुतिये ओतिण्णोति यक्खादीहि विय सत्ता अन्तो उप्पज्जन्तेन रागेन वा ओतिण्णो, कूपादीनि विय सत्ता असमपेक्खित्वा रज्जनीये ठाने रज्जन्तो सयं वा रागं ओतिण्णो, कायसंसग्गरागसमङ्गिस्सेतं अधिवचनं। **विपरिणतेन चित्तेनाति** परिसुद्धभवङ्गसन्ततिसङ्घातं पकतिं विजहिन्त्वा अज्झथा पवतेन, विरूपं वा परिणतेन यथा परिवत्तमानं विरूपं होति, एवं वुत्तरागवसेन परिवत्तेत्वा ठितेन चित्तेनाति अत्थो। **मातुगामेन सङ्घि**न्ति तदहुजातायापि जीवमानकमनुस्सित्थिया सङ्घि। **कायसंसग्गं समापज्जेय्याति** हत्थग्गहाणादिक आयसम्पयोगं कायमिस्सीभावं समापज्जेय्य। **हत्थग्गाहं वाति** आदि पनस्स वित्थारेन अत्थदस्सनं। तत्थ **हत्थो** नाम कप्परतो पट्टाय याव अगगनखा। **वेणी** नाम विनन्धित्वा वा अविनन्धित्वा वा सुद्धकेसेहि वा नीलादिवण्णसुत्तकुसुमकहापणमालासुवण्णचौरकमुत्तावळिआदीसु अज्जतरस्सेहि वा कतकेसकलापस्सेतं अधिवचनं। वेणिग्गहणेन चेत्थ केसापि गहितायेव सङ्घि लोमेहि। इति वुत्तलक्खणस्स हत्थस्स गहणं हत्थग्गाहो, वेणिगा गहणं वेणिग्गाहो। अवसेसस्स सरीरस्स परामसनं **अज्जतरस्स वा अज्जतरस्स वा अङ्गस्स परामसनं** नाम। यो तं हत्थग्गाहं वा वेणिग्गाहं वा अज्जतरस्स वा अज्जतरस्स वा अङ्गस्स परामसनं समापज्जेय्य, तस्स सङ्घादिसेसो नाम आपत्तिनिकायो होतीति।

सावत्थियं उदायित्थेरं आरब्ध कायसंसग्गसमापज्जनवत्थुस्मिं पज्जत्तं, असाधारणपज्जत्ति, अनाणत्तिकं, इत्थिया इत्थिसज्जिनो अन्तमसो लोमेन लोमं फुसन्तस्सापि, इत्थिया वा फुसियमानस्स सेवनाधिप्पायेन वायमित्वा फस्सं पटिजानन्तस्स सङ्घादिसेसो। एकेन पन हत्थेन गहेत्वा दुतियेन हत्थेन दिवसम्पि तत्थ तत्थ फुसन्तस्स एकाव आपत्ति, अग्गहेत्वा फुसन्तो पन सचे सीसतो याव पादा, ताव कायतो हत्थं अमोचेनोयेव फुसति, एकाव आपत्ति, पञ्चन्नं अङ्गुलीनं एकतो गहणेपि एकायेव। सचे पन नानित्थीनं पञ्चङ्गुलियो एकतो गण्हाति, पञ्च आपत्तियो। इत्थिया वेमतिकस्स, पण्डकपुरिसतिरच्छानगतसज्जिस्स च थुल्लच्चयं, तथा कायेन कायपटिबड्ढेन, अमनुस्सित्थिपण्डकेहि च सङ्घि कायसंसग्गेपि। मनुस्सित्थिया पन कायपटिबड्ढेन कायपटिबड्ढादीसु, पुरिसकायफुसनादीसु च दुक्कटं। इत्थिया फुसियमानस्स सेवनाधिप्पायस्सापि कायेन अवायमित्वा फस्सं पटिजानन्तस्स, मोक्खाधिप्पायेन इत्थिं फुसन्तस्स, असज्जिच्च, अस्सतिता, अजानन्तस्स, असादियन्तस्स, उम्मतकादीनञ्च अनापत्ति। सीलविपत्ति, मनुस्सित्थी, इत्थिसज्जिता, कायसंसग्गरागो, तेन रागेन वायामो, हत्थग्गाहादिसमापज्जनन्ति इमानेत्य पञ्च अङ्गानि। समुद्धानादीनि पठमपाराजिके वुत्तसदिसानेवाति।

कायसंसग्गसिक्खापदवण्णना निड्डिता।

३. दुडुल्लवाचासिक्खापदवण्णना

ततिये ओतिण्णता च विपरिणतचित्तता च दुडुल्लवाचस्सादरागवसेन वेदितब्बा। **मातुगामन्ति** दुडुल्लादुडुल्लसंलक्खणसमत्थं मनुस्सित्थिं। **दुडुल्लाहिवाचाहीति** वच्चमगपस्सावमग्गेमेथुनधम्मपटिसंयुत्ताहि वाचाहि। **ओभासेय्याति** अवभासेय्य, वण्णावण्णयाचनआयाचनपुच्छनपटिपुच्छनआचिक्खणानुसासनअक्कोसनवसेन नानपकारं असङ्गम्वचनं वदेय्य। **यथा तन्ति** एत्थ न्ति निपातमत्तं, यथा युवा युवतिन्ति अत्थो। एतेन ओभासने निरासङ्गभावं दस्सेति। **मेथुनुपसंहिताहीति** इदं दुडुल्लवाचाय सिक्खापत्तलक्खणदस्सनं। **सङ्घादिसेसोति** द्विनं मग्गानं वसेन वण्णावण्णेहि वा मेथुनयाचनादीहि वा “सिखरणीसि, संभिन्नासि, उभतोव्यञ्जनकासी”ति इमेसु तीसु अज्जतरेन अक्कोसवचनेन वा मातुगामं ओभासन्तस्स सङ्घादिसेसो नाम आपत्तिनिकायो होतीति।

सावत्थियं उदायित्थेरं आरब्ध दुडुल्लवाचाहि ओभासनवत्थुस्मिं पज्जत्तं, असाधारणपज्जत्ति, अनाणत्तिकं, इत्थिया इत्थिसज्जिनो अन्तमसो हत्थमुद्धार्यापि वुत्तनयेन ओभासन्तस्स सचे सा तमत्थं तस्मिंयेव खणे जानाति, सङ्घादिसेसो। पण्डके थुल्लच्चयं। तस्मिंयेव इत्थिसज्जिनो दुक्कटं। पुनपुनं ओभासन्तस्स, सम्बहुला च इत्थियो एकवाचाय ओभासन्तस्स वाचागणनाय चैव इत्थिगणनाय च आपत्तियो। सचे यं इत्थिं ओभासति, सा न जानाति, थुल्लच्चयं। अधक्खकं उब्भजाणुमण्डलं आदिस्स वण्णादिभण्णेपि थुल्लच्चयं। पण्डके दुक्कटं, उब्भक्खकं अधोजाणुमण्डलं कायपटिबड्ढञ्च आदिस्स वण्णादिभण्णेन सब्बत्थ दुक्कटं। अत्थधम्मअनुसासनिपुरेक्खारानं उम्मतकादीनञ्च अनापत्ति। सीलविपत्ति, मनुस्सित्थी, इत्थिसज्जिता, दुडुल्लवाचस्सादरागो, तेन रागेन ओभासनं, तङ्गणविजाननन्ति इमानेत्य पञ्च अङ्गानि। अदिन्नादानसमुद्धानं, किरियं, सज्जाविमोक्खं, सचित्तकं, लोकवज्जं, कायकम्मं, वचीकम्मं, अकुसलचित्तं, द्विवेदनन्ति।

दुडुल्लवाचासिक्खापदवण्णना निड्डिता।

४. अत्तकामसिक्खापदवण्णना

चतुत्थे ओतिण्णता च विपरिणतचित्तता च अत्तकामपारिचरियावसेन वेदितब्बा। **मातुगामस्स सन्तिकेति** दुडुल्लोभासने वुत्तप्पकाराय इत्थिया समीपे। **अत्तकामपारिचरियायाति** मेथुनधम्मसङ्घातेन कामेन पारिचरिया कामपारिचरिया, अत्तनो अत्थाय कामपारिचरिया अत्तकामपारिचरिया, अत्तना वा कामिता इच्छिताति अत्तकामा, सयं मेथुनरागवसेन पत्थिताति अत्थो, अत्तकामा च सा पारिचरिया चाति अत्तकामपारिचरिया, तस्सा अत्तकामपारिचरियाय। **वण्णं भासेय्याति** गुणं आनिसंसं पकासेय्य। **एतदग्गन्ति** आदि तस्सा अत्तकामपारिचरियाय वण्णभासनाकारनिदस्सनं। तत्रायं पदसम्बन्धवसेनेव सङ्केपत्थो — या मादिसं पाणातिपातादीहि विरहितत्ता **सीलवन्तं** मेथुनधम्मा विरहितत्ता **ब्रह्मचारिं** तदुभयेनापि **कल्याणधम्मं** एतेन **धम्मेन परिचरेय्य** अभिरमेय्य, तस्सा एवं मादिसं परिचरन्तिया या अयं पारिचरिया नाम, एतदग्गं पारिचरियानन्ति। **मेथुनुपसंहितेन सङ्घादिसेसोति** एवं अत्तकामपारिचरियाय वण्णं भासन्तो च “अरहसि त्वं मङ्गं मेथुनधम्मं दातु”न्ति आदिना मेथुनपटिसंयुत्तेनेव वचनेन यो भासेय्य, तस्स सङ्घादिसेसो।

सावत्थियं उदायित्थेरं आरब्ध अत्तकामपारिचरियाय वण्णभासनवत्थुस्मिं पज्जत्तं, असाधारणपज्जत्ति, अनाणत्तिकं, इत्थिया इत्थिसज्जिनो अन्तमसो हत्थमुद्धार्यापि वुत्तनयेनेव अत्तकामपारिचरियाय वण्णं भासन्तस्स सचे सा तमत्थं तस्मिंयेव खणे जानाति, सङ्घादिसेसो। नो चे जानाति, थुल्लच्चयं। पण्डके पण्डकसज्जिनोपि थुल्लच्चयं। तस्मिंयेव इत्थिसज्जिनो दुक्कटं। चीवरादीहि वत्थुकामेहि पारिचरियाय वण्णं भासन्तस्स उम्मतकादीनञ्च अनापत्ति। सीलविपत्ति, मनुस्सित्थी, इत्थिसज्जिता, अत्तकामपारिचरियाय रागो, तेन रागेन वण्णभण्णं, तङ्गणविजाननन्ति इमानेत्य पञ्च अङ्गानि। समुद्धानादीनि दुडुल्लोभासने वुत्तसदिसानेवाति।

अत्तकामसिक्खापदवण्णना निड्डिता।

५. सज्जरित्तसिक्खापदवण्णना

पञ्चमे **सज्जरित्तन्ति** इत्थिपुरिसानं अन्तरे संचरणभावं। **समापज्जेय्याति** सम्मा पटिग्गणहनवीमंसनपच्चाहरणानि करोन्तो आपज्जेय्य। **इत्थिया वाति** आदि समापज्जनाकारदस्सनं। तत्थ **इत्थिया वा पुरिसमतिन्ति** पुरिसेन वा तस्स मातापितादीहि वा पेसितो पुरिसस्स मतिं अधिप्पायं इत्थिया आरोचेय्याति अत्थो। **पुरिसस्स वा इत्थिमतिन्ति** इत्थिया वा तस्सा मातापितादीहि वा पेसितो इत्थिया मतिं अधिप्पायं पुरिसस्स आरोचेय्याति अत्थो। **जायत्तने वा जारत्तने वाति** जायभावे वा जारभावे वा। पुरिसस्स हि मतिं इत्थिया आरोचेन्तो जायत्तने आरोचेति, इत्थिया मतिं पुरिसस्स आरोचेन्तो जारत्तने आरोचेति। अपिच पुरिसस्सेव मतिं इत्थिया आरोचेन्तो जायत्तने वा आरोचेति निबड्ढभरियभावे, जारत्तने वा मिच्छाचारभावे, तेनेवस्स पदभाजने (पारा० ३०२) “जायत्तने वाति जाया भविस्ससि, जारत्तने वाति जारी भविस्ससि”ति वुत्तं। एतेनेव उपायेन इत्थिया मतिं पुरिसस्स आरोचनेपि “पति भविस्ससि, जारो भविस्ससि”ति वत्तब्बता वेदितब्बा। **अन्तमसो तङ्गणिकायपीति** सब्बन्तिमेन परिच्छेदेन या अयं तङ्गणे मुहुत्तमते संवसितब्बतो “तङ्गणिका”ति वुच्चति, मुहुत्तिकति अत्थो। तस्सापि “मुहुत्तिका भविस्ससि”ति एवं पुरिसस्स मतिं आरोचेन्तस्स सङ्घादिसेसो, एतेनेव उपायेन “मुहुत्तिको भविस्ससि”ति एवं पुरिसस्स इत्थिमतिं आरोचेन्तोपि सङ्घादिसेसं आपज्जतीति वेदितब्बो।

सावत्थियं उदायित्थेरं आरब्ध सज्जरित्तसमापज्जनवत्थुस्मिं पज्जत्तं, “अन्तमसो तङ्गणिकायपी”ति अयमेत्थ अनुपज्जति, साधारणपज्जत्ति, “पटिग्गणहाति, वीमंसति, अन्तेवासिं पच्चाहरापेती”ति इमिना (पारा० ३३८) नयेन साणत्तिकं, अज्जत्र नालंवचनीयाय याय कायचि इत्थिया अन्तमसो मातुयापि पुरिसमतिं आरोचेन्तो “होहि किर भरिया धनक्कीता”ति वत्तुकामो सचेपि छन्दवासिनीआदीसु अज्जतराकारेन आरोचेत्वा ताय “साधू”ति सम्पटिच्छित्तेपि असम्पटिच्छित्तेपि पुन आगन्त्वा येन पहितो, तस्स तं पर्वति आरोचेति, सङ्घादिसेसं आपज्जति। सा पन तस्स भरिया होतु वा, मा वा, अकारणमेतं। सचेपि यस्सा सन्तिकं पेसितो, तं अदिस्वा अज्जतरस्स अवस्सारोचनकस्स “आरोचेही”ति वत्त्वा पच्चाहरति, आपज्जतियेव। “मातुरक्खितं बूही”ति पेसितस्स पन गन्त्वा अज्जं

पितुरिखितादीसु अञ्जतरं वदन्तस्स विसङ्कतं होति, पुरिसस्स वा इत्थिया वा वचनं “साधू”ति कायेन वा वाचाय वा उभयेन वा पटिगण्हित्वा तस्सा इत्थिया वा पुरिसस्स वा आरोचेत्वा वा आरोचापेत्वा वा पुन येन पेसितो, तस्स तं पवति सयं आरोचेन्तस्स वा अञ्जेन आरोचापेन्तस्स वा सङ्गादिसेसो। एतावता हि “पटिगण्हति, वीमंसति, पच्चाहरती”तिइदं अङ्गतयं सम्पादितमेव होति, इतो पन येहि केहिचि द्वीहि अङ्गेहि, पण्डके च अङ्गतयेनापि थुल्लच्चयं। एकेन दुक्कटं। सङ्गस्स वा चैतियस्स वा गिलानस्स वा किच्चेन गच्छन्तस्स, उम्मतकादीनञ्च अनापत्ति।

सीलविपत्ति, येसु सञ्चरितं समापज्जति, तेसं मनुस्सजातिकता, न नालंवचनीयता,

पटिगण्हनवीमंसनपच्चाहरणानीति इमानेत्य पञ्च अङ्गानि। छसमुद्धानं, पण्णातिं वा अलंवचनीयभावं वा अजानन्तस्स कायविकारेन सासनं गहेत्वा तथेव वीमंसित्वा तथेव पच्चाहरन्तस्स कायतो समुद्गाति। “इत्थन्नामा आगमिस्सति, तस्सा चित्तं जानेय्याथा”ति केनचि वुत्ते “साधू”ति सम्पटिच्छित्वा तं आगतं वत्ता पुन तस्मिं पुरिसे आगते आरोचेन्तस्स कायेन किञ्चि अकतता वाचतो समुद्गाति। वाचाय “साधू”ति सासनं गहेत्वा अञ्जेन करणीयेन तस्सा घरं गन्त्वा अञ्जत्थ वा गमनकाले तं दिस्वा वचीभेदेन वीमंसित्वा पुनपि अञ्जेनेव कारणेन ततो अपक्कम्म कदाचिदेव तं पुरिसं दिस्वा आरोचेन्तस्सापि वाचतो समुद्गाति। पण्णातिं अजानन्तस्स पन खीणासवस्सापि पितुवचनेन गन्त्वा अलंवचनीयं मातरमि “एहि मे पितरं उपट्ठाही”ति वत्ता पच्चाहरन्तस्स कायवाचतो समुद्गाति। इमानि तीणि अचित्तकसमुद्धानि। तदुभयं पन जानित्वा एतेहेव तीहि नयेहि समापज्जन्तस्स तानेव तीणि तदुभयजाननचित्तेन सचित्तकानि होन्ति, किरियं, नोसञ्जाविमोक्खं, अचित्तकं, पण्णातिवज्जं, कायकम्मं, वचीकम्मं, कुसलादिवसेन चेत्य तीणि चित्तानि, सुखादिवसेन तिस्रो वेदनाति।

सञ्चरितसिक्खापदवण्णना निट्ठिता।

६. कुटिकारसिक्खापदवण्णना

छट्ठे सञ्जाचिकाय पनाति एत्थ सञ्जाचिका नाम सयं पवत्तितयाचना वुच्चति, तस्मा सञ्जाचिकायाति अत्तनो याचनायाति वुत्तं होति, सयं याचितकेहि उपकरणेहीति अत्थो। एत्थ च यिकिञ्च परपरिगहितकं मूलच्छेदवसेन याचितुं न वट्ठति, तावकालिकं पन वट्ठति। सहायत्थाय कम्मकरणत्थाय “पुरिसं देया”ति वत्तुं वट्ठति, पुरिसत्तकरमि याचितुं वट्ठति, **पुरिसत्तकरो** नाम वट्ठिकिआदिना पुरिसेन कातब्बं हत्थकम्मं। तं “पुरिसत्तकरं देही”ति वा “हत्थकम्मं देही”ति वा वत्ता याचितुं वट्ठति। हत्थकम्मं नाम किञ्चि वत्थु न होति, तस्मा “किं, भन्ते, आगतत्था”ति पुच्छिते वा अपुच्छिते वा याचितुं वट्ठति, विज्जतिपच्चया दोसो नत्थि, मिगलुइकादयो पन सककम्मं न याचितब्बा। **कुटिट्ठि** उल्लित्तादीसु अञ्जतरं। तत्थ **उल्लित्ता** नाम ठपेत्वा थम्मतुलापिडुसङ्गाटवातपानधूमच्छिद्वादिभेदं अलेपोकासं अवसेसे लेपोकासे कुट्टेहि सङ्घि घटेत्वा छदनस्स अन्तो सुधाय वा मत्तिकाय वा लिता। **अवलित्ता** नाम तथेव वुत्तनयेनेव छदनस्स बहि लिता। **उल्लित्तावलित्ता** नाम तथेव छदनस्स अन्तो च बहि च लिता। **कारयमानेनाति** सयं वा करोन्तेन, आणत्तिया वा कारापेन्तेन। **असामिकन्ति** कारेता दायकेन विरहितं। **अनुद्देसन्ति** “मखं वासागारं एसा”ति एवं अत्ता उद्देसो एतस्साति अनुद्देसा, तं अनुद्देसं। **पमाणिक्का** कारेतब्बाति पमाणयुत्ता कारेतब्बा। **तत्रिदं पमाणन्ति** तस्सा कुटिया इदं पमाणं। **दीघसोति** दीघतो। **द्वादस विदत्थियो** सुगतविदत्थियाति एत्थ **सुगतविदत्थि** नाम इदानी मज्झिमस्स पुरिसस्स तिस्रो विदत्थियो, वट्ठिकिहत्थेन दियट्ठो हत्थो होति। मिनन्तेन पन कुटिया बहिकुट्टे पठमं दिन्नं महामत्तकपरियन्तं अगहेत्वा थुसपिण्डपरियन्तेन द्वादस विदत्थियो मिनेतब्बा, सचे थुसपिण्डकेन अनत्थिको होति, महामत्तकलेपेनेव निट्ठापेति, स्वेव परिच्छेदो। **तिरियन्ति** वित्थारतो। **सत्तन्तराति** कुट्टस्स बहिरन्तं अगहेत्वा अब्भन्तरिमेन अन्तेन सत्त सुगतविदत्थियो पमाणन्ति वुत्तं होति। एत्थ च केसगमत्तमि दीघतो हापेत्वा तिरियं, तिरियतो वा हापेत्वा दीघं वट्ठेतुं न वट्ठति, को पन वादो उभतोवट्ठने। या पन दीघतो सङ्घिहत्थापि होति, तिरियतो तिहत्था वा ऊनकचतुहत्था वा, यत्थ पमाणयुत्तो मञ्चो इतो चितो च न परिवट्ठति, पच्छिमकोटिया चतुहत्थवित्थारा न होति, अयं कुटिसङ्ख्यं न गच्छति, तस्मा वट्ठति। **भिकखू अभिनेतब्बा** वत्थुदेसनायाति यस्मिं पदेसे कुटि कारेतुक्कामो होति, तं सोधेत्वा पदभाजने (पारा० ३४९) वुत्तनयेन सङ्घं तिक्खतुं याचित्वा सब्बे वा सङ्घपरियापन्ना सङ्घेन वा सम्मता द्वे तयो भिक्खू तत्थ वत्थुदेसनत्थाय नेतब्बा। **तेहि भिक्खूहि वत्थु देसेतब्बं अनारम्भं सपरिक्कमनन्ति** तेहि भिक्खूहि किपिल्लिकादीनं आसयादीहि तेरसहि, पुब्बण्णापरण्णनिस्सितादीहि सोळसहि उपहवेहि विरहितत्ता अनारम्भं, द्वीहि वा चतुहि वा बलिबड्देहि युत्तेन सकटेन एकं चक्कं निब्बोदकपतनट्ठाने एकं बहि कत्वा आविञ्चितुं सककुणेय्यताय सपरिक्कमनन्ति सल्लकखेत्वा सचे सङ्घपहोनाका होन्ति, तत्थेव, नो चे, सङ्गमज्जं गन्त्वा तेन भिक्खुना याचितेहि जत्तिदुतियेन कम्पेन वत्थु देसेतब्बं। **सारम्भं** चेतिआदि पटिपक्खनयेन वेदितब्बं।

आळवियं आळविके भिक्खू आरम्भ सञ्जाचिकाय कुटिकरणवत्थुस्मिं पञ्जत्तं, असाधारणपञ्जत्ति, साणत्तिकं, “अदेसितवत्थुकं पमाणातिक्कन्तं कुटि कारेस्सामी”ति उपकरणत्थं अरञ्जं गमनतो पट्ठाय सब्बपयोगेसु दुक्कटं, “इदानी द्वीहि पिण्डेहि निट्ठानं गमिस्सती”ति तेसु पठमपिण्डदाने थुल्लच्चयं, दुतियदानेन लेपे घटिते सचे अदेसितवत्थुका एव वा पमाणातिक्कन्ता एव वा होति, एको सङ्गादिसेसो, द्वे च दुक्कटानि। उभयविपन्ना, द्वे सङ्गादिसेसा, द्वे च दुक्कटानि। सचे पन द्वारमखं वा वातपानं वा अट्टपेत्वाव मत्तिकाय लिम्पति, ठपिते च तस्मिं लेपो न घटियति, रक्खति ताव। पुन लिम्पन्तस्स पन घटितमते सङ्गादिसेसो। सचे तं ठपियमानं पठमदिन्नलेपेन सङ्घि निरन्तरमेव हुत्वा तिट्ठति, पठममेव सङ्गादिसेसो। केवलं सारम्भाय दुक्कटं, तथा अपरिक्कमनाय। विपक्कतं कुटि अञ्जस्स ददतो च, भूमिं समं कत्वा भिन्दन्तस्स च, लेणगुहातिणकुटिपण्णच्छदनगेहेसु अञ्जतरं कारेन्तस्स, कुटिमि अञ्जस्स वासत्थाय, वासागारं ठपेत्वा उपोसथागारादीसु अञ्जतरत्थाय कारेन्तस्स च उम्मतकादीनञ्च अनापत्ति। सीलविपत्ति, उल्लित्तादीनं अञ्जतरता, हेड्डिमपमाणसम्भो, अदेसितवत्थुकता, पमाणातिक्कन्ता, अनुद्देसिकता, वासागारा, लेपघटनाति इमानेत्य छ वा सत्त वा अङ्गानि। छसमुद्धानं, किरियञ्च, किरियाकिरियञ्च। इदञ्चि वत्थुं देसापेत्वा पमाणातिक्कन्तं वा करोतो किरियतो समुद्गाति, अदेसापेत्वा करोतो किरियाकिरियतो समुद्गाति। सेसमेत्थ सञ्चरिते वुत्तसदिसमेवाति।

कुटिकारसिक्खापदवण्णना निट्ठिता।

७. विहारकारसिक्खापदवण्णना

सत्तमे **महल्लकन्ति** ससामिकभावेन सञ्जाचितकुटितो महन्तभावो एतस्स अत्थीति महल्लको, यस्मा वा वत्थुं देसापेत्वा पमाणातिक्कमेनापि कातुं वट्ठति, तस्मा पमाणमहन्तायापि महल्लको, तं महल्लकं। यस्मा पनस्स तं पमाणमहन्तत्तं ससामिकताव लब्धति, तस्मा तदत्थदस्सन्तथं “महल्लको नाम विहारो ससामिको वुच्चती”ति एवमस्स पदभाजने (पारा० ३६७) वुत्तं। सेसं सब्बं कुटिकारसिक्खापदे वुत्तसदिसं, ससामिकभावमतमेव हि विसेसो।

कोसम्बियं छन्नत्थेरं आरम्भ चेतियरुक्खं छेदापनवत्थुस्मिं पञ्जत्तभावो, अकिरियमततो समुद्धानभावो, एकसङ्गादिसेसता च एत्थ विसेसो।

विहारकारसिक्खापदवण्णना निट्ठिता।

८. दुट्ठदोससिक्खापदवण्णना

अट्ठमे **दुट्ठो दोसोति** दूसितो चेव दूसको च। उप्पन्ने हि दोसे पुगलो तेन दोसेन दूसितो होति, पकतिभावं जहापितो, तस्मा “दुट्ठो”ति वुच्चति। परञ्च दूसेति विनासेति, तस्मा “दोसो”ति वुच्चति। इति “दुट्ठो दोसो”ति एकस्सेवेतं पुगलस्स आकारनानत्तेन निदस्सनं। **अप्पतीतोति** नप्पतीतो, पीतिसुखादीहि विवज्जितो, न अभिसटोति अत्थो। **अमूलकेनाति** यं चोदकेन चुदितकम्हि पुगले अदिट्ठं अस्सुतं अपरिसङ्कितं, इदं एतेसं दस्सनसवणपरिसङ्गासङ्गातानं मूलानं अभावतो अमूलकं नाम। तं पन सो आपन्नो वा होतु, अनापन्नो वा, एतं इध अप्पमाणं। एत्थ च **अदिट्ठं** नाम अत्तनो पसादचक्खुना वा दिब्बचक्खुना वा अदिट्ठं, **अस्सुतं** नाम तथेव केनचि वुच्चमानं न सुतं, **अपरिसङ्कितं** नाम अत्तनो वा परस्स वा दिट्ठसुतमुतवसेन चेतसा अपरिसङ्कितं, इति एवरूपेन अमूलकेन। **पाराजिकेनाति** भिक्खुनो अनुरूपेसु एकूनवीसतिया अञ्जतरेन, पदभाजने (पारा० ३८६) पन पाराजिकुद्देसे आगतानेव गहेत्वा “चतुत्तं अञ्जतरेना”ति वुत्तं। **अनुद्धंसेय्याति** धंसेय्य विद्धंसेय्य पधंसेय्य अभिभवयेय्य। तं पन अनुद्धंसेय्यं यस्मा अत्तना चोदेन्तोपि परेन चोदापेन्तोपि करोति, तस्मास्स पदभाजने “चोदेति वा चोदापेति वा”ति वुत्तं। तत्थ वत्थुसन्दस्सना आपत्तिसन्दस्सना संवासापटिक्खेपो सामीचिपटिक्खेपोति सङ्घेपतो चतस्सो चोदना। तासु **वत्थुसन्दस्सना** नाम “त्वं मेथुनं धम्मं पटिसेवी”तिआदिना नयेन पवत्ता। **आपत्तिसन्दस्सना** नाम “त्वं मेथुनधम्मापत्तिं आपन्नो”तिआदिना नयेन पवत्ता। **संवासापटिक्खेपो** नाम “नत्थि तथा सङ्घि उपोसथो वा पवारणा वा सङ्गकम्मं वा”ति एवं पवतो। एतावता पन सीसं न एति, “अस्समणोसी”तिआदीहि वचनेहि सङ्घि घटितेयेव सीसं एति।

सामीचीपट्टिकखेपो नाम अभिवादनपच्छुद्धानअञ्जलिकम्मसामीचिकम्मबीजनिकम्मादीनं अकरणं, तं पटिपातिया वन्दनादीनि करोतो एकस्स अकत्वा सेसानं करणकाले वेदितव्वं । एत्तावता च चोदना नाम होति, आपत्ति पन सीसं न एति । “कस्मा मम वन्दनादीनि न करोसी”ति पृच्छिते पन “अस्समणोसी”ति आदिवचनेहि सङ्गि घटितेयेव सीसं एति, तस्मा यो भिक्खु भिक्खुं समीपे ठत्वा “त्वं मेथुनं धम्मं पटिसेवी”ति वा “अस्समणोसी”ति वा आदीहि वचनेहि हत्थमुद्दाय एव वा एतमत्थं दीपेन्तो सयं वा चोदेति, गहट्टपब्बजितेसु वा अञ्जतरेन चोदापेति, अयं अनुद्धंसेति नाम । **अप्येव नाम नं इमम्हा ब्रह्मचरिया चावेय्य**न्ति अपि एव नाम नं पुगलं इमम्हा सेट्टचरिया अपनेय्यं । “साधु वतस्स सचाहं इमं पुगलं इमम्हा ब्रह्मचरिया चावेय्य”न्ति इमिना अधिपायेन अनुद्धंसेयाति वुत्तं होति । एतेन एकं चावनाधिप्पायं गहेत्वा अवसेसा अक्कोसाधिप्पायो कम्माधिप्पायो वुद्धानाधिप्पायो उपोसथट्टपनाधिप्पायो पवारणट्टपनाधिप्पायो अनुविज्जनाधिप्पायो धम्मकथाधिप्पायोति सत्त अधिप्पाया पटिक्खित्ता होन्ति । ततो अपरेन समयेनाति यस्मिं समये अनुद्धंसितो होति, ततो अञ्जस्मिं समये । **समनुग्गाहीयमानो वाति** अनुविज्जकेन किं ते दिट्ठन्ति आदिना नयेन अनुविज्जियमानो उपपरिक्खियमानो । **असमनुग्गाहीयमानो वाति** दिट्ठादीसु केनचि वत्थुनावा अनुविज्जकादीसु येन केनचि पुगलेन वा अवुच्चमानो । इमेसं पन पदानं परतो “भिक्खु च दोसं पटिट्ठाती”ति इमिना सम्बन्धो । इदञ्चि वुत्तं होति — एवं समनुग्गाहीयमानो वा असमनुग्गाहीयमानो वा भिक्खु च दोसं पटिट्ठाति पटिच्च तिट्ठति पटिजानाति, सङ्गादिसेसोति । इदञ्च अमूलकभावस्स पाकटकालदस्सनत्थं वुत्तं । आपत्ति पन अनुद्धंसितकखणेयेव आपज्जति । **अमूलकञ्चेव तं अधिकरणं होतीति** एत्थ पन दिट्ठमुलादीनं अभावेन अमूलकं, समयेहि अधिकरणीयभावेन अधिकरणं । यच्चि अधिकचिक्क आरब्ध पटिच्च सन्धाय समथा पवत्तन्ति, तं अधिकरणं । इध पन पाराजिकसङ्घातं आपत्ताधिकरणमेव अधिपेत्तं । यदि हि तं अधिकरणं दिट्ठादीहि मूलेहि अमूलकञ्चेव होति, अयं चोदेतुं आगतो भिक्खु च दोसं पटिट्ठाति पटिच्च तिट्ठति, “तुच्छकं मया भाणित”न्ति आदीनि (पारा० ३८६) वदन्तो पटिजानाति, तस्स भिक्खुसु नो अनुद्धंसितकखणेयेव सङ्गादिसेसोति, अयं सिक्खापदस्स पदानुक्रमेन अत्थो ।

राजगहे मेत्तियभूमजके भिक्खु आरब्ध अमूलकेन पाराजिकेन अनुद्धंसनवत्थुस्मिं पज्जत्तं, साधारणपज्जत्ति, साणत्तिकं, कतूपसम्पदं सुद्धं वा असुद्धं वा पुगलं येन पाराजिकेन चोदेति, तं “अयं अनज्झापन्नो”ति जत्वा चावनाधिपायेन “करोतु मे आयस्मा ओकासं, अहं तं वत्तुकामो”ति एवं ओकासं अकारेत्वा चोदेन्तस्स सचे सो तङ्गणेयेव जानाति “मं चोदेती”ति, वाचाय वाचाय सङ्गादिसेसो चेव दुक्कटञ्च । ओकासं कारेत्वा चोदेन्तस्स सङ्गादिसेसोयेव । हत्थमुद्दाय सम्मुखा चोदेन्तस्सापि एसेव नयो । परम्मुखा चोदेन्तस्स पन सीसं न एति । अत्तना समीपे ठत्वा अञ्जं भिक्खुं आणापेति, सो तस्स वचनेन तं चोदेति, चोदापकस्सेव वुत्तनयेन आपत्तियो । अथ सोपि “मया दिट्ठं सुत्तं अत्थो”ति चोदेति, द्विन्मि जानानं तथेव आपत्तियो । अक्कोसाधिपायेन पन ओकासं अकारेत्वा वदन्तस्स वुत्तनयेनेव पाचित्तियञ्चेव दुक्कटञ्च । ओकासं कारेत्वा वदन्तस्स पाचित्तियमेव । कम्माधिपायेन असम्मुखा सत्तविधमि कम्मं करोन्तस्स दुक्कटमेव । वुद्धानाधिपायेन “त्वं इत्थन्नामं आपत्ति आपन्नो, तं पटिक्करोही”ति वदन्तस्स, उपोसथं वा पवारणं वा ठपेन्तस्स च ओकासकम्मं नत्थि, ठपनक्खेत्तं पन जानितव्वं, अनुविज्जकस्सापि ओसटे वत्थुस्मिं “अत्थेत्तं तवा”ति अनुविज्जनाधिपायेन वदन्तस्स ओकासकम्मं नत्थि, धम्मकथिकस्सापि “यो इदञ्च इदञ्च करोति, अयं अस्समणो”ति आदिना नयेन अनोदिसकं धम्मं कथेन्तस्स ओकासकम्मं नत्थि । सचे पन ओदिस नियमेत्वा “असुको च असुको च अस्समणो अनुपासको”ति कथेति, आसनतो ओरुद्ध आपत्तिं देसेत्वा गन्तव्वं । उम्मतकादीनञ्च अनापत्ति, सीलविपत्ति, यं चोदेति वा चोदापेति वा, तस्स “उपसम्पन्नो”ति सङ्ख्युपगमनं, तस्मिं सुद्धसज्जिता, येन पाराजिकेन चोदेति, तस्स दिट्ठादिवसेन अमूलकता, चावनाधिपायेन सम्मुखाचोदना, तस्स तङ्गणविजाननन्ति इमानेत्य पञ्च अङ्गानि । समुद्धानादीनि अदिन्नादानसदिसानि । वेदना पनेत्य दुक्खायेवाति ।

दुट्ठदोससिक्खापदवण्णना निट्ठिता ।

९. अञ्जभागियसिक्खापदवण्णना

नवमे अञ्जभागियस्साति आदीसु अञ्जभागस्स इदं, अञ्जभागो वा अस्स अत्थीति अञ्जभागियं । **अधिकरणन्ति** आधारे वेदितव्वो, वत्थु अधिद्धानन्ति वुत्तं होति । यो हि सो अट्ठपत्तियं “दब्बो मल्लपुत्तो नामा”ति छगलको वुत्तो । सो व्यायं आयस्मतो दब्बस्स मल्लपुत्तस्स भागो कोट्टासो पक्खो मनुस्सजाति चेव भिक्खुभावो च, ततो अञ्जस्स भागस्स कोट्टासस्स पक्खस्स होति तिरच्छानजातिया चेव छगलकभावस्स च, सो वा अञ्जभागो अस्स अत्थि, तस्मा अञ्जभागियसङ्ख्यं लभति । यस्मा च तेसं “इमं मयं दब्बं मल्लपुत्तं नाम करोमा”ति वदन्तानं तस्स नामकरणसञ्ज्ञाय आधारो वत्थु अधिद्धानं, तस्मा “अधिकरण”न्ति वेदितव्वो । तच्चि सन्धाय “सच्चं किर तुम्हे, भिक्खवे, दब्बं मल्लपुत्तं अञ्जभागियस्स अधिकरणस्सा”ति आदि (पारा० ३९१) वुत्तं । न विवादाधिकरणादीसु अञ्जतरे, कस्मा? असम्भवतो । न हि मेत्तियभूमजका चतुन्नं अधिकरणानं कस्सचि अञ्जभागियस्स अधिकरणस्स किञ्चिदेसं लेसमतं उपादिदिसु, न च चतुन्नं अधिकरणानं लेसो नाम अत्थि । जातिलेसादयो हि पुगलानयेव लेसा वुत्ता, न विवादाधिकरणादीनं । तञ्च “दब्बो मल्लपुत्तो”ति नामं तस्स अञ्जभागियाधिकरणभावे ठितस्स छगलकस्स कोचि देसो होति थेरं पाराजिकेन धम्मेन अनुद्धंसेतुं लेसमतो, एत्थ च दिस्सति अपदिस्सति “अस्स अयं”न्ति वोहरीयतीति **देसो**, जातिआदीसु अञ्जतरकोट्टासस्सेतं अधिवचनं । अञ्जमि वत्थु लिस्सति सिलिस्सति वोहारमत्तेनेव ईसकं अल्लीयतीति **लेसो**, जातिआदीनयेव अञ्जतरकोट्टासस्सेतं अधिवचनं । पदभाजने (पारा० ३९३) पन यस्स अञ्जभागियस्स अधिकरणस्स किञ्चिदेसं लेसमतं उपादाय पाराजिकेन धम्मेन अनुद्धंसेय्य, तं यस्मा अट्ठपत्तिवसेनेव आविभूतं, तस्मा तं अविभजित्वा यानि “अधिकरण”न्ति वचनसामञ्जतो अत्थुद्धारवसेन पवत्तानि चत्तारि अधिकरणानि, तेसं अञ्जभागियता च तब्बागियता च यस्मा अपाकटा, जानितव्वा च विनयधरेहि, तस्मा तञ्च अवसाने आपत्तञ्जभागियेन चोदनञ्च आविक्कातुं “अञ्जभागियस्स अधिकरणस्साति आपत्तञ्जभागियं वा होति अधिकरणञ्जभागियं वा”ति आदि वुत्तं, सेसा विनिच्छयकथा अट्ठमे वुत्तसदिसायेव । अयं पन विसेसो — इदं अञ्जभागियस्स अधिकरणस्स किञ्चिदेसं लेसमतं उपादाय पाराजिकेन धम्मेन अनुद्धंसनवत्थुस्मिं पज्जत्तं, इध च आपत्तञ्जभागियचोदनाय तथासज्जिनोपि अनापत्ति । अङ्गेषु च अञ्जभागियस्स अधिकरणस्स किञ्चिदेसं लेसमतं उपादियनता अधिकाति ।

अञ्जभागियसिक्खापदवण्णना निट्ठिता ।

१०. सङ्गभेदसिक्खापदवण्णना

दसमे **समगगस्स सङ्गस्साति** सहितस्स भिक्खुसङ्गस्स, चित्तेन च सरीरेन च अविद्युत्तस्साति अत्थो । तेनेवस्स पदभाजने (पारा० ४१२) “समगो नाम सङ्गो समानसंवासको समानसीमायं ठितो”ति वुत्तं । समानसंवासको हि समचित्तताय चित्तेन अविद्युत्तो होति, समानसीमायं ठितो कायसामगिदानतो सरीरेन अविद्युत्तो । **भेदाय परक्कमेय्याति** “कथं नामायं भिज्जेय्या”ति भेदनत्थाय वायामेय्य । **भेदनसंवत्तनिकं वा अधिकरणन्ति** भेदनस्स सङ्गभेदस्स अत्थाय संवत्तनिकं कारणं । इमस्मिच्चि ओकासे “कामहेतु कामनिदानं कामाधिकरण”न्ति आदीसु (मं नि० १.१६८, १७८) विद्य कारणं “अधिकरण”न्ति अधिपेत्तं । तं भेदकरवत्थुवसेन अट्ठारसविधं । **समादायाति** गहेत्वा । **पगग्द तिट्ठेय्याति** तं सङ्गभेदस्स अत्थाय संवत्तनिकं सङ्गभेदनित्तिसमत्थं कारणं गहेत्वा दीपेय्य चेव नपटिनिस्सज्जेय्य च । **भिक्खूहि एवमस्स वचनीयाति** ये तं पगग्द तिट्ठन्तं सम्मुखा पस्सन्ति, ये वा “असुकस्मिं नाम विहारे”ति सुणन्ति, तेहि सव्वन्तिमेन परिच्छेदेन अट्ठयोजनमतं गन्त्वापि व्यायं अनन्तरे “मायस्मा”ति आदिवचनक्कमो वुत्तो, एवमस्स वचनीयो । दिस्वा वा सुत्वा वा अवदन्तानं दुक्कटं । एत्थ च माहीति पदं “परक्कमी”तिपदेन “अट्ठासी”तिपदेन च सङ्गि “मा परक्कमि, मा अट्ठासी”ति योजेतव्वं । **समेतायस्मा सङ्गेनाति** आयस्मा सङ्गेन सङ्गि समेतुं समागच्छतु, एकलङ्घिको होतुति अत्थो । किं कारणा? समगो हि सङ्गो...पे... विहरतीति । तत्थ **सम्मोदमानोति** अञ्जमञ्जसम्पत्तिया सुट्ठो मोदमानो । **अविद्वदमानोति** “अयं धम्मो, नायं धम्मो”ति एवं न विद्वदमानो । एको उद्देसो अस्साति **एकुद्देसो**, एकतो पवत्तपातिमोक्खुद्देसोति अत्थो । **फासु विहरतीति** सुखं विहरति । एवं विसुम्पि सङ्गमञ्जेपि तिकखत्तुं वुच्चमानस्स अपटिनिस्सज्जतो दुक्कटं । **एवञ्च सोति** आदिहि **समनुभासितव्वोति** समनुभासनकम्मं कातव्वं । **इच्चेत्तं कुसलन्ति** इति एतं पटिनिस्सज्जनं कुसलं खेमं सोत्थिभावो तस्स भिक्खुसु । **नो चे पटिनिस्सज्जेय्य, सङ्गादिसेसोति** एत्थ समनुभासनकम्मपरियोसाने अपटिनिस्सज्जन्तस्स सङ्गादिसेसो । सेसं उत्तानपदत्यमेव ।

राजगहे देवदत्तं आरब्ध सङ्गभेदाय परक्कमनवत्थुस्मिं पज्जत्तं, साधारणपज्जत्ति, अनाणत्तिकं, समनुभासनकम्मे करियमाने अपटिनिस्सज्जन्तस्स जत्तिपरियोसाने दुक्कटं, द्वीहि कम्मवाचाहि द्वे थुल्लच्चया, “यस्स नक्खमति, सो भासेय्या”ति एवं **य्य** कारपत्ताय ततियकम्मवाचाय तञ्च दुक्कटं ते च थुल्लच्चया पटिप्पस्सम्भन्ति, सङ्गादिसेसोयेव तिट्ठति । असमनुभासियमानस्स च पटिनिस्सज्जन्तस्स च उम्मतकादीनञ्च अनापत्ति । सीलविपत्ति, भेदाय परक्कमनं, धम्मकम्मेन समनुभासनं, कम्मवाचापरियोसानं, अपटिनिस्सज्जनन्ति इमानेत्य चत्तारि अङ्गानि । समनुभासनसमुद्धानं, अकिरियं, सञ्जाविमोक्खं, सचित्तकं, लोकवज्जं, कायकम्मं, वचीकम्मं, अकुसलचित्तं, दुक्खवेदनन्ति ।

सङ्गभेदसिक्खापदवण्णना निट्ठिता ।

११. भेदानुवक्तकसिखापदवण्णना

एकादसमे तस्सेव खो पनाति यो सङ्गभेदाय परक्कमति, तस्सेव । अनुवक्तकाति तस्स दिट्ठि खन्ति रुचि गहणेन अनुपटिपज्जनका । वग्गं असामग्गिपक्खियवचनं वदन्तीति वग्गवादका । यस्मा पन तिण्णं उद्धं कम्माराहा न होन्ति । न हि सङ्गो सङ्गस्स कम्मं करोति, तस्मा “एको वा द्वे वा तयो वा”ति वुत्तं । जानाति नोति अम्हाकं छन्दादीनि जानाति । भासतीति “एवं करोमा”ति अम्हेहि सङ्गि भासति । अम्हाकम्पेत्तं खमतीति यं सो करोति, एतं अम्हाकम्पि रुच्चति । समेतायस्मन्तानं सङ्गेनाति आयस्मन्तानं चित्तं सङ्गेन सङ्गि समेतु समागच्छतु, एकोभावं गच्छतुति वुत्तं होति । सेसं पदत्थतो उत्तानमेव । विनिच्छयकथापेत्थ दसमे वुत्तसदिसायेव ।

अयं पन विसेसो — इदं राजगहे सम्बहुले भिक्खु आरब्ध देवदत्तस्स सङ्गभेदाय परक्कमन्तस्स अनुवत्तनवत्थुस्मिं पज्जत्तं, अङ्गेषु च यथा तत्थ परक्कमनं, एवं इध अनुवत्तनं दट्ठब्बन्ति ।

भेदानुवक्तकसिखापदवण्णना निट्ठिता ।

१२. दुब्बचसिखापदवण्णना

द्वादसमे दुब्बचजातिकोति दुब्बचसभावा, वत्तु असक्कुण्योति अत्थो । उद्देसपरियापन्नेसूति उद्देसं परियापन्नेसु अन्तोगधेसु, “यस्स सिया आपत्ति, सो आविकरेय्या”ति एवं सङ्गहितता अन्तो पातिमोक्खस्स वत्तमानेसूति अत्थो । सहधम्मिकं वुच्चमानोति सहधम्मिकेन वुच्चमानो, कारणत्थे चेत्तं उपयोगवचनं । पज्जहि सहधम्मिकेहि सिक्खितब्बता, तेसं वा सन्तकता “सहधम्मिकं”न्ति लङ्घनामेन बुद्धपज्जत्तेन सिक्खापदेन वुच्चमानोति अत्थो । विरमथायस्मन्तो मम वचनायाति येन वचनेन मं वदथ, ततो मम वचनतो विरमथ, मा मं तं वचनं वदथाति वुत्तं होति । वदतु सह धम्मेनाति सहधम्मिकेन सिक्खापदेन, सहधम्मेन वा अज्जेनपि पासादिकभावसंवत्तनिकेन वचनेन वदेतु । यदिदन्ति वुद्धिकारणदस्सनत्थे निपातो, तेन यं इदं अज्जमज्जस्स हितवचनं, आपत्तितो च वुट्ठापनं, तेन अज्जमज्जवचनेन अज्जमज्जवुट्ठापनेन । एवं संवद्वाहि तस्स भगवतो परिसाति एवं परिसाय वुद्धिकारणं दस्सितं होति । सेसं उत्तानत्थमेव । विनिच्छयकथापि दसमे वुत्तसदिसायेव ।

अयं पन विसेसो — इदं कोसम्बियं छन्त्येत्थं आरब्ध अत्तानं अवचनीयकरणवत्थुस्मिं पज्जत्तं, अङ्गेषु च यथा तत्थ परक्कमनं, एवं इध अवचनीयकरणता दट्ठब्बन्ति ।

दुब्बचसिखापदवण्णना निट्ठिता ।

१३. कुलदूसकसिखापदवण्णना

तेरसमे गामं वा निगमंवाति एत्थ नगरम्पि गामे अन्तोगधमेव । उपनिस्साय विहरतीति तत्थ पटिब्धचीवरादिपच्चयताय तं निस्साय वसति । पुप्फदानादीहि मनुस्सानं सङ्गं विनासेन्तो कुलानि दूसेतीति कुलदूसको । मालावच्छरोपनादयो पापका समाचारा अस्साति पापसमाचारो । सो भिक्खूति सो कुलदूसको भिक्खु । आयस्मा खो कुलदूसको...पे... अतं ते इध वासेनाति इमिनास्स पब्बाजनीयकम्माराहतं दस्सेति । पब्बाजनीयकम्मकतो पनेस यस्मिं गामे वा निगमे वा कुलदूसककम्मं कत्तं, यस्मिञ्च विहारे वसति, नेव तस्मिं गामे वा निगमे वा चरितुं लभति, न विहारे वसितुं । एवञ्च सो भिक्खूति एत्थ सोति पब्बाजनीयकम्मकतो अधिपेतो । छन्देन गच्छन्तीति छन्दगामिनो, एस नयो सेसेसु । सो भिक्खूति सो “छन्दगामिनो”ति आदीनि वदमानो । तस्स वचनस्स पटिनिस्सग्गाय एवं वचनीयो, न कुलदूसननिवारणत्थाय । कुलदूसनकम्मेन हि सो आपज्जितब्बा आपत्तियो पुब्बेव आपन्नो, एवं पनस्स विसुम्पि सङ्गमज्जेपि वुच्चमानस्स अप्पटिनिस्सज्जतो अपरं दुक्कटं । एवञ्च सोति आदि इतो पुब्बे वुत्तञ्च अवुत्तञ्च सब्बं उत्तानत्थमेव । विनिच्छयकथापि दसमे वुत्तसदिसायेव ।

अयं पन विसेसो — इदं सावत्थियं अस्सजिपुनब्बसुके भिक्खू आरब्ध छन्दगामितादीहि पापनवत्थुस्मिं पज्जत्तं, अङ्गेषु च यथा तत्थ परक्कमनं, एवं इध छन्दादीहि पापनं दट्ठब्बन्ति ।

कुलदूसकसिखापदवण्णना निट्ठिता ।

निगमनवण्णना

उद्दिट्ठा खो...पे... एवमेतं धारयामीति एत्थ पठमं आपत्ति एतेसन्ति पठमापत्तिका, पठमं वीतिक्कमनक्खणेयेव आपज्जितब्बाति अत्थो । इतरे पन यथा ततिये च चतुत्थे च दिवसे होतीति एत्थ “ततियको, चतुत्थको”ति वुच्चति, एवं यावततिये समनुभासनकम्मे होतीति यावततियकाति वेदितब्बा । यावतीहन्ति यत्तकानि अहानि । जानं पटिच्छादेतीति जानन्तो पटिच्छादेति । तत्थायं पटिच्छादनलक्खणस्स मातिका — आपत्ति च होति, आपत्तिसज्जी च, पकततो च होति, पकततसज्जी च, अनन्तरायिको च होति, अनन्तरायिकसज्जी च, पहु च होति, पहुसज्जी च, छादेतुकामो च होति, छादेति चाति । तत्थ आपत्ति च होति, आपत्तिसज्जी चाति यं आपत्ति आपन्नो, सा तेरसन् अज्जतरा होति, सोपि च तत्थ वत्थुवसेन वा “इदं भिक्खुं न वट्ठती”ति नाममत्तवसेन वा “अयं इत्थन्नामा आपत्ती”ति आपत्तिसज्जीयेव हुत्वा “न दानि न कस्सचि आरोचेस्सामी”ति एवं छादेतुकामोव धुरं निक्खिपित्वा अरुणं उट्ठापेति, छन्ना होति आपत्ति । सचे पनेत्थ अनापत्तिसज्जी वा होति, अज्जापत्तिक्खन्धसज्जी वा, वेमतिको वा, अच्छन्नाव होति । पकततोति अनुक्खितो समानसंवासको । सो चे पकततसज्जी हुत्वा वुत्तनयेनेव छादेति, छन्ना होति । अनन्तरायिकोति यस्स दससु राजचोरअग्गिउदकमनुस्सअमनुस्सवाळसरिसपणीवितब्रह्मचरियन्तरायेसु एकापि नत्थि, सो चे अनन्तरायिकसज्जी छादेति, छन्ना होति । पहुति यो सक्कोति भिक्खुनो सन्तिकं गन्तुञ्चेव आरोचेतुञ्च, सो चे पहुसज्जी हुत्वा छादेति, छन्ना होति । छादेतुकामो च होति, छादेति चाति इदं उत्तानमेव । सचेपि हि सो सभागं दिस्वा “अयं मे उपज्झायो वा आचरियो वा”ति लज्जाय नारोचेति, छन्नाव होति । उपज्झायादिभावो हि इध अपमणं, सभागमत्तमेव पमाणं । अयं “जानं पटिच्छादेती”ति पदस्स सङ्केपतो अत्थविनिच्छयो ।

तावतीहन्ति तत्तकानि अहानि, पटिच्छादितदिवसतो पट्ठाय याव आरोचितदिवसो, ताव दिवसपक्खमाससंवच्छरवसेन यत्तको कालो अतिक्कन्तो, तत्तकं कालन्ति अत्थो । अकामा परिवत्थब्बन्ति न कामेन न वसेन, अथ खो अकामेन अवसेन परिवासं समादाय वत्थब्बं । तत्थ पटिच्छन्नपरिवासो सुदुन्तपरिवासो समोधानपरिवासो चाति ति विधो परिवासो । तत्थ पटिच्छन्नपरिवासो ताव यथापटिच्छन्नाय आपत्तिया दातब्बो । कस्सचि हि एकाहपटिच्छन्ना आपत्ति होति, कस्सचि द्वीहादिपटिच्छन्ना । कस्सचि एका आपत्ति होति, कस्सचि द्वे वा तिस्रो वा तदुत्तरि वा । तस्मा पटिच्छन्नपरिवासं देन्तेन पठममेव वुत्तनयेन पटिच्छन्नभावं जत्वा ततो पटिच्छन्नादिवसे च आपत्तियो च सल्लक्खेत्वा सचे एका एकाहपटिच्छन्ना होति, “अहं, भन्ते, एकं आपत्तिं आपज्जि सज्जेतनिकं सुक्कविस्सट्ठि एकाहपटिच्छन्”न्ति एवं परिवासं याचापेत्वा खन्धके (चूळव ९८) आगतनयेन कम्मवाचं वत्वा परिवासो दातब्बो । अथ द्वीहतीहादिपटिच्छन्ना होति, द्वीहपटिच्छन्नं तीहपटिच्छन्नं चतूहपटिच्छन्नं पञ्चाहपटिच्छन्नं...पे... चूहसाहपटिच्छन्नन्ति एवं याव चूहसादिवसानि दिवसवसेन योजना कातब्बा, पञ्चदसदिवसपटिच्छन्नायं “पक्खपटिच्छन्न”न्ति योजना कातब्बा । ततो याव एकून्तिसतिमो दिवसो, ताव “अतिरेकपक्खपटिच्छन्न”न्ति, ततो मासपटिच्छन्नं अतिरेकमासपटिच्छन्नं द्वेमासपटिच्छन्नं अतिरेकद्वेमासपटिच्छन्नं तेमासपटिच्छन्नं...पे... अतिरेकएकादसमासपटिच्छन्नन्ति एवं योजना कातब्बा । संवच्छरे पुण्णे “एकसंवच्छरपटिच्छन्न”न्ति, ततो परं अतिरेकसंवच्छरं द्वेसंवच्छरं एवं याव सट्ठिसंवच्छरअतिरेकसट्ठिसंवच्छरपटिच्छन्नन्ति, ततो वा भिय्योपि वत्वा योजना कातब्बा ।

सचे पन द्वे तिस्रो तदुत्तरि वा आपत्तियो होन्ति, यथा “एकं आपत्ति”न्ति वुत्तं, एवं “द्वे आपत्तियो, तिस्रो आपत्तियो”ति वत्तब्बं । ततो परं पन सतं वा होतु, सहस्सं वा, “सम्बहुला”ति वत्तु वट्ठती । नानावत्थुकासुपि “अहं, भन्ते, सम्बहुला सङ्गादिसेसा आपत्तियो आपज्जि एकं सुक्कविस्सट्ठि एकं कायसंसग्गं एकं दट्ठुल्लावाचं एकं अत्तकामं एकं सज्जरितं एकाहपटिच्छन्नायो”ति एवं गणनवसेन वा, “अहं, भन्ते, सम्बहुला सङ्गादिसेसा आपत्तियो आपज्जि नानावत्थुकायो एकाहपटिच्छन्नायो”ति एवं वत्थुकिन्नवसेन वा, “अहं, भन्ते, सम्बहुला सङ्गादिसेसा आपत्तियो आपज्जि एकाहपटिच्छन्नायो”ति एवं नाममत्तवसेन वा योजना कातब्बा । तत्थ नामं दुविधं सजातिसाधारणं सब्बसाधारणञ्च, तत्थ सङ्गादिसेसोति सजातिसाधारणं, आपत्तीति सब्बसाधारणं, तस्मा “सम्बहुला आपत्तियो आपज्जि एकाहपटिच्छन्नायो”ति एवं सब्बसाधारणनामवसेनापि वत्तु वट्ठती । इदञ्चि परिवासादिविनयकम्मं वत्थुवसेन गोत्तवसेन नामवसेन आपत्तिवसेन च कातुं वट्ठतियेव । तत्थ सुक्कविस्सट्ठीति वत्थु चेव गोत्तञ्च, सङ्गादिसेसोति नामञ्चेव आपत्ति च, तत्थ “सुक्कविस्सट्ठि कायसंसग्गं”न्ति आदिवचनेनापि “नानावत्थुकायो”ति वचनेनापि वत्थु चेव गोत्तञ्च गहितं होति,

“सङ्गादिसेसो”तिवचनेनापि “आपत्तियो”तिवचनेनापि नामञ्चेव आपत्ति च गहिता होति, तस्मा एतेसु यस्स कस्सचि वसेन कम्मवाचा कातब्बा ।

कम्मवाचापरियोसाने च सचे अप्पभिक्षुको आवासो होति, सक्का रत्तिच्छेदं अनापज्जन्तेन वसितुं, तत्थेव “परिवासं समादियामि, वत्तं समादियामी”ति तिकखत्तुं वत्तं समादातब्बं, समादियित्वा तत्थेव सङ्गस्स आरोचेत्वा पुन आगतागतानं भिक्षुं आरोचेन्तेन वत्तभेदञ्च रत्तिच्छेदञ्च अकत्वा परिवसितब्बं । सचे न सक्का होति परिवासं सोधेतुं, निक्खित्तवत्तेन वसितुकामो होति, तत्थेव सङ्गमञ्जे, एकपुग्गलस्स वा सन्तिके “परिवासं निक्खिपामि, वत्तं निक्खिपामी”ति परिवासो निक्खिपितब्बो, एकपदेनापि चेत्थ निक्खित्तो होति परिवासो, द्वीहि पन सुनिक्खित्तोयेव, समादानेपि एसेव नयो । निक्खित्तकालतो पड्डाय पकत्तट्टाने तिड्ढति, अथानेन पच्चूससमये एकेन भिक्षुना सङ्घि परिक्खित्तस्स विहारस्स परिक्खेपतो, अपरिक्खित्तस्स परिक्खेपारहट्टानतो द्वे लेड्डुपाते अतिककमित्वा महामग्गतो ओक्कम्म गुम्बेन वा वतिया वा पटिच्छन्नट्टाने निसीदित्वा अन्तोअरुणेयेव वत्तं समादियित्वा आरोचेतब्बं । यम्पि अज्जं भिक्षुं पस्सति, तस्सापि आरोचेतब्बमेव । अरुणे उड्डिते तस्स सन्तिके वत्तं निक्खिपित्वा विहारं गन्तब्बं । सचे सो पुरे अरुणेयेव केनचि करणीयेन गतो, विहारं गत्वा यं सब्बपठमं भिक्षुं पस्सति, तस्स आरोचेत्वा निक्खिपितब्बं । एवं सल्लक्खेत्वा याव रत्तियो पूरन्ति, ताव परिवत्थब्बं, अयं सङ्घेपतो पटिच्छन्नपरिवासविनिच्छयो, वित्थारो पन समन्तपासादिकाय विनयसंवण्णनाय (चूळव० अडु० ९७) वुत्तनयेनेव वेदितब्बो ।

इतरेसु पन द्वीसु “आपत्तिपरियन्तं न जानाति, रत्तिपरियन्तं न जानाती”ति (चूळव० १५७) इमस्मिं वत्थुस्मिं खन्धके अनुज्जातो **सुद्धन्तपरिवासो** नाम, सो दुविधो **चूळसुद्धन्तो महासुद्धन्तो**ति, दुविधोपि चेस रत्तिपरिच्छेदं सकलं वा एकच्चं वा अजानन्तस्स च अस्सरन्तस्स च तत्थ वेमतिकस्स च दातब्बो । आपत्तिपरियन्तं पन “एत्तिका अहं आपत्तियो आपन्नो”ति जानातु वा, मा वा, अकारणमेतं । तस्स दानविधिं खन्धके आगतो, विनिच्छयकथा पन वित्थारतो समन्तपासादिकायं (चूळव० अडु० १०२) वुत्ता । इतरो पन **समोधानपरिवासो** नाम, सो तिविधो होति ओधानसमोधानो अग्घसमोधानो मिस्सकसमोधानोति । तत्थ **ओधानसमोधानो** नाम अन्तरापत्तिं आपज्जित्वा पटिच्छादेन्तस्स परिवुत्थदिवसे ओधुनित्वा मक्खेत्वा पुरिमाय आपत्तिया मूलदिवसपरिच्छेदे पच्छा आपन्नं आपत्तिं समोदहित्वा दातब्बपरिवासो वुच्चति । **अग्घसमोधानो** नाम सम्बहुलासु आपत्तीसु या एका वा द्वे वा तिस्रो वा सम्बहुला वा आपत्तियो सब्बचिरप्पटिच्छन्नायो, तासं अग्घेन समोदाय तासं रत्तिपरिच्छेदवसेन अवसेसानं ऊनतरप्पटिच्छन्नानं आपत्तीनं दातब्बपरिवासो वुच्चति । **मिस्सकसमोधानो** नाम नानावत्थुकायो आपत्तियो एकतो कत्वा दातब्बपरिवासो वुच्चति, अयं तिविधेपि समोधानपरिवासे सङ्घेपकथा, वित्थारो पन समन्तपासादिकायं (चूळव० अडु० १०२) वुत्तो, इदं “परिवत्थब्ब”न्ति पदस्स विनिच्छयकथामुखं ।

उत्तरि छारत्तन्ति परिवासतो उत्तरि छ रत्तियो । **भिक्षुमान्तान्याति** भिक्षुं मानभावाय, आराधनतथायाति वुत्तं होति । **पटिपज्जितब्बन्ति** वत्तितब्बं । भिक्षुमान्तञ्च पनेतं पटिच्छन्नापटिच्छन्नवसेन दुविधं । तत्थ यस्स अप्पटिच्छन्नापत्ति होति, तस्स परिवासं अदत्त्वा मानत्तमेव दातब्बं, इदं **अप्पटिच्छन्नमानत्तं** । यस्स पटिच्छन्ना होति, तस्स परिवासपरियोसाने दातब्बं मानत्तं **पटिच्छन्नमानत्तन्ति** वुच्चति, इदं इध अधिपेत्तं । उभिन्मपि पनेतेसं दानविधिं विनिच्छयकथा च समन्तपासादिकायं (चूळव० अडु० १०२) वुत्तनयेन वेदितब्बा, अयं पनेत्थ सङ्घेपो । सचे अयं वत्तं निक्खिपित्वा पच्चूससमये समादातुं गच्छति, सब्बन्तिमेन परिच्छेदेन चतुहि भिक्षुहि सङ्घि परिवासे वुत्तप्पकारं पदेसं गत्वा “मानत्तं समादियामि, वत्तं समादियामी”ति समादियित्वा नेसं आरोचेत्वा ततो तेसु गतेसु वा पुरिमनयेन पटिपज्जितब्बं । **यत्थ सिया वीसतिगणोति** एत्थ वीसतिसङ्घो गणो अस्सति वीसतिगणो । **तत्राति** यत्र सब्बन्तिमेन परिच्छेदेन वीसतिगणो भिक्षुसङ्घो अत्थि, तत्थ । **अब्भेतब्बोति** अभिपेतब्बो, सम्पटिच्छित्तब्बो, अब्भानकम्मवसेन ओसारेतब्बोति वुत्तं होति । अक्कातब्बोति वा अत्थो । अब्भानकम्मं पन पाळिवसेन खन्धके (चूळव० १०० आदयो) विनिच्छयवसेन समन्तपासादिकायं वुत्तं । **अनब्भितोति** न अब्भितो असम्पटिच्छित्तो, अकतब्भानकम्मोति वुत्तं होति । अनक्कातोति वा अत्थो । **ते च भिक्षु गारह्वाति** ये ऊनभावं जत्वा अब्भेन्ति, ते भिक्षु च गरहितब्बा, सातिसारा सदोसा दुक्कटं आपज्जन्तीति अत्थो । **अयं तत्थ सामीचीति** अयं तत्थ अनुधम्मता लोकुत्तरधम्मं अनुगता ओवादानुसासनी सामीचि धम्मता । सेसमेत्थ वुत्तनयमेवाति ।

कङ्कावितरणिया पातिमोक्खवण्णनाय

सङ्गादिसेसवण्णना निड्डिता ।

अनियतकण्डो

१. पठमानियतसिक्खापदवण्णना

अनियतुद्देसे **इमे खो पनाति**आदि वुत्तनयमेव । **मातुगामेनाति** तदहुजातायपि जीवमानकमनुस्सित्थिया । **एको एकायाति** एको भिक्षु मातुगामसङ्घाताय एकाय इत्थिया सङ्घि । **रहोति** चक्खुस्स रहो । किञ्चापि पाळियं (पारा० ४४५) सोतस्स रहो आगतो, चक्खुस्सेव पन रहो “रहो”ति इध अधिपेत्तो । सचेपि हि पहितकवाटस्स गम्भस्स द्वारे निसिन्नो विज्जू पुरिसो होति, नेव अनापत्तिं करोति । यत्थ पन सक्का दडुं, तादिसे अन्तोद्वादसहत्येपि ओकासे निसिन्नो सचक्खुको विक्खित्तचित्तोपि निदायन्तोपि अनापत्तिं करोति, समीपे ठितोपि अन्धो न करोति, चक्खुमापि निपज्जित्वा निदायन्तोपि न करोति, इत्थीनं पन सतम्पि न करोतियेव, तेन वुत्तं “रहोति चक्खुस्स रहो”ति । **पटिच्छन्ने आसनेति** कुट्टादीहि पटिच्छन्नोकासे । **अलंकम्मनियेति** कम्मखमं कम्मयोगन्ति कम्मनियं, अलं परियत्तं कम्मनियभावायाति अलंकम्मनियं, तस्मिं अलंकम्मनियं । यत्थ अज्झाचारं करोन्ता सक्कोन्ति तं कम्मं कातुं, तादिसेति अत्थो । **निसज्जं कप्पेय्याति** निसज्जं करेय्य, निसीदेय्याति अत्थो । एत्थ च सयनम्पि निसज्जाय एव सङ्गहति । **सद्धेय्यवचसाति** सद्धातब्बवचना, अरियसाविकाति अत्थो । **निसज्जं भिक्षु पटिज्जानमानोति** किञ्चापि एवरूपा उपासिका दिस्वा वदति, अथ खो भिक्षु निसज्जं पटिज्जानमानोव तिण्णं धम्मानं अज्जतरेन कारेतब्बो, न अप्पटिज्जानमानोति अत्थो । **येन वा साति** निसज्जादीसु आकारेसु येन वा आकारेन सङ्घि मेथुनादीनि आरोपेत्वा सा उपासिका वदेय्य, पटिज्जानमानोव तेन सो भिक्षु कारेतब्बो, एवरूपायपि हि उपासिकाय वचनमत्तेन आकारेन न कारेतब्बोति अत्थो । कस्मा? यस्मा दिट्ठं नाम तथापि होति, अज्जथापीति । **अयं धम्मो अनियतोति** तिण्णं आपत्तीनं यं आपत्तिं वा वत्थुं वा पटिज्जानाति, तस्स वसेन कारेतब्बताय अनियतो ।

सावत्थियं उदायित्थेन आरब्ध मातुगामेन सङ्घि वुत्तप्पकारे आसने निसज्जकप्पनवत्थुस्मिं पज्जत्तं, असाधारणपज्जत्ति, अनापत्तिकं, मेथुनधम्मसन्निस्सित्तिकेलेससङ्घातेन रहस्सादेन मातुगामस्स सन्तिकं गन्तुकामताय अक्खिअज्जनादितो पड्डाय सब्बपयोगेसु दुक्कटं । गत्त्वा तस्मिं वा निसिन्ने इत्थो निसीदतु, तस्सा वा निसिन्नाय सो निसीदतु, अपच्छा अपुरिमयेव उभो वा निसीदन्तु, उभिन्नं निसज्जाय पाचित्तियं । सचे पन कायसंसमग्गं वा मेथुनं वा समापज्जति, तेसं वसेन कारेतब्बो । निपज्जनेपि एसेव नयो । वुत्तप्पकारे पुरिसे निपज्जित्वा अनिदायन्ते अनन्धे विज्जुपुरिसे उपचारगते सति, ठितस्स, अरहोपेक्खस्स, अज्जविहितस्स च निसज्जनपच्चया अनापत्ति । उम्मतकादीनं पन तीहिपि आपत्तीहि अनापत्ति । सिया सीलविपत्ति, सिया आचारविपत्ति । यं पन आपत्तिं पटिज्जानाति, तस्सा वसेन अङ्गभेदो जातब्बो । समुद्धानादीनि पठमपाराजिकसदिसानेवाति ।

पठमानियतसिक्खापदवण्णना निड्डिता ।

२. दुतियानियतसिक्खापदवण्णना

दुतिये इत्थीपि पुरिसोपि यो कोचि विज्जू अनन्धो अबधिरो अन्तोद्वादसहत्ये ओकासे ठितो वा निसिन्नो वा विक्खित्तोपि निदायन्तोपि अनापत्तिं करोति । बधिरो पन चक्खुमापि, अन्धो वा अबधिरोपि न करोति । पाराजिकापत्तिञ्च परिहापेत्वा दुडुल्लवाचापत्ति वुत्ताति अयं विसेसो । सेसं पुरिमनयेनेव वेदितब्बं । समुद्धानादीनि पनेत्थ अदिन्नादानसदिसानेवाति ।

दुतियानियतसिक्खापदवण्णना निड्डिता ।

उद्दिट्ठा खोतिआदि सब्बत्थ वुत्तनयेनेव वेदितब्बं ।

कङ्कावितरणिया पातिमोक्खवण्णनाय

अनियतवण्णना निड्डिता ।

निस्सगियकण्डो

इतो परं पन इमे खो पनाति आदि सब्बत्थ वुत्तनयेनेव वेदितब्बं ।

१. चीवरवग्गो

१. कथिनसिक्खापदवण्णना

निस्सगियेसु पन चीवरवग्गस्स ताव पठमसिक्खापदे निड्डितचीवरस्मिन्ति सूचिकम्मपरियोसानेन वा, “नड्डं वा विनड्डं वा दड्डं वा चीवरासा वा उपच्छिन्ना”ति (पारा० ४६३) इमेसु वा येन केनचि आकारेन निड्डिते चीवरस्मिं, चीवरस्स करणपलिबोधे उपच्छिन्नेति अत्थो । अत्थतकथिनस्स हि भिक्खुनो याव इमेहाकारेहि चीवरपलिबोधो न छिज्जाति, ताव कथिनानिसंसं लभति । उब्भतस्मिं कथिनेति यं सङ्खस्स कथिनं अत्थतं, तस्मिञ्च उब्भते । तत्रेवं सङ्खपतो कथिनत्थारो च उब्भारो च वेदितब्बो । अयञ्चि कथिनत्थारो नाम भगवता पुरिमवस्संवुड्डानं अनुज्जातो, सो सब्बन्तिमेन परिच्छेदेन पञ्चन्नं जनानं वट्टति, तस्मा यत्थ चत्तारो वा तयो वा द्वे वा एको वा पुरिमवस्सं उपगतो, तत्थ पच्छिमवस्सूपगते गणपूरके कत्वा अत्थरितब्बं, ते च गणपूरकाव होन्ति, आनिसंसे न लभन्ति, तस्मा सचे पुरिमवस्संवुड्डानं गहडुपब्बजितेसु यो कोंचि धम्मने समेन चीवरं देति “इमिना कथिनं अत्थरथा”ति (महाव० ३०६-३०९), तं खन्धके वुत्ताय जत्तिदुतियकम्मवाचाय कथिनत्थारारहस्स भिक्खुनो दातब्बं । तेन तदहेव पञ्च वा अतिरेकानि वा खण्डानि छिन्दित्वा सङ्काटि वा उत्तरासङ्को वा अन्तरवासको वा कातब्बो, सेसभिक्खुहिपि तस्स सहायेहि भवितब्बं, सचे कतचीवरमेव उपज्जति, सुन्दरमेव । अच्छिन्नासिब्बितं पन न वट्टति । तेन भिक्खुना सचे सङ्काटिया अत्थरितुकामो होति, पोरानिकं सङ्काटि पच्चुद्धरित्वा नवं सङ्काटि अधिड्डाहित्वा “इमाय सङ्काटिया कथिनं अत्थरामी”ति अत्थरितब्बं । उत्तरासङ्कान्तरवासकेसुपि एसेव नयो । ततो तेन पुरिमवस्संवुडे अन्तोसीमागते भिक्खू उपसङ्कमित्वा “अत्थतं, भन्ते, सङ्खस्स कथिनं, धम्मिको कथिनत्थारो, अनुमोदथा”ति (परि० ४१३) वत्तब्बं, धेरानञ्च नवानञ्च बहूनञ्च एकस्स च अनुरूपं सल्लक्खेत्वा वत्तब्बं । तेहिपि “अत्थतं, भन्ते, सङ्खस्स कथिनं”ति वा “अत्थतं, आवुसो, सङ्खस्स कथिनं”ति वा वत्ता “धम्मिको कथिनत्थारो, अनुमोदामा”ति वा “अनुमोदामी”ति वा वत्तब्बं । पुरिमवस्संवुडेसुपि ये अनुमोदन्ति, तेसंयेव अत्थतं होति कथिनं । ते ततो पड्डाय याव कथिनस्सुब्भारा अनामन्तचारो, असमादानचारो, यावदत्थचीवरं, गणभोजनं, यो च तत्थ चीवरुपादो, तस्मिं आवासे सङ्खस्स उपन्नचीवरञ्चाति इमे पञ्चानिसंसं लभन्ति, अयं ताव कथिनत्थारो । तं पनेतं कथिनं “अड्डिमा, भिक्खवे, मातिका कथिनस्सुब्भाराय पक्कमनन्तिका निड्डानन्तिका सन्निड्डानन्तिका नासनन्तिका सवनन्तिका आसावच्छेदिका सीमातिकमनन्तिका सहुब्भारा”ति (महाव० ३१०) एवं वुत्तासु अड्डसु मातिकासु अज्जतरवसेन उद्धरीयति, तत्थ वित्थारविनिच्छयो समन्तपासादिकायं (महाव० अड्ड० ३१०) वुत्तनयेन वेदितब्बो । इति “उब्भतस्मिं कथिने”तिइमिना सेसपलिबोधाभावं दर्सेति ।

दसाहपरमन्ति दस अहानि परमो परिच्छेदो अस्साति दसाहपरमो, तं दसाहपरमं कालं धारेतब्बन्ति अत्थो । अधिड्डितविकपितेसु अपरियापन्नता अतिरेकं चीवरन्ति अतिरेकचीवरं, चीवरं नाम खोमं कपासिकं कोसेय्यं कम्बलं साणं भङ्गन्ति एतेसं वा तदनुलोमानं वा अज्जतरं अयमस्स जाति, पमाणतो पन तं विकपणुपगं पच्छिमं इध अधिपेतं । वुत्तन्हेतं “अनुजानामि, भिक्खवे, आयामतो अड्डङ्गलं सुगतङ्गलेन चतुरङ्गलवित्थतं पच्छिमं चीवरं विकपेतु”ति (महाव० ३५८) । यं पन वुत्तं “अधिड्डितविकपितेसु अपरियापन्नता”ति, एत्थ “अनुजानामि, भिक्खवे, तिचीवरं अधिड्डातुं न विकपेतुं, वस्सिकसाटिकं वस्सानं चतुमासं अधिड्डातुं ततो परं विकपेतुं, निसीदनं अधिड्डातुं न विकपेतुं पच्चत्थरणं अधिड्डातुं न विकपेतुं, कण्डुप्पटिच्छादिं याव आबाधा अधिड्डातुं ततो परं विकपेतुं, मुखपुञ्छनचोळकं अधिड्डातुं न विकपेतुं, परिकखारचोळं अधिड्डातुं न विकपेतुं”ति (महाव० ३५८) इमिना नयेन अधिड्डातव्वविकपेतव्वता जानितब्बा । तत्थ तिचीवरं अधिड्डहन्तेन रजित्वा कर्पाबिन्दुं दत्त्वा पमाणयुत्तमेव अधिड्डातव्वं, तस्स पमाणं उक्कट्टपरिच्छेदेन सुगतचीवरतो ऊनकं वट्टति, लामकपरिच्छेदेन सङ्काटिया ताव उत्तरासङ्खस्स च दीधतो मुड्डिपञ्चकं, तिरियं मुड्डितिकं, अन्तरवासको दीधतो मुड्डिपञ्चको, तिरियं द्विहत्थोपि वट्टति । वुत्तपमाणतो पन अतिरेकञ्च ऊनकञ्च “परिकखारचोळं”ति अधिड्डातव्वं । तत्थ यस्मा “द्वे चीवरस्स अधिड्डानानि कायेन वा अधिड्डेति, वाचाय वा अधिड्डेती”ति वुत्तं, तस्मा पुराणसङ्काटि “इमं सङ्काटि पच्चुद्धरामी”ति पच्चुद्धरित्वा नवं हत्थेन गहेत्वा “इमं सङ्काटि अधिड्डामी”ति चित्तेन आभोगं कत्वा कायविकारं करोन्तेन कायेन वा अधिड्डातव्वता, वचीभेदं कत्वा वाचाय वा अधिड्डातव्वता । तत्र दुविधं अधिड्डानं — सचे हत्थपासे होति, “इमं सङ्काटि अधिड्डामी”ति वाचा भिन्दितव्वता । अथ अन्तोगम्भादीसु सामन्तविहारे वा होति, ठपितड्डानं सल्लक्खेत्वा “एतं सङ्काटि अधिड्डामी”ति वाचा भिन्दितव्वता । एस नयो उत्तरासङ्के च अन्तरवासके च । नाममत्तमेव हि विसेसो । तस्मा सब्बानि सङ्काटि उत्तरासङ्कं अन्तरवासकन्ति एवं अत्तनो अत्तनो नामेनेव अधिड्डातव्वानि । सचे अधिड्डाहित्वा ठपितवत्थेहि सङ्काटिआदीनि करोति, निड्डिते रजने च कप्पे च “इमं पच्चुद्धरामी”ति पच्चुद्धरित्वा पुन अधिड्डातव्वानि । इदञ्च पन तिचीवरं सुखपरिभोगत्थं परिकखारचोळं अधिड्डातुमि वट्टति ।

वस्सिकसाटिका अनतिरित्तपमाणा नाम गहेत्वा वुत्तनयेनेव चत्तारो वस्सिके मासे अधिड्डातव्वता, ततो परं पच्चुद्धरित्वा विकपेतव्वता, वण्णभेदमत्तरत्तापि चेसा वट्टति, द्वे पन न वट्टन्ति । निसीदनं वुत्तनयेन अधिड्डातव्वमेव, तच्च खो पमाणयुत्तं एकमेव, द्वे न वट्टन्ति । पच्चत्थरणमि अधिड्डातव्वमेव, तं पन महन्तमि एकमि बहूनिपि वट्टन्ति, नीलमि पीतकमि सदसमि पुप्फदसमिपि सब्बपकारमि वट्टति । कण्डुप्पटिच्छादि याव आबाधो अत्थि, ताव पमाणिका अधिड्डातव्वता, आबाधे वृषसन्ते पच्चुद्धरित्वा विकपेतव्वता, सा एकाव वट्टति । मुखपुञ्छनचोळं अधिड्डातव्वमेव, तं पन एकमि बहूनिपि महन्तमि वट्टतियेव । परिकखारचोळे गणना नत्थि, यत्तकं इच्छति, तत्तकं अधिड्डातव्वमेव । थविकापि परिसावनमि विकपणुपगं पच्छिमपमाणं “परिकखारचोळं”ति अधिड्डातव्वमेव, बहूनिपि एकोतो कत्वा “इमानि चीवरानि परिकखारचोळानि अधिड्डामी”तिआदिना नयेन अधिड्डातुं वट्टतियेव । मज्जभिस्स पीठभिस्स बिब्बोहनं पावारो कोजवोति एतेसु पन सेनासनपरिकखारत्थाय दिन्नपच्चत्थरणे च अधिड्डानकिच्चं नत्थियेव । सब्बञ्च पनेतं वुत्तपकारेन अधिड्डितचीवरं अज्जस्स दानेन, अच्छिन्दित्वा गहणेन, विसासगगाहेन, हीनायावत्तनेन, सिक्खापच्चक्खानेन, कालङ्किरियाय, लिङ्गपरिवत्तनेन, पच्चुद्धरणेनाति इमेहि अड्डहि कारणेहि अधिड्डानं विजहति । तिचीवरं पन कनिड्डङ्गलिनखपिट्टिपमाणेन छिदेनापि विजहति, तच्च खो विनिब्बधेनेव । सचे हि छिदस्स अब्भन्तेरे एकतन्तुपि अच्छिन्नो होति, रक्खतियेव । तत्थ सङ्काटिया च उत्तरासङ्खस्स च दीधन्तो विदत्थिपमाणस्स तिरियन्तो अड्डङ्गलपमाणस्स पदेसस्स ओरतो छिदं अधिड्डानं भिन्दति, अन्तरवासकेपि दीधन्तो एतदेव पमाणं, तिरियन्तेन पन चतुरङ्गलता वेदितव्वता । तिण्णन्मि वुत्तोकास्स परतो न भिन्दति, तस्मा छिदे जाते तिचीवरं अतिरेकचीवरड्डाने तिड्डति, सूचिकम्मं कत्वा पुन अधिड्डातव्वं । वस्सिकसाटिका वस्सानमासातिकमेनापि, कण्डुप्पटिच्छादि आबाधवृषसमेनापि अधिड्डानं विजहति । तस्मा सा ततो परं विकपेतव्वता । विकपणनलक्खणं पन सब्बचीवरानं विकपणनसिक्खापदेयेव वण्णयिस्साम । केवलञ्चि इमस्मिं ओकासे यं एवं अनधिड्डितं अविकपितञ्च, तं “अतिरेकचीवरं”ति वेदितव्वं ।

तं अतिक्कामयतो निस्सगियं पाचित्तियन्ति तं यथावुत्तजातिपमाणं चीवरंदसाहपरमं कालं अतिक्कामयतो एत्थन्तेरे यथा अतिरेकचीवरं न होति, तथा अकूब्बतो निस्सगियं पाचित्तियं, तच्च चीवरं निस्सगियं होति, पाचित्तियं आपत्ति चस्स होतीति अत्थो । अथ वा निस्सज्जनं निस्सगियं, पुब्बभागे कत्तव्वस्स विनयकम्मस्सेतं नामं, निस्सगियमस्स अत्थीति निस्सगियमिच्छेव । किं तं? पाचित्तियं । तं अतिक्कामयतो सह निस्सगियेन निस्सगियविनयकम्मं पाचित्तियं होतीति अयमेत्थ अत्थो । तच्च पनेतं चीवरं यं दिवसं उपन्नं, तस्स यो अरण्यो, सो उपन्नदिवसनिस्सितो, तस्मा चीवरुपाददिवसेन सङ्गि एकादसे अरुणुगमने दसाहातिकमिति होति, तं गहेत्वा सङ्खस्स वा गणस्स वा पुगलस्स वा निस्सज्जितव्वं, तत्रायं नयो — सङ्खस्स ताव एवं निस्सज्जितव्वं “इदं मे, भन्ते, चीवरं दसाहातिकन्तं निस्सगियं, इमाहं सङ्खस्स निस्सज्जामी”ति निस्सज्जित्वा “अहं, भन्ते, एकं निस्सगियं पाचित्तियं आपन्नो, तं पटिदेसेमी”ति एवं आपत्ति देसेतव्वता । सचे द्वे होन्ति, “द्वे”ति वत्तव्वं, सचे तदुत्तरि, “सम्बहुला”ति वत्तव्वं । निस्सज्जनेपि सचे द्वे वा बहूनि वा होन्ति, “इमानि मे, भन्ते, चीवरानि दसाहातिकन्तानि निस्सगियाणि, इमानाहं सङ्खस्स निस्सज्जामी”ति वत्तव्वं, पाळि वत्तुं असक्कोन्तेन अज्जत्थापि वत्तव्वं । ब्यत्तेन भिक्खुना पटिबलेन सङ्को जापेतव्वो “सुणातु मे, भन्ते, सङ्को, अयं इत्थन्नामो भिक्खु आपत्तिं सरति विवरति उत्तानि करोति देसेति, यदि सङ्खस्स पत्तकल्लं, अहं इत्थन्नामस्स भिक्खुनो आपत्तिं पटिगणहेय्य”ति (चूळव० २३९), इमिना लक्खणेन आपत्तिं पटिगणहिता वत्तव्वो “पस्ससी”ति, “आम पस्सामी”ति, “आयति संवरेय्यासी”ति, “साधु सुड्डु संवरिस्सामी”ति । द्वीसु पन सम्बहुलासु वा पुरिमनयेनेव वचनभेदो कातव्वो । देसिताय आपत्तिया “सुणातु मे, भन्ते, सङ्को, इदं चीवरं इत्थन्नामस्स भिक्खुनो निस्सगियं सङ्खस्स निस्सड्डं, यदि सङ्खस्स पत्तकल्लं, सङ्को इमं चीवरं इत्थन्नामस्स भिक्खुनो ददेय्या”ति (पारा० ४६४) एवं निस्सड्डचीवरं दातव्वं, द्वीसु बहूसु वा वचनभेदो कातव्वो ।

गणस्स पन निस्सज्जन्तेन “इमाहं”ति वा “इमानि अहं”ति वा वत्ता “आयस्मन्तानं निस्सज्जामी”ति वत्तव्वं, आपत्तिपटिगगाहकेनापि “सुणन्तु मे आयस्मन्ता, अयं इत्थन्नामो भिक्खु आपत्तिं सरति...पे... देसेति, यदायस्मन्तानं पत्तकल्लं”ति वत्तव्वं, चीवरदार्णेपि “सुणन्तु मे आयस्मन्ता, इदं चीवरं इत्थन्नामस्स भिक्खुनो निस्सगियं आयस्मन्तानं निस्सड्डं, यदायस्मन्तानं पत्तकल्लं, आयस्मन्ता

इमं चीवरं इत्थन्नामस्स भिक्खुनो ददेय्यु”न्ति (पारा० ४६६) वत्तब्बं, सेसं पुरिमसदिसमेव। पुगलस्स पन निस्सज्जन्तेन “इमाह”न्ति वा “इमानि अह”न्ति वा वत्त्वा “आयस्मतो निस्सज्जामी”न्ति वत्तब्बं, निस्सज्जित्वा “अहं, भन्ते, एकं निस्सगियं पाचित्तियं आपन्नो, तं पटिदेसमी”न्ति एवं आपत्तिं देसेतब्बा। सचे पन नवकतरो होति, “आवुसो”न्ति वत्तब्बं, तेनापि “पस्ससी”न्ति वा “पस्सथा”न्ति वा वुत्ते “आम, भन्ते”न्ति वा “आम आवुसो”न्ति वा वत्त्वा “पस्सामी”न्ति वत्तब्बं, ततो “आयत्तिं संवरैयासी”न्ति वा “संवरैयाथा”न्ति वा वुत्ते “साधु सुद्धु संवरिस्सामी”न्ति वत्तब्बं। एवं देसिताय आपत्तिया “इमं चीवरं आयस्मतो दम्मी”न्ति दातब्बं, द्वीसु तीसु वा पुब्बे वुत्तानुसारेनेव नयो वेदितब्बो। द्विन्ने पन यथा गणस्स, एवं निस्सज्जितब्बं, ततो आपत्तिप्पटिगहणञ्च निस्सट्ठुचीवरदानञ्च तेसं अञ्जतरेन यथा एकेन पुगलेन, तथा कातब्बं, इदं पन सब्बनिस्सगियेसु विधानं। चीवरं पत्तो निसीदनन्ति वत्थुमत्तमेव हि नानं, परम्मुखं पन वत्थु “एत”न्ति निस्सज्जितत्तब्बं। सचे बहूनि होन्ति, “एतानी”न्ति वत्तब्बं। निस्सट्ठुदानेपि एसेव नयो। निस्सट्ठवत्थु “दिन्निमिदं इमिना मक्ख”न्ति सञ्जाय न पटिदेन्तस्स दुक्कटं, तस्स सन्तकभावं जत्त्वा लेसेन अच्चिन्दन्तो सामिकस्स धुरनिकखेपेन भण्डं अग्घापेत्त्वा कारेतब्बोति।

वेसालियं छब्बगिये भिक्खू आरब्ध अतिरेकचीवरधारणवत्थुस्मिं पञ्जत्तं, “दसाहपरम”न्ति अयमेत्थ अनुपञ्जति, साधारणपञ्जति, अनाणत्तिकं, अनिस्सज्जित्वा परिभुञ्जन्तस्स दुक्कटं, यथा च इध, एवं सब्बत्थ, तस्मा नं परतो न वक्खाम। दसाहं अनतिकन्तत्तेपि अतिकन्तसज्जिनो वेमतिकस्स च दुक्कटं। अतिकन्ते अनतिकन्तसज्जिनोपि वेमतिकस्सपि निस्सगियं पाचित्तियमेव, तथा अनधिद्विताविकप्पित अस्सज्जित अनट्ठाविनट्ठु अट्ठाविलुत्तेसु अधिद्वितादिसज्जिनो। अन्तोदसाहं अधिद्विते विकप्पिते विस्सज्जिते नट्ठे विनट्ठे दट्ठे अच्चिन्ने विस्सासेन गाहिंते उम्मतकादीनञ्च अनापत्ति। आचारविपत्ति, यथा च इदं, एवं इतो परानिपि, उभतोपातिमोक्खेसुपि हि पाराजिकानि च सङ्गादिसेसा च सीलविपत्ति, सेसापत्तियो आचारविपत्ति, आजीवविपत्ति वा दिट्ठिविपत्ति वा काचि आपत्ति नाम नत्थि। आजीवविपत्तिपच्चया पन ठपेत्त्वा दुब्बासितं छ आपत्तिकखन्धा पञ्जत्ता, दिट्ठिविपत्तिपच्चया पाचित्तियदुक्कटवसेन द्वे आपत्तिकखन्धा पञ्जत्ताति, इदमेत्थ लक्खणं, इति विपत्तिकथा इधेव निट्ठिताति, न नं इतो परं विचारयिस्साम। जातिप्पमाणसम्पन्नस्स चीवरस्स अत्तनो सन्तकता, गणनपुगता, छिन्नपलिबोधभावो, अतिरेकचीवरता, दसाहातिकमोति इमानेत्थ पञ्च अङ्गानि। कथिनसमुद्धानं, अकिरियं, नोसञ्जाविमोक्खं, अचित्तकं, पण्णत्तिवज्जं, कायकम्मं, वचीकम्मं, तिचित्तं, तिवेदनन्ति।

कथिनसिक्खापदवण्णना निट्ठिता।

२. उदोसितसिक्खापदवण्णना

दुतिये निट्ठितचीवरस्मिं भिक्खुनाति एत्थ पुरिमसिक्खापदे विय अत्थं अग्गहेत्त्वा निट्ठिते चीवरस्मिं भिक्खुनोति एवं सामिवसेन करणवचनस्स अत्थो वेदितब्बो। करणवसेन हि भिक्खुना इदं नाम कम्मं कातब्बं, तं नत्थि, सामिवसेन पन भिक्खुनो चीवरस्मिं निट्ठिते कथिने च उभते एवं इमेहि चीवरनिट्ठानकथिनुम्भारेहि छिन्नपलिबोधो एकरत्तमि च भिक्खु तिचीवरेन विपवसेय्याति एवं अत्थो युज्जति। तत्थ **तिचीवरेनाति** तिचीवराधिडाननयेन अधिद्वितेसु सङ्गाटिआदीसु येनकेनचि। **विपवसेय्याति** वियुत्तो वसेय्य, “गामो एकूपचारो नानूपचारो”न्ति आदिना (पारा० ४७७) नयेन पाळियं वुत्तानं गामनिर्गमननिवेसन उदोसित अट्ठमाळपासादहम्मियनावासत्थुखेत्तधञ्जकरण आरामविहाररुक्कमूल अञ्जलासपभेदानं पन्नरसानं निक्खेपट्टानानं यत्थकत्थचि निक्खिपित्त्वा तेसं गामादीनं बहि हत्थपासातिकमेन अरुणं उट्ठापेय्याति अयमेत्थ सङ्केपो, वित्थारो पन समन्तपासादिकायं (पारा० अट्ठ० २.४७३-४७७-८) वुत्तो। **अञ्जत्र भिक्खुसम्मतियाति** यं सङ्को गिलानस्स भिक्खुनो तिचीवरेन अविपववाससम्मतिं देति, तं ठपेत्त्वा अलट्ठसम्मतिकस्स भिक्खुनो एकरत्तमि विपववासतो वुत्तनयेनेव निस्सगियं पाचित्तियन्ति वेदितब्बं, केवलं इध “इदं मे, भन्ते, चीवरं रत्तिविपववुत्थं अञ्जत्र भिक्खुसम्मतिया निस्सगियं”न्ति आदिना नयेन वचनभेदो होति, अयं पन विसेसो।

सावत्थियं सम्बहुले भिक्खू आरब्ध सन्तरुत्तरेन जनपदचारिकं पक्कमनवत्थुस्मिं

पञ्जत्तं, “अञ्जत्र भिक्खुसम्मतिया”न्ति अयमेत्थ अनुपञ्जति, साधारणपञ्जति, अनाणत्तिकं, अविपववुत्थं विपववुत्थसज्जिनो चेव वेमतिकस्स च दुक्कटं। विपववुत्थं विपववुत्थसज्जिनोपि अविपववुत्थसज्जिनोपि वेमतिकस्सपि निस्सगियं पाचित्तियं, तथा अपच्चुट्टअविस्सज्जितादीसु च पच्चुट्टविस्सज्जितादिसज्जिनो। अन्तोअरुणे पच्चुट्टे पन पठमकथिने वुत्तविस्सज्जितादिभेदे च अनापत्ति, तथा लट्ठसम्मतिकस्स विपववासे। आबाधे पन वूपसन्ते पच्चागन्तब्बं, तथैव वा ठितेन पच्चुट्टरितब्बं, अथापिस्स पुन सो वा अञ्जो वा आबाधो कुप्पति, लट्ठकपियमेव। अधिद्वितचीवरता, अनत्थतकथिनता, अलट्ठसम्मतिकता, रत्तिविपववासोति इमानेत्थ चत्तारि अङ्गानि। समुद्धानादीनि पठमकथिने वुत्तपकारानेव। केवलज्झि तत्थ अनधिडानं अविक्कणञ्च अकिरिया, इध अपच्चुट्टरणं, अयं विसेसोति।

उदोसितसिक्खापदवण्णना निट्ठिता।

३. अकालचीवरसिक्खापदवण्णना

ततिये निट्ठितचीवरस्मिं भिक्खुनाति सामिवसेनेव करणत्थो वेदितब्बो। **अकालचीवरं** नाम ख्यायं “अनत्थते कथिने वस्सानस्स पच्छिमो मासो, अत्थते कथिने पच्चमासो”न्ति (पारा० ६४९) चीवरकालो वुत्तो, तं ठपेत्त्वा अञ्जदा उपपन्नं, यच्च कालेपि सङ्गस्स वा “इदं अकालचीवर”न्ति, पुगलस्स वा “इदं तुक्कं दम्मी”न्ति आदिना नयेन दिन्नं, एतं अकालचीवरं नाम। **उपज्जेय्याति** एवरूपं चीवरं अत्तनो भागपटिलाभवसेन सङ्गतो वा सुत्तन्तिकादिगणतो वा जातितो वा मित्ततो वा पंसुकूलं वा अत्तनो वा धनेन (पारा० ५००), अथ वा पन “अट्ठिमा, भिक्खवे, मातिका चीवरस्स उप्पादाय सीमाय देति, कतिकाय देति, भिक्खापञ्जतिकाय देति, सङ्गस्स देति, उभतोसङ्गस्स देति, वस्संवुट्टसङ्गस्स देति, आदिस्स देति, पुगलस्स देती”न्ति (महाव० ३७९) इमासं अट्ठनं मातिकां अञ्जतरतो उपज्जेय्य। एत्थ च “सीमाय दम्मी”न्ति एवं सीमं परामसित्वा देन्तो **सीमाय देति** नाम, एस नयो सब्बत्थ। एत्थ च **सीमाति** खण्डसीमा उपचारसीमा समानसंवाससीमा अविपववाससीमा लाभसीमा गामसीमा निगमसीमा नगरसीमा अब्भन्तरसीमा उदकुक्खेपसीमा जनपदसीमा रट्टसीमा रज्जसीमा दीपसीमा चक्कवाळसीमाति पन्नरसविधा। तत्थ **उपचारसीमा** नाम परिकिञ्चत्तस्स विहारस्स परिक्वेपेन, अपरिक्खितस्स परिक्वेपारहट्टानेन परिकिञ्चना। अपि च भिक्खुनं धुवसन्निपातट्टानतो वा परियन्ते ठितभोजनसालतो वा निबट्टवसनकआवासतो वा थाममज्झिमस्स पुरिसस्स द्विन्नं लेट्टुपातानं अन्तो “उपचारसीमा”न्ति वेदितब्बा। सा पन आवासे वट्ठन्ते वट्ठति, हायन्ते हायति, योजनसतमि उपचारसीमाय होति। तत्थ दिन्नलाभो सब्बसं अन्तोसीमगतानं पापुणाति, भिक्खुनीं आरामपवेसनसेनासनापुच्छानि परिवासमानतारोचनं वस्सच्छेदनस्सयसेनासनागगाहादिविधानन्ति इदमि सब्बं इमिस्साव सीमाय वसेन वेदितब्बं। **लाभसीमाति** यं राजराजमहामत्तादयो विहारं कारापेत्त्वा गावुतं वा अट्ठयोजनं वा योजनं वा समन्ता परिकिञ्चिन्त्वा “अयं अम्हाकं विहारस्स लाभसीमा, यं एत्थन्ते उपज्जति, तं सब्बं अम्हाकं विहारस्स देमा”न्ति ठपेन्ति, अयं लाभसीमा नाम। कासिकोसलादीनं पन रट्टानं अन्तो बहू जनपदा होन्ति, तत्थ एको जनपदपरिच्छेदो **जनपदसीमा**, कासिकोसलादिरट्टपरिच्छेदो **रट्टसीमा**, एकस्स रज्जो आणापवत्तिट्टानं **रज्जसीमा**, समुद्घन्तेन परिकिञ्चो महादीपो वा अन्तरदीपो वा **दीपसीमा**, एकचक्कवाळपब्बतपरिक्वेपम्भन्तरं **चक्कवाळसीमा**, सेसा निदानकथायं वुत्तनया एव। तत्थ “खण्डसीमाय देमा”न्ति दिन्नं खण्डसीमट्टानयेव पापुणाति, ततो बहिसीमाय सीमन्तरिकट्टानमि न पापुणाति। “उपचारसीमाय देमा”न्ति दिन्नं पन अन्तोपरिच्छेदे खण्डसीमासीमन्तरिकासु ठितानमि पापुणाति, समानसंवाससीमाय दिन्नं खण्डसीमासीमन्तरिकट्टानं न पापुणाति, अविपववाससीमालाभसीमासु दिन्नं तासं अन्तोगधानयेव पापुणाति, गामसीमादीसु दिन्नं तासं सीमानं अब्भन्ते बट्टसीमट्टानमि पापुणाति, अब्भन्तरसीमाउदकुक्खेपसीमासु दिन्नं तत्थ अन्तोगधानयेव पापुणाति, जनपदसीमादीसु दिन्नमि तासं अब्भन्ते बट्टसीमट्टानमि पापुणाति, तस्मा यं जम्बुदीपे ठत्त्वा “तम्बपणिदीपे सङ्गस्स देमा”न्ति दीयति, तं तम्बपणिदीपतो एकोपि गन्त्वा सब्बसं सङ्गहिण्तुं लभति। सचेपि तथैव एको सभागो भिक्खु सभागानं भागं गण्हाति, न वारेतब्बो। यो पन विहारं पविसित्वा “असुकसीमाया”न्ति अवत्त्वा केवलं “सीमाय दम्मी”न्ति वदति, सो पुच्छितब्बो “सीमा नाम बहुविधा, कतरं सन्धाय वदसी”न्ति, सचे वदति “अहमेतं भेदं न जानामि, सीमट्टकसङ्को गण्हातु”न्ति, उपचारसीमट्टेहि भाजेतब्बं।

कतिकायाति एत्थ कतिका नाम समानलाभकतिका। सा पन एवं कातब्बा, एकस्मिं विहारे सन्निपतितेहि भिक्खुहि यं विहारं सङ्गहिण्टुकामा समानलाभं कातुं इच्छन्ति, तस्स नामं गहेत्त्वा “असुको नाम विहारो पोराणको अप्पलाभो”न्ति यं किञ्चि कारणं वत्त्वा “तं विहारं इमिना विहारेन सट्ठि एकलाभं कातुं सङ्गस्स रुच्चती”न्ति तिकखत्तुं सावेतब्बं, एतावता तस्मिं विहारे निसिन्नोपि इध निसिन्नोव होति, तस्मिं विहारेपि एवमेव कातब्बं, एतावता इध निसिन्नोपि तस्मिं निसिन्नोव होति। एकस्मिं विहारे लाभे भाजियमाने इतरस्मिं ठितस्स भागं गहेतुं वट्ठति।

भिक्खापञ्जतियाति एत्थ भिक्खापञ्जति नाम दायकस्स परिच्चागपञ्जतिट्टानं, तस्मा “यत्थ मक्खं धुवकारा करीयन्ति, तत्थ दम्मी”न्ति वा “तत्थ देथा”न्ति वा वुत्ते यत्थ तस्स पाकवत्तं वा वत्तति,

यतो वा भिक्खू निच्चं भोजेति, यत्थ वा तेन किञ्चि सेनासनं कत्तं, सब्बत्थ दिन्नमेव होति। सचे पन एकस्मिं धुवकारड्डाने थोकतरा भिक्खू होन्ति, एकमेव वा वत्थं होति, मातिकं आरोपेत्वा यथा सो वदति, तथा गहेतब्बं।

सङ्खस्स देतीति एत्थ विहारं पविसित्वा “सङ्खस्स दम्मी”ति दिन्नं उपचारसीमागतानञ्च ततो बहिःछापी तेहि सङ्खि एकाबद्धानञ्च पापुणाति, तस्मा तेसं गाहके सति असम्पत्तानम्पि भागो दातब्बो। यं पन बहि उपचारसीमायं भिक्खू दिस्वा “सङ्खस्सा”ति दीयति, तं एकाबद्दपरिसायं पापुणाति। ये पन द्वादसहि हत्थेहि परिसं असम्पत्ता, तेसं न पापुणाति।

उभतोसङ्खस्साति एत्थ पन यं उभतोसङ्खस्स दिन्नं, ततो उपड्डं भिक्खून्, उपड्डं भिक्खुनीन् दातब्बं। सचेपि एको भिक्खू होति, एका वा भिक्खुनी, अन्तमसो अनुपसम्पन्नस्सापि उपड्डमेव दातब्बं। “उभतोसङ्खस्स च तुहज्जा”ति वुत्ते पन सचे दस भिक्खू च दस भिक्खुनियो च होन्ति, एकवीसति पटिवीसे कत्वा एको पुगलस्स दातब्बो, दस भिक्खुसङ्खस्स, दस भिक्खुनिसङ्खस्स च, येन पुगलिको लद्धो, सो सङ्गतोपि अत्तनो वस्सग्गेन गहेतुं लभति, कस्मा? उभतोसङ्खग्गणेन गहितत्ता, “उभतोसङ्खस्स च चेतियस्स चा”ति वुत्तेपि एसेव नयो। इध पन चेतियस्स सङ्गतो पापुणकोट्टासो नाम नत्थि, एकपुगलस्स पत्तकोट्टाससमो एको कोट्टासो होति। “भिक्खुसङ्खस्स च भिक्खुनीनञ्चा”ति वुत्ते पन न मज्झे भिन्दित्वा दातब्बं, भिक्खू च भिक्खुनियो च गणेत्वा दातब्बं। “भिक्खुसङ्खस्स च भिक्खुनीनञ्च तुहज्जा”ति वुत्ते पुगलो विसुं न लभति, पापुणकोट्टासतो एकमेव लभति। “चेतियस्स चा”ति वुत्ते पन चेतियस्स एको पुगलपटिवीसो लभति। “भिक्खून्ञ्च भिक्खुनीनञ्चा”ति वुत्तेपि न मज्झे भिन्दित्वा दातब्बं, पुगलगणनाय एव विभजितब्बं, तेहि सङ्खि पुगलचेतियपरामसनं अनन्तरनयसदिसमेव, यथा च भिक्खुसङ्खं आदिं कत्वा नयो नीतो, एवं भिक्खुनिसङ्खं आदिं कत्वापि नेतब्बो। “भिक्खुसङ्खस्स च तुहज्जा”ति वुत्तेपि पुगलस्स विसुं न लभति, चेतियस्स पन लभति। “भिक्खून्ञ्च तुहज्जा”ति वुत्तेपि विसुं न लभति, चेतियस्स पन लभतियेव।

वस्संवुड्डसङ्खस्साति एत्थ सचे विहारं पविसित्वा “वस्संवुड्डसङ्खस्स दम्मी”ति वदति, ये तत्थ वस्सच्छेदं अकत्वा पुरिमवस्संवुड्डा, तेसं बहि सीमद्धानम्पि पापुणाति, न अज्जेसं। सचे पन बहिउपचारसीमायं ठितो “वस्संवुड्डसङ्खस्सा”ति वदति, यत्थकत्थचि वुड्डवस्सानं सब्बेसं सम्पत्तानं पापुणाति। अथ “असुकविहारे वस्संवुड्डस्सा”ति वदति, तत्थ वस्संवुड्डानयेव याव कथिनस्सुब्भारा पापुणाति। गिम्हानं पठमदिवसतो पट्टाय एवं वदति, तत्र सम्मुखीभूतानं सब्बेसं पापुणाति, न अज्जेसं।

आदिसस्स देतीति आदिसित्वा परिच्छिन्दित्वा देति, कथं? भिक्खू अज्जतनाय वा स्वातनाय वा यागुया निमन्तेत्वा ते घरे यागुं पायेत्वा “इमानि चीवरानि येहि मयं यागुं पीता, तेसं दम्मी”ति वदति, येहि निमन्तितेहि यागुं पीता, तेसयेव पापुणाति, भत्तखज्जकादीहि निमन्तितेसुपि एसेव नयो।

पुगलस्स देतीति “इदं चीवरं इत्थन्नामस्स दम्मी”ति एवं परम्मुखा वा, पादमूले ठपेत्वा “इदं तुम्हाक”न्ति एवं सम्मुखा वा देतीति अयमेत्थ सङ्खेपकथा, वित्थारो पन समन्तपासादिकायं वुत्तो। इति इमासं अड्डन्तं मातिकापदानं वसेन यं अकालचीवरलक्खणेन पटिलद्धं, तं सन्धाय “अकालचीवरं उपज्जेय्या”ति वुत्तं।

आकङ्खमानेनाति इच्छमानेन। **खिप्पमेव कारेतब्बन्ति** सोधं अन्तोदसाहेयेव कारेतब्बं। **नो चस्स पारिपूरीति** नो चे पारिपूरी भवेय्य, यत्तकेन करियमानं अधिष्ठानचीवरं पहाति, तं चीवरं तत्तकं न भवेय्य, ऊनकं भवेय्याति अत्थो। **सतिया पच्चासायाति** “असुकदिवसं नाम सङ्घो चीवरानि लभिस्सति, ततो मे चीवरं उपज्जिस्सती”ति इमिना नयेन सङ्गणजातिमित्तेसु वा अज्जतरड्डानतो, “पंसुकूलं वा लच्छामी”ति, “इमिना वा कप्पियभण्डेन चीवरं गण्हिस्सामी”ति एवं विज्जमानाय चीवरासाय। **ततो चे उत्तरीति** मासपरमतो चे उत्तरि निक्खिपेय्य, निस्सगियन्ति अत्थो। यदि पनस्स मूलचीवरं सण्हं होति, पच्चासाचीवरं थूलं होति, न सक्का योजेतुं, रत्तियो च सेसा होन्ति, न ताव मासो पूरति, न अकामा चीवरं कारेतब्बं, अज्जं पच्चासाचीवरं लभित्वा एव कालब्भन्तरे कारेतब्बं। सचे न लभति, पच्चासाचीवरम्पि परिकखारचोळं अधिष्ठितम्। अथ मूलचीवरं थूलं होति, पच्चासाचीवरं सण्हं, मूलचीवरं परिकखारचोळं अधिष्ठितम्। पच्चासाचीवरमेव मूलचीवरं कत्वा ठपेतब्बं, तं पुन मासपरिहारं लभति, एतेनुपायेन याव न लच्छति, ताव अज्जं मूलचीवरं कत्वा ठपेतुं लभति। इमस्स “इदं मे, भन्ते, अकालचीवरं मासातिक्कन्तं निस्सगिय”न्ति (पारा० ५००) इमिना नयेन निस्सज्जनविधानं वेदितब्बं।

सावत्थियं सम्बहुले भिक्खू आरब्ध अकालचीवरं पटिगहेत्वा मासं अतिक्कमनवत्थुस्मिं

पज्जत्तं, साधारणपज्जत्ति, अनाणत्तिकं, इतो परं सब्बं पठमकथिने वुत्तसदिसमेव। केवलज्हि तत्थ दसाहातिक्कमो, इध मासातिक्कमोति अयं विसेसो। सेसं तादिसमेवाति।

अकालचीवरसिक्खापदवण्णना निड्डिता।

४. पुराणचीवरसिक्खापदवण्णना

चतुत्थे **अज्जातिकायाति** न जातिकाय, मातितो वा पितितो वा याव सत्तमं युगं, ताव केनचि आकारेन असम्बद्धायाति अत्थो। **भिक्खुनियाति** साकियानियो विय सुद्धभिक्खुसङ्घे वा उभतोसङ्घे वा उपसम्पन्न्याय। **पुराणचीवरन्ति** रजित्वा कणं कत्वा एकवारम्पि निवत्थं वा पारुत्तं वा, यं अन्तमसो परिभागसीसेन अंसे वा मत्थके वा कत्वा मगं गतो होति, उत्सीसकं वा कत्वा निपन्नो, एतम्पि पुराणचीवरमेव। **धोवापेय्य वाति** सचे “धोवा”तिवाचाय वदति, कायविकारं वा करोति, हत्थेन वा हत्थे देति, पादमूले वा ठपेति, अन्तोद्वादसहत्थे ओकासे ठत्वा उपरि वा खिपति, अज्जस्स वा हत्थे पेसेति, ताव धोतं, धोवापितमेव होति, रजापनाकोटापनेसुपि एसेव नयो। सिक्खमानाय वा सामणेरिया वा उपासिकाय वा हत्थे धोवनत्थाय देति, सा सचे उपसम्पज्जित्वा धोवति, एवम्पि निस्सगियं पाचित्तियं। उपासकस्स वा सामणेरस्स वा हत्थे दिन्नं होति, सो चे लिङ्गे परिवत्ते उपसम्पज्जित्वा धोवति, दहरस्स भिक्खुस्स वा दिन्नं होति, सोपि लिङ्गे परिवत्ते धोवति, निस्सगियं पाचित्तियमेव, रजापनाकोटापनेसुपि एसेव नयो। “इदं मे, भन्ते, पुराणचीवरं अज्जातिकाय भिक्खुनिया धोवापितं निस्सगिय”न्ति (पारा० ५०५) इमिना पनेत्थ नयेन निस्सज्जनविधानं वेदितब्बं।

सावत्थियं उदायित्थेरं आरब्ध पुराणचीवरधोवापनवत्थुस्मिं पज्जत्तं, असाधारणपज्जत्ति, साणत्तिकं “धोवा”तिआदिकाय आणत्तिया, एवं आणत्ताय च भिक्खुनिया उद्धनसज्जनादीसु सब्बपयोगेसु भिक्खुनो दुक्कटं। धोवित्वा उक्खित्तमत्तं पन रत्तमत्तं आकोटितमत्तञ्च निस्सगियं होति, धोवनादीनि तीणिपि द्वे वा कारापेन्तस्स एकेन वत्थुना निस्सगियं, इतरहि दुक्कटं। सचे पन “धोवा”ति वुत्ता सब्बानिपि करोति, धोवनपच्चयाव आपति। “इमस्मिं चीवरे यं कत्तब्बं, तं करोही”ति वदतो पन एकवाचाय पाचित्तियेन सङ्खि द्वे दुक्कटानि, भिक्खुनिसङ्घवसेन एकतोउपसम्पन्न्याय धोवापेन्तस्स अनिस्सज्जित्वा परिभुज्जन्तस्स, अज्जस्स वा सन्तकं निसीदनपच्चत्थरणं वा धोवापेन्तस्स, जातिकाय अज्जातिकसज्जिनो चेव, वेमतिकस्स च दुक्कटं, अज्जातिकाय जातिकसज्जिनोपि वेमतिकस्सापि निस्सगियं पाचित्तियमेव। इतो परं पन एवरूपेसु ठानेसु “तिकपाचित्तिय”न्ति वक्खाम, सचे जातिकाय सहाया अज्जातिका “धोवा”ति अवुत्ता वा धोवति, अपरिभुत्तं वा अज्जं वा परिकखारं धोवति, सिक्खमानसामणेरियो वा धोवन्ति, अनापत्ति, उम्मतकादीनं अनापत्तियेव। पुराणचीवरता, उपचारे ठत्वा अज्जातिकाय भिक्खुनिया आणापनं, तस्सा धोवनादीनि चाति इमानेत्य तीणि अङ्गानि। सञ्चारित्तसमुद्धानं, किरियं, नोसज्जाविमोक्खं, अचित्तकं, पण्णत्तिवज्जं, कायकम्मं, वचीकम्मं, तिचित्तं, तिवेदनन्ति।

पुराणचीवरसिक्खापदवण्णना निड्डिता।

५. चीवरपटिगहणसिक्खापदवण्णना

पञ्चमे **अज्जातिकायाति** इदं वुत्तनयमेव, तस्मा इतो परं कत्थचि न विचारयिस्साम। **चीवरन्ति** छन्तं अज्जतरं विकप्पनुपगं, एस नयो सब्बेसु चीवरपटिसंयुत्तसिक्खापदेसु। यत्थ पन विसेसो भविस्सति, तत्थ वक्खाम। **पटिगण्हेय्याति** एत्थ हत्थेन वा हत्थे देतु, पादमूले वा ठपेतु, धम्मकथं कथेन्तस्स वत्थेसु खिपियमानेसु उपचारं मुञ्चित्वापि उपरि वा खिपतु, सचे सादियति, पटिगहितमेव होति। यस्स कस्सचि पन अनुपसम्पन्नस्स हत्थे पेसितं गण्हितुं वट्टति, “पंसुकूलं गण्हिस्सती”ति सङ्खारकूटादीसु ठपितम्पि पंसुकूलं अधिष्ठित्वा गहेतुं वट्टतियेव। **अज्जत्र पारिवत्तकाति** यं “अन्तमसो हरीटकखण्डम्पि दत्त्वा वा दस्सामी”ति आभोगं कत्वा वा पारिवत्तकं गणाति, तं ठपेत्वा अज्जं अन्तमसो विकप्पनुपगं पटपरिस्सावनम्पि गण्हन्तस्स निस्सगियं होति। तत्र “इदं मे, भन्ते, चीवरं

अज्जातिकाय भिक्खुनिया हत्थतो पटिग्गहितं अज्जत्र पारिवत्तका निस्सगियं”न्ति (पारा० ५१२) इमिना नयेन निस्सज्जनविधानं वेदितव्वं ।

राजगहे उदायित्थेरं आरब्ध चीवरपटिग्गहणवत्थुस्मिं पज्जत्तं, “अज्जत्र पारिवत्तका”ति अयमेत्थ अनुपज्जति, असाधारणपज्जति, अनाणत्तिकं, गहणत्थाय हत्थप्पसारणादिप्पयोगे दुक्कटं, पटिलाभेन निस्सगियं होति, निस्सज्जितव्वं, तिकपाचित्तियं, एकतोउपसम्पन्नाय जातिकाय च अज्जातिकसज्जिस्स वेमतिकस्स वा दुक्कटं । विस्सासग्गाहे, तावकालिके, पत्तत्थविकादिम्हि च अनधिद्वातब्बपरिक्खारे, सिक्खमानसामणरीनं हत्थतो गहणे, उम्मतकादीनञ्च अनापत्ति । विकप्पनुपगचीवरता, पारिवत्तकाभावो, अज्जातिकाय हत्थतो गहणन्ति इमानेत्य तीणि अङ्गानि । सञ्चारित्तसमुद्धानं, किरियाकिरियं, सेसं चतुत्थसदिसानेवाति ।

चीवरपटिग्गहणसिक्खापदवण्णना निड्डिता ।

६. अज्जातकविज्जतिसिक्खापदवण्णना

छट्ठे गहपतिन्ति भिक्खूसु अपब्बजितमनुस्सं । गहपतानिन्ति भिक्खुनीसु अपब्बजितित्थिं, एस नयो सब्बेसु गहपतिपटिसंयुत्तेसु सिक्खापदेसु । विज्जापेय्याति याचेय्य वा याचापेय्य वा । अज्जत्र समयाति यो अच्छिन्नचीवरो वा होति नड्डुचीवरो वा, तस्स तं समयं ठपेत्वा अज्जस्मिं विज्जापनप्पयोगे दुक्कटं, पटिलाभेन निस्सगियं होति । तत्थ “इदं मे, भन्ते, चीवरं अज्जातकं गहपतिकं अज्जत्र समया विज्जापितं निस्सगियं”न्ति (पारा० ५२४) इमिना नयेन निस्सज्जनविधानं वेदितव्वं ।

सावत्थियं उपनन्दं आरब्ध चीवरविज्जापनवत्थुस्मिं पज्जत्तं । “अज्जत्र समया”ति अयमेत्थ अनुपज्जति, साधारणपज्जति, अनाणत्तिकं, तिकपाचित्तियं, जातके अज्जातकसज्जिनो वेमतिकस्स च दुक्कटं । समये वा जातकप्पवारिते वा विज्जापेन्तस्स, अज्जस्स वा जातकप्पवारिते तस्सेवत्थाय विज्जापेन्तस्स, अत्तनो धनेन गण्हन्तस्स, उम्मतकादीनञ्च अनापत्ति । विकप्पनुपगचीवरता, समयाभावो, अज्जातकविज्जति, ताय च पटिलाभोति इमानेत्य चत्तारि अङ्गानि । समुद्धानादीनि चतुत्थसदिसानेवाति ।

अज्जातकविज्जतिसिक्खापदवण्णना निड्डिता ।

७. ततुत्तरिसिक्खापदवण्णना

सत्तमे तज्जेति तं अच्छिन्नचीवरं वा नड्डुचीवरं वा । अभिहट्ठन्ति अभीति उपसग्गो, हरितुन्ति अत्थो, गण्हितुन्ति वुत्तं होति । पवारेय्याति इच्छापेय्य, इच्छं रुचिं उप्पादेय्य, “यावत्तकं इच्छसि, तावत्तकं गण्हाही”ति एवं निमन्तेय्याति अत्थो, यथा वा “नेक्खम्मं दड्डु खेमतो”ति (सु० नि० ४२६, ११०४; चूळनि० जतुकण्णीमाणवपुच्छानिद्देस ६७) एत्थ दिस्वाति अत्थो, एवमिधापि “अभिहट्ठं पवारेय्या”ति उपनेत्वा पुरतो ठपेत्तो कायेन वा, “अम्हाकं दुस्सकोडुगारतो यत्तकं इच्छथ, तत्तकं गण्हाथा”ति वदन्तो वाचाय वा अभिहरित्वा निमन्तेय्याति अत्थो । सन्तरुत्तरपरमन्ति सअन्तरं उत्तरं परमं अस्स चीवरस्साति सन्तरुत्तरपरमं, निवासनेन सड्ढि पारुपनं उक्कट्टुपरिच्छेदो अस्साति वुत्तं होति । ततो चीवरं सादितव्वन्ति ततो अभिहट्ठचीवरतो एत्तकं चीवरं गहेतव्वं, न ततो परं ।

तत्रायं विनिच्छयो — यस्स अधिद्धितचीवरस्स तीणि नड्डानि, तेन द्वे सादितव्वानि, एकं निवासेत्वा एकं पारुपित्वा अज्जं सभागड्डानतो परियेसितव्वं । यस्स द्वे नड्डानि, तेन एकं सादितव्वं । सचे पन पकतियाव सन्तरुत्तरेन चरति, द्वे सादितव्वानि, एवं एकं सादियन्तेनेव समो भविससति । यस्स तीसु एकं नड्डं, किञ्चि न सादितव्वं । यस्स पन द्वीसु एकं नड्डं, एकं सादितव्वं । यस्स एकंयेव होति, तज्ज नड्डं, द्वे सादितव्वानि । भिक्खुनिया पन पच्चसु नड्डेसु द्वे सादितव्वानि, चतुसु नड्डेसु एकं सादितव्वं, तीसु नड्डेसु न किञ्चि सादितव्वं, को पन वादो द्वीसु वा एकस्मिं वा । येन केनचि हि सन्तरुत्तरपरमताय ठातव्वं, ततो उत्तरि विज्जापनप्पयोगे दुक्कटं, पटिलाभेन निस्सगियं होति । तत्थ “इदं मे, भन्ते, चीवरं अज्जातकं गहपतिकं ततुत्तरि विज्जापितं निस्सगियं”न्ति (पारा० ५२४) इमिना नयेन निस्सज्जनविधानं वेदितव्वं ।

सावत्थियं छब्बगिये भिक्खू आरब्ध बहुचीवरविज्जापनवत्थुस्मिं पज्जत्तं, साधारणपज्जति, अनाणत्तिकं, तिकपाचित्तियं, जातके अज्जातकसज्जिनो वेमतिकस्स वा दुक्कटं । द्वे चीवरानि कत्वा “सेसकं आहरिस्सामी”ति वत्त्वा गण्हन्तस्स, “सेसकं तुहंयेव होतु”ति वुत्तस्स, न अच्छिन्ननड्डकारणा दिन्नं गण्हन्तस्स, वुत्तनयेन जातकप्पवारिते विज्जापेन्तस्स, अत्तनो धनेन गण्हन्तस्स, उम्मतकादीनञ्च अनापत्ति । ततुत्तरिता, अच्छिन्नादिकारणता, अज्जातकविज्जति, ताय च पटिलाभोति इमानेत्य चत्तारि अङ्गानि । समुद्धानादीनि चतुत्थसदिसानेवाति ।

ततुत्तरिसिक्खापदवण्णना निड्डिता ।

८. उपक्खट्टसिक्खापदवण्णना

अट्ठमे भिक्खुं पनेव उद्दिस्साति “इत्थन्नामस्स भिक्खुनो दस्सामी”ति एवं अपदिसित्वा । चीवरचेतापन्नन्ति हिरज्जादिकं चीवरमूलं । उपक्खट्टं होतीति सज्जितं होति, संहरित्वा ठपितं । चेतापेत्वाति परिवत्तेत्वा, कारेत्वा वा किणित्वा वाति अत्थो । चीवरेन अज्जादेस्सामीति वोहारवचनमेतं, इत्थन्नामस्स भिक्खुनो दस्सामीति अयं पनेत्थ अत्थो । तत्र चे सोति यत्र सो गहपति वा गहपतानी वा, तत्र सो भिक्खु पुब्बे अप्पवारितो उपसङ्कमित्वा चीवरे विकप्पं आपज्जेय्य चेति अयमेत्थ पदसम्बन्धो । विकप्पं आपज्जेय्याति विसिड्डकप्पं अधिकविधानं आपज्जेय्य । यथा पन तमापज्जति, तं दस्सेतुं साधु वताति आदिमाह । तत्थ साधूति आयाचने निपातो । वताति परिवित्तके । मन्ति अत्तानं निड्डिसि । आयस्माति परं आलपति । एवरूपं वा एवरूपं वाति आयतादीसु अज्जतरं । कल्याणकम्पतं उपादायाति सुन्दरकामतं विसिड्डकामतं चित्तेन गहेत्वा, तस्स “आपज्जेय्य चे”ति इमिना सम्बन्धो, सचे पन एवरूपं आपज्जन्तस्स तस्स वचनेन यो पठमं अधिप्पेततो मूलं वड्डेत्वा सुन्दरतरं चेतापेति, तस्स पयोगे भिक्खुनो दुक्कटं, पटिलाभेन निस्सगियं होति । तत्थ “इदं मे, भन्ते, चीवरं पुब्बे अप्पवारितं अज्जातकं गहपतिकं उपसङ्कमित्वा विकप्पं आपन्नं निस्सगियं”न्ति (पारा० ५२९) इमिना नयेन निस्सज्जनविधानं वेदितव्वं ।

सावत्थियं उपनन्दं आरब्ध चीवरे विकप्पं आपज्जनवत्थुस्मिं पज्जत्तं, साधारणपज्जति, अनाणत्तिकं, तिकपाचित्तियं, जातके अज्जातकसज्जिनो वेमतिकस्स वा दुक्कटं । महग्घं चेतापेतुकामं अप्पग्घं वा, एतेनेव मूलेन “अज्जं एवरूपं वा देही”ति वदन्तस्स, वुत्तनयेन जातकप्पवारिते विज्जापेन्तस्स, अत्तनो धनेन गण्हन्तस्स, उम्मतकादीनञ्च अनापत्ति । चीवरे भिय्योकम्पता, अज्जातकविज्जति, ताय च पटिलाभोति इमानेत्य तीणि अङ्गानि । समुद्धानादीनि चतुत्थसदिसानेवाति ।

उपक्खट्टसिक्खापदवण्णना निड्डिता ।

९. दुतियउपक्खट्टसिक्खापदवण्णना

नवमे इमिनाव नयेन अत्थो वेदितव्वो । इदज्झि पुरिमस्स अनुपज्जत्तिसदिसं, केवलं तत्थ एकस्स पीळा कता, इध द्विन्नं, अयमेत्थ विसेसो, सेसं सब्बं पुरिमसदिसमेव । यथा च द्विन्नं, एवं बहून् पीळं कत्वा गण्हेतोपि आपत्ति वेदितव्वी । निस्सज्जनविधाने च “इदं मे, भन्ते, चीवरं पुब्बे अप्पवारिते अज्जातके गहपतिके उपसङ्कमित्वा विकप्पं आपन्नं निस्सगियं”न्ति (पारा० ५३४) इमिना नयेन वचनभेदो जातव्वोति ।

दुतियउपक्खट्टसिक्खापदवण्णना निड्डिता ।

१०. राजसिक्खापदवण्णना

दसमे **राजभोगो**ति राजतो भोगं भुज्जितब्बं अस्स अत्थीति राजभोगो, “राजभोगो”तिपि पाठो, राजतो भोगो अस्स अत्थीति अत्थो। **चीवरचेतापन्न**न्ति हिरज्जादिकं अकप्पियं। **पहिणेय्या**ति पेसेय्य। **इमिना**तिआदि आगमनसुद्धिं दस्सेतुं वुत्तं। सचे हि “इदं इत्थन्नामस्स भिक्खुनो देही”ति पेसेय्य, आगमनस्स असुद्धता अकप्पियवत्थुं आरब्ध भिक्खुना कप्पियकारकोपि निहिंसितब्बो न भवेय्य। **आभतन्ति** आनीतं। **न खो मय**न्तिआदि इदं कप्पियवसेन आभतम्पि चीवरमूलं ईदिसेन दूतवचनेन अकप्पियं होति, तस्मा तं पटिक्खपितब्बन्ति दस्सेतुं वुत्तं। सुवण्णं रजतं कहापणो मासकोति इमानि हि चत्तारि निस्सग्गियवत्थूनि, मुत्ता मणि वेळुरियो सङ्गो सिला पवाळं लोहितङ्गो मसारगल्लं सत्त धज्जानि दासिदासखेत्तवत्थुपुप्फारामफलारामादयोति इमानि दुक्कटवत्थूनि च अत्तनो वा चेतियसङ्गणपुग्गलानं वा अत्थाय सम्पटिच्छित्तुं न वट्टन्ति, तस्मा तं सादित्तुं न वट्टतीति दस्सनत्थं “न खो मय”न्तिआदि वुत्तं।

चीवरज्य खो मयं पटिग्गणहामाति इदं पन अत्तानं उद्दिस्स आभतता वत्तुं वट्टति, तस्मा वुत्तं। **कालेना**ति युत्तपत्तकालेन, यदा नो अत्थो होति, तदा कप्पियं चीवरं पटिग्गणहामाति अत्थो। **वेय्यावच्चकरो**ति कप्पियकारको। **निहिंसितब्बो**तिइदं “अत्थि पनायस्मतो कोचि वेय्यावच्चकरो”ति कप्पियवचनेन वुत्तता अनुज्जातं। सचे पन दूतो “को इमं गणहाती”ति वा “कस्स देमो”ति वा वदति, न निहिंसितब्बो। **आरामिको वा उपासको वा**तिइदं सारुप्पताय वुत्तं, ठपेत्वा पन पञ्च सहधम्मिके यो कोचि कप्पियकारको वट्टति। **एसो खो, आवुसो**तिइदं भिक्खुस्स कप्पियवचनदस्सनत्थं वुत्तं, एवमेव हि वत्तब्बं, “एतस्स देही”तिआदि न वत्तब्बं। **सज्जतो सो मया**ति आणत्तो सो मया, यथा तुम्हाकं चीवरेन अत्थे सति चीवरं दस्सति, एवं वुत्तोति अत्थो। दूतेन हि एवं आरोचितेयेव तं चोदेतुं वट्टति, नेव तस्स हत्थे दत्त्वा गतमत्तकारणेन। सचे पन “अयं वेय्यावच्चकरो”ति सम्मुखा निहिट्ठो होति, दूतो च सम्मुखा एव तस्स हत्थे चेतापन्नं दत्त्वा “थेरस्स चीवरं किणित्त्वा देही”ति गच्छति, एवं “सज्जतो सो मया”ति अवुत्तेपि चोदेतुं वट्टति। सचे पन दूतो गच्छन्तोव “अहं तस्स हत्थे दस्सामि, तुम्हे चीवरं गणहेय्याथा”ति भिक्खुनो वत्त्वा वा गच्छति, अज्जं वा पेसेत्वा आरोचापेति, एवं सति इतरम्पि चोदेतुं वट्टतियेव। देसनामत्तमेव चेत्तं “दूतेना”ति। योपि अत्तना आहरित्वा एवं पटिपज्जति, तस्मिम्पि इदमेव लक्खणं। **अत्थो मे, आवुसो, चीवरेना**ति चोदनालक्खणनिदस्सनमेतं। सचे हि वाचाय चोदेति, इदं वा वचनं याय कायचि भासाय एतस्स अत्थो वा वत्तब्बो, “देहि मे, आहर मे”तिआदिना नयेन पन वत्तुं न वट्टति। **अभिनिष्फादेय्या**ति एवं वचीभेदं कत्त्वा तिकखत्तुं चोदयमानो पटिलाभवसेन साधेय्य। **इच्चेतं कुसलन्ति** एतं सुन्दरं।

छक्खत्तुपरमन्ति भावनपुंसकवचनमेतं। छक्खत्तुपरमज्झि तेन चीवरं उद्दिस्स तुण्हीभूतेन ठातब्बं, न निसीदितब्बं, न आमिसं पटिग्गहेतब्बं, न धम्मो भासितब्बो। “किंकारणा आगतोसी”ति वुत्ते पन “जानाहि, आवुसो”ति एतकमेव वत्तब्बं। सचे निसज्जादीनि करोति, ठानं भज्जति, आगतकारणं विनासेति, इदं कायेन चोदनाय लक्खणदस्सनत्थं वुत्तं। एत्थ च उक्कट्टपरिच्छेदेन तिस्सन्नं चोदनानं छन्नज्ज ठानानं अनुज्जातता चोदनाय दिग्गुणं ठानं अनुज्जातं होति, तस्मा सचे चोदेतियेव, न तिड्ढति, छ चोदनायो लब्धन्ति। सचे तिड्ढतियेव, न चोदेति, द्वादस ठानानि लब्धन्ति। सचे उभयं करोति, एकाय चोदनाय द्वे ठानानि हापेतब्बानि। तत्थ यो एकदिवसमेव पुनप्पुनं गन्त्वा छक्खत्तुं चोदेति, सकिंयेव वा गन्त्वा “अत्थो मे, आवुसो, चीवरेना”ति छक्खत्तुं वदति, तथा एकदिवसमेव पुनप्पुनं गन्त्वा द्वादसक्खत्तुं तिड्ढति, सकिंयेव वा गन्त्वा तत्र तत्र ठाने तिड्ढति, सोपि सब्बचोदनायो सब्बद्वानानि च भज्जति, को पन वादो नानादिवसेसु एवं करोन्तस्साति अयमेत्थ विनिच्छयो। ये पन कप्पियकारके दायको सयमेव गन्त्वा निसीदति ते सत्तक्खत्तुम्पि चोदेतुं वट्टति। यो पन उभोहि पि अनिहिट्ठो मुखवेवटिककप्पियकारको च परम्मुखकप्पियकारको च, सो न किञ्चि वत्तब्बो, एवं इध दसपि कप्पियकारका दस्सिता होन्ति।

ततो चे उत्तरीति वुत्तचोदनाठानपरिमाणतो उत्तरि। **निस्सग्गियन्ति** उत्तरि वायाममानस्स सब्बपयोगेसु दुक्कटं, पटिलाभेन निस्सग्गियं होति। एत्थ च “इदं मे, भन्ते, चीवरं अतिरेकतिकखत्तुं चोदनाय अतिरेकछक्खत्तुं ठानेन अभिनिष्फादितं निस्सग्गियं”न्ति (पारा० ५३९) इमिना नयेन निस्सज्जनविधानं वेदितब्बं। **यतस्स चीवरचेतापन्नं आभतन्ति** यतो राजतो वा राजभोगतो वा अस्स भिक्खुनो चीवरचेतापन्नं आनीतं, “यत्त्वस्सा”तिपि पाठो, अयमेव अत्थो। **तत्था**ति तस्स रज्जो वा राजभोगस्स वा सन्निकं, समीपत्थे हि इदं भुम्मवचनं। **न तं तस्स भिक्खुनो किञ्चि अत्थं अनुभोती**ति तं चेतापन्नं तस्स भिक्खुनो अप्पमत्तकम्पि कम्मं न निष्फादेति। **युज्जन्तायस्मन्तो सकन्ति** आयस्मन्तो अत्तनो सन्तकं धनं पापुणन्तु। **मा वो सक्कं विनस्सा**ति तुम्हाकं सन्तकं मा विनस्सतु। **अयं तत्थ सामीची**ति अयं तत्थ अनुधम्मता लोकुत्तरधम्मं अनुगता, वत्तधम्मताति अत्थो, तस्मा एवं अकरोन्तो वत्तभेदे दुक्कटं आपज्जति।

सावत्थियं उपनन्द आरब्ध “अज्जुण्हो, भन्ते, आगमेही”ति (पारा० ५३७) वुच्चमानो नागमेसि, तस्मिं वत्थुस्मिं पज्जत्तं, साधारणपज्जति, अनाणत्तिकं, तिकपाचित्तियं, ऊनकेसु चोदनाठानेसु अतिरेकसज्जिनो वेमतिकस्स वा दुक्कटं। अचोदनाय लद्धे, सामिकेहि चोदेत्वा दिन्ने, उम्मतकादीनञ्च अनापत्ति। कप्पियकारकस्स भिक्खुनो निहिट्ठभावो, दूतेन अप्पितता, ततुत्तरिवायामो, तेन वायामेन पटिलाभोति इमानेत्य चत्तारि अङ्गानि। समुद्धानादीनि चतुत्थसदिसानेवाति।

राजसिक्खापदवण्णना निड्डिता।

चीवरवग्गो पठमो।

२. एळकलोमवग्गो

१. कोसियसिक्खापदवण्णना

एळकलोमवग्गस्स पठमे **कोसियमिस्सकन्ति** एकेनापि कोसियंसुना अन्तमसो तस्स करणद्वाने वातवेगेन निपातितेनापि मिस्सीकतं। **सन्थतन्ति** समे भूमिभागे कोसियंसूनि उपरूपरि सन्थरित्वा कज्जियादीहि सिञ्चित्वा कत्तब्बतालक्खणं। **कारापेय्य निस्सग्गियन्ति** करणकारापनप्पयोगेसु दुक्कटं, पटिलाभेन निस्सग्गियं होति। एत्थ च “इदं मे, भन्ते, कोसियमिस्सकं सन्थतं कारापितं निस्सग्गियं”न्ति (पारा० ५४४) इमिना नयेन निस्सज्जनविधानं वेदितब्बं, इमस्सेव वचनस्स अनुसारेन इतो परं सब्बसन्थतं वेदितब्बं। सक्का हि एत्तावता जानितुन्ति न तं इतो परं दस्सयिस्साम।

आळवियं छब्बग्गिये आरब्ध कोसियमिस्सकं सन्थतं कारापनवत्थुस्मिं पज्जत्तं, असाधारणपज्जति, अत्तनो अत्थाय कारापनवसेन साणत्तिकं, अत्तना विष्पकतपयोसापननयेन चतुक्कपाचित्तियं, अज्जस्सत्थाय करणकारापनेसु अज्जेन कतं पटिलभित्वा परिभुज्जेन च दुक्कटं। वितानादिकरणे, उम्मतकादीनञ्च अनापत्ति। कोसियमिस्सकभावो, अत्तनो अत्थाय सन्थतस्स करणकारापनं, पटिलाभो चाति इमानेत्य तीणि अङ्गानि। समुद्धानादीनि धोवापनसिक्खापदे वुत्तनयेनेवाति।

कोसियसिक्खापदवण्णना निड्डिता।

२. सुद्धकाळकसिक्खापदवण्णना

दुतिये **सुद्धकाळकानन्ति** सुद्धानं काळकानं अज्जेहि अमिस्सीकतानं। वेसालियं छब्बग्गिये आरब्ध तादिसं सन्थतं करणवत्थुस्मिं पज्जत्तं, सेसं पठमसदिसमेवाति।

सुद्धकाळकसिक्खापदवण्णना निड्डिता।

३. द्वेभागसिक्खापदवण्णना

ततिये **द्वे भागा**ति द्वे कोट्टासा। **आदातब्बा**ति गहेतब्बा। **गोचरियानन्ति** कपिलवण्णानं। अयं पनेत्थ विनिच्छयो — यत्तकेहि कतुकामो होति, तेसु तुलयित्वा द्वे कोट्टासा काळकानं गहेतब्बा, एको ओदातानं, एको गोचरियानं। एकस्सापि काळकलोमस्स अतिरेकभावे निस्सग्गियं होति, ऊनकं वट्टति।

सावत्थियं छब्बग्गिये आरब्ध तादिसं सन्थतं करणवत्थुस्मिं पज्जत्तं, किरियाकिरियं, सेसं पठमसदिसमेवाति। इमानि पन तीणि निस्सज्जित्वा पटिलद्वानिपरि परिभुज्जितुं न वट्टन्ति।

द्वेभागसिक्खापदवण्णना निड्ढिता ।

४. छब्बस्ससिक्खापदवण्णना

चतुत्थे ओरेन चे छन्नं वस्सानन्ति छन्नं वस्सानं ओरिमभागे, अन्तोति अत्थो । अञ्जत्र भिक्खुसम्मतियाति यं सङ्खो गिलानस्स भिक्खुनो सन्थतसम्मतिं देति, तं ठपेत्वा अलङ्घसम्मतिकस्स छब्बस्सब्भन्तरे अञ्जं सन्थतं करोन्तस्स निस्सगियं होति ।

सावत्थियं सम्बहुले भिक्खू आरब्भ अनुवस्सं सन्थतं कारापनवत्थुस्मिं पञ्जत्तं, “अञ्जत्र भिक्खुसम्मतिया”ति अयमेत्थ अनुपञ्जति, सा येन लङ्का होति, तस्स याव रोगो न वूपसम्मति, वूपसन्तो वा पुन कुप्पति, ताव गतगतद्धाने अनुवस्समि कातुं वट्ठति, अञ्जस्सत्थाय कारेतुं, कतञ्च पटिलभित्वा परिभुञ्जितुमि वट्ठति, सेसं पठमसदिसमेवाति ।

छब्बस्ससिक्खापदवण्णना निड्ढिता ।

५. निसीदनसिक्खापदवण्णना

पञ्चमे पुराणसन्थतं नाम यत्थ सकिमि निसिन्नो वा होति निपन्नो वा । समन्ताति एकपस्सतो वट्ठं वा चतुरस्सं वा छिन्दित्वा गहितद्धानं यथा विदत्थिमत्तं होति, एवं गहेतब्बं । सन्थरन्तेन पन एकदेसे वा सन्थरितब्बं, विजटेत्वा वा मिस्सकं कत्वा सन्थरितब्बं, एवं थिरतरं होति । अनादा चेति सति पुराणसन्थते अग्गहेत्वा । असति पन अग्गहेत्वापि वट्ठति, अञ्जस्सत्थाय कारेतुं, कतञ्च पटिलभित्वा परिभुञ्जितुमि वट्ठति ।

सावत्थियं सम्बहुले भिक्खू आरब्भ सन्थतविस्सज्जनवत्थुस्मिं पञ्जत्तं, सेसं ततियसदिसमेवाति ।

निसीदनसिक्खापदवण्णना निड्ढिता ।

६. एळकलोमसिक्खापदवण्णना

छट्ठे अद्धानमगगपटिपन्नस्साति अद्धानसङ्कातं दीघमगं पटिपन्नस्स, सब्बज्वेतं वत्थुमत्तदीपनमेव, यत्थ कत्थचि पन धम्मेन लभित्वा गण्हतो दोसो नत्थि । तियोजनपरमन्ति गहितद्धानतो तियोजनपमाणं देसं । सहत्थाति सहत्थेन, अत्तना हरितब्बानीति अत्थो । असन्ते हारकेति असन्तेयेव अञ्जस्मिम्पि हारके । सचे पन अत्थि, तं गाहेतुं वट्ठति । अत्तना पन अन्तमसो वाताबाधपटिकारत्थं सुत्तकेन अबन्धित्वा कण्णच्छिद्रे पक्खित्तानिपि आदाय तियोजनं एकं पादं अतिक्रामेन्तस्स दुक्कटं, दुतियपादातिक्रमे निस्सगियं पाचित्तियं ।

सावत्थियं अञ्जतरं भिक्खू आरब्भ तियोजनातिक्रमनवत्थुस्मिं पञ्जत्तं, असाधारणपञ्जति, अनाणत्तिकं, तिकपाचित्तियं, ऊनकतियोजने अतिरेकसज्जिनो वेमतिकस्स वा दुक्कटं । तियोजनं हरणपच्चाहरणे, वासाधिप्पायेन गन्त्वा ततो परं हरणे, अच्छिन्नं वा निस्सट्ठं वा पटिलभित्वा हरणे, अञ्जं हरापने, अन्तमसो सुत्तकेनपि बद्धकतभण्डहरणे, उम्मत्तकादीनञ्च अनापत्ति । एळकलोमानं अकतभण्डता, पठमपटिलाभो, अत्तना आदाय वा अञ्जस्स अजानन्तस्स याने पक्खिपित्वा वा तियोजनातिक्रमनं, आहरणपच्चाहरणं, अवासाधिप्पायताति इमानेत्य पञ्च अङ्गानि । एळकलोमसमुद्धानं, किरियं, नोसञ्जाविमोक्खं, अचित्तकं, पण्णत्तिवज्जं, कायकम्मं, तिचित्तं, तिवेदनन्ति ।

एळकलोमसिक्खापदवण्णना निड्ढिता ।

७. एळकलोमधोवापनसिक्खापदवण्णना

सत्तमे सक्केसु छब्बगिये आरब्भ एळकलोमधोवापनवत्थुस्मिं पञ्जत्तं । तत्थ पुराणचीवरधोवापने वुत्तनयेनेव सब्बोपि विनिच्छयो वेदितब्बो ।

एळकलोमधोवापनसिक्खापदवण्णना निड्ढिता ।

८. जातरूपसिक्खापदवण्णना

अट्ठमे जातरूपरजतन्ति सुवण्णञ्चेव रूपियञ्च, अपिच कहापणो लोहमासकदारुमासकजतुमासकादयोपि ये वोहारं गच्छन्ति, सब्बे ते इध रजतन्त्वेव वुत्ता । उगगण्हेय्यं वाति अत्तनो अत्थाय दिव्यमानं वा यत्थकत्थचि ठितं वा निष्परिगहितं दिस्वा सयं गण्हेय्यं वा । उगगण्हापेय्यं वाति तदेव अञ्जेन गाहापेय्यं वा । उपनिक्खित्तं वा सादियेय्याति “इदं अयस्स होतू”ति एवं सम्मुखा वा, “असुकस्मिं नाम ठाने मम हिरञ्जसुवण्णं, तं तुक्कं होतू”ति एवं परम्मुखा ठितं वा केवलं वाचाय वा हत्थमुदाय वा “तुक्क”न्ति वत्ता परिचचत्तं यो कायवाचाहि अप्पटिक्खिपित्वा चित्तेन अधिवासेय्य, अयं “सादियेय्या”ति वुच्चति । सचे पन चित्तेन सादियति, गण्हितुकामो होति, कायेन वा वाचाय वा “नयिदं कप्पती”ति पटिक्खिपति, कायवाचाहि अप्पटिक्खिपित्वा सुद्धचित्तो हुत्वा “नयिदं अम्हाकं कप्पती”ति न सादियति, वट्ठति । निस्सगियन्ति उगगणादीसु यंकिञ्चि करोन्तस्स अधनबद्धेसु वत्थूसु वत्थुगणनाय निस्सगियं पाचित्तियं । तं निस्सज्जन्तेन “अहं, भन्ते, रूपियं पटिगहेसिं, इदं मे, भन्ते, निस्सगियं, इमाहं सङ्खस्स निस्सज्जामी”ति (पारा० ५८४) एवं सङ्खमज्जेयेव निस्सज्जितब्बं । सचे तत्थ कोचि गहट्ठो आगच्छति, “इदं जानाही”ति वत्तब्बो । “इमिना किं आहरिय्यतू”ति भणन्ते पन “इदं नामा”ति अवत्ता “सप्पिआदीनि भिक्खून् कप्पन्ती”ति एवं कप्पियं आचिक्खित्तब्बं । सचे सो आहरति, रूपियपटिगगाहकं ठपेत्वा सब्बेहि भाजेत्वा परिभुञ्जितब्बं । रूपियपटिगगाहकस्स पन यं तप्पच्चया उपन्नं, तं अञ्जेन लभित्वा दिव्यमानमि अन्तमसो ततो निब्बत्तरुक्खच्छयापि परिभुञ्जितुं न वट्ठति । सचे पन सो किञ्चि आहरितुं न इच्छति, “इमं छट्ठेही”ति वत्तब्बो । सचे यत्थ कत्थचि निक्खिपति, गहेत्वा वा गच्छति, न वारेतब्बो । नो चे छट्ठेति, पञ्चङ्गसमन्नागतो भिक्खु रूपियछट्ठको सम्मन्तिवत्तब्बो । तेन अनिमित्तं कत्वाव गूयं विय छट्ठेत्तब्बं । सचे निमित्तं करोति, दुक्कटं आपज्जति ।

राजगहे उपनन्दं आरब्भ रूपियपटिगगाहवत्थुस्मिं पञ्जत्तं, साधारणपञ्जति, साणत्तिकं, तिकपाचित्तियं, अरूपिये रूपियसज्जिनो वेमतिकस्स वा, सङ्खचेतियादीनं अत्थाय गण्हन्तस्स, मुत्तामणिआदिपटिगगाहणे च दुक्कटं । रतनसिक्खापदनयेन निक्खिपन्तस्स, उम्मत्तकादीनञ्च अनापत्ति । जातरूपरजतभावो, अत्तुद्देसिकता, गहणादीसु अञ्जतरभावोति इमानेत्य तीणि अङ्गानि । समुद्धानादीसु सिया किरियं गहणेन आपज्जनतो, सिया अकिरियं पटिक्खेपस्स अकरणतो, सेसं सञ्चरिते वुत्तनयेमेवाति ।

जातरूपसिक्खापदवण्णना निड्ढिता ।

९. रूपियसंवोहारसिक्खापदवण्णना

नवमे नानप्पकारकन्ति कतादिवसेन अनेकविधं । रूपियसंवोहारन्ति जातरूपरजतपरिवत्तनं । पुरिमसिक्खापदेन हि निस्सगियवत्थुदुक्कटवत्थून् पटिगगाहणं वारितं, इमिना परिवत्तनं । तस्मा दुक्कटवत्थुना दुक्कटवत्थुकप्पियवत्थूनि, कप्पियवत्थुना च दुक्कटवत्थुं परिवत्तेन्तस्स दुक्कटं । निस्सगियवत्थुना पन निस्सगियवत्थुं वा दुक्कटवत्थुं वा कप्पियवत्थुं वा, दुक्कटवत्थुकप्पियवत्थुहि च निस्सगियवत्थुं परिवत्तेन्तस्स निस्सगियं होति, तं पुरिमनयानुसारेनेव सङ्खमज्जे निस्सज्जितब्बं, निस्सट्ठवत्थुस्मिञ्च तत्थ वुत्तनयेनेव पटिपज्जितब्बं ।

सावत्थियं छब्बगिये आरब्भ रूपियसंवोहारवत्थुस्मिं पज्जत्तं, साधारणपज्जत्ति, अनाणत्तिकं, यं अत्तनो धनेन परिवर्तते, तस्स वा धनस्स वा रूपियभावो चेव, परिवर्तनञ्चाति इमानेत्य द्वे अङ्गानि । किरियं, सेसं अनन्तरसिक्खापदे वुत्तनयमेवाति ।

रूपियसंवोहारसिक्खापदवण्णना निड्डिता ।

१०. कयविककयसिक्खापदवण्णना

दसमे **नानप्पकारकन्ति** चीवरादीनं कप्पियभण्डानं वसेन अनेकविधं । **कयविककयन्ति** कयज्जेव विककयज्ज । “इमिना इमं देहि, इमं आहर, परिवर्त्तेहि, चेतापेही”ति इमिना हि नयेन परस्स कप्पियभण्डं गण्हन्तो कयं समापज्जति, अत्तनो कप्पियभण्डं देन्तो विककयं समापज्जति । तस्मा ठपेत्वा पज्ज सहधम्मिके यं एवं अत्तनो कप्पियभण्डं दत्त्वा मातु सन्तकम्पि कप्पियभण्डं गण्हति, तं निस्सगियं होति । वुत्तलक्खणवसेन सङ्खगणपुगगलेसु यस्स कस्सचि निस्सज्जितब्बं, “इमं भुज्जित्वा वा गहेत्वा वा इदं नाम आहर वा करोहि वा”ति रजनादिं आहारापेत्वा वा धमकरणादिपरिक्खारं भूमिसोधनादिज्ज नवकम्मं कारेत्वा वा सन्तं वत्थु निस्सज्जितब्बं, असन्ते पाचित्तियं देसेतब्बमेव ।

सावत्थियं उपनन्दं आरब्भ कयविककयवत्थुस्मिं पज्जत्तं, “इदं किं अघटी”ति एवं अघं पुच्छन्तस्स, यस्स हत्थतो भण्डं गण्हितुकामो होति, तं ठपेत्वा अज्जं अन्तमसो तस्सेव पुत्तभातुकम्पि कप्पियकारकं कत्वा “इमिना इदं नाम गहेत्वा देही”ति आचिकखन्तस्स, “इदं अम्हाकं अत्थि, अम्हाकज्ज इमिना च इमिना च अत्थो”ति एवं वत्त्वा अत्तनो धनेन लद्धं गण्हन्तस्स, सहधम्मिकेहि सद्धिं कयविककयं करोन्तस्स, उम्मतकादीनज्ज अनापत्ति । यं अत्तनो धनेन परिवर्तते, येन च परिवर्तते, तेसं कप्पियवत्थुता, असहधम्मिकता, कयविककयापज्जनञ्चाति इमानेत्य तीणि अङ्गानि । सेसं रूपियसंवोहारे वुत्तनयमेवाति ।

कयविककयसिक्खापदवण्णना निड्डिता ।

एळकलोमवग्गो दुत्तियो ।

३. पत्तवग्गो

१. पत्तसिक्खापदवण्णना

पत्तवग्गस्स पठमे **अतिरेकपत्तो**ति अर्थाद्धितो च अविकप्पितो च, सो च खो उक्कट्टमज्झिमोमकानं अज्जतरो पमाणयुत्तोव, तस्स पमाणं “अङ्गुल्लहकोदनं गण्हाती”ति आदिना (पारा ६०२) नयेन पाळियं वुत्तं । तत्रायं विनिच्छयो — अनुपहतपुराणसालितण्डुलानं सुकोट्टितपरिसुद्धानं द्वे मगधनाळियो गहेत्वा तेहि तण्डुलेहि अनुत्तण्डुलमकिलिन्मपिण्डिकं सुविस्सं कुन्दमकुळारासिसदिसं अवस्सावितोदनं पचित्वा निरवसेसं पत्ते पक्खिपित्वा तस्स ओदनस्स चतुत्थभागप्यमाणो नातिघनो नातिननुको हत्थहारियो सब्बसम्भारसङ्घतो मुग्गसूपो पक्खिपितब्बो, ततो आलोपस्स अनुरूपं यावचरिमालोप्यहोनेकं मच्छमंसादिब्यज्जनं पक्खिपितब्बं, सप्पितेलतक्करसकज्जियादीनि पन गणनूपगानि न होन्ति । तानि हि ओदनगतिकानेव, नेव हापेतुं, न वट्ठेतुं सक्कोन्ति, एवमेतं सब्बम्पि पक्खितं सचे पत्तस्स मुखवट्टिया हेड्डिमराजिसमं तिड्डति, सुत्तेन वा हीरेन वा छिन्दन्तस्स सुत्तस्स वा हीरस्स वा हेड्डिमन्तं फुसति, अयं **उक्कट्टो** नाम पत्तो । सचे तं राजिं अतिक्कम्म थूपीकतं तिड्डति, अयं **उक्कट्टोमको** नाम पत्तो । सचे तं राजिं न सम्पापुणाति, अन्तोगधमेव होति, अयं **उक्कट्टुक्कट्टो** नाम पत्तो । उक्कट्टतो उपट्ठप्यमाणो **मज्झिमो** । मज्झिमपत्ततो उपट्ठप्यमाणो **ओमको** । तेसम्पि वुत्तनयेनेव भेदो वेदितब्बो । इच्चेतेसु नवसु उक्कट्टुक्कट्टो च ओमकोमको चाति द्वे अपत्ता, सेसा सत्त पत्ता पमाणयुत्ता नाम, अयमेत्थसङ्खेपो, वित्थारो पन समन्तपासादिकायं (पारा० अट्ठ० २.५९८ आदयो) वुत्तो, तस्मा एवं पमाणयुत्तं समणसारुपेन पक्कं अयोपत्तं वा मत्तिकापत्तं वा लभित्वा पुराणपत्तं पच्चुद्धरित्वा अन्तोदसाहे अधिड्ढातब्बो । सचे पनस्स मूलतो काकणिकमत्तम्पि दातब्बं अवसिद्धं होति, अधिड्ढानुपगो न होति, अपच्चुद्धरन्तेन विकप्पेतब्बो । तत्थ पच्चुद्धरणाधिड्ढानलक्खणं चीवरवग्गो वुत्तनयेनेव वेदितब्बं, विकप्पनलक्खणं परतो वक्खाम । सचे पन काचि अपत्तको भिक्खु दस पत्ते लभित्वा सब्बे अत्तनाव परिभुज्जितुकामो होति, एकं पत्तं अधिड्ढाय पुन दिवसे तं पच्चुद्धरित्वा अज्जो अधिड्ढातब्बो, एतेनुपायेन वस्ससत्तम्पि परिहरितुं सक्का । यो पनस्स पत्तो मुखवट्टितो हेड्डा द्वङ्गुलमत्तोकासतो पड्डाय यत्थकत्थयि कङ्कुसित्थनिकखमनमत्तेन छिद्रेन छिदो होति, सो अधिड्ढानुपगो न होति । पुन छिद्रे पाकतिके कते अधिड्ढातब्बो, सेसं अधिड्ढानविजहन् तिचीवरे वुत्तनयमेव ।

सावत्थियं छब्बगिये आरब्भ अतिरेकपत्तधारणवत्थुस्मिं पज्जत्तं, असाधारणपज्जत्ति, सेसवण्णनाकमो चीवरवग्गस्स पठमसिक्खापदे वुत्तनयेनेव वेदितब्बोति ।

पत्तसिक्खापदवण्णना निड्डिता ।

२. ऊनपज्जबन्धनसिक्खापदवण्णना

दुत्तिये ऊनानि पज्ज बन्धनानि अस्साति **ऊनपज्जबन्धनो**, नास्स पज्ज बन्धनानि पूरेन्तीति अत्थो, तेन ऊनपज्जबन्धनेन, इत्थम्भूतस्स लक्खणे करणवचनं । तत्थ यस्मा अबन्धनस्सापि पज्ज बन्धनानि न पूरेति सब्बो सन्थिताय, तेनस्स पदभाजने “ऊनपज्जबन्धनो नाम पत्तो अबन्धनो वा एकबन्धनो वा”ति आदि (पारा० ६१३) वुत्तं । “ऊनपज्जबन्धनेना”ति च वुत्तता यस्स पज्जबन्धनो पत्तो होति पज्जबन्धनोकासो वा, तस्स सो अपत्तो, तस्मा अज्जं विज्जापेतुं वट्टति । यस्मिं पन पत्ते मुखवट्टितो हेड्डा भट्टा द्वङ्गुलप्यमाणा एकापि राजि होति, तं तस्सा राजिया हेड्डिमपरियन्ते पत्तवेधकेन विज्जित्वा पचित्वा सुत्तरज्जुकमकचिरज्जुकादीहि वा तिपुसुत्तकेन वा बन्धित्वा तं बन्धनं आमिसस्स अलग्नन्तं तिपुपट्टकेन वा केनचि बद्धसिलेसादिना वा पटिच्छादेतब्बं, सो च पत्तो अधिड्ढित्वा परिभुज्जितब्बो, सुखुमं वा छिदं कत्वा बन्धितब्बो, फाणितं झापेत्वा पासाणचुण्णेन बन्धितुम्पि वट्टति । यस्स पन द्वे राजियो वा एकायेव वा चतुरङ्गुला, तस्स द्वे बन्धनानि दातब्बानि । यस्स तिस्रो वा एकायेव वा छळङ्गुला, तस्स तीणि । यस्स चतस्रो वा एकायेव वा अट्टङ्गुला, तस्स चत्तारि । यस्स पज्ज वा एकायेव वा दसङ्गुला, सो बड्ढोपि अबड्ढोपि अपत्तोयेव, अज्जो विज्जापेतब्बो, एस ताव मत्तिकापत्ते विनिच्छयो ।

अयोपत्ते पन सचेपि पज्ज वा अतिरेकानि वा छिद्धानि होन्ति, तानि चे अयचुण्णेन वा आणिया वा लोहमण्डलेन वा बद्धानि मट्टानि होन्ति, स्वेव परिभुज्जितब्बो, अज्जो न विज्जापेतब्बो । अथ पन एकम्पि छिदं महन्तं होति, लोहमण्डलेन बद्धम्पि मट्टुं न होति, पत्ते आमिसं लग्गाति, अकप्पियो होति अयं पत्तो, अज्जो विज्जापेतब्बो । यो पन एवं पत्तसङ्खेपगतो वा अयोपत्ते, ऊनपज्जबन्धने वा मत्तिकापत्ते सति अज्जं विज्जापेति, पयोगे दुक्कटं, पटिलाभेन निस्सगियो होति, निस्सज्जितब्बो । निस्सज्जन्तेन सङ्खमज्जे एव निस्सज्जितब्बो, तेन वुत्तं “भिक्खुपरिसाया निस्सज्जितब्बो”ति । **यो च तस्सा भिक्खुपरिसायाति**एत्थ तेहि भिक्खूहि पकतिया एव अत्तनो अत्तनो अधिड्ढितं पत्तं गहेत्वा सन्निपतितब्बं, ततो सम्मतेन पत्तगाहापकेन पत्तस्स विज्जमानगुणं वत्त्वा “भन्ते, इमं गण्हाथा”ति थरो वत्तब्बो । सचे थेरस्स सो पत्तो न रुच्चति, अण्णित्ताय वा न गण्हाति, वट्टति । तस्मिं पन अनुकम्पाय अगण्हन्तस्स दुक्कटं । सचे पन गण्हाति, थेरस्स पत्तं दुत्तियत्थेरं गाहापेत्वा एतेनेव उपायेन याव सङ्खनवका गाहापेतब्बो, तेन परिचत्तपत्तो पन **पत्तपरियन्तो** नाम, **सो तस्स भिक्खुनो पदातब्बो** । तेनापि सो यथा विज्जापेत्वा गहितपत्तो, एवमेव सक्कच्चं परिभुज्जितब्बो । सचे पन तं जिगुच्छन्तो अदेसे वा निक्खिपति, अपरिभोगेन वा परिभुज्जति, विस्सज्जेति वा, दुक्कटं आपज्जति ।

सक्केसु छब्बगिये आरब्भ बहू पत्ते विज्जापनवत्थुस्मिं पज्जत्तं, साधारणपज्जत्ति, अनाणत्तिकं, अबन्धनेन अबन्धनं, एकबन्धनं, दुबन्धनं, तिबन्धनं, चतुब्बन्धनं, अबन्धनोकासं, एकद्वित्तचतुब्बन्धनोकासं चेतापेति, एवं एकेकेन पत्तेन दसथा दसविधं पत्तं । चेतापनवसेन पन एकं निस्सगियपाचित्तियसत्तं होति । नट्टपत्तस्स, भिन्नपत्तस्स, अत्तनो जातकप्पवारिते, अज्जस्स च जातकप्पवारिते, तस्सेवत्थाय विज्जापेन्तस्स, अत्तनो धनेन गण्हतो, उम्मतकादीनज्ज अनापत्ति । अधिड्ढानुपगपत्तस्स ऊनपज्जबन्धनता, अतुद्देसिकता, अकतविज्जति, ताय च पटिलाभोति इमानेत्य चत्तारि अङ्गानि । समुद्धानादीनि धोवापनसिक्खापदे वुत्तनयानेवाति ।

ऊनपज्जबन्धनसिक्खापदवण्णना निड्डिता ।

३. भेसज्जसिक्खापदवण्णना

ततिये **पटिसायनीयानीति** पटिसायितब्बानि, परिभुज्जितब्बानीति अत्थो। एतेन सयं उग्गहेत्वा निक्खित्तानं सत्ताहातिककमेपि अनापत्तिं दस्सेति, तानि हि पटिसायितुं न वट्टन्ति। **भेसज्जानीति** भेसज्जकिच्चं करोन्तु वा, मा वा, एवं लद्धवोहारानि। **सप्पि** नाम गवादीनं सप्पि, येसं मंसं कप्पति, तेसं सप्पि। तथा **नवनीतं**। **तेलं** नाम तिलसासपमधूकएरण्डकवसादीहि निब्बत्तितं। **मधु** नाम मक्खिकामधुमेव। **फाणितं** नाम उच्छुरसं उपादाय पन अपक्का वा अवत्थुकपक्का वा सब्बापि उच्छुरविकत्तिं “फाणित”न्ति वेदितव्वं। **तानि पटिग्गहेत्वा**ति तानि भेसज्जानि पटिग्गहेत्वा, न तेसं वत्थूनि। एतेन ठपेत्वा वसातेलं यानेत्य यावकालिकवत्थुकानि, तेसं वत्थूनि पटिग्गहेत्वा कतानि सप्पिआदीनि सत्ताहं अतिक्रामयतोपि अनापत्तिं दस्सेति। वसातेलं पन काले पटिग्गहितं काले निपक्कं काले संसट्ठं तेलपरिभोगेन परिभुज्जितुं अनुज्जातं, तस्मा ठपेत्वा मनुस्सवसं अज्जं यंकज्जि वसें पुरेभत्तं पटिग्गहेत्वा सामं पचित्वा निब्बत्तिततेलमपि सत्ताहं निरामिसपरिभोगेन वट्टति। अनुपसम्पन्नेन पचित्वा दिन्नं पन तदहुपुरेभत्तं सामिसमपि वट्टति, अज्जेसं यावकालिकवत्थून् वत्थुं पचितुं न वट्टतियेव। निब्बत्तितसपि वा नवनीतं वा पचितुं वट्टति, तं पन तदहुपुरेभत्तमपि सामिसं परिभुज्जितुं न वट्टति। पुरेभत्तं पटिग्गहितखीरादितो अनुपसम्पन्नेन पचित्वा कतसपिआदीनि पन तदहुपुरेभत्तं सामिसानिपि वट्टन्ति, पच्छाभत्ततो पट्टाय अनज्जोहरणीयानि, सत्ताहातिककमेपि अनापत्तिं। **सन्निधिकारकं परिभुज्जितब्बानीति** सन्निधिं कत्वा निदहित्वा पुरेभत्तं पटिग्गहितानि तदहुपुरेभत्तं सामिसपरिभोगेनापि वट्टन्ति, पच्छाभत्ततो पट्टाय पन तानि च, पच्छाभत्तं पटिग्गहितानि च सत्ताहं निरामिसपरिभोगेन परिभुज्जितब्बानीति अत्थो। “परिभुज्जितब्बानी”ति च वचनतो अन्तोसत्ताहे अब्भज्जनादीनं अत्थाय अधिद्विहत्वा ठपितेसु अनापत्तिं, यावजीविकानि सासपमधूकएरण्डकअट्ठीनि तेलकरण्थं पटिग्गहेत्वा तदहेव कततेलं सत्ताहकालिकं, दुतियदिवसे कतं छाहं वट्टति, ततियदिवसे कतं पच्चाहं, चतुत्थपच्चमच्छुसत्तमदिवसे कतं तदहेव वट्टति। सचे याव अरुणस्स उग्गमना तिड्ढति, निस्सगियं होति, अट्ठमदिवसे कतं अनज्जोहरणीयं, अनिस्सगियता पन बाहिरपरिभोगेन वट्टति। सचेपि न करोति, तेलत्थाय पटिग्गहितसासपादीनं पन पाळियं अनागतसपिआदीनज्ज सत्ताहातिककमे दुक्कटं आपज्जति। सीतुदकेन कतमधूकपुष्फफाणितं पन फाणितगतिकमेव, अम्बफाणितादीनि यावकालिकानि। यं पनेत्थ सत्ताहकालिकं, तं निस्सट्ठं पटिलभित्वापि अरुआदीनि वा मक्खेतुं, अज्जोहरितुं वा न वट्टति। पदीपे काळवणो वा उपनेतव्वं, अज्जस्स भिक्खुनो कायिकपरिभोगं वट्टति। यं पन निरपेक्खो परिच्चजित्वा पुन लभति, तं अज्जोहरितुमि वट्टति। विसुं ठपितसपिआदीसु, एकभाजने वा अमिस्सितेसु वत्थुगणनाय आपत्तियो।

सावत्थियं सम्बहुले भिक्खू आरब्ध सत्ताहं अतिककमनवत्थुस्मिं पज्जत्तं, सेसं चीवरवगगस्स पठमसिक्खापदे वुत्तनयेनेव वेदितव्वन्ति।

भेसज्जसिक्खापदवण्णना निड्ढिता।

४. वस्सिकसाटिकसिक्खापदवण्णना

चतुत्थे **मासो सेसो गिम्हानन्ति** चतुन्नं गिम्हमासानं एको पच्छिममासो सेसो। **परियेसितव्वन्ति** गिम्हानं पच्छिममासस्स पठमदिवसतो पट्टाय याव कत्तिकमासस्स पच्छिमदिवसो, ताव “कालो वस्सिकसाटिकाया”ति आदिना सतुप्पादकरणेन, सङ्खस्स पवारितट्टानतो, अत्तनो जातकप्पवारितट्टानतो पन “देथ मे वस्सिकसाटिकचीवर”न्ति आदिकाय विज्जत्तियापि परियेसितव्वं। अज्जातकअप्पवारितट्टाने सतुप्पादं करोन्तस्स वत्तभेदे दुक्कटं, यथा वा तथा वा “देथ मे”ति आदिवचनेन विज्जापेन्तस्स अज्जातकविज्जत्तिसिक्खापदेन निस्सगियं पाचिचित्तियं। **कत्वा निवासेतव्वन्ति** गिम्हानं पच्छिममासस्स पठमदिवसतो पट्टाय याव कत्तिकमासस्स पच्छिमदिवसो, ताव सूचिकम्मनिट्टानेन सक्किमि वण्णभेदमत्तरजनेन कप्पबिन्दुकरणेन च कत्वा परिदहितव्वं। एत्तावता गिम्हानं पच्छिमो मासो परियेसनक्खेतं, पच्छिमो अट्ठमासो करणनिवासनक्खेतमपि, वस्सानस्स चतूसु मासेसु सब्बमि तं वट्टतीति अयमत्थो दस्सितो होति। यो चायं गिम्हानं पच्छिमो मासो अनुज्जातो, एत्थ कतपरियेसितमपि वस्सिकसाटिकं अधिद्वितुं न वट्टति। सचे तस्मिं मासे अतिककन्ते वस्सं उक्कट्टियति, पुन मासपरिहारं लभति, धोवित्वा पन निक्खिपित्वा वस्सुपनायिकदिवसे अधिद्वितव्वं। सचे सतिसम्पप्सेन वा अप्पहोन्नकभावेन वा अकता होति। ते च द्वे मासे वस्सानस्स चतुमासन्ति छ मासे परिहारं लभति। सचे पन कत्तिकमासे कथिनं अत्थरियति, अपरेपि चत्तारो मासे लभति, एवं दस मासा होन्ति। ततो परमपि सतिया पच्चासाय तं मूलचीवरं कत्वा ठपेन्तस्स एकमासन्ति एवं एकादस मासे परिहारं लभति, इतो परं एकाहमपि न लभति।

ओरेन चे मासो सेसो गिम्हानन्ति गिम्हानं पच्छिममासस्स ओरिमभागे याव हेमन्तस्स पठमदिवसो, तावाति अत्थो। **परियेसेय्याति** एतेसु सत्तसु पिड्डिसमयमासेसु अज्जातकअप्पवारितट्टानतो सतुप्पादकरणेन परियेसन्तस्स निस्सगियं पाचिचित्तियं, विज्जापेन्तस्स अज्जातकविज्जत्तिसिक्खापदेन निस्सगियं पाचिचित्तियं, जातकप्पवारिते विज्जापेन्तस्स तेन सिक्खापदेन अनापत्तिं, सतुप्पादं करोन्तस्स इमिना सिक्खापदेन आपत्तिं। **ओरेनद्धमासो सेसो गिम्हानन्ति** गिम्हानस्स पच्छिममासतो ओरिमभागे एकस्मिं अट्ठमासे। **कत्वा निवासेय्याति** एत्थन्तरे धम्मने उपपन्नमपि कत्वा निवासेन्तस्स निस्सगियं होति।

सावत्थियं छब्बगिये भिक्खू आरब्ध वस्सिकसाटिकपरियेसनवत्थुस्मिं पज्जत्तं, असाधारणपज्जत्ति, अनाणत्तिकं, तिकपाचिचित्तियं, ऊनकमासद्धमासेसु अतिकेसज्जिनो वेमतिकस्स वा दुक्कटं, तथा सतिया वस्सिकसाटिकाय नग्गस्स कायं ओवस्सापयतो। पोक्खरणियादीसु पन न्हायन्तस्स वा अच्चिन्नचीवरस्स वा नडुचीवरस्स वा “अनिवत्थं चोरा हरन्ती”ति एवं आपदासु वा निवासयतो उम्मतकादीनज्ज अनापत्तिं। एत्थ च वस्सिकसाटिकाय अनुत्तरेसिकता, असमये परियेसनता, ताव च पटिलाभाति इमानि ताव परियेसनापत्तिया तीणि अङ्गानि। सचीवरता, आपदाभावो, वस्सिकसाटिकाय सकभावो, असमये निवासनन्ति इमानि निवासनापत्तिया चत्तारि अङ्गानि। समुट्टानादीनि धोवापनसिक्खापदे वुत्तनयानेवाति।

वस्सिकसाटिकसिक्खापदवण्णना निड्ढिता।

५. चीवरअच्छिन्दनसिक्खापदवण्णना

पज्जमे **सामं चीवरं दत्त्वा**ति वेय्यावच्चादीनि पच्चासिसमानो सयमेव दत्त्वा। **अच्छिन्देय्याति** वेय्यावच्चादीनि अकरोन्तं दिस्वा सकसज्जाय अच्छिन्दन्तस्स वत्थुगणनाय आपत्तियो। **अच्छिन्दापेय्याति**एत्थ पन “अच्छिन्दा”ति आणत्तिया दुक्कटं, अच्छिन्देसु यत्तकानि आणत्तानि, तेसं गणनाय आपत्तियो।

सावत्थियं उपनन्दं आरब्ध चीवरअच्छिन्दनवत्थुस्मिं पज्जत्तं, साधारणपज्जत्ति, साणत्तिकं, तिकपाचिचित्तियं। अनुपसम्पन्ने उपसम्पन्नसज्जिनो, वेमतिकस्स, अनुपसम्पन्नसज्जिनो वा, उपसम्पन्नस्सापि विकप्पनुपगपच्छिमचीवरं ठपेत्वा अज्जं परिक्खारं, अनुपसम्पन्नस्स च यंकज्जि अच्छिन्दतो वा दुक्कटं। तेन तुट्ठेन वा कुपितेन वा दिन्नं पन तस्स विस्सासं वा गणहन्तस्स उम्मतकादीनज्ज अनापत्तिं। विकप्पनुपगपच्छिमचीवरता, सामं दिन्ता, सकसज्जिता, उपसम्पन्ता, कोधवसेन अच्छिन्दनं वा अच्छिन्दापनं वाति इमानेत्य पज्ज अङ्गानि। समुट्टानादीनि अदिन्नादानसदिसानि अज्जत्र वेदनाय। वेदना पन इध दुक्खवेदनायेवाति।

चीवरअच्छिन्दनसिक्खापदवण्णना निड्ढिता।

६. सुत्तविज्जत्तिसिक्खापदवण्णना

छट्ठे **सुत्तन्ति** छब्बिधं खोमसुत्तादिं वा तेसं अनुलोमं वा। **विज्जापेत्वाति** चीवरत्थाय याचित्वा। **वायापेय्याति** “चीवरं मे, आवुसो, वायथा”ति अकप्पियाय विज्जत्तिया वायापेय्य। **निस्सगियन्ति** एवं वायापेन्तस्स यो तन्तवायो चीवरवायनत्थं तुरिवेमसज्जनादिके पयोगे करोति, तस्स सब्बपयोगेसु दुक्कटं, पटिलाभेन निस्सगियं होति।

राजगहे छब्बगिये भिक्खू आरब्ध चीवरवायापनवत्थुस्मिं पज्जत्तं, साधारणपज्जत्ति, अनाणत्तिकं, विज्जापितसुत्तं विज्जापिततन्तवायेन वायापेन्तस्स दीधतो विदत्थिमत्ते तिरियज्ज हत्थमत्ते वीते निस्सगियं पाचिचित्तियं। इति याव चीवरं वट्टति, ताव इमिना पमाणेन आपत्तियो वट्टन्ति। तेनेव पन अविज्जत्तिया लद्धसुत्तं वायापेन्तस्स यथा पुब्बे निस्सगियं, एवं इध दुक्कटं। तेनेव विज्जत्तज्ज

अविज्जतञ्च वायापेन्तस्स सचे वुत्तप्पमाणेन केदारबद्धं विय चीवरं होति, अकप्पियसुत्तमये परिच्छेदे पाचिचित्तियं, इतरस्मिं तथेव दुक्कटं। ततो चे ऊनतरा परिच्छेदा, सब्बपरिच्छेदेसु दुक्कटानेव। अथ एकन्तरिकेन वा सुत्तेन दीघतो वा कप्पियं तिरियं अकप्पियं कत्वा वीतं होति, पुब्बे वुत्तप्पमाणगणनाय दुक्कटानि। एतेनेव उपायेन कप्पियतन्तवायेन अकप्पियसुत्ते, कप्पियाकप्पियेहि तन्तवायेहि सुत्तेपि कप्पिये अकप्पिये कप्पियाकप्पिये च आपत्तिभेदो वेदितब्बो। तिकपाचिचित्तियं, अवायापिते वायापितसज्जिनो वेमतिकस्स वा दुक्कटं। चीवरसिब्बन आयोगकायबन्धनअंसबद्धकपत्तत्थविकपरिस्सावनानं अत्थाय सुत्तं विज्जापेन्तस्स, जातकप्पवारितेहि कप्पियसुत्तं वायापेन्तस्स, अज्जस्सत्थाय, अत्तो धनेन, उम्मतकादीनञ्च अनापत्ति, चीवरत्थाय विज्जापितसुत्तं, अत्तुहेसिकता, अकप्पियतन्तवायेन अकप्पियविज्जात्तिया वायापनन्ति इमानेत्य तीणि अङ्गानि। समुद्धानादीनि धोवापनसिक्खापदे वुत्तनयानेवाति।

सुत्तविज्जात्तिसिक्खापदवण्णना निड्डिता।

७. महापेसकारसिक्खापदवण्णना

सत्तमे तत्र चे सो भिक्खुति यत्र गामे वा निगमे वा तन्तवाया, तत्र। पुब्बे अप्पवारितोति चीवरसामिकेहि अप्पवारितो हुत्वा। विकप्पं आपज्जेय्याति विसिद्धकप्पं अधिकविधानं आपज्जेय्य। इदानि येनाकारेन विकप्पं आपन्नो होति, तं दस्सेतुं इदं खो, आवुसोतिआदि वुत्तं। तत्थ आयतन्ति दीघं। वित्थतन्ति पृथुलं। अप्पितन्ति घनं। सुवीतन्ति सुद्ध वीतं, सब्बद्धानेसु समं कत्वा वीतं। सुप्पवायितन्ति सुद्ध पवायितं, सब्बद्धानेसु समं कत्वा तन्ते पसारितं। सुविलेखितन्ति लेखनिया सुद्ध विलेखितं। सुवितच्छित्तन्ति कोच्छेन सुद्ध वितच्छित्तं, सुद्ध निद्धोतन्ति अत्थो। पिण्डपातमत्तमीति एत्थ च न भिक्खुनो पिण्डपातदानमत्तेन तं निस्सगियं होति, सचे पन ते तस्स वचनेन चीवरसामिकानं हत्थतो सुत्तं गहेत्वा ईसकम्पि आयतं वा वित्थतं वा अप्पितं वा करोन्ति, अथ तेसं पयोगे भिक्खुनो दुक्कटं, पटिलाभेन निस्सगियं होति।

सावत्थियं उपनन्दं आरब्ध चीवरे विकप्पं आपज्जनवत्थुस्मिं पज्जत्तं, साधारणपज्जत्ति, अनाणत्तिकं, तिकपाचिचित्तियं, जातके अज्जातकसज्जिनो वेमतिकस्स वा दुक्कटं। जातकप्पवारितानं तन्तवायेहि, अज्जस्स वा अत्थाय, अत्तो वा धनेन, महग्घं वायापेतुकामं अप्पग्घं वायापेन्तस्स, उम्मतकादीनञ्च अनापत्ति। अज्जातकअप्पवारितानं तन्तवाये उपसङ्कमित्वा विकप्पमापज्जनता, चीवरस्स अत्तुहेसिकता, तस्स वचनेन सुत्तवद्दुत्तं, चीवरपटिलाभोति इमानेत्य चत्तारि अङ्गानि। समुद्धानादीनि धोवापनसिक्खापदे वुत्तनयानेवाति।

महापेसकारसिक्खापदवण्णना निड्डिता।

८. अच्चेकचीवरसिक्खापदवण्णना

अट्टमे दसाहानागतन्ति दस अहानि दसाहं, तेन दसाहेन अनागता दसाहानागता, दसाहेन असम्पत्ताति अत्थो, तं दसाहानागतं, अच्चन्तसंयोगवसेन भुम्मत्थे उपयोगवचनं। कत्तिकतेमासिकपुण्णमन्ति पठमकत्तिकपुण्णमं, इधापि पठमपदस्स अनुपयोगता पुरिमनयेनेव भुम्मत्थे उपयोगवचनं। इदं वुत्तं होति — यतो पड्डाय पठमप्पवारणा “दसाहानागता”ति वुच्चति, सचेपि तानि दिवसानि अच्चन्तमेव भिक्खुनो अच्चेकचीवरं उपज्जेय्य, “अच्चेकं इदं”न्ति जानमानेन भिक्खुना सब्बम्पि पटिग्गहेतब्बन्ति। तेन पवारणामासस्स जुण्हपक्खपञ्चमितो पड्डाय उपपन्नस्स चीवरस्स निधानकालो दस्सितो होति। कामज्जेस “दसाहपरमं अतिरेकचीवरं धारेतब्ब”न्तिइमिनाव सिद्धो, अट्टपुत्तिवसेन पन अपुब्बं विय अत्थं दस्सेत्वा सिक्खापदं ठपितं। अच्चेकचीवरन्ति गमिकगिलानगम्भिनिअभिनवुप्पन्नसद्धानं पुगलानं अज्जतरेन “वस्सावासिकं दस्सामी”ति एवं आरोचेत्वा दिन्नं। सचे तं पुरे पवारणाय विभजितं, येन गहितं, तेन वस्सच्छेदो न कातब्बो, करोति चे, तं चीवरं सङ्गिकं होति। याव चीवरकालसमयन्ति अनत्थते कथिने याव वस्सानस्स पच्छिमो मासो, अत्थते कथिने याव पञ्च मासा, ताव निक्खिपितब्बं।

सावत्थियं सम्बहुले भिक्खू आरब्ध अच्चेकचीवरस्स चीवरकालसमयं अतिकमनवत्थुस्मिं पज्जत्तं, सेसमेत्थ चीवरवग्गस्स पठमसिक्खापदे वुत्तनयेनेव वेदितब्बन्ति।

अच्चेकचीवरसिक्खापदवण्णना निड्डिता।

९. सासङ्कसिक्खापदवण्णना

नवमे उपवस्सं खो पनाति एत्थ उपवस्सन्ति उपवस्स, उपवसित्वाति वुत्तं होति, उपसम्पज्जन्तिआदीसु (विभ० ५७०) विय हेत्थ अनुनासिको दट्टब्बो, वस्सं उपगन्त्वा वसित्वा चाति अत्थो। इमस्स च पदस्स “तथारूपेसु भिक्खु सेनासनेसु विहरन्तो”तिइमिना सम्बन्धो, इदं वुत्तं होति — वस्सं उपगन्त्वा वसित्वा च ततो परं पच्छिमकत्तिकपुण्णमपरियोसानकालं यानि खो पन तानि आरज्जकानि...पे०... अन्तरधरे निक्खिपेय्याति। तत्थ आरज्जकानीति सब्बपच्छिमानि आरोपितेन आचरियधनुना गामस्स इन्द्रखीलतो पड्डाय पञ्चधनुसतप्पमाणे पदेसे कतसेनासनानि। सचे पन अपरिक्खित्तो गामो होति, परिकखेपारहद्धानतो पड्डाय मिनेतब्बं। सचे विहारस्स परिकखेपो वा अपरिक्खित्तस्स यं गामतो सब्बपठमं सेनासनं वा चेतियं वा बोधि वा धुवसन्निपातद्धानं वा याव, तं ताव पकतिमग्गेन मिनेतब्बं, अज्जं मग्गं कातुं, अमग्गेन वा मिनेतुं न वट्ठति। सासङ्कसम्मतानीति चोरादीनं निविट्टोकासादिदस्सनेन “सासङ्कानी”ति सम्मतानि, एवं सज्जातानीति अत्थो। सह पटिभयेन सप्पटिभयानि, चोरेहि मनुस्सानं हतविलुत्ताकोटितभावदस्सनतो सन्निहितबलवभयानीति अत्थो।

अन्तरधरे निक्खिपेय्याति आरज्जकस्स सेनासनस्स समन्ता सब्बदिसाभागेसु अत्तना अभिरुचिते गोचरगामे निक्खिपेय्य। तज्ज खो सति या अङ्गसम्पत्तिया, तत्रायं अङ्गसम्पत्ति — पुरिमिकाय उपगन्त्वा महापवारणाय पवारितो होति, इदमेकं अङ्गं। कत्तिकमासोयेव होति, इदं दुतियं अङ्गं। पञ्चधनुसतिकपच्छिमप्पमाणयुत्तं सेनासनं होति, इदं ततियं अङ्गं। ऊनप्पमाणे वा गावुततो अतिरेकप्पमाणे वा न लभति, यत्र हि पिण्डाय चरित्वा भुत्तवेलायमेव पुन विहारं सक्का आगन्तुं, तदेव इधाधिपेत्तं। सासङ्कसप्पटिभयमेव होति, इदं चतुत्थं अङ्गं होतीति। कोचिदेव पच्चयोति किञ्चिदेव कारणं। तेन चीवरेनाति तेन अन्तरधरे निक्खित्तचीवरेन। विप्पवासायाति वियोगवासाय। ततो चे उत्तरि विप्पवसेय्याति छारत्ततो उत्तरि तस्मिं सेनासने सत्तमं अरुणं उट्टापेय्याति अत्थो, तथा असक्कोन्तेन पन गामसीमं ओक्कमित्वा सभायं वा यत्थ कत्थिचि वा वसित्वा चीवरप्पवत्ति जत्वा पक्कमितुं वट्ठति। अज्जत्र भिक्खुसम्पुत्तिवाति यं सङ्गो गिलानस्स भिक्खुनो चीवरेन विप्पवाससम्पुत्तिं देति, तं ठपेत्वा अलद्धसम्पुत्तिकस्स अतिरेकछारत्तं विप्पवसतो निस्सगियं होति।

सावत्थियं सम्बहुले भिक्खू आरब्ध चीवरविप्पवासवत्थुस्मिं पज्जत्तं, सेसमेत्थ चीवरवग्गस्स दुतियसिक्खापदे वुत्तनयेनेव वेदितब्बन्ति।

सासङ्कसिक्खापदवण्णना निड्डिता।

१०. परिणतसिक्खापदवण्णना

दसमे सङ्गिकन्ति सङ्गस्स सन्तकं। सो हि सङ्गस्स परिणतता हत्थे अनारुळ्होपि एकेन परियायेन सङ्गसन्तको होति। लाभन्ति लभितब्बं चीवरादिवत्थुं। परिणतन्ति “दस्साम करिस्सामा”ति वचीभेदेन वा हत्थमुद्दाय वा सङ्गस्स निन्नं हुत्वा ठितं। अत्तो परिणामेय्याति “इदं मक्कं देथा”तिआदीनि वदन्तो अत्तनिन्नं करेय्य। सचे पन सङ्गस्स दिन्नं होति, तं गहेतुं न वट्ठति, सङ्गस्सेव दातब्बं। परिणतं पन सहधम्मिकानं वा गिहीनं वा अन्तमसो मातुसन्तकम्पि अत्तो परिणामेन्तस्स पयोगे दुक्कटं, पटिलाभेन निस्सगियं होति।

सावत्थियं छब्बगिये भिक्खू आरब्ध परिणामनवत्थुस्मिं पज्जत्तं, साधारणपज्जत्ति, अनाणत्तिकं, परिणते वेमतिकस्स, अपरिणते परिणतसज्जिनो चेव वेमतिकस्स च, सङ्गचेतियपुगलेसु यस्स कस्सचि परिणतं अज्जसङ्गादीनं परिणामेन्तस्स च दुक्कटं। अपरिणतसज्जिनो, “कत्थ देमा”ति पुच्छित्ते “यत्थ तुम्हाकं चित्तं पसीदति, तत्थ देथ, तुम्हाकं देय्यधम्मो परिभोगं वा लभेय्या”तिआदीनि वदन्तस्स, उम्मतकादीनञ्च अनापत्ति। सङ्गे परिणतभावो, तं जत्वा अत्तो परिणामनं, पटिलाभोति इमानेत्य तीणि अङ्गानि। समुद्धानादीनि अदिन्नादानसदिसानीति।

परिणतसिक्खापदवण्णना निड्डिता ।

पत्तवग्गो ततियो ।

इति कङ्क़ावितरणिा पातिमोक्खवण्णनाय

निस्सगियपाचितियवण्णना निड्डिता ।

पाचित्तियकण्डो

१. मुसावादवग्गो

१. मुसावादसिक्खापदवण्णना

पाचित्तियेसु मुसावादवग्गस्स पठमे **सम्पजानमुसावादे**ति पुब्बेपि जानित्वा वचनकखणेपि जानन्तस्सेव मुसावादभणने । भणनञ्च नाम इध अभूतस्स वा भूतत्तं, भूतस्स वा अभूतत्तं कत्वा कायेन वा वाचाय वा विज्जापनपयोगो, निमित्तत्थे चेत्तं भुम्मवचनं । तस्मा यो सम्पजानमुसावादं वदति, तस्स तंनिमित्तं तंहेतु तप्पच्चया पाचित्तियं होतीति एवमेत्थ अज्जेसु च ईदिसेसु अत्थो वेदितब्बो ।

सावत्थियं हत्थकं सक्कपुत्तं आरब्ध अवजानित्वा पटिजाननादिवत्थुस्मिं पज्जत्तं, साधारणपज्जत्ति, अनाणत्तिकं, उत्तरिमनुस्सधम्ममारोचनत्थं मुसा भणन्तस्स पाराजिकं, अमूलकेन पाराजिकेन अनुड्डंसनत्थं सङ्गादिसेसो, सङ्गादिसेसेन अनुड्डंसनत्थं पाचित्तियं, आचारविपत्तिया अनुड्डंसनत्थं दुक्कटं, “यो ते विहारे वसी”तिआदिना (पारा० २२०) परियायेन उत्तरिमनुस्सधम्ममारोचनत्थं पटिविजानन्तस्स मुसा भणिते थुल्लच्चयं, अप्पटिविजानन्तस्स दुक्कटं, केवलं मुसा भणन्तस्स इध पाचित्तियं । अनुपधारेत्वा सहसा भणन्तस्स, “अज्जं भणिस्सामी”ति अज्जं भणन्तस्स, उम्मतकादीनञ्च अनापत्ति । विसंवादनपुरेक्खारता, विसंवादनचित्तेन यमत्थं वत्तुकामो, तस्स पुगलस्स विज्जापनपयोगो चाति इमानेत्थ द्वे अङ्गानि । समुट्ठानादीनि अदिन्नादानसदिसानीति ।

मुसावादसिक्खापदवण्णना निड्डिता ।

२. ओमसवादसिक्खापदवण्णना

दुतिये **ओमसवादे**ति ओविज्जनवचने, जातिनामगोत्तकम्मसिप्पआबाधलिङ्गकिलेसआपत्तिअक्कोसेसु भूतेन वा अभूतेन वा येन केनचि पाराजिकं आपन्नं वा अनापन्नं वा यंकिञ्चि भिक्खुं याय कायचि वाचाय वा हत्थमुहाय वा अनज्जापदेसेन अक्कोसनवचने पाचित्तियन्ति अत्थो ।

सावत्थियं छब्बगिये भिक्खू आरब्ध ओमसनवत्थुस्मिं पज्जत्तं, साधारणपज्जत्ति, अनाणत्तिकं, तेहिचेव दसहि अक्कोसवत्थूहि “सन्ति इधेकच्चे चण्डाला”तिआदिना (पाचि० २६) नयेन अज्जापदेसं कत्वा अक्कोसन्तस्स, “चोरोसि गण्ठभेदकोसी”तिआदीहि पाळिमुत्तकपदेहि अक्कोसन्तस्स, यथा तथा वा अनुपसम्पन्नं अक्कोसन्तस्स च दुक्कटं । इध भिक्खुनीपि अनुपसम्पन्नसङ्ख्यं गच्छति । अनक्कोसितुकामस्स केवलं दवकम्यताय वदतो सब्बत्थ दुब्भासितं । अत्थधम्मअनुसासनिपुरेक्खारानं, उम्मतकादीनञ्च अनापत्ति । यं अक्कोसति, तस्स उपसम्पन्ना, अनज्जापदेसेन जातिआदीहि अक्कोसनं, “मं अक्कोसती”ति जानना, अत्थपुरेक्खारतादीनं अभावोति इमानेत्थ चत्तारि अङ्गानि । समुट्ठानादीनि अदिन्नादानसदिसानि, वेदना पन इध दुक्खाति ।

ओमसवादसिक्खापदवण्णना निड्डिता ।

३. पेसुज्जसिक्खापदवण्णना

ततिये **भिक्खुपेसुज्जे**ति भिक्खुस्स पेसुज्जे, जातिआदीहि अक्कोसवत्थूहि भिक्खू अक्कोसन्तस्स भिक्खुनो सुत्वा वचनं भिक्खुनो पियकम्यताय वा भेदाधिप्पायेन वा यो अक्कुद्धो, तस्स भिक्खुस्स कायेन वा वाचाय वा उपसंहटे तस्मिं पेसुज्जकरणवचने पाचित्तियन्ति अत्थो ।

सावत्थियं छब्बगिये भिक्खू आरब्ध पेसुज्जउपसंहरणवत्थुस्मिं पज्जत्तं, साधारणपज्जत्ति, अनाणत्तिकं, वृत्तनयेनेव अज्जापदेसेन अक्कोसन्तस्स वचनूपसंहारे वा पाळिमुत्तकअक्कोसूपसंहारे वा अनुपसम्पन्नस्स च उपसंहारे दुक्कटं । इधापि भिक्खुनी अनुपसम्पन्नद्वाने ठिता । न पियकम्यताय, न भेदाधिप्पायेन केवलं पापगरहिताय वदन्तस्स, उम्मतकादीनञ्च अनापत्ति । जातिआदीहि अनज्जापदेसेन अक्कोसन्तस्स भिक्खुनो सुत्वा वचनं भिक्खुस्स उपसंहरणं, पियकम्यताभेदाधिप्पायेसु अज्जरता, तस्स विजाननाति इमानेत्थ तीणि अङ्गानि । समुट्ठानादीनि अदिन्नादानसदिसानेवाति ।

पेसुज्जसिक्खापदवण्णना निड्डिता ।

४. पदसोधम्मसिक्खापदवण्णना

चतुत्थे **पदसो धम्मं वाचेय्या**ति सङ्गीतित्तयं अनारुहम्मि राजोवादतिक्खिन्द्रियचतुपरिवत्तननन्दोपनन्दकुलुप्पसुत्तमग्गकथादिधम्मञ्च सङ्गीतित्तयमारुहं तिपिटकधम्मञ्च पदं पदं वाचेय्य, पदानुपदअन्वक्खरअनुव्यञ्जनेसु एकेकं कोट्टासन्ति अत्थो । **पाचित्तियन्ति** एतेसु पदादीसु भिक्खुञ्च भिक्खुनिञ्च उपेत्वा यंकञ्च कोट्टासं अवसेसपुग्गलेहि सद्धि एको भणन्तस्स पदादिगणनाय पाचित्तियं ।

सावत्थियं छब्बगिये भिक्खू आरब्ध पदसो धम्मवाचनवत्थुस्मिं पज्जत्तं, साधारणपज्जत्ति, अनाणत्तिकं, तिकपाचित्तियं । उपसम्पन्ने अनुपसम्पन्नसज्जिनो वेमतिकस्स वा दुक्कटं । अनुपसम्पन्नेन सद्धि एको उद्देसगहणे, सज्जायकरणे, तस्स सन्तिके उद्देसगहणे, येभुय्येन पगुणगत्थं भणन्तस्स, ओसारन्तस्स च खलितद्वाने “एवं भणाही”ति वचने च एको भणन्तस्सापि, उम्मतकादीनञ्च अनापत्ति । अनुपसम्पन्ना, वृत्तलक्खणं धम्मं पदसो वाचनता, एकोतो ओसापनञ्चाति इमानेत्थ तीणि अङ्गानि । पदसोधम्मसमुट्ठानं, किरियं, नोसज्जाविमोक्खं, अचित्तकं, पण्णात्तिवज्जं, वचीकम्मं, तिचित्तं, तिवेदनन्ति ।

पदसोधम्मसिक्खापदवण्णना निड्डिता ।

५. पठमसहसेय्यसिक्खापदवण्णना

पञ्चमे **अनुपसम्पन्नेना**ति भिक्खुं उपेत्वा अन्तमसो पाराजिकवत्थुभूतेन तिरच्छानगतेनापि । **उत्तरिदित्तरित्तन्ति** द्विन्नं वा तिण्णं वा रत्तीनं उपरि । **सहसेय्यन्ति** सब्बच्छन्नपरिच्छन्ने येभुय्येन छन्नपरिच्छन्ने वा सेनासने पुब्बापरियेन वा एककखणेन वा एकतो निपज्जन् । **कप्पेय्या**ति विदहेय्य सम्पादेय्य । तत्थ छदं अनाहच्च दियङ्गहत्थुब्बधेन पाकारादिना परिच्छिन्नम्मि सब्बपरिच्छन्मिच्चवेव वेदितब्बं, तस्मा इमिना लक्खणेन समन्नागतो सचेपि सत्तभूमिको पासादो एकूपचरो होति, सतगम्भं वा चतुसालं, यो तत्थ वा अज्जत्थ वा तादिसे तेन वा अज्जेन वा अनुपसम्पन्नेन सह तस्सो रत्तियो

सथित्वा चतुर्थदिवसे अत्यङ्गते सूरिये अनुपसम्पन्ने निपन्ने गम्भद्वारं पिधाय वा अपिधाय वा निपज्जति, पठमनिपन्नो वा तस्मिं निपज्जन्ते न वुट्ठाति, तस्स उभिन्नं उड्ढित्वा निपज्जनपयोगगणनाय अनुपसम्पन्नगणनाय च पाचित्तियं। अयमेत्थ सङ्खंपो, वित्थारो पन समन्तपासादिकायं (पाचि० अङ्क० ५१) सब्बप्पकारतो वुत्तो।

आळवियं सम्बहुले भिक्खू आरम्भ अनुपसम्पन्नेन सहसेय्यवत्थुस्मिं पज्जत्तं, “उत्तरिदिरत्तितरत्तं” नित्य अयमेत्थ अनुपज्जति, साधारणपज्जति, अनाणत्तिकं, तिकपाचित्तियं, उपसम्पन्ने अनुपसम्पन्नसज्जिनो वेमतिकस्स वा उपपद्दच्छन्नपरिच्छन्नादीसु च दुक्कटं। ऊनकदिरत्तितरत्तं वसन्तस्स, ततियाय रत्तिया पुरारुणा निक्खमित्वा पुन वसन्तस्स, सब्बच्छन्नसब्बापरिच्छन्नादीसु वसन्तस्स, इतरस्मिं निसिन्ने निपज्जन्तस्स, निपन्ने वा निसीदन्तस्स, उम्मतकादीनञ्च अनापत्ति। पाचित्तियवत्थुकसेनासनं, तत्थ अनुपसम्पन्नेन सह निपज्जनं, चतुर्थदिवसे सूरियत्थङ्गमनन्ति इमानेत्य तीणि अङ्गानि। समुट्ठानादीनि एळकलोमसदिसानेवाति।

पठमसहसेय्यसिक्खापदवण्णना निट्ठिता।

६. दुतियसहसेय्यसिक्खापदवण्णना

छट्ठे मातुगामेनाति अन्तमसो तदहुजातायपि मनुस्सित्थिया। दिस्समानरूपा पन यक्खिपेतियो पण्डको मेथुनवत्थुभूता च तिरच्छानित्थियो इध दुक्कटवत्थुका होन्ति।

सावत्थियं आयस्मन्तं अनुरुद्धत्थेरं आरम्भ मातुगामेन सहसेय्यवत्थुस्मिं पज्जत्तं, सेसं अनन्तरसिक्खापदे वुत्तनयेनेव वेदितब्बं अज्जत्र रत्तिपरिच्छेदा, तत्र हि चतुर्थदिवसे आपत्ति, इध पन पठमदिवसेपीति।

दुतियसहसेय्यसिक्खापदवण्णना निट्ठिता।

७. धम्मदेसनासिक्खापदवण्णना

सत्तमे उत्तरिष्ण्वञ्चवाचाहीति एत्थ एको गाथापादो एका वाचाति एवं सब्बत्थ वाचापमाणं वेदितब्बं। धम्मं देसेय्याति पदसोधम्मसिक्खापदे वुत्तलक्खणं धम्मं वा अड्ढकथाधम्मं वा भासेय्य। अज्जत्र विज्जुना पुरिसविग्गेहेनाति विना विज्जुना पुरिसेन। मनुस्सविग्गेहं गहेत्वा ठितेन पन यक्खेन वा पेतेन वा तिरच्छानेन वा सङ्घिठितायपि धम्मं देसेतुं न वट्ठति। पाचित्तियन्ति दुतियानियते वुत्तलक्खणेन मनुस्सेन विना विज्जुमनुस्सित्थिया छन्नं वाचानं उपरि पदादिवसेन धम्मं देसेन्तस्स पदादिगणनाय, बहून् देसयतो मातुगामगणनाय च पाचित्तियं।

सावत्थियं उदायित्थेरं आरम्भ मातुगामस्स धम्मदेसनावत्थुस्मिं पज्जत्तं, “अज्जत्र विज्जुना”ति अयमेत्थ अनुपज्जति, साधारणपज्जति, अनाणत्तिकं, तिकपाचित्तियं, अमातुगामे मातुगामसज्जिनो वेमतिकस्स वा यक्खिपेतपण्डकमनुस्सविग्गेहतिरच्छानित्थीनं देसेन्तस्स च दुक्कटं। छहि वाचाहि, ततो वा ओरं देसेन्तस्स, वुत्तलक्खणं वा पुरिसे सति, सयं वा उड्ढाय, पुन निसीदित्वा मातुगामस्स वा उड्ढित्वा पुन निसिन्तस्स, अज्जस्स वा मातुगामस्स देसयतो, “दीघनिकायो नाम भन्ते किमत्थियो”ति एवं पन पुट्ठे सब्बमि दीघनिकायं देसेन्तस्स, अज्जस्सत्थाय वुच्चमानं मातुगामे सुणन्ते, उम्मतकादीनञ्च अनापत्ति। वुत्तलक्खणस्स धम्मस्स छन्नं वाचानं उपरि देसना, वुत्तलक्खणो मातुगामो, इरियापथपरिवत्ताभावो, कप्पियकारकस्साभावो, अपज्जाविस्सज्जनाति इमानेत्य पञ्च अङ्गानि। समुट्ठानादीनि पदसोधम्मसदिसानेव, केवलं इध किरियाकिरियं होतीति।

धम्मदेसनासिक्खापदवण्णना निट्ठिता।

८. भूतारोचनसिक्खापदवण्णना

अट्ठमे उत्तरिमनुस्सधम्मन्ति चतुत्थपाराजिके वुत्तलक्खणं उत्तरिमनुस्सानं ज्ञायीनञ्चेव अरियानञ्च धम्मं। भूतस्मिं पाचित्तियन्ति अत्तिन ज्ञानादिधम्मे सति तं भिक्खुञ्च भिक्खुनिञ्च ठपेत्वा अज्जस्स आरोचयतो पाचित्तियं।

वेसालियं वग्गमुदातीरिये भिक्खू आरम्भ तेसं भूतारोचनवत्थुस्मिं पज्जत्तं, साधारणपज्जति, अनाणत्तिकं, निप्परियायेन अत्तिन विज्जमानं ज्ञानादिधम्मं आरोचेन्तस्स सचे यस्स आरोचेति, सो अनन्तरमेव “अयं ज्ञानलाभी”ति वा “अरियो”ति वा येन केनचि आकारेन तमत्थं जानाति, पाचित्तियं। नो चे जानाति, दुक्कटं। परियायेन आरोचितं पन जानातु वा, मा वा, दुक्कटमेव। तथारूपे कारणे सति उपसम्पन्नस्स आरोचयतो, आदिकम्मिकस्स च अनापत्ति। यस्मा पन अरियानं उम्मतकादिभावो नत्थि, ज्ञानलाभीनो पन तस्मिं सति ज्ञाना परिहायन्ति, तस्मा ते इध न गहिता। उत्तरिमनुस्सधम्मस्स भूतता, अनुपसम्पन्नस्स आरोचनं, तङ्गणविजानना, अनज्जापदेसोति इमानेत्य चत्तारि अङ्गानि। भूतारोचनसमुट्ठानं, किरियं, नोसज्जाविमोक्खं, अचित्तकं, पण्णत्तिवज्जं, कायकम्मं, वचीकम्मं, कुसलाब्बाकतचित्तेहि द्विचित्तं, सुखमज्जत्तवेदनाहि द्विवेदनन्ति।

भूतारोचनसिक्खापदवण्णना निट्ठिता।

९. दुट्ठुल्लारोचनसिक्खापदवण्णना

नवमे भिक्खुस्साति पाराजिकं अनज्जापन्नस्स। दुट्ठुल्लन्ति किञ्चापि द्विन्नं आपत्तिकखन्धानमेतं अधिवचनं, इध पन सङ्गादिसेसमेव अधिपेतं। अज्जत्र भिक्खुसम्मुतियाति यं सङ्को अभिण्हापत्तिकस्स भिक्खुनो आर्याति संवरत्थाय आपत्तीनञ्च कुलानञ्च परियन्तं कत्वा वा अकत्वा वा तिक्खुत्तं अपलोकेत्वा कतिकं करोति, तं ठपेत्वा, अयथाकतिकाय “अयं असुचि मोचेत्वा सङ्गादिसेसं आपन्नो”ति आदिना नयेन वत्थुना सङ्घि आपत्तिं घटेत्वा आरोचेन्तस्स पाचित्तियं।

सावत्थियं छब्बगिये भिक्खू आरम्भ दुट्ठुल्लापत्ति आरोचनवत्थुस्मिं पज्जत्तं, साधारणपज्जति, अनाणत्तिकं, तिकपाचित्तियं, अदुट्ठुल्लाय दुट्ठुल्लसज्जिनो वेमतिकस्स वा दुक्कटं, अवसेसे छ आपत्तिकखन्धे, अनुपसम्पन्नस्स पुरिमपज्जसिक्खापदवीतिकमसङ्गातं दुट्ठुल्लं वा इतरं अदुट्ठुल्लं वा अज्जाचारं आरोचेन्तस्सापि दुक्कटमेव। वत्थुमत्तं वा आपत्तिमत्तं वा आरोचेन्तस्स, भिक्खुसम्मुतिपरिच्छेदं अनतिकमत्वा आरोचेन्तस्स, उम्मतकादीनञ्च अनापत्ति। वुत्तलक्खणस्स भिक्खुनो सवत्थुको सङ्गादिसेसो, अनुपसम्पन्नस्स आरोचनं, भिक्खुसम्मुतिया अभावोति इमानेत्य तीणि अङ्गानि। समुट्ठानादीनि अदिन्नादानसदिसानि, वेदना पन इध दुक्खायेवाति।

दुट्ठुल्लारोचनसिक्खापदवण्णना निट्ठिता।

१०. पथवीखणनसिक्खापदवण्णना

दसमे पथविन्ति दुविधा पथवी जातपथवी अजातपथवीति। तत्थ जातपथवी सुद्धमिस्सपुज्जवसेन तिविधा, तत्थ सुद्धपथवी नाम पकतिया सुद्धपंसु वा सुद्धमत्तिका वा। मिस्सपथवी नाम यत्थ पंसुतो वा मत्तिकातो वा पासाणसक्खरकथलमरुम्बवालुकासु अज्जतरस्स ततिवभागो होति। पुज्जपथवी नाम “अतिरेकचातुमासं ओवट्ठो पंसुपुज्जो वा मत्तिकापुज्जो वा”ति (पाचि० ८६) वृत्तं, वुत्तलक्खणेन पन मिस्सकपुज्जोपि पिड्डिपासाणे ठितसुखमरजम्पि च देवे फुसायन्ते सकिं तित्तं चतुमासच्चयेन तित्तोकासो पुज्जपथविसङ्गमेव गच्छति। तिविधापि चेसा पथवी उद्धनपत्तपचनादिवसेन वा यथा तथा वा अदट्ठ “जातपथवी”ति वुच्चति, दट्ठ पन वुत्तप्पमाणतो अधिकतरपासाणादिमिस्सा वा अजातपथवी नाम होति, को पन वादो सुद्धपासाणादिभेदाय। तत्थ या “जातपथवी”ति वुत्ता, अयं

अकपियपथवी। यो भिक्खु तं एवरूपं पथविं सयं खणति, खणनभेदनविलेखनपचनादीहि विकोपेति, तस्स पयोगगणनाय पाचित्तियं। यो पन खणापेति, वुत्तनयेनेव विकोपापेति, तस्स “इमं पदेस”ति वा “इमं पथवि”ति वा एवं नियमेत्वा “खण, भिन्दा”ति आदिना नयेन आणापेत्तस्स आणात्तिया दुक्कटं, सकिं आणत्ते दिवसस्मि खणन्ते आणापकस्स एकमेव पाचित्तियं, सचे इतरो पुनपुनं आणापेति, वाचाय वाचाय पाचित्तियं।

आळवियं आळवके भिक्खू आरब्ध पथविखणनवत्थुस्मिं पञ्जत्तं, साधारणपञ्जत्ति, साणत्तिकं, पथविया वेमतिकस्स, अपथविया पथविसज्जिनो चेव वेमतिकस्स च दुक्कटं। ओकासं अनियमेत्वा “पोक्खरणि खण, आवाटं खण, कन्दं खणा”ति आदीनि भणन्तस्स, आतपेन सुस्सित्वा फलितकहमं वा गोकण्टकं वा हेट्ठा पथविया असम्बद्धं भिज्जित्वा पतितनदितं वा महन्तस्मि नङ्गलच्छिन्नमत्तिकापिण्डन्ति एवमादीनि सब्बञ्च अजातपथविं विकोपेत्तस्स, “इमस्स थम्भस्स आवाटं जान, मत्तिकं देहि, मत्तिकं आहर, पंसुना मे अत्थो, मत्तिकं कपियं करोही”ति भणन्तस्स, असज्जिच्च रुक्खादिपवट्टनेन भिन्दन्तस्स, असत्तिया पादङ्कुट्टकादीहि विलेखन्तस्स, जातपथविभावं वा, “खणामि वा अह”न्ति अजानन्तस्स, उम्मतकादीनञ्च अनापत्तिं। जातपथवी, पथविसज्जिता, खणनखणापनानं अज्जतरन्ति इमानेत्य तीणि अङ्गानि। समुद्धानादीनि अदिन्नादानसदिसानि, इदं पन पण्णत्तिवज्जं, तिचित्तं, तिवेदनन्ति।

पथवीखणनसिक्खापदवण्णना निड्डिता।

मुसावादवगो पठमो।

२. भूतगामवगो

१. भूतगामसिक्खापदवण्णना

भूतगामवगस्स पठमं भूतगामपातव्यतायाति एत्थ भवन्ति अहेसुञ्चाति भूता, जायन्ति वड्ढन्ति जाता वड्ढिता चाति अत्थो। गामोति रासि, भूतानं गामो, भूता एव वा गामोति भूतगामो, पतिट्ठितहरिततिणरुक्खादीनमेतं अधिवचनं। पातव्यस्स भावो पातव्यता, छेदनभेदनादीहि यथारुचि परिभुज्जितव्यताति अत्थो, तस्सं भूतगामपातव्यताय, निमित्तत्थे चेत्तं भुम्मवचनं, भूतगामपातव्यताहेतु भूतगामस्स छेदनादिपच्चया पाचित्तियन्ति अत्थो। तस्मा यो भिक्खु पथविउदकपाकारादीसु यत्थकत्थचि जातं असुक्खं अन्तमसो अतिसुखुमतिणम्पि सासपबीजकसेवाल्मि उद्धरणच्छेदनविज्झनादीहि विकोपेति वा पथविखणने वुत्तनयेन विकोपापेति वा पाचित्तियं आपञ्जति।

आळवियं आळवके भिक्खू आरब्ध रुक्खछिन्दनवत्थुस्मिं पञ्जत्तं, साधारणपञ्जत्ति, साणत्तिकं, भूतगामतो वियोजितमूलबीजखन्धबीजफलुबीजअग्वबीजबीजबीजानं अज्जतरं भाजनगतं वा रासिकतं वा भूमियं रोपितम्पि निक्खन्तमूलमतं वा निक्खन्तअङ्कुरमतं वा सचेपिस्स विदत्थिमत्ता पत्तवट्ठि निग्गच्छति, अनिक्खन्ते वा मूले निक्खन्ते वा मूले याव अङ्कुरो हरितो न होति, ताव तं विकोपेत्तस्स दुक्कटं, तथा भूतगामबीजगामे वेमतिकस्स, अभूतगामबीजगामे भूतगामबीजगामसज्जिनो चेव वेमतिकस्स च। उभयत्थ पन अत्थासज्जिस्स, उम्मतकादीनञ्च अनापत्तिं, असज्जिच्च असत्तिया अजानित्वा वा विकोपेत्तस्स, “इमं रुक्ख”न्ति एवं अनियमेत्वा “रुक्खं छिन्द, वल्लिं छिन्दा”ति आदीनि भणन्तस्स, “इमं पुण्णं वा फलं वा जान, इमं देहि, इमं आहर, इमिना मे अत्थो, इमं कपियं करोही”ति भणन्तस्स च अनापत्तिं। एवं कपियवचनेन भूतगामतो वियोजितं पन बीजजातं पुन पि “कपियं करोही”ति कारेतत्वाव परिभुज्जितव्यं। एवञ्चिस्स बीजगामपरिमोचनम्पि कतं होति।

कपियं करोन्तेन पन अग्गिना वा नखेन वा सत्थेन वा कत्तव्वं, अग्गिना करोन्तेन च येन केनचि अग्गिना एकदेसे फुसन्तेन ‘कपिय’न्ति वत्त्वाव कातव्वं। सत्थेन करोन्तेन यस्स कस्सचि तिखिणसत्थस्स अन्तमसो सूचिनखच्छेदनादीनि तुण्डेन वा धाराय वा वेधं वा छेदं वा दस्सेन्तेन तथेव कातव्वं। नखेन करोन्तेन ठपेत्वा गोमहिंसादीनं खुरे येन केनचि अपूतिना मनुस्सानं वा तिरच्छानानं वा नखेन अन्तमसो छिन्दित्वा आहटेनापि सत्थे वुत्तनयेनेव कातव्वं। तत्थ सचेपि बीजानं पव्वतमतो रासि, रुक्खसहस्सं वा छिन्दित्वा एकाबड्डं, उच्छूनं वा महाभारो बन्धित्वा ठपितो होति, एकस्मिं बीजे वा रुक्खसाखाय वा उच्छुम्हि वा कपिये कते सब्बं कतं होति। उच्छुं “कपियं करिस्सामी”ति तेहि सड्ढि बड्डं दारुकं विज्झति, वट्टितियेव। सचे पन याय वल्लिया भारो बड्डो, तं विज्झति, न वट्टति। मरिचपक्कादीहि मिस्सेत्वा भत्तं आहरन्ति, “कपियं करोही”ति वुत्ते सचेपि भत्तसित्थे विज्झति, वट्टितियेव, तिलतण्डुलेसुपि एसेव नयो। यागुया पक्खित्तानि पन एकाबड्डानि हुत्वा न सन्तिड्डन्ति, तत्थ एकेकं विज्झित्वाव कातव्वं। कपिड्डुफलादीनं अन्तो मिज्जं कटाहं मुञ्चित्वा सञ्चरति, भिन्दापेत्वा कपियं कारेतव्वं। एकाबड्डा चे, कटाहेपि कातुं वट्टति। यं पन फलं तरुणं होति अबीजं यञ्च निब्बत्तबीजं बीजं अपनेत्वा परिभुज्जितव्वं, तत्थ कपियकरणकिच्चं नत्थि। भूतगामो, भूतगामसज्जिता, विकोपनं वा विकोपापनं वाति इमानेत्य तीणि अङ्गानि। समुद्धानादीनि पथविखणनसदिसानेवाति।

भूतगामसिक्खापदवण्णना निड्डिता।

२. अज्जवादकसिक्खापदवण्णना

दुतिये यमत्थं सङ्गमज्जे विनयधरो पुच्छति, ततो अज्जं वदतीति अज्जवादको, अज्जेनज्जं पटिचरणस्सेतं नामं। विहेसतीति विहेसको, तुण्हीभावस्सेतं नामं, तस्मिं अज्जवादके विहेसके। पाचित्तियन्ति वत्थुद्वये पाचित्तियद्वयं वुत्तं। तस्मा यो भिक्खु सावसेसं आपत्तिं आपन्नो सङ्गमज्जे अनुयुज्जियमानो तं न कथेतुकाभो अज्जेन वचनेन अज्जं छादेत्तो तथा तथा विक्खिपति, यो च तुण्हीभावेन विहेसेति, तेसं यं भगवता अज्जवादककम्मञ्चेव विहेसककम्मञ्च अनुज्जातं, तस्मिं सङ्गेन कते पुन तथा करोत्तानं पाचित्तियं।

कोसम्बियं छन्नत्थेरं आरब्ध अज्जेनज्जं पटिचरणवत्थुस्मिं पञ्जत्तं, साधारणपञ्जत्ति, अनाणत्तिकं, धम्मकम्मे तिकपाचित्तियं, अधम्मकम्मे तिकदुक्कटं, अनारोपिते पन अज्जवादके वा विहेसके वा तथा करोत्तस्स दुक्कटमेव। आपत्तिं आपन्नभावं वा अजानन्तस्स “किं तुम्हे भणया”ति पुच्छतो, गेलज्जेन वा, “सङ्गस्स भण्डनादीनि वा भविस्सन्ति, अधम्मेन वा वग्गेन वा नकम्मरहस्स वा कम्मं करिस्सन्ती”ति इमिना अधिप्पायेन न कथेन्तस्स, उम्मतकादीनञ्च अनापत्तिं। धम्मकम्मेन आरोपितता, आपत्तिया वा वत्थुना वा अनुयुज्जियमानता, छादेतुकाभताय अज्जेनज्जं पटिचरणं वा तुण्हीभावो वाति इमानेत्य तीणि अङ्गानि। समुद्धानादीनि अदिन्नादानसदिसानि, इदं पन सिया किरियं, सिया अकिरियं, दुक्खवेदनञ्च होतीति।

अज्जवादकसिक्खापदवण्णना निड्डिता।

३. उज्झापनसिक्खापदवण्णना

ततिये येन वचनेन उज्झापेत्ति “छन्दाय इत्थन्नामो इदं नाम करोती”ति आदीनि वदन्ता उपसम्पन्नं सङ्गेन सम्मतं सेनासनपञ्चापकादिभेदं तस्स अयसकामा हुत्वा भिक्खूहि अवजानापेत्ति, अवज्जाय ओलोकापेत्ति, लामकतो वा चिन्तापेत्ति, तं वचनं उज्झापनकं। येन च तथेव वदन्ता खियन्ति, सब्बत्थ तस्स अवण्णं पकासेत्ति, तं खियन्नकं, तस्मिं उज्झापनके खियन्नके। पाचित्तियन्ति वत्थुद्वये पाचित्तियद्वयं वुत्तं। तस्मा यो सम्मतस्स भिक्खुनो अयसकामताय उपसम्पन्नस्स वदन्तो उज्झापेत्ति वा खियन्ति वा, तस्स पाचित्तियं होति।

राजगहे मेत्तियभूमजके भिक्खू आरब्ध उज्झापनखियन्नवत्थुस्मिं पञ्जत्तं, साधारणपञ्जत्ति, अनाणत्तिकं, यं तस्स उपसम्पन्नस्स सम्मुतिकम्मं कतं, तस्मिं धम्मकम्मे तिकपाचित्तियं, अधम्मकम्मे तिकदुक्कटं, अनुपसम्पन्नस्स पन सन्तिके तथा भणन्तस्स, असम्मतस्स च अवण्णं यस्स कस्सचि सन्तिके भणन्तस्स, अनुपसम्पन्नस्स पन सम्मतस्स वा असम्मतस्स वा अवण्णं यस्स कस्सचिदेव सन्तिके भणन्तस्स च दुक्कटमेव। पकत्तियाव छन्दादिवसेन करोन्तं उज्झापेत्तस्स वा खियन्नस्स वा, उम्मतकादीनञ्च अनापत्तिं। धम्मकम्मेन सम्मतता, उपसम्पन्ता, अगातिगमनाभावो, तस्स अवण्णकामता, यस्स सन्तिके वदति, तस्स उपसम्पन्ता, उज्झापनं वा खियन्नं वाति इमानेत्य छ अङ्गानि। समुद्धानादीनि अदिन्नादानसदिसानि, इदं पन दुक्खवेदनमेवाति।

उज्झापनसिक्खापदवण्णना निड्डिता।

४. पठमसेनासनसिक्खापदवण्णना

चतुर्थे **सङ्घिकन्ति** सङ्घस्स सन्तकं । मञ्चादीसु योकोचि मञ्चसङ्घेपेन कतो सब्बोपि **मञ्चो**येव, **पीठे**पि एसेव नयो । येन केनचि पन चोळेन वा कप्पियचम्मेन वा छवि कत्वा ठपेत्वा मनुस्सलोमं तालीसपत्तञ्च येहि केहिचि लोमपण्णतिणवाकचोळेहि पूरेत्वा कतसेनासनं **भिसी**ति वुच्चति । तत्थ निसीदितुमि निपज्जितुमि वट्टति, पमाणपरिच्छेदोपि चेत्थ नत्थि । **कोच्छं** पन वाकउसीरमुञ्जपब्बजादीनं अञ्जतरमयं अन्तो संवेल्लित्वा बद्धं हेट्ठा च उपरि च वित्थत पणवसण्ठानं मञ्जे सीहचम्मादिपरिक्खितं होति, अकप्पियचम्मं नामेत्य नत्थि । सेनासनजिह सोवण्णमयमि वट्टति । **अज्झोकासे**ति एत्थ ये अवस्सिकसङ्केता वस्सानमासाति एवं असज्जिता अट्ठ मासा, ते ठपेत्वा इतरेसु चतूसु मासेसु सचोपि देवो न वस्सति । तथापि पकति अज्झोकासे च ओवस्सकमण्डपे च सन्थरितुं न वट्टति । यत्थ पन हेमन्ते वस्सति, तत्थ अपरेपि चत्तारो मासे न वट्टति । गिम्हे पन सब्बत्थ विगतवलाहकं विसुद्धं नभं होति, तस्मा तदा केनचिदेव करणीयेन गच्छति, वट्टति । काकादीनं निबद्धवासरुक्खमूले पन कदाचिपि न वट्टति । इति यत्थ च यदा च सन्थरितुं न वट्टति, तं सब्बमिध अज्झोकाससङ्घमेव गतन्ति वेदितव्वं ।

सन्थरित्वाति तथारूपे ठाने अत्तनो वा परस्स वा अत्थाय सन्थरित्वा । अञ्चस्सत्थाय सन्थरित्वा हि याव सो तत्थ न निसीदति, ‘गच्छ त्व’न्ति वा न भणति, ताव सन्थारकस्सेव भारो । **सन्थरापेत्वा**ति अनुपसम्पन्नेन सन्थरापेत्वा । एतदेव हि तस्स पलिबोधो होति, उपसम्पन्नेन सन्थरं सन्थारकस्सेव भारो, तच्च खो याव आणापको तत्थ न निसीदति, ‘गच्छ त्व’न्ति वा न भणति । यस्मिज्जि अत्तना सन्थरापिते वा पकतिसन्थरे वा उपसम्पन्नो निसीदति, सब्बं तं निसिन्त्स्सेव भारो, तस्मा सन्थरापिततन्त्वेव सङ्घं गच्छति । **तं पक्कमन्तो नेव उद्धरेय्य, न उद्धरापेय्या**ति अत्तना वा उद्धरित्वा पतिरूपे ठाने न ठपेय्य, परेन वा तथा न कारापेय्य । **अनापुच्छं वा गच्छेय्या**ति यो भिक्खु वा सामणेरो वा आरामिको वा लज्जी होति, अत्तनो पलिबोधं विय मञ्जति, तथारूपं अनापुच्छित्वा तं सेनासनं तस्स अनित्यातेत्वा निरपेक्खो गच्छति, थाममज्झिमस्स पुरिसस्स लेड्डुपातं अतिक्कमेय्य, तस्स एकेन पादेन लेड्डुपातातिक्कमे दुक्कटं, दुतियपादातिक्कमे पाचित्तियं । भोजनसालाय ठितो पन “असुकस्मिं नाम दिवाविहारद्वारे पञ्जपेत्वा गच्छाही”ति पेसेत्वा ततो निक्खमित्वा अञ्जत्थ गच्छन्तो पादुद्धारेन कारेतव्वो ।

सावत्थियं सम्बहुले भिक्खू आरम्भ सन्थरं अनुद्धरित्वा अनापुच्छं पक्कमनवत्थुस्मिं पञ्जत्तं, साधारणपञ्जत्ति, अनाणत्तिकं, तिकपाचित्तियं, पुग्गलिके तिकदुक्कटं, चिमिलिकं वा उत्तरत्थरणं वा भूमत्थरणं वा तट्टिकं वा चम्मक्खण्डं वा पादपुच्छं वा फलकपीठं वा यं वा पनञ्जं कच्चि दारुमण्डं मत्तिकाभण्डं अन्तमसो पत्ताधारकमि वुत्तलक्खणे अज्झोकासे ठपेत्वा गच्छन्तस्स दुक्कटमेव । आरञ्जकेन पन असति अनोवस्सके सब्बं रुक्खे लग्गेत्वापि यथा वा उपचिकाहि न खज्जति, एवं कत्वापि गन्तुं वट्टति । अब्भोकासिकेन पन चीवरकुटिकं कत्वापि रक्खितव्वं । अत्तनो सन्तके, विस्सासिकपुग्गलिके, उद्धरणादीनि कत्वा गमने, ओतापेन्तस्स, “आगन्त्वा उद्धरिस्सामी”ति गच्छतो, वुद्धतरा उड्डापेन्ति, अमनुस्सो तत्थ निसीदति, कोचि इस्सरो गण्हाति, सीहादयो तं ठानं आगन्त्वा तिड्ढन्ति, एवं सेनासनं पलिबुद्धं होति, तथा पलिबुद्धे वा सेनासने, जीवितब्रह्मचरियन्तरायकरासु आपदासु वा गच्छन्तस्स, उम्मतकादीनञ्च अनापत्ति । मञ्चादीनं सङ्घिकता, वुत्तलक्खणे देसे सन्थरणं वा सन्थरापनं वा, अपलिबुद्धता, आपदाय अभावो, निरपेक्खता, लेड्डुपातातिक्कमोति इमानेत्य छ अङ्गानि । समुद्धानादीनि पठमकथिनसदिसानेव, इदं पन किरियाकिरियन्ति ।

पठमसेनासनसिक्खापदवण्णना निड्डिता ।

५. दुतियसेनासनसिक्खापदवण्णना

पञ्चमे **विहारे**ति गम्भे वा अञ्जतरस्मिं वा सब्बपरिच्छन्ने वुत्तसेनासने । **सेय्यन्ति** सेय्या नाम भिसी चिमिलिका उत्तरत्थरणं भूमत्थरणं तट्टिका चम्मक्खण्डो निसीदनं पच्चत्थरणं तिणसन्थारो पण्णसन्थारोति वुत्तं । तत्थ **चिमिलिका** नाम परिकम्मकताय भूमिया वण्णानुरक्खणत्थं कता । **उत्तरत्थरणं** नाम मञ्चपीठादीनं उपरि अत्थरितव्वयुत्तकं पच्चत्थरणं । **भूमत्थरणं** नाम चिमिलिकाय सति तस्सा उपरि, असति सुद्धभूमियं अत्थरितव्व्या कटसारकादि विकति । **तट्टिका** नाम तालपण्णादीहि कततट्टिका । **चम्मक्खण्डो** नाम यंकिच्चि चम्मं, सीहचम्मादीनज्जि परिहरणेयव परिक्खेपो, सेनासनपरिभोगे पन अकप्पियचम्मं नाम नत्थि । **पच्चत्थरणं** नाम पावारो कोजवोति एत्तकमेव, सेसं पाकटमेव । इति इमासु दससु सेय्यासु एकमि सेय्यं अत्तनो वस्सगणेन गहेत्वा वुत्तलक्खणे विहारे सन्थरित्वा वा सन्थरापेत्वा वा यो भिक्खु दिसंगमिको यथा ठपितं उपचिकाहि न खज्जति, तथा ठपनवसेन नेव उद्धरेय्य, न उद्धरापेय्य, पुरिमसिक्खापदे वुत्तनयेन अनापुच्छं वा गच्छेय्य, तस्स परिक्खित्तस्स आरामस्स परिक्खेपं, अपरिक्खित्तस्स उपचारं अतिक्कमन्तस्स पठमपादे दुक्कटं, दुतियपादे पाचित्तियं । यत्थ पन उपचिकासङ्का नत्थि, ततो अनापुच्छापि गन्तुं वट्टति, आपुच्छं पन वत्तं ।

सावत्थियं सत्तरसवगिये भिक्खू आरम्भ सङ्घिके विहारे सेय्यं सन्थरित्वा अनुद्धरित्वा अनापुच्छा पक्कमनवत्थुस्मिं पञ्जत्तं, साधारणपञ्जत्ति, अनाणत्तिकं, तिकपाचित्तियं, पुग्गलिके तिकदुक्कटं, वुत्तलक्खणस्स पन विहारस्स उपचारे बहि आसन्ने उपड्डानसालाय वा अपरिच्छन्मण्डपे वा परिच्छन्ने वापि बहून् सन्निपातभूते रुक्खमूले वा सन्थरित्वा वा सन्थरापेत्वा वा, मञ्चपीठञ्च विहारे वा वुत्तपकारे विहारूपचारे वा सन्थरित्वा वा सन्थरापेत्वा वा उद्धरणादीनि अकत्वा गच्छन्तस्स दुक्कटमेव । अत्तनो सन्तके, विस्सासिकपुग्गलिके, उद्धरणादीनि कत्वा, पुरिमनयेनेव पलिबुद्धं छहेत्वा गमने, यो च “अज्जेव आगन्त्वा पटिजग्गिस्सामी”ति एवं सापेक्खो नदिपारं वा गामन्तरं वा गन्त्वा यत्थस्स गमनचिंतं उपपन्नं, तत्थेव ठितो कच्चि पेसेत्वा वा आपुच्छति, नदिपूरजचोरादीसु वा केनचि पलिबुद्धो न सक्कोति पच्चागन्तुं, तस्स च, आपदासु च, उम्मतकादीनञ्च अनापत्ति । वुत्तलक्खणसेय्या, तस्सा सङ्घिकता, वुत्तलक्खणे विहारे सन्थरणं वा सन्थरापनं वा, अपलिबुद्धता, आपदाय अभावो, अनपेक्खस्स दिसापक्कमनं, उपचारसीमातिक्कमोति इमानेत्य सत्त अङ्गानि । समुद्धानादीनि अनन्तरसिक्खापदे वुत्तनयानेवाति ।

दुतियसेनासनसिक्खापदवण्णना निड्डिता ।

६. अनुपखज्जसिक्खापदवण्णना

छट्ठे **जानन्ति** “अनुड्डापनीयो अय”न्ति जानन्तो, तेनेवस्स पदभाजने “वुद्धो”ति जानाति, ‘गिलानो’ति जानाति, ‘सङ्गेन दिन्नो’ति जानाती”ति (पाचिं १२१) वुत्तं । वुद्धो हि अत्तनो वुद्धताय अनुड्डापनीयो, गिलानो गिलानताय, सङ्गो पन भण्डागारिकस्स वा धम्मकथिकविनयधरणवाचकाचरियानं वा बहूपकारं गुणविसिद्धतञ्च सल्लक्खेत्वा धुववासत्थाय विहारं सल्लक्खेत्वा सम्मन्त्वा देति, तस्मा यस्स सङ्गेन दिन्नो, सोपि अनुड्डापनीयो । **पुब्बुपगतन्ति** पुब्बं उपगतं । **अनुपखज्जाति** मञ्चपीठानं वा तस्स वा भिक्खुनो पविसन्तस्स वा निक्खमन्तस्स वा उपचारं अनुपविसित्वा । तत्थ मञ्चपीठानं ताव महल्लके विहारे समन्ता दियट्ठो हत्थो उपचारो, खुद्धके यतो पहेति, ततो दियट्ठो हत्थो, तस्स पन पविसन्तस्स पादधोवनपासाणतो याव मञ्चपीठं, निक्खमन्तस्स मञ्चपीठतो याव पस्सावड्डानं, ताव उपचारो । **सेय्यं कपेय्या**ति तस्स सम्बाधं कत्तुकामताय तस्मिं उपचारे दससु सेय्यासु एकमि सन्थरन्तस्स वा सन्थरापेन्तस्स वा दुक्कटं, तत्थ निसीदन्तस्स वा निपज्जन्तस्स वा पाचित्तियं, द्वेपि करोन्तस्स द्वे पाचित्तियानि, पुनष्पुनं करोन्तस्स पयोगगणनाय पाचित्तियं ।

सावत्थियं छब्बगिये भिक्खू आरम्भ अनुपखज्ज सेय्यकप्पनवत्थुस्मिं पञ्जत्तं, साधारणपञ्जत्ति, अनाणत्तिकं, तिकपाचित्तियं, पुग्गलिके तिकदुक्कटं, वुत्तपचारतो वा बहि, उपड्डानसालादिके वा, विहारस्स उपचारे वा, सन्थरणसन्थरापनेसुपि निसज्जसयनेसुपि दुक्कटमेव । अत्तनो वा, विस्सासिकस्स वा सन्तके पन विहारे सन्थरन्तस्स, यो च गिलानो वा सीतुण्णपीळितो वा पविसति, तस्स च, आपदासु च, उम्मतकादीनञ्च अनापत्ति । सङ्घिकविहारता, अनुड्डापनीयभावजाननं, सम्बाधेतुकामता, उपचारे निसीदनं वा निपज्जनं वाति इमानेत्य चत्तारि अङ्गानि । समुद्धानादीनि पठमपाराजिकसदिसानेव, इदं पन दुक्खवेदनमेवाति ।

अनुपखज्जसिक्खापदवण्णना निड्डिता ।

७. निक्कट्ठनसिक्खापदवण्णना

सत्तमे **कुपितो**ति कुद्धो । **अनत्तमनो**ति अतुड्धचित्तो । **निक्कट्ठेय्य वा निक्कट्ठपेय्य वा पाचित्तियन्ति** एत्थ ये अनेकभूमका पासादा, अनेककोडुकानि वा चतुस्सालानि, तादिसेसु सेनासनेसु गहेत्वा अन्तरा अट्टपेत्वा एकेनेव पयोगेन अतिक्कामेन्तस्स एकं पाचित्तियं, ठपेत्वा ठपेत्वा नानापयोगेहि अतिक्कामेन्तस्स द्वारगणनाय पाचित्तियानि, हत्थेन अनामसित्वा ‘निक्खमा’ति वत्त्वा वाचाय

निककट्टुत्तस्सापि एसेव नयो। निककट्टुपेत्तस्स पन ‘निककट्टा’ति आणत्तमत्ते दुक्कटं, सकिं आणत्ते पन तस्मिं बहुकेपि द्वारे निकखमन्ते इतरस्स एकमेव पाचित्तियं। सचे पन “एत्तकानि द्वाराणि निककट्टाही”ति वा, “याव महाद्वारं, ताव निककट्टाही”ति वा एवं नियमेत्वा आणत्तो होति, द्वारगणनाय पाचित्तियानि।

सावत्थियं छब्बगिये भिक्खु आरब्भ भिक्खुं सङ्घिका विहारा निककट्टुनवत्थुस्मिं

पञ्जत्तं, साधारणपञ्जत्ति, साणत्तिकं, तिकपाचित्तियं, पुगलिके तिकदुक्कटं, तस्स परिकखारनिककट्टुने, उपडानसालादिका विहारूपचारा तस्स वा तस्स परिकखारस्स वा निककट्टुने, अनुपसम्पन्नस्स पन अनुपसम्पन्नपरिकखारस्स वा विहारा वा विहारूपचारा वा निककट्टुने निककट्टापने च दुक्कटमेव। तज्ज खो असम्बद्धेसु परिकखारेसु परिकखारगणनाय वेदितब्बं। अत्तनो वा, विस्सासिकस्स वा सन्तका विहारा निककट्टुने, सकलसङ्घारामतोपि भण्डनकारकस्स वा तस्स परिकखारस्स वा निककट्टुने निककट्टापने वा, अत्तनो वसनड्डानतो अलज्जिस्स, उम्मतकस्स, न सम्भावत्तानं अन्तेवासिकसविहारिकानं, तेसं परिकखारस्स वा निककट्टुने च, सयं उम्मतकादीनञ्च अनापत्ति। सङ्घिकविहारो, उपसम्पन्नस्स भण्डनकारकभावादिविनिमुत्तता, कोपेन निककट्टुनं वा निककट्टापनं वाति इमानेत्य तीणि अङ्गानि। समुद्धानादीनि अदिन्नादानसदिसानि, इदं पन दुक्खवेदनन्ति।

निककट्टुनसिक्खापदवण्णना निड्डिता।

८. वेहासकुटिसिक्खापदवण्णना

अट्टमे उपरिवेहासकुटियाति उपरि अचञ्चलताय द्विभूमिककुटिया वा तिभूमिककुटिया वा, पदभाजने पन इध अधिपेतं कुटि दस्सेतुं “मज्झिमस्स पुरिसस्स असोसघट्टा”ति (पाचि० १३१) वुत्तं। आहच्चपादकन्ति अङ्गे विज्झित्वा पवेसितपादकं। अभिनिसीदेय्याति अभिभवित्वा अज्झोत्थरित्वा निसीदेय्य, भुम्मत्थे वा एतं उपयोगवचनं, मज्जे वा पीठे वा निसीदेय्य वा निपज्जेय्य वाति अत्थो। अभीति इदं पन पदसोभणत्थे उपसगमत्तमेव, तस्मा यो भिक्खु वुत्तलक्खणाय वेहासकुटिया सव्वन्तिमेन परिच्छेदेन याव पमाणमज्झिमस्स पुरिसस्स सव्वसो हेड्डिमाहि तुलाहि सोसं न घट्टेति, एत्तकं उच्चाय तुलानं उपरि ठपिते आहच्चपादके मज्जे वा पीठे वा निसीदति वा निपज्जति वा, तस्स अनुपखज्जसिक्खापदे वुत्तनयेन पयोगगणनाय पाचित्तियं।

सावत्थियं अञ्चतरं भिक्खु आरब्भ उपरिवेहासकुटिया आहच्चपादकं मज्जं पीठं सहसा अभिनिसीदन अभिनिपज्जनवत्थुस्मिं पञ्जत्तं, साधारणपञ्जत्ति, अनाणत्तिकं, तिकपाचित्तियं, पुगलिके तिकदुक्कटं, अत्तनो वा, विस्सासिकस्स वा सन्तके विहारे, अवेहासकुटिया, सीसघट्टाय, यस्स वा हेड्डा दब्बसम्भारादीनं निक्खित्तता अपरिभोगं होति, उपरितलं वा पदरसञ्चितं सुधादिपरिकम्पकतं वा, तत्थ आहच्चपादके निसीदन्तस्स, यो चे तस्मिं वेहासट्टेपि आहच्चपादके ठितो किञ्चि गणहाति वा लग्गाति वा, यस्स च पट्ठाणी दिन्ना होति, पादसीसानं उपरि आणी पवेसिता, तत्थ निसीदन्तस्स, उम्मतकादीनञ्च अनापत्ति। सङ्घिको विहारो, असोसघट्टा वेहासकुटि, हेड्डा सपरिभोगं, अपट्ठाणिदिन्ने आहच्चपादके निसीदनं वा निपज्जनं वाति इमानेत्य चत्तारि अङ्गानि। समुद्धानादीनि एळकलोमसदिसानीति।

वेहासकुटिसिक्खापदवण्णना निड्डिता।

९. महल्लकविहारसिक्खापदवण्णना

नवमे महल्लकन्ति सस्सामिकं। विहारन्ति उल्लित्तावल्लित्तं। याव द्वारकोसाति एत्थ द्वारकोसो नाम उक्कट्टुपरिच्छेदेन पिट्टुसङ्घाटस्स सामन्ता अट्टेत्यहत्थो पदेसो। अगगळट्टुपनायाति सकवाटकस्स द्वारबन्धस्स निच्चलभावत्थाय। कवाटज्झि लहुपरिवत्तकं विवरणकाले भित्ति आहन्ति, पिदहनकाले द्वारबन्धं। तेन आहनेन भित्ति कम्पति, ततो मत्तिका चलति, चलित्वा सिथिला वा होति पतति वा, तेनाह भगवा “याव द्वारकोसा अगगळट्टुपनाया”ति। तत्थ किञ्चापि “इदं नाम कत्तब्ब”न्ति नेव मात्तिकायं, न पदभाजने वुत्तं, अट्टुप्पत्तियं पन “पुनप्पुनं छादापेसि, पुनप्पुनं लेपापेसी”ति (पाचि० १३४) अधिकारतो याव द्वारकोसा अगगळट्टुपनाय पुनप्पुनं लिप्पितब्बो वा लेपापेतब्बो वाति एवमत्थो दट्टब्बो। आलोकसन्धिपरिकम्मायाति एत्थ आलोकसन्धीति वातपानकवाटका वुच्चन्ति। ते विवरणकाले विदत्थिमत्तम्पि अतिरेकम्पि भित्तिपदेसं पहरन्ति, उपचारो पनेत्थ सव्वदिसासु लब्भति, तस्मा सव्वदिसासु कवाटवित्थारप्पमाणो ओकासो आलोकसन्धिपरिकम्पत्थाय लिप्पितब्बो वा लेपापेतब्बो वाति अयमेत्थ अधिप्पायो।

एवं लेपकम्पे यं कत्तब्बं, तं दस्सेत्वा इदानीं छदने कत्तब्बं दस्सेतुं द्वित्तिच्छदनस्साति आदिमाह। तत्थ द्वित्तिच्छदनस्स परियायन्ति छदनस्स द्वित्तिपरियायं, परियायं वुच्चति परिकखेपो, परिकखेपद्वयं वा परिकखेपत्तयं वा अधिड्डातब्बन्ति अत्थो। अप्पहरिते ठितेनाति अहरिते ठितेन। हरितन्ति चेत्थ सत्तधज्जादिभेदं पुब्बणं, मुग्गमासतिलकुलत्थ अलाबुकुम्भण्डादिभेदञ्च अपरणं अधिपेतं। यं तस्मिं खेत्ते वुत्तं न ताव सम्पज्जति, वस्से पन पतिते सम्पज्जिस्सति, तम्पि हरितसङ्घमेव गच्छति। तस्मा तस्मिं ठत्वा अधिड्डहन्तो दुक्कटं आपज्जति। अप्पहरिते ठत्वा अधिड्डहन्तस्सापि अयं परिच्छेदो, पिड्डिवंसस्स वा कूटागारथूपिकाय वा पस्से निसिन्नो पुरिसो छदनमुखवट्टिअन्तेन ओलोकेन्तो यस्मिं भूमिभागे ठितं भिक्खुं परस्सति, यस्मिञ्च ठितो तं उपरि निसिन्नकं तथेव उल्लोकेन्तो परस्सति, तस्मिं ठातब्बं, तस्स अन्तो अहरितेपि ठातुं न लभति। ततो चे उत्तरीति मग्गेन छादियमाने तिण्णं मग्गानं, परियायेन छादियमाने तिण्णं परियायानं उपरि इड्डकसिलासुधाहि छादियमाने इड्डकसिलासुधापिण्डगणनाय, तिणपण्णेहि छादियमाने पणगणनाय चेव तिणमुड्डिगणनाय च पाचित्तियं।

कोसम्बियं छन्नत्थेरं आरब्भ पुनप्पुनं छादापनलेपापनवत्थुस्मिं पञ्जत्तं, साधारणपञ्जत्ति, अनाणत्तिकं, तिकपाचित्तियं, ऊनद्वित्तिपरियाये अतिरेकसज्जिनो वेमतिकस्स वा दुक्कटं। सेतवण्णादिकरणे, द्वित्तिपरियाये वा ऊनकद्वित्तिपरियाये वा, लेणगुहातिणकुटिकादीसु, अज्जस्सत्थाय, अत्तनो धनेन कारेन्तस्स, वासागारं ठपेत्वा सेसानि अधिड्डहन्तस्स, उम्मतकादीनञ्च अनापत्ति। महल्लकविहारता, अत्तनो वासागारता, उत्तरि अधिड्डानन्ति इमानेत्य तीणि अङ्गानि। समुद्धानादीनि सञ्चरिते वुत्तनयानेवाति।

महल्लकविहारसिक्खापदवण्णना निड्डिता।

१०. सप्पाणकसिक्खापदवण्णना

दसमे जानं सप्पाणकन्ति “सप्पाणकं एत”न्ति दिस्वा वा सुत्वा वा येन केनचि आकारेन जानन्तो। सिञ्चेय्य वा सिञ्चापेय्य वाति तेन उदकेन सयं वा सिञ्चेय्य, अज्जं वा आणापेत्वा सिञ्चापेय्य। तत्थ धारं अविच्छिन्दित्वा सिञ्चन्तस्स एकस्मिं घटे एकाव आपत्ति, विच्छिन्दन्तस्स पयोगगणनाय आपत्तियो। मात्तिकं पमुखं करोति, दिवसम्पि सन्दतु, एकाव आपत्ति। तत्थ तत्थ बन्धित्वा अज्जतो नेन्तस्स पयोगगणनाय आपत्तियो। बहुकम्पि तिणपण्णसाखादिं एकप्पयोगेन उदके पक्खिपन्तस्स एकाव आपत्ति, एकेकं पक्खिपन्तस्स पयोगगणनाय आपत्तियो। इदञ्च यं एवं पक्खिपियमाने परियादानं गच्छति, आविलं वा होति, यथा पाणका मरन्ति, तादिसं सन्धाय वुत्तं, न महाउदकं। सिञ्चापने आणत्तिया दुक्कटं, एकाणत्तिया बहुकम्पि सिञ्चतु, आणापकस्स एकमेव पाचित्तियं।

आळवियं आळवके भिक्खू आरब्भ सिञ्चनवत्थुस्मिं पञ्जत्तं, साधारणपञ्जत्ति, साणत्तिकं, अप्पाणके सप्पाणकसज्जिनो, उभोसु वेमतिकस्स दुक्कटं। अप्पाणकसज्जिनो, असञ्चिच्च अस्सति या वा सिञ्चन्तस्स, अजानन्तस्स, उम्मतकादीनञ्च अनापत्ति। उदकस्स सप्पाणकता, “सिञ्चनेन पाणका मरिस्सन्तो”ति जानन्, तज्ज उदकं तादिसमेव, विना वधकचेतनाय येन केनचि करणीयेन तिणादीनं सिञ्चनन्ति इमानेत्य चत्तारि अङ्गानि। समुद्धानादीनि अदिन्नादानसदिसानि, इदं पन पणत्तिवज्जं, तिचित्तं, तिवेदनन्ति।

सप्पाणकसिक्खापदवण्णना निड्डिता।

भूतगामवग्गो दुत्तियो।

३. ओवादवग्गो

१. ओवादसिक्खापदवण्णना

ओवादवग्गस्स पठमे **असम्मतो**ति या अट्ठङ्गसमन्नागतस्स भिक्खुनो भगवता जत्तिचतुत्थेन कम्मेन (पाचि० १४६) भिक्खुनोवादकसम्मुति अनुज्जाता, ताय असम्मतो। **ओवदेव्या**ति भिक्खुनिसङ्घं वा सम्बहुला वा एकं भिक्खुनि वा “वस्ससत्पसम्पन्नाय भिक्खुनिया तदहुपसम्पन्नस्स भिक्खुनो अभिवादनं पच्चुट्ठानं अज्जलिकम्मं सामीचिकम्मं कातब्बं”न्ति आदिके (चूळव० ४०३) अट्ठ गुरुधम्मे ओवादवसेन ओसारेन्तो ओवदेव्य। **पाचित्तियन्ति** ओवादपरियोसाने पाचित्तियं।

सावत्थियं छब्बगिये भिक्खु आरब्ध ओवदनवत्थुस्मिं पञ्जत्तं, असाधारणपञ्जत्ति, अनाणत्तिकं, अज्जेन वा धम्मेन भिक्खुनीसु उपसम्पन्नमत्तं वा ओवदतो दुक्कटं। सम्मतस्सापि तज्जे सम्मुतिकम्मं अधम्मकम्मं होति, तस्मिं अधम्मकम्मे अधम्मकम्मसज्जिनो वग्गे भिक्खुनिसङ्घे ओवदतो तिकपाचित्तियं, तथा वेमतिकस्स धम्मकम्मसज्जिनो चाति नव पाचित्तियानि, समग्गेपि भिक्खुनिसङ्घेन वाति अधम्मकम्मवसेन अट्ठारस। सचे पन तं धम्मकम्मं होति, “धम्मकम्मे धम्मकम्मसज्जी समग्गं भिक्खुनिसङ्घं समग्गसज्जी ओवदती”ति (पाचि० १५१) इदं अवसानपदं ठपेत्वा तेनेव नयेन सत्तरस दुक्कटानि, “समग्गमहाय्या”ति च वुत्ते अज्जं धम्मं, “वग्गमहाय्या”ति च वुत्ते अट्ठ गुरुधम्मे भणन्तस्स, ओवादज्ज अनिय्यातेत्वा अज्जं धम्मं भणन्तस्स दुक्कटमेव। यो पन धम्मकम्मे धम्मकम्मसज्जी समग्गं भिक्खुनिसङ्घं समग्गसज्जी ओवदति, गुरुधम्मपाळि उद्देसं देति, परिपुच्छं देति, “ओसारेहि अय्या”ति वुच्चमानो ओसारेति, पज्जं पुट्ठो कथेति, भिक्खुनीनं सुणमानानं अज्जस्सत्थाय भणति, सिक्खमानाय वा सामणेरीया वा भणति, तस्स, उम्मतकादीनज्ज अनापत्ति। असम्मता, भिक्खुनिया परिपुण्णपसम्पन्ता, ओवादवसेन अट्ठगुरुधम्मभणनन्ति इमानेत्य तीणि अङ्गानि। समुट्ठानादीनि पदसोधम्मसदिसानेवाति।

ओवादसिक्खापदवण्णना निट्ठिता।

२. अत्थङ्गतसिक्खापदवण्णना

दुतिये **ओवदेव्या**ति अट्ठगुरुधम्मेहि वा अज्जेन वा धम्मेन ओवदन्तस्स सम्मतस्सापि पाचित्तियमेव।

सावत्थियं आयस्मन्तं चूळपन्थकं आरब्ध अत्थङ्गते सूरिये ओवदनवत्थुस्मिं पञ्जत्तं, असाधारणपञ्जत्ति, अनाणत्तिकं, तिकपाचित्तियं, सूरिये अत्थङ्गते अत्थङ्गतसज्जिनो वेमतिकस्स वा, एकतोउपसम्पन्नं ओवदन्तस्स च दुक्कटं। पुरिमसिक्खापदे विय उद्देसादिनयेन अनापत्ति। अत्थङ्गतसूरियता, परिपुण्णपसम्पन्ता, ओवदनन्ति इमानेत्य तीणि अङ्गानि। समुट्ठानादीनि पदसोधम्मसदिसानेवाति।

अत्थङ्गतसिक्खापदवण्णना निट्ठिता।

३. भिक्खुनुपस्सयसिक्खापदवण्णना

ततिये **भिक्खुनुपस्सयन्ति** भिक्खुनिया एकरत्तं वसनट्ठानम्पि। **ओवदेव्या**ति इध गुरुधम्मेहि ओवदन्तस्सेव पाचित्तियं। सचे पन असम्मतो होति, द्वे पाचित्तियानि। सचे पन सूरियेपि अत्थङ्गते ओवदति, तीणि होन्ति। सम्मतस्स पन रत्ति ओवदन्तस्सपि द्वे एव होन्ति। सम्मतता हि भिक्खुस्स गुरुधम्मोवाद्मूलकं पाचित्तियं नत्थि। **गिलाना**ति न सक्कोति ओवादाय वा संवासाय वा गन्तुं।

सक्केसु छब्बगिये भिक्खु आरब्ध भिक्खुनुपस्सयं उपसङ्कमित्वा ओवदनवत्थुस्मिं पञ्जत्तं, “अज्जत्र समया”ति अयमेत्थ अनुपञ्जत्ति, असाधारणपञ्जत्ति, अनाणत्तिकं, तिकपाचित्तियं, अनुपसम्पन्नाय उपसम्पन्नसज्जिनो वेमतिकस्स वा, एकतोउपसम्पन्नं येन केनाचि, इतरं अज्जेन धम्मेन ओवदन्तस्स च दुक्कटं। समये, अनुपसम्पन्नाय, पुरिमसिक्खापदे विय उद्देसादिनयेन च अनापत्ति। उत्पस्सयूपगमनं, परिपुण्णपसम्पन्ता, समयाभावो, गुरुधम्मेहि ओवदनन्ति इमानेत्य चत्तारि अङ्गानि। समुट्ठानादीनि पठमकथिनसदिसानि, इदं पन किरियं होतीति।

भिक्खुनुपस्सयसिक्खापदवण्णना निट्ठिता।

४. आमिससिक्खापदवण्णना

चतुत्थे **आमिसहेतू**ति चीवरादीनं अज्जतरहेतु। **भिक्खू**ति सम्मता भिक्खू इधाधिपेता। **पाचित्तियन्ति** एवरूपे भिक्खू अवण्णकामताय एवं भणन्तस्स पाचित्तियं।

सावत्थियं छब्बगिये भिक्खु आरब्ध “आमिसहेतु ओवदन्ती”ति भणनवत्थुस्मिं पञ्जत्तं, असाधारणपञ्जत्ति, अनाणत्तिकं, धम्मकम्मे तिकपाचित्तियं, अधम्मकम्मे तिकदुक्कटं, असम्मत्तं उपसम्पन्नज्ज, अनुपसम्पन्नज्ज सम्मतं वा असम्मत्तं वा एवं भणन्तस्स दुक्कटमेव। तत्थ यो भिक्खु काले सम्मुत्तिं लभित्वा सामणेरभूमियं सण्ठितो, अयं सम्मतो नाम अनुपसम्पन्नो। पकतिया चीवरादिहेतु ओवदन्तं पन एवं भणन्तस्स, उम्मतकादीनज्ज अनापत्ति। उपसम्पन्नता, धम्मेन लङ्घसम्मुतिता, अनामिसन्तरता, अवण्णकामताय एवं भणनन्ति इमानेत्य चत्तारि अङ्गानि। समुट्ठानादीनि अदिन्नादानसदिसानि, इदं पन दुक्खवेदनमेवाति।

आमिससिक्खापदवण्णना निट्ठिता।

५. चीवरदानसिक्खापदवण्णना

पञ्चमे सावत्थियं अज्जतरं भिक्खुं आरब्ध चीवरदानवत्थुस्मिं पञ्जत्तं, सेसकथामग्गो पनेत्थ चीवरण्टिग्गहणसिक्खापदे वुत्तनयेनेव वेदितब्बो। तत्र हि भिक्खु पटिग्गाहको, इध भिक्खुनी, अयं विसेसो, सेसं तादिसमेवाति।

चीवरदानसिक्खापदवण्णना निट्ठिता।

६. चीवरसिब्बनसिक्खापदवण्णना

छट्ठे **चीवरन्ति** निवासनपारुपनुपगं। **सिब्बेय्य वा सिब्बापेय्या** वाति एत्थ सयं सिब्बन्तस्स सूचिं पवेसेत्वा पवेसेत्वा नीहरणे पाचित्तियं, सतक्खत्तुम्पि विज्झित्वा सकिं नीहरन्तस्स एकमेव पाचित्तियं। ‘सिब्बा’ति वुत्तो पन सचेपि सव्वं सूचिकम्मं निट्ठापेति, आणापकस्स एकमेव पाचित्तियं। अथ “यं एत्थ चीवरे कत्तब्बं, सव्वं तं तव भारो”ति वुत्तो निट्ठापेति, तस्स आरापथे आरापथे पाचित्तियं। आणापकस्स एकवाचाय सम्बहुलानिपि, पुनपुनं आणत्तियं पन वत्तब्बमेव नत्थि।

सावत्थियं उदात्थियेन आरब्ध चीवरसिब्बनवत्थुस्मिं पञ्जत्तं, असाधारणपञ्जत्ति, साणत्तिकं, तिकपाचित्तियं, जातिकाय अज्जातिकसज्जिनो वा वेमतिकस्स वा, एकतोउपसम्पन्नाय सिब्बन्तस्स च दुक्कटं। अज्जं थविकादिपरिक्खारं सिब्बन्तस्स, जातिकाय, सिक्खमानसामणेरीनज्ज चीवरम्पि सिब्बन्तस्स, उम्मतकादीनज्ज अनापत्ति। अज्जातिकाय भिक्खुनिया सन्तकता, निवासनपारुपनुपगता, वुत्तलक्खणं सिब्बनं वा सिब्बापनं वाति इमानेत्य तीणि अङ्गानि। समुट्ठानादीनि सज्जरित्तसदिसानेवाति।

चीवरसिब्बनसिक्खापदवण्णना निड्डिता ।

७. संविधानसिक्खापदवण्णना

सत्तमे **संविधाया**ति संविदहिक्त्वा, गमनकाले सङ्केतं कत्वाति अत्थो । **एकद्धानमग्ग**न्ति एकं अद्धानसङ्घातं मग्गं, एकतो वा अद्धानमग्गं । **सत्थगमनीयो**ति सत्थेन सङ्घि गन्तब्बो, सेसं उत्तानपदत्थमेव । अयं पनेत्थ विनिच्छयो — अकण्णियभूमियं संविदहन्तस्स संविदहनपच्चया ताव दुक्कटं । तत्थ ठपेत्वा भिक्खुनुपस्सयं अन्तरारामं आसनसात्तं तिथियसेय्यञ्च सेसा अकण्णियभूमि, तत्थ ठत्वा संविदहन्तस्साति अत्थो । संविदहिक्त्वा पन “अज्ज वा स्वे वा”ति नियमितं कालं विसङ्केतं अक्त्वा, द्वारविसङ्केतं पन मग्गविसङ्केतं वा कत्वापि भिक्खुनिया सङ्घि गच्छन्तस्स याव आसनस्सापि अज्जस्स गामस्स “अयं इमस्स उपचारो”ति मनुस्सेहि ठपितं उपचारं न ओक्कमति, ताव अनापत्ति । तं ओक्कमन्तस्स पन पठमपादे दुक्कटं, दुतियपादे पाचित्तियं, इति गामूपचारोक्कमनगणनाय पाचित्तियानि । अद्ध्योजनातिक्रमे पन गामे असति अद्ध्योजनगणनाय पाचित्तियं ।

सावत्थियं छब्बगिये भिक्खू आरम्भ एकद्धानमग्गपटिपज्जनवत्थुस्मिं पज्जत्तं, “अज्जत्र समयो”ति अयमेत्थ अनुपज्जति, असाधारणपज्जति, अनाणत्तिकं, तिकपाचित्तियं, असंविदहिते संविदहितसज्जिनो वेमतिकस्स वा, यो च भिक्खुनिया असंविदहन्तिया केवलं अत्तनाव संविदहति, तस्स दुक्कटं । समये संविदहिक्त्वापि गच्छन्तस्स, अत्तना असंविदहन्तस्स, विसङ्केतेन वा, आपदासु गच्छन्तस्स, उम्मतकादीनञ्च अनापत्ति । द्विन्मपि संविदहिक्त्वा मग्गपटिपत्ति, अविसङ्केतता, समयाभावो, अनापदा, गामन्तरोक्कमनं वा अद्ध्योजनातिक्रमो वाति इमानेत्य पञ्च अङ्गानि । एकतोउपसम्पन्नादीहि पन सङ्घि मातुगामसिक्खापदेन आपत्ति, अद्धानसमुद्धानं, किरियं, नोसज्जाविमोक्खं, अचित्तकं, पण्णत्तिवज्जं, कायकम्मं, वचीकम्मं, तिचित्तं, तिवेदनन्ति ।

संविधानसिक्खापदवण्णना निड्डिता ।

८. नावाभिरुहनसिक्खापदवण्णना

अट्टमे **संविधाया**ति कौळापुरेक्खारो संविदहिक्त्वा, अभिरुहनकाले सङ्केतं कत्वाति अत्थो । **उद्धगामिनि**न्ति कौळावसेन उद्धं नदिया पटिसोतं गच्छन्ति । **अधोगामिनि**न्ति तथेव अधो अनुसोतं गच्छन्ति । यं पन तिथ्यपटिपादनत्थं उद्धं वा अधो वा हरन्ति, एत्थ अनापत्ति । **अज्जत्र तिरियं तरणाया**ति उपयोगत्थे निस्सक्कवचनं, या तिरियं तरणा, तं ठपेत्वाति अत्थो । **पाचित्तियन्ति** सगामकतीरपस्सेन गमनकाले गामन्तरगणनाय, अगामकतीरपस्सेन वा योजनविथ्यताय नदिया मज्झेन वा गमनकाले अद्ध्योजनगणनाय पाचित्तियं, समुद्दे पन यथासुखं गन्तुं वट्टति ।

सावत्थियं छब्बगिये भिक्खू आरम्भ नावाभिरुहनवत्थुस्मिं पज्जत्तं, “अज्जत्र तिरियं तरणाया”ति अयमेत्थ अनुपज्जति, सेसं अनन्तरसिक्खापदे वुत्तनयेनेव वेदितब्बन्ति ।

नावाभिरुहनसिक्खापदवण्णना निड्डिता ।

९. परिपाचितसिक्खापदवण्णना

नवमे **भिक्खुनिपरिपाचित**न्ति भिक्खुनिया परिपाचितं, नेव तस्स नात्तनो जातकप्पवारितानं गिहीनं सन्तिके भिक्खुस्स गुणं पकासेत्वा “देथ अय्यस्स, करोथ अय्यस्सा”ति एवं निष्पादितं लङ्घब्बं कतन्ति अत्थो । **पुब्बे गिहिसमारम्भा**ति एत्थ **समारम्भो**ति समारद्धं, पटियादितस्सेतं नामं । गिहीनं समारम्भो गिहिसमारम्भो, भिक्खुनिया परिपाचनतो पुब्बे पठमतरयेव यं भिक्खूनं अत्थाय गिहीनं पटियादितभत्तं, जातकप्पवारितानं वा सन्तिकं, तं ठपेत्वा अज्जं जानं भुज्जन्तस्स पाचित्तियन्ति अत्थो । तच्च खो अज्झोहरणगणनाय, पटिग्गहणे पनस्स दुक्कटं ।

राजगहे देवदत्तं आरम्भ भिक्खुनिपरिपाचितपिण्डपातभुज्जनवत्थुस्मिं पज्जत्तं, “अज्जत्र पुब्बे गिहिसमारम्भा”ति अयमेत्थ अनुपज्जति, असाधारणपज्जति, अनाणत्तिकं, एकतोउपसम्पन्नाय परिपाचितं भुज्जन्तस्स, अपरिपाचिते परिपाचितसज्जिनो, उभयत्थ वेमतिकस्स च दुक्कटं । उभयत्थ अपरिपाचितसज्जिनो, गिहिसमारम्भे, सिक्खमानसामणेरदीहि परिपाचिते, पञ्च भोजनानि ठपेत्वा अवसेसे, उम्मतकादीनञ्च अनापत्ति । भिक्खुनिया परिपाचितता, परिपाचितभावजाननं, गिहिसमारम्भाभावो, ओदनादीनं अज्जतरता, तस्स अज्झोहरणन्ति इमानेत्य पञ्च अङ्गानि । समुद्धानादीनि पठमपाराजिकसअसानि, इदं पन पण्णत्तिवज्जं, तिचित्तं, तिवेदनन्ति ।

परिपाचितसिक्खापदवण्णना निड्डिता ।

१०. रहोनिस्सज्जसिक्खापदवण्णना

दसमे सब्बोपि कथामग्गो दुतियअनियते वुत्तनयेनेव वेदितब्बो । इदज्झि सिक्खापदं दुतियअनियतेन च उपरि उपनन्दस्स चतुत्थसिक्खापदेन च एकपरिच्छेदं, अट्ठुप्पत्तिवसेन पन विसुं पज्जत्तन्ति ।

रहोनिस्सज्जसिक्खापदवण्णना निड्डिता ।

ओवादवग्गो ततियो ।

४. भोजनवग्गो

१. आवसथसिक्खापदवण्णना

भोजनवग्गस्स पठमे **अगिलानेना**ति अद्ध्योजनमपि गन्तुं समत्थेन । **एको**ति एकदिवसिको । **आवसथपिण्डो**ति “इमेसं वा एत्तकानं वा”ति एकं पासण्डं वा, “एत्तकमेवा”ति एवं भत्तं वा अनोदस्स सालादीसु यत्थ कत्थचि पुज्जकामहेहि पज्जत्तं भोजनं । **भुज्जितब्बो**ति एककुलेन वा नानाकुलेहि वा एकतो हुत्वा एकस्मिं वा ठाने, नानाठानेसु वा “अज्ज एकस्मिं, स्वे एकस्मिं”न्ति एवं अनियतद्धाने वा पज्जतो एकस्मिं ठाने एकदिवसमेव भुज्जितब्बो । **ततो चे उत्तरीति** दुतियदिवसतो पट्टाय तस्मिं वा ठाने अज्जस्मिं वा ठाने तेसं सन्तिकस्स पटिग्गहणे दुक्कटं, अज्झोहारे अज्झोहारे पाचित्तियं ।

सावत्थियं छब्बगिये भिक्खू आरम्भ अनुवसित्वा आवसथपिण्डभुज्जनवत्थुस्मिं पज्जत्तं, “अगिलानेना”ति अयमेत्थ अनुपज्जति, साधारणपज्जति, अनाणत्तिकं, तिकपाचित्तियं, गिलानस्स अगिलानसज्जिनो वेमतिकस्स वा दुक्कटं । गिलानस्स गिलानसज्जिनो, यो च सकिं भुज्जति, गच्छत्तो वा अन्तरामग्गे एकदिवसं, गतद्धाने एकदिवसं, पच्चागन्तोपि अन्तरामग्गे एकदिवसं, आगतद्धाने एकदिवसं, गमिस्सामीति च भुज्जित्वा निक्खन्तो केनचि उपहवेन निवत्तिता खेमभावं जत्वा गच्छन्तो पुन एकदिवसं भुज्जति, यस्स वा सामिका निमन्तेत्वा देन्ति, यो वा भिक्खूनंयेव उहिस्स पज्जत्तं, न यावदत्थं पज्जत्तं, ठपेत्वा वा पञ्च भोजनानि अज्जं भुज्जति, तस्स च, उम्मतकादीनञ्च अनापत्ति । आवसथपिण्डता, अगिलानता, अनुवसित्वा परिभोजनन्ति इमानेत्य तीणि अङ्गानि । समुद्धानादीनि एल्लकलोमसिक्खापदसदिसानीति ।

आवसथसिक्खापदवण्णना निड्डिता ।

२. गणभोजनसिक्खापदवण्णना

दुतिये गणभोजनेति गणस्स भोजने । इध च गणोति चत्तारो वा ततुत्तरि वा भिक्खू, तेसं निमन्तनतो वा विज्जन्तितो वा लद्धे ओदनादीनं पञ्चन्नं भोजनानं अज्जरभोजनेति अत्थो । तत्थायं विनिच्छयो — सचे हि कोचि चत्तारो भिक्खू उपसङ्कमिता येन केनचि वेवचनेन वा भासन्तरेन वा पञ्चन्नं भोजनानं नामं गहेत्वा “ओदनेन निमन्तेमि, ओदनं मे गण्ठथा”ति आदिना नयेन निमन्तेति, ते चे एवं एकतो वा नानातो वा निमन्तिता एकतो वा नानातो वा गत्वा एकतो गणहन्ति, पच्छा एकतो वा नानातो वा भुज्जन्ति, गणभोजनं होति । पटिगहणमेव हेत्थ पमाणं । सचे ओदनादीनं नामं गहेत्वा एकतो वा नानातो वा विज्जापेत्वा च गत्वा च एकतो गणहन्ति, एवमि गणभोजनमेव । तस्स दुविधस्सापि एवं पटिगहणे दुक्कटं, अज्झोहारे अज्झोहारे पाचित्तियं । गिलानसमयादीसु यदा पादानमि फलितत्ता न सक्का पिण्डाय चरितुं, अयं गिलानसमयो । अत्यतकथिनानं पञ्च मासा, इतरेसं कत्तिकमासोति अयं चीवरदानसमयो । यदा यो चीवरे करियमाने किञ्चिदेव चीवरे कत्तब्बं कम्मं करोति, अयं चीवरकारसमयो । यदा अङ्गयोजनमि गन्तुकामो वा होति गच्छति वा गतो वा, अयं अङ्गानगमनसमयो । नावाभिरुहनसमयेपि एसेव नयो । यदा गोचरगामे चत्तारो भिक्खू पिण्डाय चरित्वा न यापेन्ति, अयं महासमयो । यदा योकोचि पब्बजितो भत्तेन निमन्तेति, अयं समणभत्तसमयो, एतेसु समयेसु भुज्जितुं वट्टति ।

राजगहे देवदत्तं आरब्ध विज्जापेत्वा भुज्जनवत्थुस्मिं पञ्जत्तं, “अज्जर समया”ति अयमेत्थ सत्तिविधा अनुपज्जति, साधारणपज्जति, अनाणत्तिकं, तिकपाचित्तियं, नगणभोजने गणभोजनसज्जिस्स वेमतिकस्स वा दुक्कटं । नगणभोजनसज्जिस्स पन, ये च द्वे तयो एकतो गणहन्ति, बहून् पिण्डाय चरित्वा एकतो भुज्जन्तानं, निच्चभत्तिकानीसु, पञ्च भोजनानि ठपेत्वा सब्बत्थ, उम्मत्तकादीनञ्च अनापत्ति । गणभोजनता, समयाभावो, अज्झोहरणन्ति इमानेत्य तीणि अङ्गानि । समुद्धानादीनि एल्लकलोमसदिसानेवाति ।

गणभोजनसिक्खापदवण्णना निड्डिता ।

३. परम्परभोजनसिक्खापदवण्णना

ततिये परम्परभोजनेति गणभोजने वुत्तनयेनेव पञ्चहि भोजनेहि निमन्तिस्स येन येन पठमं निमन्तितो, तस्स तस्स भोजनतो उप्पटिपाटिया वा अविकपेत्वा वा परस्स परस्स भोजने । तस्मा यो भिक्खू पञ्चसु सहधम्मिकेसु अज्जरतस्स “मय्हं भत्तपच्चासं तुहं दम्मी”ति वा “विकपेमी”ति वा एवं सम्मुखा वा “इत्थन्नामस्स दम्मी”ति (पाचिं २२६) वा “विकपेमी”ति वा एवं परम्मुखा वा पठमनिमन्तनं अविकपेत्वा पच्छा निमन्तितकुले लद्धभिक्खतो एकसिथमि अज्झोहरति, पाचित्तियं । समया वुत्तनया एव ।

वेसालियं सम्बहुले भिक्खू आरब्ध अज्जर निमन्तिभोजनवत्थुस्मिं पञ्जत्तं, “अज्जर समया”ति अयमेत्थ ति विधा अनुपज्जति, परिवारे पन विकप्पन्मि गहेत्वा “चतस्सो अनुपज्जत्तियो”ति (परिं ८६) वुत्तं, असाधारणपज्जति, अनाणत्तिकं, तिकपाचित्तियं, नपरम्परभोजने परम्परभोजनसज्जिन्तो वेमतिकस्स वा दुक्कटं । नपरम्परभोजनसज्जिस्स पन, यो च समये वा विकपेत्वा वा एकसंसङ्गानि वा द्वे तीणि निमन्तनानि एकतो वा कत्वा भुज्जति, निमन्तनपटिपाटिया भुज्जति, सकलेन गामेन वा पूगेन वा निमन्तितो तेसु यत्थकत्थचि भुज्जति, निमन्तियमानो वा “भिक्खं गहेस्सामी”ति वदति, तस्स, निच्चभत्तिकानीसु, पञ्च भोजनानि ठपेत्वा सब्बत्थ, उम्मत्तकादीनञ्च अनापत्ति । परम्परभोजनता, समयाभावो, अज्झोहरणन्ति इमानेत्य तीणि अङ्गानि । समुद्धानादीनि पठमकथिनसदिसानेव, इदं पन किरियाकिरियन्ति ।

परम्परभोजनसिक्खापदवण्णना निड्डिता ।

४. काणमातासिक्खापदवण्णना

चतुत्थे पूवेहीति पहेणकत्थाय पटियत्तेहि अतिरसकमोदकसखलिकादीहि येहि केहिचि खज्जेकेहि । मन्थेहीति पाथेय्यत्थाय पटियत्तेहि येहि केहिचि सत्तुतिलतण्डुलादीहि । इत्तिपत्तपूराति मुखवट्टिया हेडिमलेखं अनतिकन्ता द्वे वा तयो वा पत्तपूरा । ततो चे उत्तरीति सचेपि ततियं पत्तं थूपीकत्तं गणाति, मुखवट्टिया हेडिमलेखतो उपरिड्डितपूवगणनाय पाचित्तियं । इत्तिपत्तपूरे पटिगहेत्वाति एत्थ येन द्वे गहिता होन्ति, तेन बहि भिक्खुं दिस्वा “एत्थ मया द्वे पत्तपूरा गहिता, त्वं एकं गण्ठेय्यासी”ति वत्तब्बं, तेनापि अज्जं पस्सित्वा “पठमं आगतेन द्वे पत्तपूरा गहिता, मया एको गहितो, त्वं मा गणी”ति वत्तब्बं । येन पठमं एको गहितो, तस्सापि परम्परारोचने एसेव नयो । येन पन सयमेव तयो गहिता, तेन अज्जं दिस्वा “मा खो त्वं एत्थ पटिगण्णीति वत्तब्बं, अवदन्तस्स दुक्कटं, तं सुत्वा गणहन्तस्सापि दुक्कटमेव । ततो नीहरित्वा भिक्खूहि सड्ढिं संविभजितब्बन्ति लद्धड्डानतो सब्बासन्नं आसनसालं वा विहारं वा यत्थ वा पन निबद्धं पटिककमति, तत्थ गत्वा एकं पत्तपूरे अत्तनो ठपेत्वा सेसं भिक्खुसङ्गस्स दातब्बं । यथामितं पन दातुं न लब्धमि । येन एको गहितो, न तेन किञ्चि अकामा दातब्बं, यथारुचि कातब्बं ।

सावत्थियं सम्बहुले भिक्खू आरब्ध न मतं जानित्वा पटिगहणवत्थुस्मिं पञ्जत्तं, साधारणपज्जति, अनाणत्तिकं, तिकपाचित्तियं, ऊनकड्ढित्तपत्तपूरे अतिरेकसज्जिस्स वेमतिकस्स वा दुक्कटं । ऊनकसज्जिस्स पन, न पहेणकत्थाय न पाथेय्यत्थाय वा पटियत्तं, तदत्थाय पटियत्तसेसकं वा, गमने वा पटिप्पस्सद्धे, जातकप्पवारितानं वा देन्तानं, अत्तनो धनेन गणहन्तस्स, उम्मत्तकादीनञ्च अनापत्ति । वुत्तलक्खणपूवमन्थता, असेसकता, अपटिप्पस्सद्धगमनता, अनज्जातकादिता, अतिरेकपटिगहणन्ति इमानेत्य पञ्च अङ्गानि, समुद्धानादीनि सज्जरित्तसदिसानेवाति ।

काणमातासिक्खापदवण्णना निड्डिता ।

५. पठमपवारणासिक्खापदवण्णना

पञ्चमे भुत्तावीति भुत्तावा, येन पञ्चन्नं भोजनानं सासपमत्तमि अज्झोहरति, सो एवं वुच्चति । पवारितोति “असनं पज्जायति, भोजनं पज्जायति, हत्थपासे ठितो अभिहरति, पटिक्खेपो पज्जायती”ति (पाचिं २३९) एवं पाळियं वुत्तपञ्चवसेन कतप्पवारणो, कतप्पटिक्खेपोति अत्थो । तत्थ यस्मा “असनं पज्जायती”ति इमिना विष्पकतभोजनो ‘पवारितो’ति वुत्तो । यो च विष्पकतभोजनो, तेन किञ्चि भुत्तं, किञ्चि अभुत्तं, यच्च भुत्तं, तं सन्धाय ‘भुत्तावी’तिपि सङ्गं गच्छति । तस्मा ‘भुत्तावी’तिवचनेन विसुं किञ्चि अत्थसिद्धिं न पस्साम, “दिरत्ततिरत्त”न्तिआदीसु (पाचिं ५२) पन दिरत्तादिवचनं विय पवारितपदस्स परिवारभावेन ब्यज्जनसिलिडुताय चेतं वुत्तन्ति वेदितब्बं ।

पवारणङ्केसु पन असनं पज्जायतीति विष्पकतभोजनं दिस्सति, तं भुज्जमानो चेस पुगलो होतीति अत्थो । भोजनं पज्जायतीति पवारणप्पहोनकं भोजनं दिस्सति, ओदनादीनं चे अज्जरतं पटिक्खिपितब्बं भोजनं होतीति अत्थो । हत्थपासे ठितोति पवारणप्पहोनकं चे भोजनं गणित्वा दायको अङ्गुतेय्यहत्थप्पमाणे ओकासे ठितो होतीति अत्थो । अभिहरतीति सो चे दायको तस्स तं भोजनं कायेन अभिसंहरतीति अत्थो । पटिक्खेपो पज्जायतीति पटिक्खेपो दिस्सति, तं चे अभिहटं सो भिक्खू कायेन वा वाचाय वा पटिक्खिपतीति अत्थो । एवं पञ्चन्नं अङ्गानं वसेन पवारितो होति ।

त्रायं विनिच्छयो — ‘असनं’न्तिआदीसु ताव यच्च अस्माति, यच्च भोजनं हत्थपासे ठितेन अभिहटं पटिक्खिपति, तं ओदनो कुम्मासो सत्तु मच्छो मंसन्ति इमेसं अज्जरतमेव वेदितब्बं । तत्थ ओदनो नाम सालि वीहि यवो गोधुमो कङ्कु वरको कुदूसकोति इमेसं सत्तन्नं धज्जानं तण्डुले गहेत्वा “भत्तं पचामा”ति वा “यागुं पचामा”ति वा यंकिञ्चि सन्धाय पचन्तु, सचे उण्हं वा सीतलं वा भुज्जन्तानं भोजनकाले गहितगहितद्वाने ओधि पज्जायति, ओदनो होति, पवारणं जनेति । यो पन पायासो वा अम्बिलयागु वा उड्डनतो ओतारितमत्ता अब्भूणा सक्का होति आविज्झित्वा पिवितुं, सा यस्स हत्थेन गहितोकासेपि ओधि न पज्जायति, पवारणं न जनेति । सचे पन उसुमाय विगताय घनभावं गच्छति, ओधि दस्सेति, पुन पवारणं जनेति, पुब्बे तनुकभावो न रक्खति । सचेपि बहू पण्णफलकळीरे पक्खिपित्वा मुट्ठिमत्तापि तण्डुला पक्खिता होन्ति, भोजनकाले चे ओधि पज्जायति, पवारणं जनेति । अयागुके निमन्तने “यागुं दस्सामा”ति भत्ते उदककज्जिकखीरादीनि आकिरित्वा “यागुं गण्ठथा”ति देन्ति, किञ्चापि तनुका होति, पवारणं जनेतियेव । सचे पन पक्कथितेसु उदकादीसु पक्खिपित्वा पचित्वा देन्ति, यागुसङ्गहमेव गच्छति । सचे यागुयापि सासपमत्तमि मच्छमंसक्खण्डं वा न्हारु वा पक्खित्तं होति, पवारणं जनेति । ठपेत्वा सानुलोमानं वुत्तधज्जानं तण्डुले अज्जेहि वेळुतण्डुलादीहि वा कन्दमूलफलेहि वा येहि केहिचि कतभत्तं पवारणं न जनेति । कुम्मासो नाम यवेहि कतो । अज्जेहि पन मुगादीहि कतकुम्मासो पवारणं न जनेति । सत्तु नाम सत्त धज्जानि भज्जित्वा कतो । अन्तमसो खरपाकभज्जितानं वीहीनं तण्डुले कोट्टेत्वा कतचुण्णमि कुण्डकमि सत्तुसङ्गहमेव गच्छति । समपाकभज्जितानं पन आतपसुक्खानं कुण्डकं वा, ये केचि तण्डुला वा लाजा वा, लाजेहि कतभत्तसत्तुआदीनि वा न पवारन्ति । मच्छमंसेसु सचे यागुं पिवन्तस्स यागुसिथमत्तानेव द्वे मच्छक्खण्डानि वा मंसक्खण्डानि वा एकभाजने वा

नानाभाजने वा देन्ति, तानि चे अखादन्तो अञ्जं पवारणप्पहोनकं यंकिञ्चि पटिक्खिपति, न पवारेति। ततो एकं खादितं, एकं हत्थे वा पत्ते वा होति, सचे अञ्जं पटिक्खिपति पवारेति। द्वेपि खादितानि होन्ति, मुखे सासपमत्तमि अवसिडुं नत्थि, सचेपि अञ्जं पटिक्खिपति, न पवारेति। यो पन अकप्पियमंसं कुलदूसनवेज्जकम्मउत्तरिमनुस्सधम्मारोचनसादितरूपियादीहि निब्बतं अकप्पियभोजनञ्च अञ्जं कप्पियं वा अकप्पियं वा खादन्तो पटिक्खिपति, न पवारेति।

एवं यञ्च अन्नाति, यञ्च भोजनं हत्थपासे ठितेन अभिहटं पटिक्खिपन्तो पवारणं जनेति, तं जत्वा इदानी यथा आपज्जति, तस्स जाननत्थं अयं विनिच्छयो वेदितब्बो — “असन्नं भोजनं”न्ति एत्थ ताव येन एकसित्थमि अज्झोहटं होति, सो सचे पत्तमुखहत्थेसु यत्थकत्थचि भोजने सति सापेक्खोव अञ्जं वुत्तलक्खणं भोजनं पटिक्खिपति, पवारेति। सचे पन निरपेक्खो होति, यं पत्तादीसु अवसिडुं, तं न च अज्झोहरितुकामो, अञ्जस्स वा दातुकामो, अञ्जत्र वा गन्त्वा भुज्जितुकामो, सो पटिक्खिपन्तोपि न पवारेति। “हत्थपासे ठितो”ति एत्थ पन सचे भिक्षु निसिन्नो होति, आनिसदस्स पच्छिमन्ततो पड्डाय, सचे ठितो, पण्हीनं अन्ततो पड्डाय, सचे निपन्नो, येन पस्सेन निपन्नो, तस्स पारिमन्ततो पड्डाय दायकस्स निसिन्नस्स वा ठितस्स वा निपन्नस्स वा ठपेत्वा पसारितहत्थं यं आसन्नतरं अङ्गं, तस्स ओरिमन्तेन परिच्छिन्दित्वा अट्टतेय्यहत्थो ‘हत्थपासो’ति वेदितब्बो। तस्मिं ठत्वा अभिहटं पटिक्खिपन्तस्सेव पवारणा होति, न ततो परं। ‘अभिहरती’ति हत्थपासम्भन्तरे ठितो गहणत्थं उपनामेति। सचे पन अनन्तरनिसिन्नोपि भिक्षु हत्थे वा आधारके वा ठितं पत्तं अनभिहरित्वाव “भत्तं गण्ठथा”ति वदति, तं पटिक्खिपतो पवारणा नत्थि। भत्तपच्छिं आनेत्वा पुरतो भूमियं ठपेत्वा एवं वुत्तेपि एसेव नयो। ईसकं पन उड्डरित्वा वा अपनामेत्वा वा ‘गण्ठथा’ति वुत्ते तं पटिक्खिपतो पवारणा होति। भत्तपच्छिं गहेत्वा परिवसन्तस्स अञ्जो “अहं धारेस्सामी”ति गहितमत्तमेव करोति, परिवेसकोयेव पन तं धारेति, तस्मा सा अभिहटाव होति, ततो दातुकामताय गण्ठन्तं पटिक्खिपन्तस्स पवारणा होति। सचे पन परिवेसकेन फुड्डमत्ताव होति, इतरोव नं धारेति, ततो दातुकामताय गण्ठन्तं पटिक्खिपन्तस्स पवारणा न होति। कटच्छुना उड्डते पन होति, द्विन् समभारेपि पटिक्खिपन्तो पवारेतियेव। अनन्तरस्स दिव्यमाने इतरो पत्तं पदिहति, अञ्जस्स अभिहटं नाम पटिक्खितं होति, तस्मा पवारणा नत्थि। ‘पटिक्खेपो’ति एत्थ वाचाय अभिहटे पटिक्खेपो न रुहति, कायेन अभिहटं पन अङ्गुलिचलनादिना कायविकारेन वा “अलं, मा देही”ति आदिना वचीविकारेन वा पटिक्खिपतो पवारणा होति।

एको समंसकं रसं अभिहरति, “रसं पटिगण्ठथा”ति वदति, तं सुत्वा पटिक्खिपतो पवारणा नत्थि। ‘मंसरस’न्ति वुत्ते पन पटिक्खिपतो पवारणा होति। “इमं गण्ठथा”ति वुत्तेपि होतियेव। मंसं विसुं कत्वा ‘मंसरस’न्ति वुत्तेपि सचे सासपमत्तमि खण्डं अत्थि, पटिक्खिपतो पवारणा होति। सचे नत्थि, वट्टति। कळीरपनसादीहि मिस्सेत्वा मच्छमंसं पचन्ति, तं गहेत्वा “कळीरसुपं गण्ठथा, पनसब्बयज्जनं गण्ठथा”ति वदति, एवमि पवारेति। कस्मा? अपवारणारहस्स नामेन वुत्तता। “मच्छमंसं ब्यज्जन”न्ति वा “इमं गण्ठथा”ति वा वुत्ते पन पवारेति, अयमेत्थ सङ्केपो, वित्थारो पन समन्तपासादिकायं वुत्तो। गमनादीसु पन यस्मिं इरियापथे पवारेति, तं अवि कोपेन्तेनेव भुज्जितब्बं।

अनतिरिक्तं न अतिरिक्तं, न अधिकन्ति अत्थो। तं पन कप्पियकतादीहि सत्तहि विनयकम्माकारेहि अकतं वा गिलानस्स अनधिकं वा होति। तस्मा पदभाजने (पाचि० २३९) ‘अकप्पियकत’न्ति आदि वुत्तं, तत्थ यं फलं वा कन्दमूलादि वा पज्जहि समणकप्पियेहि कप्पियं अकतं, यञ्च अकप्पियमंसं वा अकप्पियभोजनं वा, एतं अकप्पियं नाम, तं अकप्पियं “अलमेतं सब्ब”न्ति एवं अतिरिक्तं कतं **अकप्पियकतं** वेदितब्बं। **अपटिगगहितकतं** भिक्षुना अपटिगगहितयेव पुरिमनयेन अतिरिक्तं कतं। **अनुच्चारितकतं** कप्पियं कारेतुं आगतेन भिक्षुना ईसकमि अनुक्खितं वा अनपनामितं वा कतं। **अहत्थपासे कतं** कप्पियं कारेतुं आगतस्स हत्थपासतो बहि ठितेन कतं। **अभुत्ताविना कतं** यो अतिरिक्तं करोति, तेन पवारणप्पहोनकं भोजनं अभुत्तेन कतं। **भुत्ताविना पवारितेन आसना वुट्टितेन कतं** इदं उत्तानमेव। “अलमेतं सब्ब”न्ति **अवुत्तं** वचीभेदं कत्वा एवं अवुत्तं होति। इति इमेहि सत्तहि विनयकम्माकारेहि यं अतिरिक्तं कप्पियं अकतं, यञ्च पन न गिलानातिरिक्तं, तदुभयमि अनतिरिक्तं। अतिरिक्तं पन तस्सेव पटिक्खनयेन वेदितब्बं।

अपिचेत्थ **भुत्ताविना कतं** होतीति (पाचि० २३९) अन्तमसो अनन्तरनिसिन्नस्स पत्ततो एकमि सित्थं वा मंसहीरं वा खादित्वा कतमि भुत्ताविना कतं होति, यो पातोव एवं भुत्तावी पवारितो निसीदितियेव, सो उपकट्टेपि काले अभिहटं पिण्डं भिक्षुना उपनीतं कप्पियं कातुं लभति। सचे पन तस्मिं कप्पिये कते भुज्जन्तस्स अञ्जं आमिसं आकिरन्ति, तं सो पुन कातुं न लभति। यज्जि अकतं, तं कातब्बं। येन च अकतं, तेन च कातब्बन्ति (पाचि० अट्ठ० २३८-९) वुत्तं, तस्मा तस्मिं भाजने करियमाने पठमकतेन सद्धिं कतं होतीति तं कातुं न वट्टति। अञ्जस्मिं पन भाजने तेन वा अञ्जेन वा कातुं वट्टति। एवं कतं पठमकतेन मिस्सेत्वापि भुज्जितुं वट्टति, न केवलञ्च तस्स येन पन कतं, तं ठपेत्वा अञ्जेसं पवारितानमि भुज्जितुं वट्टति। यथा पन अकतेन मिस्सं न होति, एवं मुखञ्च हत्थञ्च सुद्धं कत्वा भुज्जितब्बं। **गिलानातिरिक्तं** पन न केवलं गिलानस्स भुत्तावसेसमेव, अथ खो यंकिञ्चि गिलानं उडिस्स “अज्ज वा स्वे वा यदा वा इच्छति, तदा खादिस्सती”ति आहटं, तं सब्बं ‘गिलानातिरिक्तं’न्ति वेदितब्बं। **खादनीयं वा भोजनीयं वा**ति यंकिञ्चि यावकालिकं। **खादेय्य वा भुज्जेय्य वा पाचित्तियन्ति** एत्थ वुत्तनयेन पवारितस्स अनतिरिक्तं यंकिञ्चि आमिसं अज्झोहरणत्थाय पटिगण्ठतो गहणे दुक्कटं, अज्झोहारे अज्झोहारे पाचित्तियं।

सावत्थियं सम्बहुले भिक्षु आरम्भ अञ्जत्र भुज्जनवत्थुस्मिं पज्जत्तं, “अनतिरिक्तं”न्ति अयमेत्थ अनुपज्जति, असाधारणपज्जति, अनाणत्तिकं, तिकपाचित्तियं, यामकालिकादीनि आहारत्थाय गण्ठतो, निरामिसानि अज्झोहरतो च दुक्कटं, तथा अतिरिक्ते अनतिरिक्तसज्जिनो चेव वेमतिकस्स च। अतिरिक्तसज्जिनो पन, “अतिरिक्तं कारापेत्वा भुज्जिस्सामी”ति गण्ठन्तस्स, अञ्जस्सत्थाय गण्ठन्तस्स, यामकालिकादीनि तेसं अनुज्जातपरिभोगवसेन निरामिसानि परिभुज्जन्तस्स, उम्मतकादीनञ्च अनापत्ति। पवारितभावो, आमिसस्स अनतिरिक्तता, कालेन अज्झोहरणन्ति इमानेत्य तीणि अङ्गानि। समुद्धानादीनि पठमकथिनसदिसानेव, इदं पन किरियाकिरियन्ति।

पठमपवारणासिक्खापदवण्णना निड्ढिता।

६. दुतियपवारणासिक्खापदवण्णना

छट्ठे **अभिहट्ठं पवारेय्याति** अभिहरित्वा “हन्द, भिक्षु खाद वा भुज्ज वा”ति एवं पवारेय्य। **जानन्ति** सुत्वा वा दिस्वा वा तस्स पवारितभावं जानन्तो। **आसादनापेक्खोति** आसादनं चोदनं मङ्गुकरणभावं अपेक्खमानो। **भुत्तस्मिं पाचित्तियन्ति** एत्थ अभिहारे ताव दुक्कटं, सचे सो तं गण्हाति, पुन अभिहारकस्स दुक्कटं, तस्मिं पन भुज्जन्ते अभिहारकस्स तस्स अज्झोहारे अज्झोहारे दुक्कटं, भोजनपरियोसाने पाचित्तियं।

सावत्थियं अञ्जतरं भिक्षु आरम्भ अनतिरिक्तेन भोजनेन अभिहट्ठं पवारणावत्थुस्मिं पज्जत्तं, असाधारणपज्जति, अनाणत्तिकं, पवारिते पवारितसज्जिनो पाचित्तियं। वेमतिकस्स, यामकालिकादीनि आहारत्थाय अभिहरन्तस्स, तेसञ्च पटिगण्ठणअज्झोहारेसु, अप्पवारिते च पवारितसज्जिनो, वेमतिकस्स च दुक्कटं। अप्पवारितसज्जिस्स पन, यो च अतिरिक्तं कारापेत्वा देति, “कारापेत्वा वा भुज्जाही”ति देति, यो वा “अञ्जस्सत्थाय हरन्तो गच्छाही”ति देति, यो च यामकालिकादीनि “सति पच्चये परिभुज्जाही”ति देति, तस्स, उम्मतकादीनञ्च अनापत्ति। पवारितता, पवारितसज्जिता, आसादनापेक्खता, अनतिरिक्तेन अभिहट्ठं पवारणता, भोजनपरियोसानन्ति इमानेत्य पञ्च अङ्गानि। समुद्धानादीनि अदिन्नादानसदिसानि, इदं पन दुक्खवेदनन्ति।

दुतियपवारणासिक्खापदवण्णना निड्ढिता।

७. विकालभोजनसिक्खापदवण्णना

सत्तमे **विकालेति** विगते काले, मज्झन्टिकातिक्कमनतो याव अरुणुग्गमनाति अधिप्पायो। तस्मा यो भिक्षु एतस्मिं अन्तरे यंकिञ्चि वनमूलफलं उपादाय आमं वा पक्कं वा आमिससङ्केपगतं खादनीयं वा भोजनीयं वा अज्झोहरणत्थाय पटिगण्हाति, तस्स पटिगण्हाणे दुक्कटं, अज्झोहारे अज्झोहारे पाचित्तियं।

राजगहे सत्तरसवागिये भिक्षु आरम्भ विकाले भोजनवत्थुस्मिं पज्जत्तं, साधारणपज्जति, अनाणत्तिकं, तिकपाचित्तियं, यामकालिकादीनि आहारत्थाय पटिगण्ठणअज्झोहारेसु, काले विकालसज्जिस्स, वेमतिकस्स च दुक्कटं, काले कालसज्जिस्स यामकालिकादीनि सति पच्चये परिभुज्जन्तस्स उम्मतकादीनञ्च अनापत्ति। “अनुजानामि, भिक्षवे, रोमडुकस्स रोमडुं, न च भिक्षवे बहिमुखद्वारा नीहरित्वा अज्झोहरितब्ब”न्ति (चूळव० २७३) अनुज्जातनयेन रोमडुकस्सापि अनापत्ति। विकालता, यावकालिकता, अज्झोहरणन्ति इमानेत्य तीणि अङ्गानि। समुद्धानादीनि

एळकलोमसदिसानीति ।

विकालभोजनसिक्खापदवण्णना निड्ढिता ।

८. सन्निधिकारकसिक्खापदवण्णना

अट्टमे **सन्निधिकारकन्ति** कारो करणं किरियाति अत्यतो एकं, सन्निधि कारो अस्साति सन्निधिकारं, सन्निधिकारमेव सन्निधिकारकं, पटिग्गहेत्वा एकरत्तिं वीतिनामितस्सेतं नामं । तस्मा एवं सन्निधिकरतं यंकिञ्च यावकालिकं वा यामकालिकं वा ‘अज्झोहरिस्सामी’ति गणहन्तस्स पटिग्गहणे दुक्कटं, अज्झोहारे अज्झोहारे पाचित्तियं । सचेपि पत्तो दुद्धोतो होति, यं अङ्गुलिया घंसन्तस्स लेखा पञ्जायति, गण्टकपत्तस्स वा गण्टकन्तरे खेहो पविट्ठो होति, यो उण्हे ओतापेन्तस्स पग्घरति, उण्हयागुया वा गहिताय सन्दिस्सति, तादिसे पत्तेपि पुनरिदिवसे भुज्जन्तस्स पाचित्तियं । यं पन भिक्खु निरपेक्खो सामणेरां परिचचजित्वा तेहि निहितं लभित्वा भुज्जति, तं वट्ठति । सयं पटिग्गहेत्वा अपरिचचत्तमेव हि दुतियदिवसे कप्पियभोजनं भुज्जन्तस्स पाचित्तियं । अकप्पियेसु पन मनुस्समंसे थुल्लच्चयेन सद्धिं पाचित्तियं, सेसेसु पन दुक्कटेन सद्धिं । यामकालिकं सति पच्यये अज्झोहरतो पाचित्तियं, आहारत्थाय अज्झोहरतो दुक्कटेन सद्धिं । यो पन पवारितो हुत्वा अनतिरित्तकतं अज्झोहरति, तस्स सब्बविकप्पेसु अपरमि पाचित्तियं वट्ठति । सचे विकाले अज्झोहरति, अनतिरित्तपच्यया सब्बविकप्पेसु अनापत्ति, सति पच्यये विकालपच्यया यामकालिकादीसु च अनापत्ति । अवसेसेसु विकालपच्यया पाचित्तियं वट्ठतियेव । भिक्खुस्स पन सन्निधि भिक्खुनिया वट्ठति, भिक्खुनिया च सन्निधि भिक्खुस्स वट्ठति, भिक्खुनिक्खन्धे (चूलव० ४२१-४२२) अनुज्जातता वट्ठतीति ।

सावत्थियं आयस्मन्तं बेलट्टुसीसं आरब्ध सन्निधिकारकभोजनवत्थुस्मिं पज्जत्तं, साधारणपज्जत्ति, अनाणत्तिकं, तिकपाचित्तियं, सत्ताहकालिक यावजीविकानं पन आहारत्थाय पटिग्गहणे अज्झोहारे च दुक्कटं । यथा चेतानि आहारत्थाय न कप्पन्ति, एवं यावकालिकादीहि संसट्टानिपि, वुत्तज्जेतं “यावकालिकेन, भिक्खवे, यामकालिकं तदहुपटिग्गहितं काले कप्पति, विकाले न कप्पती”तिआदि (महाव० ३०५) । तस्मा सचेपि तं तेन तेन सद्धिं संसट्टं लभति, सचे असम्भिन्नरसं वा होति सुधोतं वा, यथा इतरेन संसग्गो न पञ्जायति, अत्तनो कालानुरूपेन परिभुज्जितुं वट्ठति ।

सचे पन सम्भिन्नरसं वा होति दुद्धोतं वा, न वट्ठति । यावकालिकज्झि अत्तना सद्धिं सम्भिन्नरसानि तीणिपि यामकालिकादीनि अत्तनो सभावं उपनेति, यामकालिकं द्वेपि सत्ताहकालिकादीनि अत्तनो सभावं उपनेति, सत्ताहकालिकं यावजीविकमेव अत्तनो सभावं उपनेति । तस्मा तेन तदहुपटिग्गहितेन सद्धिं तदहुपटिग्गहितं वा पुरे पटिग्गहितं वा यावजीविकं सत्ताहं कप्पति, द्वीहपटिग्गहितेन छाहं, तीहपटिग्गहितेन पञ्चाहं...पे०... सत्ताहपटिग्गहितेन तदहेव कप्पतीति वेदितव्वं । तस्मायेव हि “सत्ताहकालिकेन, भिक्खवे, यावजीविकं तदहुपटिग्गहितं”न्ति अवत्वा “पटिग्गहितं सत्ताहं कप्पती”ति वुत्तं । कालयामसत्ताहातिक्कमेसु चेत्य विकालभोजन सन्निधिभेसज्जसिक्खापदानं वसेन आपत्तियो वेदितव्वा, इमेसु पन चतुसु कालिकेसु यावकालिकं यामकालिकन्ति इममेव द्वयं अन्तोवुट्ठञ्चेव सन्निधिकारकञ्च, सत्ताहकालिकं यावजीविकञ्च अकप्पियकुटियं निक्खिपितुमि वट्ठति, सन्निधिमि न जनेति । अकप्पियकुटियं अन्तोवुट्ठेन पन तेन सद्धिं इतरद्वयं तदहुपटिग्गहितमि न वट्ठति, मुखसन्निधि नाम होति, महापचवरियं पन अन्तोवुट्ठं होतीति वुत्तं । तत्थ नाममतमेव नानाकरणं, आपत्ति पन दुक्कटमेव । तत्थ **अकप्पियकुटि** नाम सङ्गस्स वा उपसम्पन्नपुगलस्स वा सन्तकं वसनत्थाय कतगंहे, तत्थ सहसेय्यप्पहोनेके पदेसे वुट्ठं यावकालिकञ्च यामकालिकञ्च सङ्गिकं वा उपसम्पन्नपुगलस्स वा सन्तकं **अन्तोवुट्ठं** नाम होति, तत्थ पक्कं **अन्तोपक्कं** नाम, यत्थ कर्त्ताच पन सयं पक्कं **सामं पक्कं** नाम, तं सब्बं अनज्झोहरणीयं । तेन तेन सद्धिं संसट्टमि तंगतिकमेव, सब्बं अज्झोहरन्तस्स दुक्कटं । तस्मा अन्तोवुट्ठअन्तोपक्कमोचनत्थं भगवता चतस्सो कप्पियभूमियो (महाव० २९५) अनुज्जाता, तासं विनिच्छयो समन्तपासादिकायं (महाव० अट्ट० २९५) वुत्तो । यत्थ पनेता न सन्ति, तत्थ अनुपसम्पन्नस्स सन्तकं कत्वा परिभुज्जितुं वट्ठति । सामं पाकमि पुनपाकं वट्ठति, असन्निधिकारके सन्निधिकारकसज्जिनो, वेमतिकस्स वा दुक्कटं । असन्निधिकारकसज्जिनो, यावकालिकादीनि तीणि निदहित्वा स्कं स्कं कालं अनतिक्रमत्वा, यावजीविकं सदापि सति पच्यये परिभुज्जन्तस्स, उम्मतकादीनञ्च अनापत्ति । आमिसं, सन्निधिभावां, तस्स अज्झोहरणन्ति इमानेत्य तीणि अङ्गानि । समुद्धानादीनि एळकलोमसदिसानेवाति ।

सन्निधिकारकसिक्खापदवण्णना निड्ढिता ।

९. पणीतभोजनसिक्खापदवण्णना

नवमे **पणीतभोजनानीति** पणीतसंसट्टानि सत्तधञ्जनिब्बत्तानि भोजनानि । यथा हि आजञ्जयुतो रथो ‘आजञ्जरथो’ति वुच्चति, एवमिधापि पणीतसंसट्टानि भोजनानि पणीतभोजनानीति । येहि पन पणीतेहि संसट्टानि, तानि ‘पणीतभोजनानीति’ति वुच्चन्ति, तेसं पभेददस्सनत्थं **सेय्यथिदं सप्पि नवनीतन्ति**आदिमाह, तत्थ **सप्पि**आदीनि भेसज्जसिक्खापदे (कङ्क० अट्ट० भेसज्जसिक्खापदवण्णना) वुत्तलक्खणेनेव वेदितव्वानि । मच्छादीसु पन सब्बोपि ‘ओदको’ति (पाचि० २६०) वुत्तलक्खणो मच्छो **मच्छो**येव । येसं पन मंसं कप्पति, तेसं **मंसञ्च खीरदधीन** च इधाधिपेतानि । **एवरूपाणि पणीतभोजनानीति** यानि एतेहि सप्पिआदीहि संसट्टता ‘पणीतभोजनानीति’ति वुच्चन्ति, तथारूपाणि पणीतभोजनानि । **अगिलानोति** यस्स तेहि विनापि फासु होति । **अत्तनो अत्थाय विज्जापेत्वाति** एत्थ पन यो अगिलानो सुद्धानि सप्पिआदीनि भेसज्जत्थाय विज्जापेति, सो महानामसिक्खापदेन (पाचि० ३०३) कारेतव्वो, मच्छादीनि चत्तारि विज्जापेत्तो सूपोदनविज्जत्तिया (पाचि० ६१२-६१३) कारेतव्वो, सप्पिआदीहि संसट्टभोजनानि विज्जापेत्तो इमिना कारेतव्वो । तत्रायं विनिच्छयो – “सप्पिना भत्तं देही, सप्पिं आकिरित्वा देहि, सप्पिमिस्सकं कत्वा देहि, सह सप्पिना देहि, सप्पिञ्च भत्तञ्च देही”ति एवं विज्जापेन्तस्स ताव विज्जत्तिया दुक्कटं, पटिग्गहणे दुक्कटं, अज्झोहरणे अज्झोहरणे पाचित्तियं । “सप्पिभत्तं देही”ति वुत्ते पन यस्मा सालिभत्तं विय सप्पिभत्तं नाम नत्थि, तस्मा सूपोदनविज्जत्तिया दुक्कटमेव होति । सचे पन “सप्पिना भत्तं देही”ति वुत्ते भत्तं दत्वा “सप्पिं कत्वा भुज्जाही”ति नवनीतखीरादीनि वा कप्पियभण्डं वा देति “इमिना सप्पिं गहेत्वा भुज्जाही”ति, यथावत्थुकमेव । “गोसप्पिना भत्तं देही”ति वुत्ते पन गोसप्पिं वा देतु, तस्मिं असति पुरिमनयेन नवनीतादीनि वा, गावियेव वा देतु “इतो सप्पिना भुज्जाही”ति, यथावत्थुकमेव । सचे पन “गोसप्पिना देही”ति याचितो अजिकासप्पिआदीहि देति, विसङ्केतं । एवज्झि सति अज्जं याचितेन अज्जं दिन्नं नाम होति, तस्मा अनापत्ति, एस नयो “अजिकासप्पिना देही”तिआदीसुपि । “कप्पियसप्पिना देही”ति वुत्ते अकप्पियसप्पिना देति, विसङ्केतमेव । “अकप्पियसप्पिना देही”ति वुत्ते अकप्पियसप्पिनाव देति, पटिग्गहणेपि परिभोगेपि दुक्कटमेव । इमिना नयेन सब्बपदेसु विनिच्छयो वेदितव्वो । सचे पन सब्बेहिपि सप्पिआदीहि एकट्ठाने वा नानाट्ठाने वा विज्जापेत्वा पटिलद्धं एकतो सम्भिन्नरसं कत्वा ततो कुसग्गेन एकबिन्दुमि अज्झोहरति, नव पाचित्तियानि ।

सावत्थियं छब्बगिये भिक्खू आरब्ध पणीतभोजनविज्जत्तिवत्थुस्मिं पज्जत्तं, “अगिलानो”ति अयमेत्थ अनुपज्जत्ति, असाधारणपज्जत्ति, अनाणत्तिकं, तिकपाचित्तियं, गिलानस्स अगिलानसज्जिनो, वेमतिकस्स वा दुक्कटं । गिलानसज्जिस्स, गिलानकाले विज्जापेत्वा अगिलानस्स भुज्जतो, गिलानस्स सेसके, जातकप्पवारितट्टानतो, अज्जस्सत्थाय विज्जत्ते, अत्तनो धनेन गहिते, उम्मतकादीनञ्च अनापत्ति । पणीतभोजनता, अगिलानता, कतविज्जत्तिया पटिलाभो, अज्झोहरणन्ति इमानेत्य चत्तारि अङ्गानि । अट्टानसमुद्धानं, किरियं, नोसज्जाविमोक्खं, अचित्तकं, पण्णात्तिवज्जं, कायकम्मं, वचीकम्मं, तिचित्तं, तिवेदनन्ति ।

पणीतभोजनसिक्खापदवण्णना निड्ढिता ।

१०. दन्तपोनसिक्खापदवण्णना

दसमे **अदिन्नन्ति** कायेन वा कायप्पटिबद्धेन वा गणहन्तस्स हत्थपासे ठत्वा कायकायप्पटिबद्धनिससगियानं अज्जतरेन न दिन्नं, अप्पटिग्गहितकस्सेतं नामं । अप्पटिग्गहितकज्झि भिक्खुनो अत्तनो सन्तकमि अज्झोहरितुं न वट्ठति । पटिग्गहितं अन्तमसो विस्सासिकसन्तकमि वट्ठति, तस्स लक्खणं वुत्तविपल्लासेन वेदितव्वं । सचे हि यो कोचि अनुपसम्पन्नो अन्तमसो तिरच्छानोपि भिक्खुस्स वा भिक्खुनिया वा हत्थपासे ठितो कायादीनं अज्जतरेन देति, तज्जे भिक्खुना येन केनचि सरीरावयवेन वा, तप्पटिबद्धेन वा, संहारिमेन च अन्तमसो मज्जेनापि, धारेतुं समत्थेन च अन्तमसो अतत्थजातकरुक्खपण्णेनापि, सूचिया परामट्टमत्तेनापि पटिग्गहितं, पटिग्गहितमेव होति । पटिबद्धप्पटिबद्धं नाम इध नत्थि, यमि नत्थुकरणिा दिय्यमानं नासिकाय, अकल्लको वा मुखेन पटिग्गह्णाति, सब्बं वट्ठति, आभोगमतमेव हेत्थ पमाणं । पुब्बाभोगे च सति पच्छा निद्वायन्तस्स पत्ते दिन्नमि हत्थपासे सति पटिग्गहितमेव होति । यमि “पत्तेन पटिग्गहिस्सामी”ति निसिन्तस्सेव हत्थे पतति, तं वट्ठतियेव । अभिहट्टभाजनतो पतितरज्जमि वट्ठति, तत्थ ठितनिस्सन्निपन्नानं पवारणासिक्खापदे वुत्तनयेनेव हत्थपासो वेदितव्वो ।

सचे पन दायकपटिगाहकेसु एको आकासे होति, एको भूमियं, भूमदुस्स सीसेन आकासदुस्स च ठपेत्वा दातुं वा गहेतुं वा पसारितहत्थं यं आसन्नतरं अङ्गं, तस्स ओरिमन्तेन हत्थपासप्यमाणं परिच्छिन्दितव्वं। सचेपि एको कूपे होति, एको कूपतटे, एको वा रुक्खे, एको पथावियं, वृत्तयेनेव हत्थपासप्यमाणं परिच्छिन्दितव्वं। तस्मिं ठत्वा सचेपि द्वे तयो वा सामणेरा यं मज्झिमो पुरिसो उक्खिपितुं सक्कोति, एवरूपं भारं पवट्टेत्ता भिक्खुनां भूमियं ठपितहत्थं आरोपेन्ति, उक्खिपित्वा वा भिक्खुनो पसारितहत्थे एकदेसेनापि ठपेन्ति, तं पटिगहितमेव होति। यं पन पिण्डाय चरन्तस्स पत्ते रजं पतति, तं अपटिगहितमेव होति, तस्मा पटिगहेत्वाव भिक्खा गणितव्वं। अपटिगहेत्वा गणन्तस्स विनयदुक्कटं, तं पन पुन पटिगहेत्वा भुज्जन्तस्स अनापत्तिं। सचे “पटिगहेत्वा देथा”ति वृत्ते वचनं अस्सुत्वा वा अनादित्वा वा भिक्खं देन्तियेव, विनयदुक्कटा मुच्चति, पुन पटिगहेत्वा अज्जा भिक्खा पटिगहेतव्वं। सचे महावातो ततो ततो रजं पातेति, न सक्का होति भिक्खं गहेतुं, “अनुपसम्पन्नस्स दस्सामी”ति सुद्धचित्तेन आभोगं कत्वा गणितुं वट्टति। तं अनुपसम्पन्नस्स दत्त्वा पुन तेन दिन्नं वा तस्स विस्सासेन वा पटिगहेत्वा भुज्जितुं वट्टति। अस्सुखेळसिङ्गणिकादीसु यं ठानतो चवित्वा हत्थे वा पत्ते वा पतति, तं पटिगहेतव्वं, अङ्गलगं पटिगहितमेव। पतन्तमि वोच्छिन्नञ्चे अन्तरा न गहेतव्वं, उगहितकं नाम होति, तं पच्छा पटिगहितमि न वट्टति। यं पन भेसज्जं वा मूलफलं वा मातादीनं अत्थाय गहेत्वा छायात्थाय वा फलिनिखाखं उक्खिपित्वा गच्छति, ततो यं इच्छति, तं पुन पटिगहेत्वा परिभुज्जितुं वट्टति। यो पन तत्थ जातकफलिनिखाया वा वल्लिया वा गहेत्वा चालेति। तस्स ततो लद्धं फलं न वट्टति, दुरुपचिण्णदुक्कटञ्च आपज्जति, अज्जस्स तं वट्टति, फलिरुक्खं पन अपस्सयितुं वा आलम्बितुं वा वट्टति, पटिगहेत्वा ठपिते यं अज्जं अङ्कुरादि उपपज्जति, पटिगहितमेव तं। याव हि हत्थतो मुत्ते निरपेक्खो न होति, निरपेक्खताय वा हत्थतो न मुच्चति, ताव न पटिगहणं विजहति, अयमेत्थ सङ्गो, वित्थारो पन समन्तपासादिकायं वृत्तो।

मुखद्वारन्ति गलनाळिकं। मुखेन वा हि पविट्ठं होतु, नासिकाय वा, गलेन अज्झोहरणीयताय सब्बमि तं मुखद्वारं पवेसितमेव होति। **आहारन्ति** यंकिञ्चि यावकालिकं वा यामकालिकं वा सत्ताहकालिकं वा यावजीविकं वा। सब्बज्हेतं अज्झोहरणीयता ‘आहारो’ति वुच्चति, तत्थ सब्बमि धञ्जं वा धञ्जानुलोमं वा तालनाळिकेरपनसलबुज अलाबुकुम्भण्डपुस्सफलातिपुसफलाळाकसङ्घातं नवविधं महाफलञ्चेव अपरणञ्च, यञ्चज्जं वनमूलपत्तपुप्फफलादि आहारत्थं फरति, तं सब्बं याव मज्झिक्कालो, ताव परिभुज्जितव्वतो **यावकालिकं** नाम। अम्बपानं जम्बुपानं चोचपानं मोचपानं मधुकपानं मुद्दिकपानं सालुकपानं फारुसकपानन्ति इमानि अट्ट पानानि, यानि च तेसं अनुलोमानि वेत्तितिण्णिकमातुलुङ्गकपिडुकोसम्बकरमन्दादिखुद्दकफलपानानि, एतानि सब्बानि अनुपसम्पन्नेहि सीतोदकेन महित्वा कतानि आदिचपकाणि वा याव रत्तिया पच्छिमयामं निदहित्वा परिभुज्जितव्वतो **यामकालिकानि** नाम। अवसेसेसु अनुज्जातफलपत्तपुप्फसेसुपि एसेव नयो। सप्पिआदीन पञ्च भेसज्जानि सत्ताहं निदहित्वा परिभुज्जितव्वतो **सत्ताहकालिकानि** नाम। इदं पन यावकालिकादित्तयं कालविमुत्तञ्च उदकं ठपेत्वा अवसेसमूलफलाफलादि यं नेव खादनीयत्थं न भोजनीयत्थं फरति, तं यावजीवं निदहित्वा सति पचये परिभुज्जितव्वतो **यावजीविकं** नाम। **आहरेय्याति** पवेसेय। **अज्जत्र उदकदन्तपोनाति** इदं अनाहारेपि उदके आहारसञ्जाय, दन्तपोने च “मुखद्वारं आहटं इदं”ति सञ्जाय कुक्कुच्यायन्तानं कुक्कुच्याविनोदनत्थं वृत्तं। उदकज्जि यथासुखं पातु, दन्तकट्टञ्च दन्तपोनपरिभोगेन परिभुज्जितुं वट्टति। ठपेत्वा पन इदं द्वयं अवसेसं अज्झोहरणत्थाय गणहो गहणे दुक्कटं, अज्झोहारे अज्झोहारे पाचित्तियं, सचेपि दन्तकट्टरसो अजानन्तस्स अन्तो पविसति, पाचित्तियमेव।

वेसालियं अज्जतरं भिक्खुं आरब्ध अदिन्नं आहारं आहरणवत्थुस्मिं पज्जत्तं, “अज्जत्र उदकदन्तपोनाति”ति अयमेत्थ अनुपज्जति, साधारणपज्जति, अनाणत्तिकं, तिकपाचित्तियं, पटिगहितके अपटिगहितसज्जिनो, वेमतिकस्स वा दुक्कटं। पटिगहितसज्जिस्स, उदकदन्तपोने, चत्तारि महाविकटानि सति पचये असति कप्पियकारके सामं गहेत्वा परिभुज्जन्तस्स, उम्मतकादीनञ्च अनापत्तिं। एत्थ दुब्बचोपि असमत्थोपि कप्पियकारको असन्तपक्खेयेव तिडुति, छारिकाय असति सुक्खदारं ज्ञापेत्वा, तस्मिञ्च असति अल्लदारं रुक्खतो छिन्दित्वापि कातुं, मत्तिकत्थाय च पथावि खणितुमि वट्टति, इदं पन चतुब्बिधमि महाविकटं कालोदिसं नाम सप्पदडुक्खणेयेव सामं गहेतुं वट्टति, अज्जदा पटिगाहापेत्वा परिभुज्जितव्वं। अपटिगहितकता, अननुज्जातता, धूमादिअब्बोहारिकाभावा, अज्झोहरणन्ति इमानेत्य चत्तारि अङ्गानि। समुद्धानादीनि एळकलोमसदिसानीति।

दन्तपोनसिक्खापदवण्णना निड्डिता।

भोजनवग्गो चतुत्थो।

५. अचेलकवग्गो

१. अचेलकसिक्खापदवण्णना

अचेलकवग्गस्स पठमे एतेसं अचेलकादीनं अज्जतिथियानं यंकिञ्चि आमिसं एकपयोगेन देन्तस्स एकं पाचित्तियं, अवच्छिन्दित्वा अवच्छिन्दित्वा देन्तस्स पयोगे पयोगे पाचित्तियं।

वेसालियं आयस्मन्तं आनन्दं आरब्ध परिब्बाजिकाय द्वे पूवे दानवत्थुस्मिं पज्जत्तं, असाधारणपज्जति, अनाणत्तिकं, तिकपाचित्तियं, उदकदन्तपोनं देन्तस्स, अतिथिये तित्थियसज्जिस्स, वेमतिकस्स च दुक्कटं। अतिथिये अतिथियसज्जिस्स, अनुपसम्पन्नेन दापेन्तस्स, तेसं सन्तिके भाजनं निक्खिपित्वा “इदं गण्ढथा”ति भणन्तस्स, तेसं वा निक्खित्तभाजने देन्तस्स, बाहिरलेपं देन्तस्स, उम्मतकादीनञ्च अनापत्तिं। अज्जतिथियता, अननुज्जातता, अज्झोहरणीयं अज्झोहरणत्थाय सहत्था अनिक्खित्तभाजने दानन्ति इमानेत्य तीणि अङ्गानि। समुद्धानादीनि एळकलोमसदिसानीति।

अचेलकसिक्खापदवण्णना निड्डिता।

२. उद्योजनसिक्खापदवण्णना

दुतिये **दापेत्वा वा अदापेत्वा** वाति यंकिञ्चि आमिसं दापेत्वा वा न दात्वा वा। **उद्योजेय्याति** मातुगामेन सङ्घि हसनकीळनरहोनिस्सज्जादीनि कत्तुकामो ‘गच्छ’ति आदीनि वत्त्वा उद्योजेय्य। **एतदेवाति** एतं अनाचारमेव पचयं करित्वा, न अज्जं पतिरूपं कारणं। **पाचित्तियन्ति** उद्योजनमत्ते ताव दुक्कटं, यदा पनस्स सो दस्सनूपचारं वा सवनूपचारं वा एकेन पादेन विजहति, अपरं दुक्कटं, दुतियेन विजहते पाचित्तियं। एत्थ च दस्सनूपचारस्स अज्झोकासे ठत्वा द्वादसहत्थप्यमाणं, तथा सवनूपचारस्स। सचे पन अन्तरा कुट्टद्वारपाकारादयो हान्ति, तेहि अन्तरितभावोयेव उपचारातिक्कमो।

सावत्थियं उपनन्दं आरब्ध उद्योजनवत्थुस्मिं पज्जत्तं, साधारणपज्जति, उद्योजनाणत्तिकाय साणत्तिकं, तिकपाचित्तियं, अनुपसम्पन्ने तिकदुक्कटं, उभिनम्मि कलिसासनारोपने दुक्कटमेव, “उभो एकतो न यापेस्सामा”ति एवमादीहि पतिरूपकारणेहि उद्योजेन्तस्स, उम्मतकादीनञ्च अनापत्तिं। अनाचारं आचरितुकामता, तदत्थमेव उपसम्पन्नस्स उद्योजनं, एवं उद्योजितस्स उपचारातिक्कमोति इमानेत्य तीणि अङ्गानि। समुद्धानादीनि अदिन्नादानसदिसानीति।

उद्योजनसिक्खापदवण्णना निड्डिता।

३. सभोजनसिक्खापदवण्णना

ततिये सह उभोहि जनेहीति **सभोजनं**, तस्मिं सभोजने। अथ वा **सभोजनेति** सभोगे, रागपरियुट्ठितपुरिस्सह हि इत्थी भोगो, इत्थिया च पुरिसो, तेनेवस्स पदभाजने “इत्थी चेव होति, पुरिसो चा”ति आदि (पाचि० २१८) वृत्तं। **अनुपखज्ज निस्सज्जं कप्पेय्याति** अनुपविसित्वा निसीदेय्य, यं तस्मिं कुले सयनिघरं, तस्स महाचतुस्सालादीसु कतस्स महल्लकस्स पिडुसङ्घाटतो हत्थपासं विजहित्वा अन्तोसयनस्स आसन्ने ठाने, खुद्दकस्स वा वेमज्जं अतिक्कमित्वा निसीदेय्याति अत्थो, एवं निस्सिन्नस्स पाचित्तियं।

सावत्थियं उपनन्दं आरब्ध अनुपखज्ज निस्सज्जनवत्थुस्मिं पज्जत्तं, साधारणपज्जति, अनाणत्तिकं, तिकपाचित्तियं, असयनिघरे सयनिघरसज्जिनो, वेमतिकस्स वा दुक्कटं। नसयनिघरसज्जिस्स, वृत्तलक्खणं पदेसं अनतिक्कमित्वा निस्सिन्नस्स, भिक्खुस्मिं दुतियके सति, उभोसु निक्खन्तेसु वा, वीतरागेसु वा निसीदन्तस्स, उम्मतकादीनञ्च अनापत्तिं। अवीतरागजायमत्तिकानं सन्निहितता, सयनिघरता, दुतियस्स भिक्खुनो अभवो, अनुपखज्ज निसीदन्ति इमानेत्य चत्तारि अङ्गानि। समुद्धानादीनि पठमपाराजिकसदिसानीति।

सभोजनसिक्खापदवण्णना निड्डिता ।

४-५. रहोपटिच्छन्न-रहोनिस्सज्जसिक्खापदवण्णना

चतुत्थपञ्चमानि सावत्थियं उपनन्दं आरब्ध पटिच्छन्नासने च, रहो च निस्सज्जनवत्थुस्मिं पञ्जत्तानि, साधारणपञ्जत्तियो, एतेसम्पि समुद्धानादीनि पठमपाराजिकसदिसानेव । सेसो कथानयो अनियतद्वये वुत्तनयेनेव वेदितव्वो ।

रहोपटिच्छन्न-रहोनिस्सज्जसिक्खापदवण्णना निड्डिता ।

६. चारित्तसिक्खापदवण्णना

छट्ठे निमन्तितीति पञ्चन्नं भोजनानं अञ्जतरेन निमन्तितीति । सभत्तो समानोति तेनेव निमन्तनभत्तेन सभत्तो समानो । सन्तं भिक्खुं अनापुच्छाति अन्तोउपचारसीमाय दस्सनूपचारे भिक्खुं दिस्वा यं सक्का होति पकतिवचनेन आपुच्छित्तुं, तादिसं “अहं इत्थन्नामस्स घरं गच्छामी”ति वा “चारित्तं आपज्जामी”ति वा ईदिसेन वचनेन अनापुच्छित्वा । पुरेभत्तं वा पच्छाभत्तं वाति येन भत्तेन निमन्तितीति, तस्मिं भुत्ते वा अभुत्ते वा । कुलेसु चारित्तं आपज्जेय्याति यस्मिं कुले निमन्तितीति, ततो अज्जानि कुलानि पविसेय्य । अञ्जत्र समया पाचित्तियन्ति सचे सो भिक्खु वुत्तलक्खणं दुविधम्मि समयं उपेत्वा अवीतिवत्ते मज्झन्तिके अञ्जं कुलं पविसति, अथस्स घरूपचारोक्कमने दुक्कटं, पठमपादेन उम्मारं अतिक्कमन्तस्स अपरम्पि दुक्कटं, दुतियपादेन अतिक्कमे पाचित्तियं ।

राजगहे उपनन्दं आरब्ध चारित्तापज्जनवत्थुस्मिं पञ्जत्तं, “सन्तं भिक्खुं, अनापुच्छा, पुरेभत्तं पच्छाभत्तं, अञ्जत्र समया”ति अयमेत्थ चतुब्बिधा अनुपञ्जत्ति, साधारणपञ्जत्ति, अनाणत्तिकं, तिकपाचित्तियं, अनिमन्तिते निमन्तितसज्जिस्स, वेमतिकस्स वा दुक्कटं । तस्मिं अनिमन्तितसज्जिस्स, समये सन्तं भिक्खुं आपुच्छित्वा, असन्तं भिक्खुं अनापुच्छित्वा पविसतो, अञ्जस्स घरेन वा घरूपचारेन वा मग्गो होति, तेन गच्छतो, अन्तरारामभिक्खुनुपस्सयत्तिथियसेय्यपटिक्कमनभत्तियघरानि गच्छतो, आपदासु, उम्मतकादीनञ्च अनापत्ति । पञ्चन्नं भोजनानं अञ्जतरेन निमन्तनसादियनं, सन्तं भिक्खुं अनापुच्छना, भत्तियघरतो अञ्जघरणविसनं, मज्झन्धिकानातिक्कमो, समयस्स वा आपदानं वा अभावोति इमानेत्य पञ्च अङ्गानि । समुद्धानादीनि पठमकथिनसदिसानेव, इदं पन किरियाकिरियन्ति ।

चारित्तसिक्खापदवण्णना निड्डिता ।

७. महानामसिक्खापदवण्णना

सत्तमे चतुमासप्यच्चयपवारणाति चत्तारो मासे गिलानप्यच्चयपवारणा, सब्बज्चेतं वत्थुवसेन वुत्तं । अयं पनेत्थ अत्थो — चतुमासपवारणा वा होतु, पुनपवारणा वा, निच्चपवारणा वा, सब्बापि सादितब्बा, “इदानीं मम रोगो नत्थी”ति न पटिक्खिपितब्बा, “रोगे पन सति विज्जापेस्सामी”ति अधिवासेतब्बाति । ततो चे उत्तरि सादियेय्याति एत्थ सचे तत्थ रत्तीहि वा भेसज्जेहि वा परिच्छेदो कतो होति “एत्तकायेव रत्तियो, एत्तकानि वा भेसज्जानि विज्जापेतब्बानी”ति, अथ ततो रत्तिपरियन्ततो वा भेसज्जपरियन्ततो वा उत्तरि, न भेसज्जकरणीयेन वा भेसज्जं, अञ्जभेसज्जकरणीयेन वा अञ्जं भेसज्जं विज्जापेत्तस्स पाचित्तियं ।

सक्केसु छब्बग्गिये आरब्ध भेसज्जविज्जापनवत्थुस्मिं पञ्जत्तं, साधारणपञ्जत्ति, अनाणत्तिकं, तिकपाचित्तियं, नततुत्तरि ततुत्तरिसज्जिनो, वेमतिकस्स वा दुक्कटं । नततुत्तरि नततुत्तरिसज्जिस्स, येहि भेसज्जेहि पवारितो, ततो अञ्जेहि वा अधिकतरेहि वा अत्ये सति, यासु च रत्तीसु पवारितो, ता अतिक्कमित्वापि अत्ये सति यथाभूतं आचिक्खित्वा विज्जापेत्तस्स, ये च जातके वा पुग्गलिकपवारणाय पवारिते वा अपरियन्तपवारणाय वा पवारिते, अञ्जस्स वा अत्थाय, अत्तनो वा धनेन विज्जापेत्ति, तेसं, उम्मतकादीनञ्च अनापत्ति । सङ्कपवारणता, ततो भेसज्जविज्जत्ति, अगिलानता, परियन्तातिक्कमोति इमानेत्य चत्तारि अङ्गानि । समुद्धानादीनि सञ्चरित्तसदिसानीति ।

महानामसिक्खापदवण्णना निड्डिता ।

८. उय्युत्तसेनासिक्खापदवण्णना

अट्ठमे उय्युत्तन्ति कतउय्योगं, गामतो निक्खन्तन्ति अत्थो । सेनन्ति चतुरङ्गिनि । अञ्जत्र तथारूपप्यच्चयाति तथारूपे कारणे असति केवलं सेनं दस्सनत्थाय गच्छतो पदे पदे दुक्कटं, दस्सनूपचारे ठत्वा पस्सतो पाचित्तियं । दस्सनूपचारे नाम यत्थ ठितो पस्सति, तं पन विजहित्वा पुनपुनं पस्सतो पयोगे पयोगे पाचित्तियं ।

सावत्थियं छब्बग्गिये आरब्ध सेनादस्सनवत्थुस्मिं पञ्जत्तं, “अञ्जत्र तथारूपप्यच्चया”ति अयमेत्थ अनुपञ्जत्ति, साधारणपञ्जत्ति, अनाणत्तिकं, तिकपाचित्तियं, हत्थिआदीसु एकमेकं दस्सनाय गमने वुत्तनयेनेव दुक्कटं, तथा अनुय्युत्ते उय्युत्तसज्जिनो, वेमतिकस्स च दुक्कटं । अनुय्युत्तसज्जिनो पन, आरामे ठत्वा अत्तनो ठितोकासं आगतं, पटिपथं आगच्छन्तञ्च पस्सतो, तथारूपप्यच्चये, आपदासु, उम्मतकादीनञ्च अनापत्ति । उय्युत्तसेनं दस्सनत्थाय गमनं, अनुज्जातोकासतो अञ्जत्र दस्सनं, तथारूपप्यच्चयस्स आपदाय वा अभावोति इमानेत्य चत्तारि अङ्गानि । समुद्धानादीनि एळकलोमसदिसानेव, इदं पन लोकवज्जं, अकुसलचित्तं, तिवेदनन्ति ।

उय्युत्तसेनासिक्खापदवण्णना निड्डिता ।

९. सेनावाससिक्खापदवण्णना

नवमे ततो चे उत्तरीति तिरत्ततो उत्तरि चतुत्थदिवसे अत्थङ्गते सूरिये सेनाय तिड्डतु वा निसीदतु वा सयतु वा, सचेपि आकासे इड्डिया कज्जि इरियापथं कप्पेति, पाचित्तियमेव ।

सावत्थियं छब्बग्गिये आरब्ध अतिरेकतिरत्तं सेनाय वसनवत्थुस्मिं पञ्जत्तं, साधारणपञ्जत्ति, अनाणत्तिकं, तिकपाचित्तियं, ऊनकतिरत्ते अतिरेकसज्जिनो, वेमतिकस्स वा दुक्कटं । ऊनकसज्जिस्स, ततियाय रत्तिया पुरारुणा निक्खमित्वा पुन वसतो, गिलानस्स वा गिलानकरणीयेन वा वसतो, पटिसेनारुद्धाय सेनाय, केनचि पलिबुद्धस्स, आपदासु, उम्मतकादीनञ्च अनापत्ति । तिरत्तातिक्कमो, सेनाय सूरियस्स अत्थङ्गमो, गिलानतादीनं अभावोति इमानेत्य तीणि अङ्गानि । समुद्धानादीनि एळकलोमसदिसानेवाति ।

सेनावाससिक्खापदवण्णना निड्डिता ।

१०. उय्योधिकसिक्खापदवण्णना

दसमे उगगन्त्वा उगगन्त्वा एत्थ यज्झन्तीति उय्योधिकं, सम्पहारड्डानस्सेतं नामं । बलस्स अग्गं जानन्ति एत्थाति बलग्गं, बलगणनड्डानन्ति अत्थो । सेनाय वियूहं सेनाब्यूहं, सेनानिवेसस्सेतं नामं । अनीकस्स दस्सनं अनीकदस्सनं । अनीकं नाम “द्वादसपुरिसो हत्थी, तिपुरिसो अस्सो, चतुपुरिसो रथो”तिइमिना (पाणि० ३१४) लक्खणेन तयो हत्थी पच्छिमकं हत्थानीकं, अस्सानोकरथानीकेसुपि एसेव नयो । चत्तारो पन आवुधहत्था पुरिसा पच्छिमकं पत्तानीकं । एतेसु यंकिज्जि दस्सनाय गच्छतो पदे पदे दुक्कटं, दस्सनूपचारे ठत्वा पस्सतो पाचित्तियं, उपचारं पन विजहित्वा पुनपुनं पस्सतो पयोगे पयोगे

पाचित्तियं । सेसं उच्युत्तसेनासिक्खापदे वुत्तनयेनेव वेदितब्बं, आपत्तिभेदो पनेत्थ नत्थेवाति ।

उच्योधिकसिक्खापदवण्णना निट्ठिता ।

अचेलकवग्गो पञ्चमो ।

६. सुरापानवग्गो

१. सुरापानसिक्खापदवण्णना

सुरापानवग्गस्स पठमे **सुरामेरयपानेति** एत्थ पिट्ठादीहि कतं मज्जं सुरा, पुप्फादीहि कतो आसवो मेरयं, तदुभयमि बीजतो पट्ठाय कुसग्गेनापि पिवतो पयोगे पयोगे पाचित्तियं ।

कोसम्बियं सागतत्थेरं आरब्ध मज्जपिवनवत्थुस्मिं पञ्चत्तं, साधारणपञ्चत्ति, अनाणत्तिकं, तिकपाचित्तियं, अमज्जे मज्जसज्जिस्स, वेमतिकस्स वा दुक्कटं । अमज्जसज्जिस्स, अमज्जं मज्जवण्णगन्धरसं लोणसोवीरकं वा सुत्तं वा पिवतो, वासग्गाहापनत्थं ईसकं मज्जं पक्खिपित्वा सूपादीनि पचन्ति, तेसु सूपसम्माकादीसु, आमलकरसादीहि अमज्जं मज्जसदिसं अरिडुं करोन्ति, तं पिवतो, उम्मतकादीनञ्च अनापत्ति । मज्जभावो, तस्स पानञ्चाति इमानेत्थ द्वे अङ्गानि । समुट्ठानादीनि एळकलोमसदिसानि, इदं पन लोकवज्जं, अकुसलचित्तं, तिवेदनन्ति ।

सुरापानसिक्खापदवण्णना निट्ठिता ।

२. अङ्गुलिपतोदकसिक्खापदवण्णना

दुतिये **अङ्गुलिपतोदकेति** अङ्गुलीहि उपकच्छकादिघट्टनं वुच्चति, अपिच येन केनचि सरीरावयवेन हसाधिप्पायस्स उपसम्पन्नं फुसतो पाचित्तियं ।

सावत्थियं छब्बगिये आरब्ध अङ्गुलिपतोदकेन हसनवत्थुस्मिं पञ्चत्तं, साधारणपञ्चत्ति, अनाणत्तिकं, तिकपाचित्तियं, अनुपसम्पन्ने तिकदुक्कटं, इध पन भिक्खुनीपि भिक्खुस्स, भिक्खु च भिक्खुनिया अनुपसम्पन्नो एव, कायप्पटिबट्ठादीसु सब्बत्थ दुक्कटमेव । न हसनाधिप्पायस्स, सति करणीये आमसतो, उम्मतकादीनञ्च अनापत्ति । हसाधिप्पायता, उपसम्पन्नस्स कायेन कायामसनन्ति इमानेत्थ द्वे अङ्गानि । समुट्ठानादीनि पठमपाराजिकसदिसानेवाति ।

अङ्गुलिपतोदकसिक्खापदवण्णना निट्ठिता ।

३. हसधम्मसिक्खापदवण्णना

ततिये **उदके हसधम्मेति** उदककोळा वुच्चति । तस्मा यो भिक्खु उपरिगोष्फके उदकेयेव गच्छन्तो हसाधिप्पायो निमुज्जति वा उम्मुज्जति वा, तस्स निमुज्जनादीनं अत्थाय ओतरन्तस्स हत्थवारे पदवारे दुक्कटं, निमुज्जनुम्मुज्जेनेसु पयोगे पयोगे पाचित्तियं, निमुज्जित्वा अन्तोउदकेयेव गच्छन्तस्स हत्थवारपदवारेसु, तरन्तस्स वा येन येन अङ्गेन तरति, तस्स तस्स पयोगे पयोगे पाचित्तियं ।

सावत्थियं सत्तरसवगिये भिक्खू आरब्ध उदके कीळनवत्थुस्मिं पञ्चत्तं, साधारणपञ्चत्ति, अनाणत्तिकं, तिकपाचित्तियं, उदके अहसधम्मे हसधम्मसज्जिनो, वेमतिकस्स वा दुक्कटं, तथा नावाय कीळतो हत्थेन वा पादेन वा कट्टेन वा कथलाय वा उदकं पहरतो, भाजनगतं उदकं वा कज्जिकादीनि वा चिक्खल्लं वा खिपनकीळाय कीळतो दुक्कटं । अत्थजोतकं पन अक्खरं छिन्दितुं वट्ठति । न हसाधिप्पायस्स, सति करणीये ओतरित्वा निमुज्जनादीनि करोन्तस्स, पारं गच्छतो, आपदासु, उम्मतकादीनञ्च अनापत्ति । उपरिगोष्फकता, हसाधिप्पायेन कीळनन्ति इमानेत्थ द्वे अङ्गानि । समुट्ठानादीनि पठमपाराजिकसदिसानीति ।

हसधम्मसिक्खापदवण्णना निट्ठिता ।

४. अनादरियसिक्खापदवण्णना

चतुत्थे **अनादरियेति** पुगलस्स वा धम्मस्स वा अनादरकरणे । तस्मा यो भिक्खु उपसम्पन्नेन पञ्चत्तेन वुच्चमानो तस्स वा वचनं अकत्तुकामताय, तं वा धम्मं असिक्खितुकामताय अनादरियं करोति, तस्स तस्मिं अनादरिये पाचित्तियं ।

कोसम्बियं छन्नत्थेरं आरब्ध अनादरियकरणवत्थुस्मिं पञ्चत्तं, साधारणपञ्चत्ति, अनाणत्तिकं, तिकपाचित्तियं, अनुपसम्पन्ने तिकदुक्कटं, उपसम्पन्नेन वा अनुपसम्पन्नेन वा “इदं न सल्लेखाय संवत्तती”तिआदिना नयेन अपञ्चत्तेन वुच्चमानस्स अनादरियेपि दुक्कटमेव । पवेणिआगतं पन उग्गाहं गहेत्वा “एवं अम्हाकं आचरियानं उग्गाहो परिपुच्छा”ति (पाचि० ३४४) भणन्तस्स, उम्मतकादीनञ्च अनापत्ति । उपसम्पन्नस्स पञ्चत्तेन वचनं, अनादरियकरणन्ति इमानेत्थ द्वे अङ्गानि । समुट्ठानादीनि अदिन्नादानसदिसानि, इदं पन दुक्खवेदनन्ति ।

अनादरियसिक्खापदवण्णना निट्ठिता ।

५. भिसापनसिक्खापदवण्णना

पञ्चमे **भिसापेय्याति** भिसापनत्थं रूपादीनि उपसंहरेय्य, भयानककथं वा कथेय्य । सो पन भायतु वा, मा वा, इतरस्स पाचित्तियं ।

सावत्थियं छब्बगिये भिक्खू आरब्ध भिसापनवत्थुस्मिं पञ्चत्तं, साधारणपञ्चत्ति, अनाणत्तिकं, तिकपाचित्तियं । अनुपसम्पन्ने तिकदुक्कटं, न भिसापेतुकामस्स तथा करोतो, उम्मतकादीनञ्च अनापत्ति । उपसम्पन्नता, तस्स दस्सनसवनविसये भिसापेतुकामताय वायामनन्ति इमानेत्थ द्वे अङ्गानि । समुट्ठानादीनि अनन्तरसिक्खापदसदिसानेवाति ।

भिसापनसिक्खापदवण्णना निट्ठिता ।

६. जोतिसिक्खापदवण्णना

छट्ठे **विसिब्बनापेक्खोति** तप्पितुकामो । **समादहेय्याति** जालेय्य, **अज्जत्र तथारूपप्यच्चयाति** पदीपुज्जालनं वा पत्तपचनादीसु जोतिकरणं वाति एवरूपं पच्चयं विना । तत्रायं विनिच्छयो — सयं समादहन्तस्स अरणिणसण्ठापनतो पट्ठाय थाव जाला न उड्ढति, ताव सब्बपयोगेसु दुक्कटं, जालुट्ठाने पाचित्तियं । समादहापेन्तस्स आणत्तिया दुक्कटं, सकिं आणत्तेन बहुमि समादहिते एकमेव पाचित्तियं ।

भग्गोसु सम्बहले भिक्खू आरब्ध जोतिं समादहित्वा विसिब्बनवत्थुस्मिं पञ्चत्तं, “अगिलानो, अज्जत्र तथारूपप्यच्चया”ति इमानेत्थ द्वे अनुपञ्चत्तियो, साधारणपञ्चत्ति, साणत्तिकं, तिकपाचित्तियं, गिलानस्स अगिलानसज्जिनो, वेमतिकस्स वा दुक्कटं, तथा पटिलातं उक्खिपन्तस्स, तच्च अविज्झातं उक्खिपित्वा यथाठाने ठपेन्तस्स । विज्झातं पन जालयतो पाचित्तियमेव । गिलानस्स गिलानसज्जिस्स,

अञ्जेन कतं वा वीतचित्तङ्गारं वा विसिब्बेन्तस्स, पदीपजातिकजन्ताधरादिके तथारूपपच्चये, आपदासु, उम्मतकादीनञ्च अनापत्ति। अगिलानता, अनुज्जातकारणाभावो, विसिब्बेतुकामता, समादहनन्ति इमानेत्य चत्तारि अङ्गानि। समुद्धानादीनि सञ्चरिते वुत्तनयेनेव वेदितव्वानीति।

जोतिसिक्खापदवण्णना निट्ठिता।

७. नहानसिक्खापदवण्णना

सत्तमे **नहायेय्या**ति यो भिक्खु मज्झिमदेसे नहानदिवसतो पट्ठाय अद्धमासे अपुण्णे अञ्जत्र समया “नहायिस्सामी”ति चुण्णं वा मत्तिकं वा अभिसङ्करोति, तस्स ततो पट्ठाय सब्बण्योगेसु दुक्कटं, नहानपरियोसाने पाचिचित्तियं। समयेसु परिवेणसम्मज्जनमत्तप्पि **कम्मसमयो**, अद्धयोजनं गन्तुकामस्स, गच्छतो, गतस्स वा **अद्धानगमनसमयो**, सरजेन वातेन ओकिण्णस्स द्वीसु वा तीसु वा उदकफुसितेसु काये पतितेसु **वातवुट्ठिसमयो**ति वेदितव्वो। सेसं उत्तानमेव।

राजगहे सम्बहुले भिक्खू आरब्ध न मत्तं जानित्वा नहायनवत्थुस्मिं पञ्जत्तं, “अञ्जत्र समया”ति अयमेत्थ छब्बिधा अनुपञ्जति, साधारणपञ्जति, अनाणत्तिकं, तिकपाचिचित्तियं, अतिरेकद्धमासे ऊनकसज्जिनो, वेमतिकस्स वा दुक्कटं। अतिरेकसज्जिस्स, समये वा नहायन्तस्स, यो वा नदीपारं गच्छन्तो बालुकं उक्किरित्वा कतआवाटेसुपि नहार्याति, तस्स, पच्चन्तिमे जनपदे सब्बेसं, आपदासु, उम्मतकादीनञ्च अनापत्ति। मज्झिमदेसो, ऊनकद्धमासे नहानं, समयानं वा नदीपारगमनस्स वा आपदानं वा अभावोति इमानेत्य तीणि अङ्गानि। समुद्धानादीनि एळकलोमसदिसानेवाति।

नहानसिक्खापदवण्णना निट्ठिता।

८. दुब्बण्णकरणसिक्खापदवण्णना

अट्टमे अलभीति लभो, लभो एव लाभो, किं अलभि? चीवरं, कीदिसं? नवं, इति “नवचीवरलाभेना”ति वत्तब्बे अनुनासिकलोपं अकत्वा **नवचीवरलाभेना**ति वुत्तं, पटिलद्धनवचीवरेनाति अत्थो। मज्जे ठितपदद्वये **पनाति** निपातमत्तं। **भिक्खुना**ति येन लद्धं, तस्स निदस्सं, सेसं पदत्थतो उत्तानमेव। अयं पनेत्थ विनिच्छयो — निवासनपारुपनुपगं चीवरं लभित्वा तस्स निट्ठितरजनस्स यस्मिं वा तस्मिं वा पदेसे कंसनीलेन वा पत्तनीलेन वा कदमेन वा येन केनचि काळकेन वा मोरेक्खिमण्डलमङ्गुलिपट्ठिनीं अञ्जतरप्पमाणं कप्पबिन्दुं आदित्वा तं चीवरं परिभुज्जितव्वं, अनादित्वा परिभुज्जन्तस्स पाचिचित्तियं।

सावत्थियं सम्बहुले भिक्खू आरब्ध अत्तनो चीवर अजाननवत्थुस्मिं पञ्जत्तं, साधारणपञ्जति, अनाणत्तिकं, तिकपाचिचित्तियं, आदिन्ने अनादिन्नसज्जिनो, वेमतिकस्स वा दुक्कटं। आदिन्नसज्जिस्स, कप्पे नट्ठे, कप्पकतोकासे जिण्णे, कप्पकतेन अकप्पकते संसिब्बिते, पच्छा आरोपितेसु अगळअनुवातपरिभण्डेसु तं परिभुज्जन्तस्स, उम्मतकादीनञ्च अनापत्ति। वुत्तप्पकारस्स चीवरस्स अकतकप्पकता, न नट्ठुचीवरादिता, निवासनं वा पारुपनं वाति इमानेत्य तीणि अङ्गानि। समुद्धानादीनि एळकलोमसदिसानि, इदं पन किरियाकिरियन्ति।

दुब्बण्णकरणसिक्खापदवण्णना निट्ठिता।

९. विकप्पनसिक्खापदवण्णना

नवमे **विकप्पेत्वा**ति एत्थ द्वे विकप्पना सम्मुखाविकप्पना परम्मुखाविकप्पना च। कथं **सम्मुखाविकप्पना** होति? चीवरानं एकबहुभावं सन्निहितासन्निहितभावञ्च जत्वा ‘इमं चीवर’न्ति वा ‘इमानि चीवरानी’ति वा ‘एतं चीवर’न्ति वा ‘एतानि चीवरानी’ति वा वत्त्वा ‘तुहं विकप्पेमी’ति वत्तब्बं, अयमेका सम्मुखाविकप्पना। एतावता निधेतुं वट्ठति, परिभुज्जितुं पन विस्सज्जेतुं वा अधिडातुं वा न वट्ठति। “महं सन्तकं, महं सन्तकानि परिभुज्ज वा विस्सज्जेहि वा यथापच्चयं करोही”ति (पाचि० ३७४) एवं पन वुत्ते पच्चुद्धारो नाम होति, ततो पभुति परिभोगादयोपि वट्ठन्ति। अपरो नयो, तथेव चीवरानं एकबहुभावं सन्निहितासन्निहितभावञ्च जत्वा तस्सेव भिक्खुनो सन्तिके ‘इमं चीवर’न्ति वा ‘इमानि चीवरानी’ति वा ‘एतं चीवर’न्ति वा ‘एतानि चीवरानी’ति वा वत्त्वा पञ्चसु सहधम्मिकेसु अञ्जतरस्स अत्तना अभिरुचितस्स यस्स कस्सचि नामं गहेत्वा ‘तिस्सस्स भिक्खुनो विकप्पेमी’ति वा ‘तिस्साय भिक्खुनिया, सिक्खमानाय, सामणेस्स, तिस्साय सामणेरीया विकप्पेमी’ति वा वत्तब्बं, अयं अपरापि सम्मुखाविकप्पना। एतावता निधेतुं वट्ठति, परिभोगादीसु एकप्पि न वट्ठति। तेन पन भिक्खुना “तिस्सस्स भिक्खुनो सन्तकं...पे०... तिस्साय सामणेरीया सन्तकं परिभुज्ज वा विस्सज्जेहि वा यथापच्चयं करोही”ति वुत्ते पच्चुद्धारो नाम होति, ततो पभुति परिभोगादयोपि वट्ठन्ति।

कथं **परम्मुखाविकप्पना** होति? चीवरानं तथेव एकबहुभावं सन्निहितासन्निहितभावञ्च जत्वा ‘इमं चीवर’न्ति वा ‘इमानि चीवरानी’ति वा ‘एतं चीवर’न्ति वा ‘एतानि चीवरानी’ति वा वत्त्वा “तुहं विकप्पन्तथाय दम्मी”ति वत्तब्बं। तेन वत्तब्बो “को ते मित्तो वा सन्दिट्ठो वा”ति। ततो इतरेन पुरिमनयेनेव ‘तिस्सो भिक्खू’ति वा...पे०... ‘तिस्सा सामणेरी’ति वा वत्तब्बं। पुन तेन भिक्खुना “अहं तिस्सस्स भिक्खुनो दम्मी”ति वा...पे०... “तिस्साय सामणेरीया दम्मी”ति वा वत्तब्बं, अयं परम्मुखाविकप्पना। एतावता निधेतुं वट्ठति, परिभोगादीसु एकप्पि न वट्ठति। तेन पन भिक्खुना दुतियसम्मुखाविकप्पनायं वुत्तनयेनेव “इत्थन्नामस्स सन्तकं परिभुज्ज वा विस्सज्जेहि वा यथापच्चयं करोही”ति वुत्ते पच्चुद्धारो नाम होति, ततो पभुति परिभोगादयोपि वट्ठन्तीति। पत्तविकप्पनायमि एसेव नयो। इति इमासु द्वीसु विकप्पनासु याय कायचि विकप्पनाय पञ्चसु सहधम्मिकेसु यस्स कस्सचि चीवरं विकप्पेत्वा वुत्तनयेन अकतपच्चुद्धारं वा येन विनयकम्मं कतं, तस्स वा विस्सासेन अगहेत्वा परिभुज्जन्तस्स पाचिचित्तियं।

सावत्थियं उपनन्दं आरब्ध अप्पच्चुद्धारणं परिभुज्जनवत्थुस्मिं पञ्जत्तं, साधारणपञ्जति, अनाणत्तिकं, तिकपाचिचित्तियं, तं पन अधिद्धन्तस्स वा विस्सज्जेन्तस्स वा दुक्कटं, तथा पच्चुद्धारणे अप्पच्चुद्धारणसज्जिस्स वेमतिकस्स वा। पच्चुद्धारणसज्जिस्स पन विस्सासेन परिभुज्जन्तस्स, उम्मतकादीनञ्च अनापत्ति। सामं विकप्पितस्स अप्पच्चुद्धारो, विकप्पनुपगचीवरता, परिभोगाति इमानेत्य तीणि अङ्गानि। समुद्धानादीनि पठमकथिनसदिसानेव, इदं पन किरियाकिरियन्ति।

विकप्पनसिक्खापदवण्णना निट्ठिता।

१०. अपनिधानसिक्खापदवण्णना

दसमे पत्तन्ति अधिद्धानुपगं। **चीवरन्ति** विकप्पनुपगं। **निसीदनं** नाम सदसं वुच्चति। **सुचिधरं** नाम ससूचिकं वा असूचिकं वा। **कायबन्धनं** नाम पट्टिका वा सूकरन्तकं वा। **अपनिधेय्या**ति अपनेत्वा निदेह्ये। **हसापेक्खोति** हसाधिप्पायो। **पाचिचित्तियं** सयं अपनिधेन्तस्स पाचिचित्तियं, अञ्जं आणापेन्तस्स आणत्तिया दुक्कटं, तेन अपनिहिते इतरस्स पाचिचित्तियं।

सावत्थियं छब्बगिये आरब्ध अपनिधानवत्थुस्मिं पञ्जत्तं, साधारणपञ्जति, साणत्तिकं, तिकपाचिचित्तियं, अनुपसम्पन्ने तिकदुक्कटं, वुत्तप्पकारानि पन पत्तादीनि उपेत्वा अञ्जं परिकखारं उपसम्पन्तस्स वा अनुपसम्पन्तस्स वा सन्तकं अपनिधेन्तस्स दुक्कटमेव। दुन्निक्खित्तं पटिसामेन्तस्स, “धम्मकथं कत्वा दस्सामी”ति पटिसामेन्तस्स, उम्मतकादीनञ्च अनापत्ति। उपसम्पन्तस्स सन्तकानं पत्तादीनं अपनिधानं, विहेसेतुकामता वा हसाधिप्पायता वाति इमानेत्य द्वे अङ्गानि। समुद्धानादीनि अदिन्नादानसदिसानीति।

अपनिधानसिक्खापदवण्णना निट्ठिता।

सुरापानवग्गो छट्ठो।

७. सप्पाणकवग्गो

१. सञ्चिच्चसिक्खापदवण्णना

सप्पाणकवग्गस्स पठमे पाणोति तिरच्छानगतपाणो अधिपेत्तो। तं खुद्वकम्पि महन्तम्पि मारेन्तस्स पाचित्तियमेव, महन्ते पन उपक्कममहन्तताय अकुसलं महन्तं होति।

सावत्थियं उदायित्थेरं आरब्भ पाणं जीविता वोरपनवत्थुस्मिं पञ्जत्तं, साधारणपञ्जत्ति, साणत्तिकं, पाणे वेमतिकस्स, अपाणे पाणसञ्जिनो, वेमतिकस्स वा दुक्कटं। अपाणसञ्जिस्स, असञ्चिच्च, अजानन्तस्स, नमरणाधिप्पायस्स, उम्मत्तकादीनञ्च अनापत्ति। सेसं मनुस्सविग्गहे वुत्तनयमेवाति।

सञ्चिच्चसिक्खापदवण्णना निट्ठिता।

२. सप्पाणकसिक्खापदवण्णना

दुतिये सप्पाणकन्ति ये पाणका परिभोगेन मरन्ति, तेहि सप्पाणकं, तादिसञ्चि जानं परिभुञ्जन्तस्स पयोगे पयोगे पाचित्तियं।

सावत्थियं छब्बगिये आरब्भ जानं सप्पाणकं उदकं परिभुञ्जनवत्थुस्मिं पञ्जत्तं, सेसमेत्थ सञ्चनसिक्खापदे वुत्तनयेनेव वेदितब्बन्ति।

सप्पाणकसिक्खापदवण्णना निट्ठिता।

३. उक्कोटनसिक्खापदवण्णना

ततिये यथाधम्मन्ति यो यस्स अधिकरणस्स वूपसमाय धम्मो वुत्तो, तेनेव धम्मेन। निहताधिकरणन्ति निहतं अधिकरणं, समथक्खन्धके (चूळव० १८५ आदयो) सत्थारा वुत्तधम्मेनेव वूपसमितन्ति अत्थो, वूपसमननयं पनस्स अधिकरणसमथेसु दस्सयिस्साम। पुनकम्माय उक्कोटेय्याति तस्स तस्स भिक्खुनो सन्तिकं गन्त्वा “अकतं कम्म”न्तिआदीनि (पाचि० ३९४) वदन्तो पुनकरणत्थाय उच्चालेय्य। यथाठितभावेन पतिट्ठातुं न ददेय्य, तस्सेवं करोन्तस्स पाचित्तियं। यं पन धम्मेन अधिकरणं निहतं, तं सुनिहतमेव। सचे विप्पकते कम्मे पटिक्कोसति, तं सञ्जापेत्वा कातब्बं। इतरथा कम्मञ्च कुप्पति, कारकानञ्च आपत्ति।

सावत्थियं छब्बगिये भिक्खू आरब्भ उक्कोटनवत्थुस्मिं पञ्जत्तं, साधारणपञ्जत्ति, अनाणत्तिकं, धम्मकम्मे वेमतिकस्स, अधम्मकम्मे धम्मकम्मसञ्जिनो, वेमतिकस्स वा दुक्कटं। उभयेसु अधम्मकम्मसञ्जिस्स, “अधम्मेन वा वग्गेन वा अक्कमारहस्स वा कम्मं कत”न्ति जानन्तस्स, उम्मत्तकादीनञ्च अनापत्ति। यथाधम्मं निहतभावो, जानना, उक्कोटनाति इमानेत्य तीणि अङ्गानि। समुद्धानादीनि अदिन्नादानसदिसानि, इदं पन दुक्खवेदनन्ति।

उक्कोटनसिक्खापदवण्णना निट्ठिता।

४. दुडुल्लसिक्खापदवण्णना

चतुर्थे दुडुल्लन्ति सङ्गादिसेसं अधिपेत्तं, तं येन केनचि उपायेन जत्वा पटिच्छादेन्तस्स पाचित्तियं। सचेपि “न दानि न कस्सचि भिक्खुनो आरोचेस्सामी”ति धुरं निक्खिपित्वा पच्छा आरोचेति, पाचित्तियं, आपज्जित्वाव आरोचेस्सति। सचे पन एवं धुरं निक्खिपित्वा पटिच्छादनत्थमेव अञ्जस्स आरोचेति, सोपि अञ्जस्सति एतेनुपायेन समणसतम्पि आपज्जतिवेव ताव, याव कोटि न छिज्जति। कथं पन कोटि छिज्जति? सचे हि आपन्नो एकस्स आरोचेति, सोपि अञ्जस्स आरोचेति, सो निवत्तित्वा येनस्स आरोचितं, तस्सेव आरोचेति, एवं ततियेन पुगलेन दुतियस्स आरोचितं कोटि छिन्ना होति।

सावत्थियं अञ्जतरं भिक्खुं आरब्भ दुडुल्लापत्तिपटिच्छादनवत्थुस्मिं पञ्जत्तं, असाधारणपञ्जत्ति, अनाणत्तिकं, दुडुल्लाया आपत्तिया आदिपदे पाचित्तियं, इतरेसु द्वीसु दुक्कटं, अदुडुल्लाया तिकदुक्कटं, अनुपसम्पन्नस्स दुडुल्ले वा अदुडुल्ले वा अज्झाचारे दुक्कटमेव। “सङ्गस्स भण्डानादीनि भविस्सन्ती”ति (पाचि० ४०१) वा “अयं कक्खळो फरुसो जीवितन्तरायं वा ब्रह्मचरियन्तरायं वा करिस्सती”ति वा अनारोचेन्तस्स, पतिरूपं भिक्खुं अपस्सतो, न छादेतुकामस्स, “पञ्जायिस्सति सकेन कम्मेना”ति अनारोचेन्तस्स, उम्मत्तकादीनञ्च अनापत्ति। उपसम्पन्नस्स दुडुल्लापत्तिजाननं, “पटिच्छादेतुकामताय नारोचेस्सामी”ति धुरनिक्खेपोति इमानेत्य द्वे अङ्गानि। समुद्धानादीनि समनुभासनसअसानेवाति।

दुडुल्लसिक्खापदवण्णना निट्ठिता।

५. ऊनवीसतिवस्ससिक्खापदवण्णना

पञ्चमे ऊनवीसतिवस्सन्ति पटिसन्धिगहणतो पट्टाय अपरिपुण्णवीसतिवस्सं। उपसम्पादेय्याति उपज्झायो हुत्वा उपसम्पादेय्य। सो च पुगलो अनुपसम्पन्नोति जानन्तेनापि अजानन्तेनापि उपसम्पादितो अनुपसम्पन्नोव। सचे पन सो दसवस्सच्चयेन अञ्जं उपसम्पादेति, तज्जे मुञ्चित्वा गणो पूरति, सूपसम्पन्नो। सोपि याव न जानाति, ताव तस्स नेव सगगन्तरायो न मोक्खन्तरायो, जत्वा पन पुन उपसम्पज्जितब्बं। ते च भिक्खू गारय्हाति ठपेत्वा उपज्झायं अवसेसा गारय्हा होन्ति, सब्बे दुक्कटं आपज्जन्ति। इदं तस्मिं पाचित्तियन्ति यो पन उपज्झायो हुत्वा उपसम्पादेति, तस्मिंयेव पुगले इदं पाचित्तियं वेदितब्बं। तस्मा यो “एवं उपसम्पादेस्सामी”ति गणं वा आचरियं वा पत्तं वा चीवरं वा परियेसति, सीमं वा सम्मन्ति (पाचि० ४०४), उदकुक्खपं वा परिच्छिन्दति, सो एतेसु सब्बकिच्चेसु जत्तिया, द्वीसु च कम्मवाचासु दुक्कटानि आपज्जित्वा कम्मवाचापरियोसाने पाचित्तियं आपज्जति।

राजगहे सम्बहुले भिक्खू आरब्भ ऊनवीसतिवस्सं उपसम्पादनवत्थुस्मिं पञ्जत्तं, असाधारणपञ्जत्ति, अनाणत्तिकं, ऊनवीसतिवस्से वेमतिकस्स, परिपुण्णवीसतिवस्से ऊनकसञ्जिनो, वेमतिकस्स च दुक्कटं। उभयत्थ परिपुण्णसञ्जिस्स, उम्मत्तकादीनञ्च अनापत्ति। ऊनवीसतिवस्सता, ऊनकसञ्जिता, उपसम्पादनन्ति इमानेत्य तीणि अङ्गानि। समुद्धानादीनि अदिन्नादानसदिसानि, इदं पन पण्णत्तिवज्जं, तिचित्तं, तिवेदनन्ति।

ऊनवीसतिवस्ससिक्खापदवण्णना निट्ठिता।

६. थेय्यसत्थसिक्खापदवण्णना

छट्ठे ये राजानं वा वज्जेत्वा सुङ्गं वा परिहरितुकामा चोरा कतकम्मा चेव अकतकम्मा च मग्गण्टिपन्ना, तेसु इध थेय्यसत्थसञ्जिनो तस्स थेय्यसत्थभावं जत्वा तेन सङ्गि संविधाय गच्छन्तस्स संविधाने च गमने च ओवादवग्गे वुत्तनयेन आपत्तिविनिच्छयो वेदितब्बो।

सावत्थियं अञ्जतरं भिक्खुं आरब्भ थेय्यसत्थेन सङ्गि संविधाय एकञ्जानमगं पटिपज्जनवत्थुस्मिं पञ्जत्तं, साधारणपञ्जत्ति, अनाणत्तिकं, मनुस्सेसु असंविदहन्तेसु सयमेव संविदहित्वा गच्छन्तस्स, थेय्यसत्थे वेमतिकस्स, अथेय्यसत्थे थेय्यसत्थसञ्जिनो, वेमतिकस्स च दुक्कटं। अथेय्यसत्थसञ्जिस्स, असंविदहित्वा वा कालविसङ्केतेन वा, आपदासु वा, गच्छन्तस्स, उम्मत्तकादीनञ्च अनापत्ति।

थेय्यसत्थभावो, जाननं, संविधानं, अविस्मृतेन गमनन्ति इमानेत्य चत्तारि अङ्गानि । थेय्यसत्थसमुद्धानं, किरियं, सञ्जाविमोक्खं, सचित्तकं, पण्णात्तिवज्जं, कायकम्मं, वचीकम्मं, तित्थितं, तिवेदनन्ति ।

थेय्यसत्थसिक्खापदवण्णना निड्डिता ।

७. संविधानसिक्खापदवण्णना

सत्तमे सावत्थियं अज्जतरं भिक्खुं आरब्ध मातुगामेन सङ्घि एकञ्जानमग्गं पटिपज्जनवत्थुस्मिं पज्जत्तं, सेसमेत्थ भिक्खुनिया सङ्घि संविधानसिक्खापदे वुत्तनयेनेव वेदितव्वन्ति ।

संविधानसिक्खापदवण्णना निड्डिता ।

८. अरिदुसिक्खापदवण्णना

अट्टमे सगमोक्खानं अन्तरायं करोन्तीति **अन्तरायिका**, ते कम्मकिलेसविपाकउपवादपज्जत्तिवीतिकमनवसेन पञ्चविधा । तेसु मुदुकानं अत्थरणादीनं फस्सो विय इत्थिसम्फस्सोपि वट्टतीति मेथुनवीतिकमने दोसं अदिस्वा पज्जत्तिवीतिकमन्तरायिके सन्धाय “येमे अन्तरायिका धम्मा वुत्ता भगवता, ते पटिसेवतो नालं अन्तरायाया”ति वुत्तं । **अनेकपरियायेनाति** “अट्टिकङ्कलूपमा कामा”तिआदीहि (म० नि० २.४२; पाचि० ४१७; चूळनि० खग्गविसाणसुत्तनिहेस १४७) नेकेहि कारणेहि । **सो भिक्खु भिक्खुही**ति ये पस्सन्ति वा सुणन्ति वा, तेहि तिकखत्तुं एवं वत्तब्बो “मा आयस्सा एवं अवच... पे०... अलज्ज पन ते पटिसेवतो अन्तरायाया”ति । एवं वुत्ते अप्पटिनिस्सज्जन्तस्स दुक्कटं, सुत्वा अवदन्तान्मि दुक्कटं । पुन सङ्गमज्झमि आकङ्कित्वा तथेव वत्तब्बो, तत्रापि तस्स अप्पटिनिस्सज्जने, इतरेसज्ज अवचने दुक्कटमेव । एवमि अप्पटिनिस्सज्जन्तो पुन जत्तिचतुत्थेन कम्मेन यावततियं समनुभासितब्बो, अथस्स अप्पटिनिस्सज्जतो पुन जत्तिया च द्वीहि च कम्मवाचाहि दुक्कटं, कम्मवाचापरियोसाने पाचित्तियं ।

सावत्थियं अरिदु आरब्ध पापिकाय दिट्ठिया अप्पटिनिस्सज्जन्तवत्थुस्मिं पज्जत्तं, साधारणपज्जत्ति, अनाणत्तिकं, तिकपाचित्तियं, अधम्मकम्मे तिकदुक्कटं । असमनुभासियमानस्स, पटिनिस्सज्जन्तस्स, उम्मतकादीनज्ज अनापत्ति । धम्मकम्मतता, समनुभासना, अप्पटिनिस्सज्जनन्ति इमानेत्य तीणि अङ्गानि । समुद्धानादीनि समनुभासनसदिसानेवाति ।

अरिदुसिक्खापदवण्णना निड्डिता ।

९. उक्खित्तसम्भोगसिक्खापदवण्णना

नवमे **तथावादिनाति** “तथाहं भगवता धम्म”न्तिआदिवादिना । **अकतानुधम्मेनाति** अनुधम्मो वुच्चति आपत्तिया अदस्सने वा अप्पटिकम्मे वा पापिकाय दिट्ठिया अप्पटिनिस्सग्गे वा धम्मेन विनयेन उक्खित्तकस्स अनुलोमवत्तं दिस्वा कतओसारणा, सो ओसारणसङ्घातो अनुधम्मो यस्स न कतो, अयं अकतानुधम्मो नाम, तादिसेन सङ्गिन्ति अत्थो । **सम्भुज्जेय्य वाति** आमिससम्भोगं वा धम्मसम्भोगं वा करेय्य । **संवसेय्य वाति** उपोसथादिकं सङ्गकम्मं करेय्य । **सह वा सेय्यं कपेय्याति** नानूपचारेपि एकच्छन्ने निपज्जेय्य । तत्थ आमिसपरिभोगे एकपयोगेन बहूपि ददतो वा गणहतो वा एकं पाचित्तियं, विच्छिन्दने सति पयोगे पयोगे पाचित्तियं । धम्मसम्भोगे पदादीहि उद्दिस्सन्तस्स वा उद्दिस्सपेत्तस्स वा पदसोधम्मे वुत्तनयेन, संवासे कम्मपरियोसानवसेन, सहसेय्याय एकस्मिं निपन्ने इतरस्स निपज्जनपयोगवसेन आपत्तिपरिच्छेदो वेदितव्वो ।

सावत्थियं छब्बगिये आरब्ध अरिदुने भिक्खुना सङ्घि सम्भुज्जनवत्थुस्मिं पज्जत्तं, साधारणपज्जत्ति, अनाणत्तिकं, उक्खित्तके वेमतिकस्स, अनुक्खित्तके उक्खित्तकसज्जिनो चेव वेमतिकस्स च दुक्कटं । उभोसु अनुक्खित्तकसज्जिस्स, “ओसारितो”ति वा “तं दिट्ठि पटिनिस्सट्ठो”ति वा जानन्तस्स, उम्मतकादीनज्ज अनापत्ति । अकतानुधम्मता, जानना, सम्भोगादिकरणन्ति इमानेत्य तीणि अङ्गानि । समुद्धानादीनि अदिन्नादानसदिसानि, इदं पन पण्णात्तिवज्जं, तित्थितं, तिवेदनन्ति ।

उक्खित्तसम्भोगसिक्खापदवण्णना निड्डिता ।

१०. कण्टकसिक्खापदवण्णना

दसमे **समणुद्देशोति** सामणोरो । **चराति** गच्छ । **पिरेति** पर अमामक । **विनस्साति** नस्स, यत्थ तं न पस्साम, तत्थ गच्छाति वुत्तं होति । **तथानासितन्ति**एत्थ संवासनासना लिङ्गनासना दण्डकम्पनासनाति तित्थो नासना । तत्थ आपत्तिया अदस्सनादीसु उक्खेपना **संवासनासना** नाम । दूसको नासेतब्बो (पारा० ६६), मेत्तियं भिक्खुनि नासेयाति (चूळव० १९३; पारा० ३८४) अयं **लिङ्गनासना** नाम । “अज्जतग्गे ते, आवुसो समणुद्देश, न चेव सो भगवा सत्था अपदिसितब्बो”ति (पाचि० ४२९) अयं **दण्डकम्पनासना** नाम, अयं इधाधिपेता । तेन वुत्तं “तथानासित”न्ति । **उपलापेय्याति** “पत्तं वा चीवरं वा उद्देशं वा परिपुच्छं वा दस्सामी”ति सङ्गहेय्य । **उपट्ठापेय्याति** चुण्णमत्तिकादीनि सादियन्तो तेन अत्तनो उपट्ठानं कारापेय्य । सम्भोगसहसेय्या अन्तरसिक्खापदे वुत्तनया एव, तस्मा आपत्तिपरिच्छेदोपेत्थ तस्मिं वुत्तनयेनेव वेदितव्वो ।

सावत्थियं छब्बगिये भिक्खू आरब्ध कण्टकसमणुद्देशउपलापनवत्थुस्मिं पज्जत्तं, सेसं अरिदुसिक्खापदे वुत्तसदिसमेवाति ।

कण्टकसिक्खापदवण्णना निड्डिता ।

सप्पाणकवग्गे सत्तमो ।

८. सहधम्मिकवग्गे

१. सहधम्मिकसिक्खापदवण्णना

सहधम्मिकवगस्स पठमे **सहधम्मिकं वुच्चमानोति** इमस्सत्थो दुब्बचसिक्खापदे वुत्तो । **एतस्मिं सिक्खापदेति** एतस्मिं सिक्खापदे यं वुत्तं, तं न ताव सिक्खिस्सामीति अत्थो । **पाचित्तियन्ति** एत्थ पन अनादरियभया लेसेन एवं वदन्तस्स वाचाय पाचित्तियं वेदितव्वं । **सिक्खमानेनाति** ओवादं सिरसा सम्पाटिच्छित्वा सिक्खितुकामेनेव हुत्वा । **अज्जातव्वन्ति** आजानितव्वं । **परिपुच्छितव्वन्ति** “इमस्स को अत्थो”ति परिपुच्छितव्वं । **परिपञ्चितव्वन्ति** चिन्तेतव्वं तुलयितव्वं ।

कोसम्बियं छन्त्येत्थं आरब्ध एवं भणनवत्थुस्मिं पज्जत्तं, साधारणपज्जत्ति, अनाणत्तिकं, तिकपाचित्तियं, अनुपसम्पन्ने तिकदुक्कटं, उभोहिपि “इदं न सल्लेखाया”तिआदिना (पाचि० ४३६) नयेनेव अपज्जत्तेन वुच्चमानस्सापि एवं वदतो दुक्कटमेव । “जानिस्सामि सिक्खिस्सामी”ति भणन्तस्स, उम्मतकादीनज्ज अनापत्ति । उपसम्पन्नस्स पज्जत्तेन वचनं, असिक्खितुकामताय एवं वचनन्ति इमानेत्य द्वे अङ्गानि । समुद्धानादीनि अदिन्नादानसदिसानि, इदं पन दुक्खवेदनन्ति ।

सहधम्मिकसिक्खापदवण्णना निड्डिता ।

२. विलेखनसिक्खापदवण्णना

दुतिये उद्दिस्समानेति आचरियेन अन्तेवासिकस्स वुच्चमाने वा सज्जायवसेन परिवर्तियमाने वा । खुद्धानुखुदकेहीति खुदकेहि च अनुखुदकेहि च । यावदेवाति तेसं संवत्तनमरियादपरिच्छेदवचनं । इदं वुत्तं होति — एतानि हि ये उद्दिस्सन्ति वा उद्दिस्सपेन्ति वा सज्जायन्ति वा, तेसं ताव संवत्तन्ति, याव “कप्पति नु खो, न कप्पति नु खो”ति कुक्कुच्चविष्पटिसारो, विहेसा, विचिकिच्छा मनोविलेखा च उपज्जन्ति येव । अथ वा यावदेवाति अतिसयववत्थापनं । तस्स ‘संवत्तन्ती’तिइमिना सम्बन्धो, कुक्कुच्चाय विहेसाय विलेखाय अतिविय संवत्तन्ति येवाति वुत्तं होति । सिक्खापदविवण्णकेति एवं सिक्खापदानं विवण्णके गरहणे पाचित्तियं होतीति अत्थो ।

सावत्थियं छब्बगिये आरब्भ विनयविवण्णनवत्थुस्मिं पज्जत्तं, साधारणपज्जत्ति, अनाणत्तिकं, तिकपाचित्तियं, अनुपसम्पन्नस्स विवण्णे तिकदुक्कटं, उभिन्मि अज्जधम्मविवण्णे दुक्कटमेव । न विवण्णेतुकामस्स, “इह ताव सुत्तन्ते वा गाथायो वा अभिधम्मं वा परियापुणस्सु, पच्छापि विनयं परियापुणस्ससी”ति भणतो, उम्मतकादीनञ्च अनापत्ति । गरहितुकामता च, उपसम्पन्नस्स सन्तिके सिक्खापदविवण्णनञ्चाति इमानेत्य द्वे अङ्गानि । समुद्धानादीनि अदिन्नादानसदिसानि, इदं पन दुक्खवेदनन्ति ।

विलेखनसिक्खापदवण्णना निड्ढिता ।

३. मोहनसिक्खापदवण्णना

ततिये अन्वड्डुमासन्ति अनुपटिपाटिया अद्दमासे अद्दमासे । उद्दिस्समानेति उपोसथवसेन उद्दिसियमाने । यञ्च तत्थ आपत्तिं आपन्नोति यं सो अनाचारं आचरित्वा अज्जाणकेन आपन्नभावं जानापेतुकामो एवमाह, तस्मिं अनाचारे यं आपत्तिं आपन्नो । तञ्च यथाधम्मो कारेतब्बोति अज्जाणकेन आपन्नता मोक्खो नत्थि, यथा पन धम्मो च विनयो च ठितो, तथा तं आपत्तिं कारेतब्बो, देसनागामिनिया देसापेतब्बो, वुद्धानगामिनिया वुड्ढापेतब्बोति अत्थो । उत्तरि चस्स मोहो आरोपेतब्बोति यथाधम्मकरणतो च उत्तरि “तस्स ते, आवुसो”ति आदिवचनेहि निन्दित्वा तस्स पुग्गलस्स जत्तिदुतियकम्पेन मोहो आरोपेतब्बो । इदं तस्मिं मोहनके पाचित्तियन्ति यो एवं आरोपिते मोहे पुन मोहेति, तस्मिं मोहनके पुग्गले इदं पाचित्तियं वेदितब्बं, न अनारोपिते मोहेति अत्थो ।

सावत्थियं छब्बगिये आरब्भ मोहनवत्थुस्मिं पज्जत्तं, साधारणपज्जत्ति, अनाणत्तिकं, तिकपाचित्तियं, अधम्मकम्मे तिकदुक्कटं, अनारोपिते मोहे दुक्कटमेव । येन न वित्थारेन सुत्तं, ऊनकद्वत्तिकखत्तुं वा वित्थारेन सुत्तं, ये च न मोहेतुकामा तेसं, उम्मतकादीनञ्च अनापत्ति । मोहारोपनं, मोहेतुकामता, वुत्तनयेन सुतभावो, मोहनन्ति इमानेत्य चत्तारि अङ्गानि । समुद्धानादीनि अदिन्नादानसदिसानि, इदं पन दुक्खवेदनन्ति ।

मोहनसिक्खापदवण्णना निड्ढिता ।

४. पहारसिक्खापदवण्णना

चतुत्थे पहारं ददेय्याति एत्थ पहरितुकामताय पहारे दिन्ने सचेपि मरति, पाचित्तियमेव ।

सावत्थियं छब्बगिये आरब्भ पहारदानवत्थुस्मिं पज्जत्तं, साधारणपज्जत्ति, अनाणत्तिकं, तिकपाचित्तियं, अनुपसम्पन्ने तिकदुक्कटं, विरूपकरणाधिप्पायेन पन उपसम्पन्नस्सपि कण्णादिच्छेदने दुक्कटमेव । केनचि विहेठियमानस्स पन मोक्खाधिप्पायस्स, उम्मतकादीनञ्च अनापत्ति । कुपितता, न मोक्खाधिप्पायता, उपसम्पन्नस्स पहारदानन्ति इमानेत्य तीणि अङ्गानि । समुद्धानादीनि पठमपाराजिकसदिसानि, इदं पन दुक्खवेदनन्ति ।

पहारसिक्खापदवण्णना निड्ढिता ।

५. तलसत्तिकसिक्खापदवण्णना

पञ्चमे तलसत्तिकं उगिरेय्याति पहारदानाकारं दस्सेन्तो कायं वा कायप्पटिबद्धं वा उच्चारयेत् । एत्थ च उगिरणपच्चया पाचित्तियं । सचे पन उगिरित्वा विरुद्धो पहारं देति, न पहरितुकामताय दिन्नता दुक्कटमेव, तेन पहारेन हत्थादीसु यंकिञ्चि भिज्जति, दुक्कटमेव । सेसमेत्थ सब्बं पुरिमसिक्खापदे वुत्तनयेनेव वेदितब्बन्ति ।

तलसत्तिकसिक्खापदवण्णना निड्ढिता ।

६. अमूलकसिक्खापदवण्णना

छट्ठे अमूलकेनाति दिट्ठादिमूलविरहितेन । अनुद्धंसेय्याति चोदेय्य वा चोदापेय्य वा । पाचित्तियन्ति सचे चुदितको तङ्गणञ्जेव “चोदेति म”न्ति जानाति, चोदकस्स पाचित्तियं ।

सावत्थियं छब्बगिये आरब्भ अमूलकेन सङ्गादिसेसेन अनुद्धंसनवत्थुस्मिं पज्जत्तं, साधारणपज्जत्ति, साणत्तिकं, तिकपाचित्तियं, आचारविपत्तिया वा दिट्ठिविपत्तिया वा अनुद्धंसने दुक्कटं, अनुपसम्पन्ने तिकदुक्कटं । तथासज्जिस्स, उम्मतकादीनञ्च अनापत्ति । उपसम्पन्नता, सङ्गादिसेसस्स अमूलकता, अनुद्धंसना, तङ्गणविजाननाति इमानेत्य चत्तारि अङ्गानि । समुद्धानादीनि अदिन्नादानसदिसानि, इदं पन दुक्खवेदनन्ति ।

अमूलकसिक्खापदवण्णना निड्ढिता ।

७. सञ्चिच्चसिक्खापदवण्णना

सत्तमे कुक्कुच्चं उपदहेय्याति “ऊनवीसतिवस्सो त्वं मज्जे”ति आदीनि (पाचि० ४६६) भणन्तो उप्पादेय्य । एवं अज्जस्मिं उप्पादनपच्चये असति सञ्चिच्च उप्पादेन्तस्स वाचाय वाचाय पाचित्तियं ।

सावत्थियं छब्बगिये आरब्भ कुक्कुच्चउप्पादनवत्थुस्मिं पज्जत्तं, साधारणपज्जत्ति, अनाणत्तिकं, तिकपाचित्तियं, अनुपसम्पन्ने तिकदुक्कटं । नउप्पादेतुकामस्स, केवलं हितेसिताय तथा वदन्तस्स, उम्मतकादीनञ्च अनापत्ति । उपसम्पन्नता, अफासुकामता, कुक्कुच्चउप्पादनन्ति इमानेत्य तीणि अङ्गानि । समुद्धानादीनि अनन्तरसदिसानेवाति ।

सञ्चिच्चसिक्खापदवण्णना निड्ढिता ।

८. उपस्सुतिसिक्खापदवण्णना

अट्ठमे विवादापन्नानन्ति भण्डनकलहेहि विवड्ढितं विवादाधिकरणं आपन्नानं । उपस्सुतिन्ति सुतिसमीपं, यत्थ उत्त्वा सक्का होति तेसं वचनं सोत्तुं, तत्थ तिड्डेय्याति अत्थो । “तत्थ सोस्सामी”ति चोदेतुकामताय गच्छतो पदे पदे दुक्कटं, तुरितगमनेपि ओहीयमानेपि एसेव नयो । यत्थ पन ठितो सुणाति, तत्थ ठितस्स पाचित्तियं, अत्तनो ठितोकासं आगन्त्वा तेसु मन्तयमानेसुपि उक्कासित्वा, “अहं

एत्था'ति वा वत्वा जानापेतब्बं, एवं अकरोन्तस्सापि सवने पाचित्तियमेव ।

सावत्थियं छब्बगिये आरब्ध उपस्सुतिट्ठानवत्थुस्मिं पज्जत्तं, साधारणपज्जत्ति, अनाणत्तिकं, तिकपाचित्तियं, अनुपसम्पन्ने तिकद्वकटं, “इमेसं सुत्वा ओरमिस्सामि विरमिस्सामि वृपसमिस्सामि अत्तानं परिमोचेस्सामी”ति (पाचि० ४७३) गच्छतो, उम्मतकादीनञ्च अनापत्ति । उपसम्पन्ना, चोदनाधिप्पायो, सवनन्ति इमानेत्य तीणि अङ्गानि । थेय्यसत्थसमुद्धानं इदं पन सिया किरियं, सिया अकिरियं, सञ्जाविमोक्खं, सचित्तकं, लोकवज्जं, कायकम्मं, वचीकम्मं, अकुसलचित्तं, दुक्खवेदनन्ति ।

उपस्सुतिसिक्खापदवण्णना निड्डिता ।

९. कम्मपटिबाहनसिक्खापदवण्णना

नवमे **धम्मिकानं कम्मानन्ति** धम्मेन विनयेन सत्थुसासनेन कतानं अपलोकनकम्मं जत्तिकम्मं जत्तिदुतियकम्मं जत्तिचतुत्थकम्मन्ति इमेसं चतुन्नं कम्मानं । तत्रायं सङ्खेपतो कम्मविनिच्छयो — तत्र **अपलोकनकम्मं** नाम समगस्स सङ्खस्स अनुमतिया तं तं वत्थुं कित्तेत्वा “रुच्चति सङ्खस्सा”ति तिकखत्तुं सावेत्वा कत्तब्बं कम्मं वुच्चति । समगस्सेव पन सङ्खस्स अनुमतिया एकाय जत्तिया कत्तब्बं कम्मं **जत्तिकम्मं** नाम । एकाय जत्तिया चेव अनुस्सावनाय च कत्तब्बं कम्मं **जत्तिदुतियकम्मं** नाम । एकाय पन जत्तिया तीहि च अनुस्सावनाहि कत्तब्बं कम्मं **जत्तिचतुत्थकम्मं** नाम ।

तेसु अपलोकनकम्मं (परि० ४९६; परि० अट्ठ० ४९५-४९६) पञ्च ठानानि गच्छति ओसारणं निस्सारणं भण्डुकम्मं ब्रह्मदण्डं कम्मलक्खणन्ति । तत्थ कण्टकसामणेस्स नासना विय **निस्सारणा**, तादिसंयेव सम्मावतन्तं दिस्वा पवेसना ‘**ओसारणा**’ति वेदितब्बा । पब्बज्जापेक्खस्स केसच्छेदनापुच्छनं **भण्डुकम्मं** (महाव० ९८) नाम । मुखरस्स भिक्खुनो भिक्खू दुरुत्तवचनेहि घट्टेन्तस्स “इत्थन्नामो भिक्खु मुखरो भिक्खू दुरुत्तवचनेहि घट्टेन्तो विहरति, सो भिक्खु यं इच्छेय्य, तं वदेय्य, भिक्खूहि इत्थन्नामो भिक्खु नेव वत्तब्बो, न ओवादानुसारिणं कत्तब्बो, न ओवदितब्बो”ति “सङ्गं, भन्ते, पुच्छामि ‘इत्थन्नामस्स भिक्खुनो ब्रह्मदण्डस्स दानं रुच्चति सङ्खस्सा’ति, दुतियमि पुच्छामि, ततियमि पुच्छामि ‘इत्थन्नामस्स, भन्ते, भिक्खुनो ब्रह्मदण्डस्स दानं रुच्चति सङ्खस्सा’”ति एवं कत्तब्बं कम्मं **ब्रह्मदण्डं** (चूळव० ४४५) नाम । यं पन भगवता भिक्खुनीनं ऊरुं विवरित्वा दस्सनादिवत्थूसु “अवन्दियो सो, भिक्खवे, भिक्खु भिक्खुनिसङ्गं न कातब्बो”ति (चूळव० ४११) एवं अवन्दियकम्मं अनुज्जातं, यं भिक्खुनीहि “अय्ये, असुको नाम अय्यो भिक्खुनीनं अप्पसादनीयं दस्सेति, एतस्स अय्यस्स अवन्दियकरणं ‘रुच्चति भिक्खुनिसङ्गस्सा’”ति एवं उपस्सये निस्सिन्नाहेव भिक्खुनीहि कत्तब्बं, एवरूपं कम्मं यस्मा तस्स कम्मयेव लक्खणं न ओसारणादीनि, तस्मा **कम्मलक्खणन्ति** वुच्चति । इदञ्च कम्मलक्खणं नाम भिक्खुनिमूलकं पज्जत्तं, अपिच भिक्खुनमि लब्धति, तस्मा भिक्खुहिपि अच्छिन्नचीवरकादीनं चीवरादीनि वा देत्तेहि, परिभुज्जितब्बानि अपनेतब्बानिपि वत्थुनि परिभुज्जन्तेहि वा, अपनेत्तेहि वा, तथारूपं वा धम्मिकं कतिकं करोन्तेहि तिकखत्तुं सावेत्वा अपलोकनकम्मं कातब्बं, सब्बज्हेतं कम्मलक्खणमेव पविसति, इति अपलोकनकम्मं पञ्च ठानानि गच्छति ।

जत्तिकम्मं पन नव ठानानि गच्छति ओसारणं निस्सारणं उपोसथं पवारणं सम्मुतिं दानं पटिग्गहं पच्चुक्कङ्गनं कम्मलक्खणन्ति । तत्थ “सुणातु मे, भन्ते, सङ्गो, इत्थन्नामो इत्थन्नामस्स आयस्मतो उपसम्पदापेक्खो, अनुसिद्धो सो मया, यदि सङ्गस्स पत्तकल्लं, इत्थन्नामो आगच्छेय्य, ‘आगच्छाहि’ति वत्तब्बो”ति (महाव० १२६) एवं उपसम्पदापेक्खस्स ओसारणा **ओसारणा** नाम । “सुणन्तु मे आयस्मन्ता, अयं इत्थन्नामो भिक्खु धम्मकथिको, इमस्स नेव सुत्तं आगच्छति, नो सुत्तविभङ्गो, सो अत्थं असल्लक्खेत्वा व्यञ्जनच्छायाय अत्थं पटिबाहति, यदायस्मन्तानं पत्तकल्लं, इत्थन्नामं भिक्खुं वुट्ठापेत्वा अवसेसा इमं अधिकरणं वृपसमेय्यामा”ति एवं उब्भाहिकविनिच्छये (चूळव० २३३) धम्मकथिकस्स भिक्खुनो निस्सारणा **निस्सारणा** नाम । “सुणातु मे, भन्ते, सङ्गो, अज्जुपोसथो...पे... उपोसथं करेय्या”ति एवं उपोसथकम्मवसेनं ठपिता जत्ति **उपोसथो** नाम । “सुणातु मे, भन्ते, सङ्गो, अज्ज पवारणा पन्नरसी, यदि सङ्गस्स पत्तकल्लं, सङ्गो पवारयेय्या”ति (महाव० २१०) एवं पवारणाकम्मवसेनं ठपिता जत्ति **पवारणा** नाम । “सुणातु मे, भन्ते, सङ्गो, इत्थन्नामो इत्थन्नामस्स उपसम्पदापेक्खो, यदि सङ्गस्स पत्तकल्लं, अहं इत्थन्नामं अनुसासेय्य”न्ति, “यदि सङ्गस्स पत्तकल्लं, इत्थन्नामो इत्थन्नामं अनुसासेय्या”ति (महाव० १२६) एवं अत्तानं वा परं वा सम्मन्तिं ठपिता जत्ति **सम्मुति** नाम । “सुणातु मे, भन्ते, सङ्गो, इमं चीवरं इत्थन्नामस्स भिक्खुनो निस्सगियं सङ्गस्स निस्सट्ठं, यदि सङ्गस्स पत्तकल्लं, सङ्गो इमं चीवरं इत्थन्नामस्स भिक्खुनो ददेय्या”ति (पारा० ४६४) एवं निस्सट्ठचीवरपत्तादीनं दानं **दानं** नाम । “सुणातु मे, भन्ते, सङ्गो, अयं इत्थन्नामो भिक्खु आपत्तिं सरति विवरति उत्तानि करोति देसेति, यदि सङ्गस्स पत्तकल्लं, अहं इत्थन्नामस्स भिक्खुनो आपत्तिं पटिग्गहेय्य”न्ति, तेन वत्तब्बो ‘परस्ससी’ति, ‘आम, परस्सामी’ति, “आयतिं संवरेय्यासी”ति (चूळव० २३९) एवं आपत्तिपटिग्गहो **पटिग्गहो** नाम । “सुणन्तु मे आयस्मन्ता आवासिका, यदायस्मन्तानं पत्तकल्लं, इदानि उपोसथं करेय्याम, पातिमोक्खं उहिसेय्याम, आगमे काले पवारयेय्यामा”ति (महाव० २४०) एवं कतपवारणपच्चुक्कङ्गना **पच्चुक्कङ्गना** नाम । तिणवत्तारकसमथे (चूळव० २१२) सब्बसङ्गाहिकजत्ति, एकेकस्मिं पक्खे एकेका जत्ति चाति तिरस्सोपि जत्तियो **कम्मलक्खणं** नाम । इति जत्तिकम्मं नव ठानानि गच्छति ।

जत्तिदुतियकम्मं सत्त ठानानि गच्छति ओसारणं निस्सारणं सम्मुतिं दानं उद्धारो देसनं कम्मलक्खणन्ति । तत्थ भिक्खून् अलाभाय परिसक्कनादिकेहि अट्ठहि अङ्गेहि समन्नागतस्स उपासकस्स सङ्गेन असम्भोगकरणत्थं पत्तनिककुज्जनवसेन निस्सारणा **निस्सारणा** नाम । तस्सेव सम्मावत्तन्तस्स पत्तुक्कुज्जनवसेन **ओसारणा** च वेदितब्बा, सा खुट्ठकक्खन्धके वड्डिलच्छिवित्थुस्मिं (चूळव० २६५-२६६) वुत्ता । सीमासम्मुति तिचीवरेन अविप्पवाससम्मुतिसन्त्यतसम्मुतिभत्तुद्देसकसेनासनग्गाहापकभण्डागारिकचीवरपटिग्गाहकयाग्गाभाजकफलभाजकखज्जभाजकअप्पमत्तकविस्सज्जकसाटियग्गाहपकपत्तग्गाहापकआरामिकपेसकसामणेरे एतासं सम्मुतीनं वसेन **सम्मुति** वेदितब्बा । कथिनचीवरमतकचीवरदानवसेन **दानं** वेदितब्बं । कथिनुद्धारवसेन **उद्धारो** वेदितब्बो । कुटिवत्थुविहारवत्थुदेसनावसेन **देसना** वेदितब्बा । या पन तिणवत्थारकसमथे (चूळव० २१२ आदयो) एकस्मिं पक्खे एका, एकस्मिं पक्खे एकाति द्वे जत्तिदुतियकम्मवाचा वुत्ता, या च मोहारोपनादीसु कम्मवाचा (पाचि० ४४६) वुत्ता, तासं वसेन **कम्मलक्खणं** वेदितब्बं, इति जत्तिदुतियकम्मं सत्त ठानानि गच्छति ।

जत्तिचतुत्थकम्ममि सत्तेव ठानानि गच्छति ओसारणं निस्सारणं सम्मुतिं दानं निग्गहं समनुभासनं कम्मलक्खणन्ति । तत्थ तज्जनीयकम्मादीनं (चूळव० १ आदयो) सत्तन्नं कम्मानं वसेन **निस्सारणा**, तेसंयेव कम्मानं पटिप्पस्सम्भनवसेन **ओसारणा** च वेदितब्बा, भिक्खुनोवादकसम्मुतिवसेन (पाचि० १४६-१४७) **सम्मुति**, परिवासदान(चूळव० १०२) मानत्तदानवसेन (चूळव० १०५) **दानं**, मूलायपटिक्कस्सवसेन (चूळव० ११०) **निग्गहो**, उक्खित्तानुवत्तिका, अट्ठ यावत्तित्तिका, अरिद्धो (पाचि० ४१७), चण्डकाळी (पाचि० ७०९) चाति इमे ते यावत्तित्तिकाति इमासं एकादसन्नं समनुभासनानं वसेन **समनुभासना**, उपसम्पदाकम्मअब्भानकम्मवसेन **कम्मलक्खणं** वेदितब्बं । इति जत्तिचतुत्थकम्मं सत्त ठानानि गच्छति ।

इमेसु पन चतूसु कम्मेसु अपलोकनकम्मं अपलोकेत्वाव कातब्बं, जत्तिकम्मादिवसेन न कातब्बं । जत्तिकम्ममि एकं जत्ति ठपेत्वाव कातब्बं, अपलोकनकम्मादिवसेन न कातब्बं । जत्तिदुतियकम्मं पन अपलोकेत्वा कातब्बमि अत्थि अकातब्बमि, तत्थ सीमासम्मुति सीमासमूहननं (महाव० १३९-१४०, १४४ आदयो) कथिनचीवरदानं कथिनुद्धारो कुटिवत्थुदेसना विहारवत्थुदेसनाति इमानि छ कम्मानि गरुकानि अपलोकेत्वा कातुं न वट्ठन्ति, जत्तिदुतियकम्मवाचं सावेत्वाव कातब्बानि । अवसेसा तेरस सम्मुतियो सेनासनग्गाहापकमतकचीवरदानसम्मुतियो चाति एतानि लहुकम्मानि अपलोकेत्वापि कातुं वट्ठन्ति, जत्तिकम्मादिवसेन पन न कातब्बानेव । जत्तिचतुत्थकम्ममि सकलक्खणेनेव कातब्बं, न सेसकम्मवसेन । एवं अत्तनो अत्तनो लक्खणेनेव वत्थुजत्तिअनुस्सावनासीमापरिसासम्पत्तिया कतानि एतानि कम्मानि धम्मेन विनयेन सत्थुसासनेन कतता धम्मो एतेसु अत्थीति **धम्मिकानि** नाम होन्ति, इति एतेसं धम्मिकानं **कम्मानं छन्दं दत्वा पच्छा खीयनधम्मं** आपज्जन्तस्स वाचाय वाचाय पाचित्तियं ।

सावत्थियं छब्बगिये आरब्ध खीयनधम्मापज्जनवत्थुस्मिं पज्जत्तं, साधारणपज्जत्ति, अनाणत्तिकं, धम्मकम्मे वेमतिकस्स, अधम्मकम्मे धम्मकम्मसज्जितो, वेमतिकस्स च द्वकटं । अधम्मकम्मसज्जिस्स, “अधम्मेन वा वग्गेन वा नकम्मारहस्स वा कम्मं करोन्ती”ति जत्त्वा खीयन्तस्स, उम्मतकादीनञ्च अनापत्ति । धम्मकम्मता, धम्मकम्मसज्जिता, छन्दं दत्वा खीयन्ति इमानेत्य तीणि अङ्गानि । समुद्धानादीनि अदिन्नादानसदिसानेव, इदं पन दुक्खवेदनन्ति ।

कम्मपटिबाहनसिक्खापदवण्णना निड्डिता ।

१०. छन्दं अदत्वागमनसिक्खापदवण्णना

दसमे विनिच्छयकथायाति याव आरौचितं वत्थु अविनिच्छिकं, जतिं वा ठपेत्वा कम्मवाचा अनिट्ठापिता, ताव विनिच्छयकथा वत्तमाना नाम होति । यो भिक्खु एतस्मिं अन्तरे कम्मं कोपेतुकामताय परिसाय हत्थपासं विजहति, तस्स विजहने दुक्कटं, विजहिते पाचित्तियं ।

सावत्थियं अञ्जतरं भिक्खुं आरब्धं छन्दं अदत्वा पक्कमनवत्थुस्मिं पञ्जत्तं, साधारणपञ्जति, अनाणत्तिकं, धम्मकम्मे वेमतिकस्स, अधम्मकम्मे धम्मकम्मसज्जिनो, वेमतिकस्स च दुक्कटं । अधम्मकम्मसज्जिस्स पन, यो च “सङ्गस्स भण्डनादीनि वा भविस्सन्ति, अधम्मेन वा वग्गेन वा नकम्मरहस्स वा कम्मं करिस्सन्ती”ति (पाचि० ४८३) जत्वा, गिलानो वा हुत्वा, गिलानस्स वा करणीयेन, उच्चारदीहि वा पीळितो, न च कम्मं कोपेतुकामो “पुन पच्चागमिस्सामी”ति गच्छति, तस्स, उम्मतकादीनञ्च अनापत्ति । विनिच्छयकथाय वत्तमानता, धम्मकम्माता, धम्मकम्मसज्जिता, समानसीमायं ठितता, समानसंवासकता, कोपेतुकामताय हत्थपासविजहनन्ति इमानेत्थं छ अङ्गानि । समनुभासनसमुद्धानं, किरियाकिरियं, सज्जाविमोक्खं, सचित्तकं, लोकवज्जं, कायकम्मं, वचीकम्मं, अकुसलचित्तं, दुक्खवेदनन्ति ।

छन्दं अदत्वागमनसिक्खापदवण्णना निड्डिता ।

११. दुब्बलसिक्खापदवण्णना

एकादसमे समग्गेन सङ्गेनाति समानसंवासकेन समानसीमायं ठितेन सङ्गेन सङ्घि चीवरं दत्त्वा । यथासन्थुतन्ति यो यो मित्तसन्दिद्धसम्भत्तवसेन सन्थुतो, तस्स तस्साति अत्थो । पाचित्तियन्ति एवं सङ्गेन सङ्घि सयमेव सेनासनपज्जापनादिवसेन सम्मतस्स भिक्खुनो चीवरं दत्त्वा पच्चा खीयन्तस्स वाचाय वाचाय पाचित्तियं ।

राजगहे छब्बगिगे आरब्धं चीवरं दत्त्वा पच्चा खीयनवत्थुस्मिं पञ्जत्तं, साधारणपञ्जति, अनाणत्तिकं, धम्मकम्मे तिकपाचित्तियं, चीवरं ठपेत्वा अञ्जं विस्सज्जियवेभङ्गियं परिकखारं दत्त्वा पच्चाखीयन्तस्स दुक्कटं, विस्सज्जियवेभङ्गियो नाम ठपेत्वा पञ्च गरुभण्डानि अवसेसो । रासिवसेन हि पञ्च गरुभण्डानि वुत्तानि, तत्थ आरामो आरामवत्थूति एकं, विहारो विहारवत्थूति दूतियं, मञ्चो पीठं भिसि बिम्बोहनन्ति ततियं, लोहकुम्भी लोहभाणकं लोहवारको लोहकटाहं वासि परसु कुठारी कुदालो निखादनन्ति चतुत्थं, वल्लि वेळु मुज्जं पब्बजं तिणं मत्तिका दारुभण्डं मत्तिकाभण्डन्ति पञ्चमं । एतानि हि पञ्च सङ्गसन्तकानि नेव सङ्गस्स, न गणपुगलानं विस्सज्जेतुं वा विभजितुं वा वट्टन्ति, विस्सज्जितविभक्तानिपि सङ्घिकानेव होन्ति । थावरेन पन थावरं, इतरेन च अकप्पियेन महग्घकप्पियेन वा इतरं सङ्गस्स उपकारं सल्लक्खेत्वा कप्पियपरिवत्तनेन परिवत्तेतुं वट्टति, वरसेनासनादीनं संरक्खणत्थं लामकानि विस्सज्जेतुं विस्सज्जेत्वा परिभुज्जितुञ्च वट्टति । एत्थ च पुरिमेसु तीसु रासीसु अगुरुभण्डं नाम किञ्चि नत्थि, चतुत्थे लोहकुम्भी अरज्जरसण्ठानं लोहभाणकं लोहकटाहन्ति इमानि तीणि अन्तमसो पसतमत्तउदकगणहनकानिपि गरुभण्डानि । लोहवारको पन काळलोहतम्बलोहकंसलोहवट्टलोहानं येन केनचि कतो सीहळदीपे पादगणहनको भाजेतब्बो, पादो च नाम मगधनाळिया पञ्चनाळिमत्तं गण्हाति, ततो अतिरेकं गरुभण्डं, इमानि ताव पाळियं आगतानि लोहभाजानि ।

पाळियं पन अनागतानिपि भिङ्गारपटिगहउळुङ्कदब्बिकटच्छुपाति तट्टकसरकसमुग्गअङ्गारकपल्लधूमकटच्छुआदीनि खुदकानिपि गरुभण्डानेव, अयपतो अयथालकं तम्बलोहथालकन्ति इमानि पन भाजनीयानि, कंसलोहवट्टलोहभाजनविकति सङ्घिकपरिभोगेन वा गिहिविकटा वा वट्टति, पुगलिकपरिभोगेन न वट्टति । ठपेत्वा पन तं भाजनविकतिं अञ्जस्मिपि कप्पियलोहभण्डे अञ्जनी अञ्जिनसलाका नत्थुदानं कण्णमलहरणी सूचि खुदको पिप्फलिको खुदकं आरकण्टकं कुञ्चिका ताळं कत्तरयट्ठि वेधको भिन्दिवालको यथातथाघनकतलोहंविपकतलोहभण्डञ्च सब्बं भाजनीयं । धूमनेत्तफालदीपुरुक्खदीपकपल्लिकओलम्बकदीपइत्थिपुरिसतिरच्छानरूपकानि पन अञ्जानि वा भित्तिच्छदनकवाटादीसु उपनेतब्बानि, अन्तमसो लोहखिलकं उपादाय सब्बानिपि लोहभण्डानि गरुभण्डानियेव, अत्तना लङ्घानि परिहरित्वापि पुगलिकपरिभोगेन न परिभुज्जितब्बानि, सङ्घिकपरिभोगेन वा गिहिविकटानि वा वट्टन्ति, तिपुभण्डेपि एसेव नयो । खीरपासाणमयानि तट्टकसरकादीनि गरुभण्डानियेव ।

घटको पन तेलभाजनं वा पादगणहनकतो अतिरेकमेव गरुभण्डं, सुवण्णरजतआरकूटजातिफलिकभाजानि गिहिविकटानिपि न वट्टन्ति । सेनासनपरिभोगे पन आमासम्पि अनामासम्पि सब्बं वट्टति ।

वासियादीसु पन याय वासिया दन्तकट्टुच्छेदनउच्छुतच्छनमततो अञ्जं महाकम्मं कातुं न सक्का, अयं भाजनीया । सेसा येन केनचि आकारेन कता गरुभण्डं, परसु पन अन्तमसो वेज्जानं सिरावेधकोपि गरुभण्डमेव, तथा कुठारी । या पन आवुधसङ्केपेन कता, अयं अनामासा, कुदालो दण्डबन्धनिखादनं वा अगुरुभण्डं नाम नत्थि । सम्मुज्जनिदण्डखणनकं पन अदण्डकं फलमत्तकमेव, यं सक्का सिपाटिकाय पक्खिपित्वा परिहरितुं, तं भाजनीयं । सिखरम्पि निखादनेनेव सङ्घहितं, येहि मनुस्सेहि विहारे वासिआदीनि दिन्नानि होन्ति, ते चे घरे दट्ठे वा विलुत्ते वा “देथ नो, भन्ते, उपक्खरे, पुन आहरिस्सामा”ति वदन्ति, दातब्बा । सचे हरन्ति, न वारेतब्बा, अनाहरन्तापि न चोदेतब्बा ।

कम्मरतट्टकारचुन्दकारनळकारमणिकारपत्तबन्धकानं अधिकरणमुट्टिसण्डासतुलादीनि सब्बानि लोहमयानि उपकरणानि सङ्घे दिन्नकालतो पड्डाय गरुभण्डानि । तिपुकोट्टकसुवण्णकारचम्मकारउपकरणेसुपि एसेव नयो । अयं पन विसेसो, तिपुकोट्टकउपकरणेसु तिपुच्छेदनकसत्थकं, सुवण्णकारउपकरणेसु सुवण्णच्छेदनकसत्थकं, चम्मकारउपकरणेसु कतपरिकम्मचम्मच्छेदनखुदकसत्थन्ति इमानि भाजनीयानि । न्हापिततुन्नकारउपकरणेसुपि ठपेत्वा महाकर्त्तरि महासण्डासं महापिप्फलिकञ्च सब्बं वट्टति, इतरानि गरुभण्डानि ।

वल्लिआदीसु वेत्तवल्लिआदिका या काचि अट्टबाहुप्पमाणा वल्लि सङ्गस्स दिन्ना वा तत्थजातका वा रक्खितगोपिताव गरुभण्डं, सा सङ्गकम्मे च चेतियकम्मे च कते सचे अतिरेका होति, पुगलिककम्मेपि उपनेतुं वट्टति, सुत्तमकचिवाकनाळिकेरहीरचम्ममया रज्जुका वा योत्तानि वा वाके च नाळिकेरहीरे च वट्टेत्वा कता एकवट्टा वा द्विवट्टा वा सङ्गस्स सन्तका गरुभण्डं । सुत्तं पन अवट्टेत्वा दिन्नं मकचिवाकनाळिकेरहीरा च भाजनीया । येहि पनेतानि रज्जुकादीनि दिन्नानि होन्ति, ते अत्तनो करणीयेन हरन्ता न वारेतब्बा ।

यो कोचि अट्टङ्गलसूचिदण्डकमतोपि वेळु सङ्गस्स दिन्नो वा तत्थजातको वा रक्खितगोपितो गरुभण्डं, सोपि सङ्गस्स कम्मे च चेतियकम्मे च कते अतिरेको पुगलिककम्मे दातुं वट्टति । पादगणहनकतेलनाळि पन कत्तरयट्ठि उपाहनदण्डको छत्तदण्डो छत्तसलाकाति इदमेत्थं भाजनीयभण्डं, दट्ठगेहमनुस्सा गणित्वा गच्छन्ता न वारेतब्बा ।

मुज्जञ्च पब्बजञ्च अवसेसञ्च छदनतिणं मुट्टिप्पमाणम्पि छदनतिणसङ्केपगतेसु तालपण्णादीसु यंकञ्चि एकपण्णम्पि सङ्गस्स दिन्नं वा तत्थजातकं वा बहिआरामे सङ्घिके तिणवत्थुस्मिं जातकं वा रक्खितगोपितं गरुभण्डं, तम्पि सङ्गकम्मे च चेतियकम्मे च कते अतिरेकं पुगलिककम्मे दातुं वट्टति । दट्ठगेहमनुस्सा गहेत्वा गच्छन्ता न वारेतब्बा, अट्टङ्गलप्पमाणोपि रिक्तकोपेत्यको गरुभण्डमेव ।

मत्तिका पकतिमत्तिका वा होतु पञ्चवण्णा वा सुधा वा सज्जुरसकङ्कडुसिलेसादीसु वा यंकञ्चि दुल्लभड्डाने आनेत्वा वा दिन्नं तत्थजातकं वा रक्खितगोपितं तालपक्कमतं गरुभण्डं होति, तम्पि सङ्गकम्मे च चेतियकम्मे च कते अतिरेकं पुगलिककम्मे दातुं वट्टति । हिङ्गुहिङ्गुलकहरितालमनोसिलञ्जनादीनि पन भाजनीयानि ।

दारुभण्डे यो कोचि वेळुम्हि वुत्तप्पमाणो दारुभण्डको सङ्गस्स दिन्नो वा तत्थजातको वा रक्खितगोपितो गरुभण्डं, अपि च सब्बापि दारुवेळुचम्मपासाणादिविकति दारुभण्डेन सङ्घहिता, तत्थ मञ्चपीठेहि असङ्घहितानि आसन्दिक्कादीनि अन्तमसो चोळेन वा पलालेहि वा पर्णेहि वा कतपीठं उपादाय सब्बानि आसनानि ।

वङ्कफलकं दीघफलकं चीवरधोवनफलकं घट्टनफलकं घट्टनमुगरो दन्तकट्टुच्छेदनगण्डिका दण्डमुगरो नावा अम्बणं रजनदीणि उदकपटिच्छको दारुमयो वा दन्तमयो वा वेळुमयो वा सपादकोपि अपादकोपि समुगो मञ्जूसा पादगणहनकतो अतिरेकपमाणो करण्डो उदकदीणि उदककटाहं उळुङ्को कटच्छुपानीयसरावं पानीयसङ्घोति एतेसु यंकञ्चि सङ्घे दिन्नं गरुभण्डं । सङ्घथालकं पन भाजनीयं, तथा दारुमयो उदकतुम्बो ।

पादकथलिकमण्डलं दारुमयं वा होतु चोळपण्णादिमयं वा सब्बं गरुभण्डं । आधारको पत्तपिधानं तालवण्टं बीजनी चङ्कोटकं पच्छि यट्टिसम्मज्जनी मुट्टिसम्मज्जनीति एतेसुपि यंकिञ्चि खुद्वकं वा महन्तं वा दारुवेळुपण्णचम्मादीसु येन केनचि कतं गरुभण्डमेव ।

थम्भतुलासोपानफलकादीसु यंकिञ्चि दारुमयं वा पासाणमयं वा गेहसम्भारूपं यो कोचि कटसारको यंकिञ्चि भूमत्थरणं यंकिञ्चि अकप्पियचम्मं, सब्बं सङ्घिकं गरुभण्डं, भूमत्थरणं कातुं वट्टति । एल्लकचम्मं पन पच्चत्थरणगतिकं होति, तम्पि गरुभण्डमेव, कप्पियचम्मानि भाजनीयानि, **कुरुन्दियं** पन सब्बं मञ्चपमाणं चम्मं गरुभण्डन्ति वुत्तं ।

उदुक्खलं मुसलं सुपं निसदं निसदपोतो पासाणदोणि पासाणकटाहं सब्बं कसिभण्डम्पि गरुभण्डं, सब्बं चक्कयुत्तयानं गरुभण्डमेव । मञ्चपीठानं पादा च अटनियो च वासिपरसुआदीनं दण्डा चाति एतेसु यंकिञ्चि अनिट्ठितं भाजनीयं, तच्छित्तमडुं पन गरुभण्डं होति, अनुज्जातवासिया दण्डो छत्तं मुट्टिपण्णं कत्तरयट्टि उपाहना अरणिसहितं धम्मकरणो पादगणहनकतो अनतिरितं आमलकतुम्बं आमलकघटो लाबुकतुम्बं लाबुकघटो विसाणतुम्बन्ति सब्बमेतं भाजनीयं, ततो परं गरुभण्डं ।

हत्थिदन्तो वा यंकिञ्चि विसाणं वा अतच्छित्तं यथागतमेव भाजनीयं, तेहि कतमञ्चपीठपादादीसु पुरिमसदिसोव विनिच्छयो । तच्छित्तनिट्ठितोपि हिङ्गुकरण्डको अञ्जनिकरण्डको गण्ठिका विधो अञ्जनी अञ्जनिसलाका उदकपुञ्छनीति इदं सब्बं भाजनीयमेव ।

मत्तिकाभण्डे सब्बं मनुस्सानं उपभोगपरिभोगं घटपिठरादिकुलालभाजनं, पत्तकटाहं अङ्गारकटाहं धूमदानकं दीपकखको दीपकपल्लिका चयनिट्टुका छदिनिट्टुका थुपिकाति सब्बं गरुभण्डं, एतेसु पन वुत्तनयेसु गरुभण्डेसु यंकिञ्चि वेळुआदिं अत्तनो अत्थाय गणहन्तेन समकं वा अतिरेकं वा फातिकम्मं कत्वा गहेतब्बं । पादगणहनकतो अनतिरितप्पमाणो पन घटको पत्तो थालकं कञ्चनको कुण्डिकाति इदमेत्थ भाजनीयं, यथा च मत्तिकाभण्डे एवं लोहभण्डेपि कुण्डिका भाजनीयकोट्टासमेव भजति । इति यं भाजनीयं विस्सज्जनीयम्पि तं एवं विस्सज्जियवेभङ्गियसङ्घातं अञ्जं परिकखारं दत्वा खीयन्तस्स दुक्कटं, इतरं पन दातुमेव न वट्टति । इस्सरवताय देन्तो थुल्लच्चयं आपज्जति, थेय्यचित्तेन गणहन्तो भण्डं अग्घापेत्वा कारेतब्बो । यथा च अञ्जं परिकखारं दत्वा खीयन्तस्स दुक्कटं, तथा सङ्घेन असम्मतस्स चीवरं वा अञ्जं वा परिकखारं दत्वा खीयन्तस्स दुक्कटमेव, अनुपसम्पन्ने सब्बत्थ तिकदुक्कटं । पकतिया पन छन्दादिवसेन (पाचि ४८८) करोन्तं दिस्वा “को अत्थो तस्स दिन्नेन, लङ्गापि विनिपातेस्सति, न सम्मा उपनेस्सती”ति खीयन्तस्स, उम्मतकादीनञ्च अनापत्ति । उपसम्पन्ना, धम्मेन लङ्गसम्पुत्तिता, सङ्घेन सङ्घि विकप्पनुपगचीवरदानं, पच्छा खीयितुकामताय खीयनाति इमानेत्य चत्तारि अङ्गानि । समुद्धानादीनि अदिन्नादानसदिसानि, इदं पन दुक्खवेदन्ति ।

दुब्बलसिक्खापदवण्णना निट्ठिता ।

१२. परिणामनसिक्खापदवण्णना

द्वादसमे सब्बं तिसकण्डे परिणामनसिक्खापदे वुत्तनयमेव । अयमेव हि विसेसो, तत्थ अत्तनो परिणामितत्ता निस्सगियं पाचित्तियं, इध पुगलस्स परिणामितत्ता सुद्धिकपाचित्तियन्ति ।

परिणामनसिक्खापदवण्णना निट्ठिता ।

सहधम्मिकवग्गो अट्टमो ।

१. रतनवग्गो

१. अन्तेपुरसिक्खापदवण्णना

रतनवग्गस्स पठमे **खत्तियस्साति** खत्तियजातिकस्स, **मुद्धाभिसित्तस्साति** खत्तियाभिसेकेन मुद्धनि अभिसित्तस्स । अनिक्खन्तो राजा इतोति अनिक्खन्तराजकं, तस्मिं **अनिक्खन्तराजके**, सयनिघरेति अत्थो । **रतनं** वुच्चति महेसी, **निग्गतन्ति** निक्खन्तं, अनिग्गतं रतनं इतोति अनिग्गतरतनकं, तस्मिं **अनिग्गतरतनके**, सयनिघरेति अत्थो । **इन्दखीलं अतिकक्मेव्याति** एत्थ अत्तनो आगतभावं अजानापेत्वा सयनिघरस्स उम्मारं पठमं पादं अतिकक्मेवन्तस्स दुक्कटं, दुतियं पाचित्तियं ।

सावत्थियं आयस्मन्तं आनन्दं आरब्ध रज्जो अन्तेपुरप्पविसनवत्थुस्मिं पञ्जत्तं, असाधारणपञ्जत्ति, अनाणत्तिकं, तिकपाचित्तियं, पटिसंविदिते अप्पटिसंविदितसज्जिनो, वेमतिकस्स च दुक्कटं । पटिसंविदितसज्जिस्स, न खत्तियस्स वा, न खत्तियाभिसेकेन अभिसित्तस्स वा, उभोसु वा, उभिन्नं वा अञ्जतरस्मिं निक्खन्ते सयनिघरं पविसन्तस्स, असयनिघरे, उम्मतकादीनञ्च अनापत्ति । खत्तियता, अभिसित्तता, उभिन्नम्पि सयनिघरतो अनिक्खन्तता, अप्पटिसंविदितता, इन्दखीलातिकक्मोति इमानेत्य पञ्च अङ्गानि । समुद्धानादीनि पठमकथिनसदिसानि, इदं पन किरियाकिरियन्ति ।

अन्तेपुरसिक्खापदवण्णना निट्ठिता ।

२. रतनसिक्खापदवण्णना

दुतिये **रतनन्ति** मुत्तादिदसविधं । **रतनसम्मतन्ति** यंकिञ्चि मनुस्सानं उपभोगपरिभोगं । **अज्झारामे वाति** परिकिखत्तस्स अन्तोपटिक्खेपे अपरिकिखत्तस्स द्विन्नं लेड्डुपातानं अन्तो । **अज्झावसथेति** परिकिखत्तस्स अन्तोपटिक्खेपे, अपरिकिखत्तस्स मुसलपातव्भन्तरे । अयं पनेत्थ विनिच्छयो — जातरूपरजत्तं अत्तनो अत्थाय उगणहन्तस्स वा उगणहापेन्तस्स वा निस्सगियं पाचित्तियं । सङ्गणपुगलचेतियनवक्कम्मानं अत्थाय दुक्कटं, अवसेसे मुत्तादिरतने सब्बेसम्पि अत्थाय दुक्कटमेव । कप्पियवत्थुं वा अकप्पियवत्थुं वा अन्तमसो मातुसन्तकम्पि भण्डागारिकसीसेन पटिसामेन्तस्स पाचित्तियं, तादिसं पन अत्तनो सन्तकं कत्वा पटिसामेतुं वट्टति । “इदं पटिसामेथा”ति वुत्ते पन “न वट्टती”ति पटिकिखपितब्बं । सचे कुपिता पातेत्वा गच्छन्ति, पलिबोधो नाम होति, पटिसामेतब्बं । विहारे कम्मं करोन्ता वट्टुकीआदयो वा राजवल्लभा वा “यंकिञ्चि उपकरणं वा सयनभण्डं वा पटिसामेत्वा देथा”ति वदन्ति, छन्देनपि भयेनपि न कातव्वमेव, गुत्तडानं पन दस्सेतुं वट्टति ।

अज्झारामअज्झावसथेसुपि यादिसे ठाने “भिकखूहि वा सामणरेहि वा गहितं भविस्सती”ति आसङ्का उपज्जति, तादिसेयेव ठाने उगहेत्वा वा उगहापेत्वा वा सज्जाणं कत्वा निक्खिपितब्बं, “यस्स भण्डं नट्ठं, सो आगच्छतू”ति च आचिक्खितब्बं । अथ यो आगच्छति, सो “कीदिसं ते भण्डं नट्ठ”न्ति पुच्छितब्बो, सचे सज्जाणेन सम्पादेति, दातव्वं । नो चे, “विचिनाही”ति वत्तव्वो । तम्हा आवासा पक्कमन्तेन पतिरूपानं भिक्खून् हत्थे, तेसु असति पतिरूपानं गहपतिकानं हत्थे निक्खिपित्वा पक्कमितब्बं । यो पन नेव पक्कमति, न सामिकं पस्सति, तेन थावरं सेनासनं वा चेतियं वा पोक्खरणिं वा कारेतव्वो । सचे दीघस्स अट्ठनो अच्चयेन सामिको आगच्छति, तं दस्सेत्वा “अनुमोदाही”ति वत्तव्वो । सचे नानुमोदति, “देहि मे धन”न्ति चोदेति, समादपेत्वा दातव्वं ।

सावत्थियं अञ्जतरं भिक्खुं आरब्ध रतनउगणहनवत्थुस्मिं पञ्जत्तं, “अञ्जत्र अज्झारामा वा, अज्झावसथा वा”ति अयमेत्थ दुविधा अनुपज्जति, साधारणपञ्जत्ति, साणत्तिकं, अनुज्जातट्टाने अनादरियेन उगहेत्वा अनिक्खिपन्तस्स दुक्कटं । अनुज्जातट्टाने गहेत्वा निक्खिपन्तस्स, यं होति आमासं रतनसम्मतं, तं विस्सासं वा तावकालिकं वा उगणहन्तस्स, पंसुकूलसज्जाय गणहत्तो, उम्मतकादीनञ्च अनापत्ति । अननुज्जातकरणं, परसन्तकता, विस्सासगाहपंसुकूलसज्जानं अभावो, उगहणं वा उगहापनं वाति इमानेत्य चत्तारि अङ्गानि । समुद्धानादीनि सञ्चरित्तसदिसानीति ।

रतनसिक्खापदवण्णना निट्ठिता ।

३. विकालगामप्यवेसनसिक्खापदवण्णना

ततिये सन्तं भिक्खुं अनापुच्छाति इदं चारितं वुत्तनयमेव । विकालेति मज्झहिकातिक्कमतो पट्टाय अनोअरुणे, एतस्मिं अन्तरे “विकाले गामप्पवेसनं आपुच्छामी”ति वा, “गामं पविसिस्सामी”ति वा अनापुच्छत्वा असति तथारूपे अच्चायिके करणीये परिक्षित्तस्स गामस्स परिक्षेपं अतिक्कमन्तस्स, अपरिक्षित्तस्स उपचारं ओक्कमन्तस्स पठमपादे दुक्कटं, दुतियपादे पाचित्तियं । सचोपि सम्बहुला केनचि कम्मेन गामं पविसन्ति, सब्बेहि अज्जमज्जं आपुच्छतब्बं । “तस्मिं गामे तं कम्मं न सम्पज्जती”ति अज्जं गामं गच्छन्तानं पुन आपुच्छनकिच्चं नत्थि । सचे पुन उस्साहं पटिप्पस्सम्भेत्वा विहारं गच्छन्ता अन्तरा अज्जं गामं पविसितुकामा होन्ति, आपुच्छतब्बमेव । कुलघरे वा आसनसालायं वा भत्तकिच्चं कत्वा तेलभिक्खाय वा सप्पिभिक्खाय वा चरितुकामेन सचे पस्से भिक्खु अत्थि, आपुच्छतब्बो, असन्ते “नत्थी”ति गन्तब्बं । वीथिं ओतरित्वा पुन भिक्खुं दिस्वापि आपुच्छनकिच्चं नत्थि । यो पुन गाममज्जेन मग्गो होति, सचे तेन गच्छन्तस्स “तेलादीनं अत्थाय चरिस्सामी”ति चित्तं उपज्जति, पस्से भिक्खुं दिस्वा आपुच्छतब्बं । मग्गा अनोक्कम्म चरन्तस्स पुन आपुच्छनकिच्चं नत्थि, ओक्कमन्तस्स वुत्तनयेनेव पाचित्तियं ।

सावत्थियं छब्बगिये आरब्ध विकाले गामप्पवेसनवत्थुस्मिं पज्जतं, “सन्तं भिक्खुं”न्ति च “अनापुच्छा”ति च “अज्जत्र तथारूपा अच्चायिका करणीया”ति च इमा पनेत्थ तस्सो अनुपज्जतियो, असाधारणपज्जति, अनाणत्तिकं, तिकपाचित्तियं, काले विकालसज्जिनो, वेमतिकस्स च दुक्कटं । कालसज्जिनो पुन, यो च अच्चायिके वा करणीये, सन्तं वा आपुच्छित्वा, असन्तं वा अनापुच्छित्वा पविसति, अन्तरारामभिक्खुनुपस्सयित्तियसेय्यपटिक्कमनेसु वा अज्जेन कतं पटिलभित्वा परिभुज्जेन दुक्कटं । गण्टिके अरणिके विधे अज्जनिया अज्जनिसलाकाय वासिजटे उदकपुच्छनियति एतेसु यंकिञ्चि अट्टिआदीहि करोन्तस्स, उम्मतकादीनञ्च अनापत्ति । सूचिघरता, अट्टिमयादिता, अत्तनो अत्थाय करणं वा कारापेत्वा वा पटिलाभोति इमानेत्य तीणि अङ्गानि । समुद्धानादीनि सञ्चरित्तसदिसानीति ।

विकालगामप्पवेसनसिक्खापदवण्णना निट्ठिता ।

४. सूचिघरसिक्खापदवण्णना

चतुत्थे भेदनमेव भेदनकं, तं अस्स अत्थीति **भेदनकं** । तस्मा एवरूपे सूचिघरे करणकारापनेसु दुक्कटं, पटिलाभेन पुन तं भिन्दित्वा पाचित्तियं देसेतब्बं ।

सावत्थियं सम्बहुले भिक्खू आरब्ध बहुसूचिघरविज्जापनवत्थुस्मिं पज्जतं, साधारणपज्जति, साणत्तिकं, अत्तना विष्पकतं अत्तना वा, परेहि वा, परेहि विष्पकतम्पि अत्तना वा, परेहि वा परियोसापेत्वा लभन्तस्स चतुक्कपाचित्तियं । अज्जस्सत्थाय करणकारापनेसु, अज्जेन कतं पटिलभित्वा परिभुज्जेन दुक्कटं । गण्टिके अरणिके विधे अज्जनिया अज्जनिसलाकाय वासिजटे उदकपुच्छनियति एतेसु यंकिञ्चि अट्टिआदीहि करोन्तस्स, उम्मतकादीनञ्च अनापत्ति । सूचिघरता, अट्टिमयादिता, अत्तनो अत्थाय करणं वा कारापेत्वा वा पटिलाभोति इमानेत्य तीणि अङ्गानि । समुद्धानादीनि सञ्चरित्तसदिसानीति ।

सूचिघरसिक्खापदवण्णना निट्ठिता ।

५. मज्जपीठसिक्खापदवण्णना

पञ्चमे **मज्जन्ति** मसारकादीसु अज्जेन कतं । **पीठम्पि** तादिसमेव, तं पुन मज्जे विय अतिदीघं, आसन्दिको विय च समं चतुरस्सं न होति । **छेदनकं** भेदनकसदिसमेव ।

सावत्थियं उपनन्दं आरब्ध उच्चे मज्जे सयनवत्थुस्मिं पज्जतं, पमाणिकं करोन्तस्स, पमाणातिक्कन्तं लभित्वा छिन्दित्वा यथा पमाणमेव उपरि दिस्सति, एवं निखणित्वा वा, उत्तानं वा कत्वा, अट्टकं वा बन्धित्वा परिभुज्जन्तस्स, उम्मतकादीनञ्च अनापत्ति । पमाणातिक्कन्तमज्जपीठता, अत्तनो अत्थाय करणं वा कारापेत्वा वा पटिलाभोति इमानेत्य द्वे अङ्गानि । सेसं सब्बं सूचिघरसिक्खापदसदिसमेवाति ।

मज्जपीठसिक्खापदवण्णना निट्ठिता ।

६. तूलोन्नद्धसिक्खापदवण्णना

छट्ठे तूलं ओन्नद्धमेत्थाति **तूलोन्नद्धं**, चिमिलिकं पत्थरित्वा तूलं पक्खिपित्वा उपरि चिमिलिकाय ओन्नद्धन्ति वुत्तं होति । **उद्दालनकं** भेदनकसदिसमेव ।

सावत्थियं छब्बगिये आरब्ध तूलोन्नद्धकारापनवत्थुस्मिं पज्जतं, आयोगे कायबन्धने अंसबद्धके पत्तत्थविकाय परिस्सावने बिम्बोहने, अज्जेन कतं तूलोन्नद्धं पटिलभित्वा उद्दालेत्वा परिभुज्जन्तस्स, उम्मतकादीनञ्च अनापत्ति । **बिम्बोहने** ज्येत्थे सीसप्पमाणमेव वट्टति, सीसप्पमाणं नाम यस्स वित्थारतो तीसु कोणेषु द्विन्नं अन्तरं विदत्थिचतुरङ्गुलं होति, मज्जे मुट्ठिरतनं, दीघतो दिवङ्गिरतनं वा द्विरतनं वा । तूलोन्नद्धमज्जपीठता, अत्तनो अत्थाय करणं वा कारापेत्वा वा पटिलाभोति इमानेत्य द्वे अङ्गानि । सेसं वुत्तनयेनेव वेदितब्बन्ति ।

तूलोन्नद्धसिक्खापदवण्णना निट्ठिता ।

७. निसीदनसिक्खापदवण्णना

सत्तमे **निसीदन्ति** सन्थतसदिसं सन्थरित्वा एकस्मिं अन्ते सुगतविदत्थिप्पमाणं द्वीसु ठानेसु फालेत्वा कताहि तीहि दसाहि युत्तस्स परिक्षारस्सेतं नामं ।

सावत्थियं छब्बगिये आरब्ध अप्पमाणिकानि निसीदनानि धारणवत्थुस्मिं पज्जतं, “दसा विदत्थी”ति अयमेत्थ अनुपज्जति, असाधारणपज्जति, पमाणिकं वा ऊनकं वा करोन्तस्स, अज्जेन कतं पमाणातिक्कन्तं पटिलभित्वा छिन्दित्वा परिभुज्जन्तस्स, वितानादीसु यंकिञ्चि करोन्तस्स, उम्मतकादीनञ्च अनापत्ति । निसीदनस्स पमाणातिक्कन्तता, अत्तनो अत्थाय करणं वा कारापेत्वा वा पटिलाभोति इमानेत्य द्वे अङ्गानि । सेसं वुत्तनयेनेव वेदितब्बन्ति ।

निसीदनसिक्खापदवण्णना निट्ठिता ।

८. कण्डुप्पटिच्छादिसिक्खापदवण्णना

अट्ठमे **कण्डुप्पटिच्छादि**न्ति अधोनाभिउब्भजाणुमण्डलं कण्डुपीळकअस्सावथुल्लकच्छाबाधानं पटिच्छादनत्थं अनुज्जातं चीवरं ।

सावत्थियं छब्बगिये आरब्ध अप्पमाणिकायो कण्डुप्पटिच्छादिकायो धारणवत्थुस्मिं पज्जतं, साधारणपज्जति, सेसं निसीदने वुत्तनयेनेव वेदितब्बन्ति ।

कण्डुप्पटिच्छादिसिक्खापदवण्णना निट्ठिता ।

९. वस्सिकसाटिकसिक्खापदवण्णना

नवमे सावत्थियं छब्बगिये आरब्ध अप्पमाणिकायो वस्सिकसाटिकायो धारणवत्थुस्मिं पज्जतं, सेसमेत्थ यं वत्तब्बं, तं निसीदने वुत्तनयमेवाति ।

वस्सिकसाटिकसिक्खापदवण्णना निड्डिता ।

१०. नन्दसिक्खापदवण्णना

दसमे सावत्थियं आयस्मन्तं नन्दं आरब्ध सुगतचीवरप्पमाणं चीवरं धारणवत्थुस्मिं पञ्जत्तं, साधारणपञ्जत्ति, सेसं निसीदने वुत्तनयमेवाति ।

नन्दसिक्खापदवण्णना निड्डिता ।

रतनवग्गो नवमो ।

कङ्कावितरणिया पातिमोक्खवण्णनाय

सुद्धपाचिच्चियवण्णना निड्डिता ।

पाटिदेसनीयकण्डो

१. पठमपाटिदेसनीयसिक्खापदवण्णना

पाटिदेसनीयेसु पठमे अन्तरघरं पविट्ठायाति वचनतो सचे तस्सा अन्तरारामादीसु ठत्वापि ददमानाय हत्थतो सयं रथियाब्यूहसिङ्गाटकघरानं अञ्जतरस्मिं ठितोपि गण्हाति, दोसो नत्थि । तस्सा पन रथियादीसु ठत्वा ददमानाय, रथियादीसु वा, अन्तरारामादीसु वा ठत्वापि यंकिञ्चि आमिसं अञ्जोहरणत्थाय गण्ठतो पटिगहणे दुक्कटं, अञ्जोहारे अञ्जोहारे पाटिदेसनीयं । तस्स देसेतब्बाकारो गारखं आवुसोति आदिना नयेन सिक्खापदे दस्सितोयेव ।

सावत्थियं अञ्जतरं भिक्खुं आरब्ध अञ्जातिकाय भिक्खुनिया अन्तरघरं पविट्ठाय हत्थतो आमिसं पटिगहणवत्थुस्मिं पञ्जत्तं, असाधारणपञ्जत्ति, अनाणत्तिकं, यथा चेत्तं, तथा सेसानिपि, तिकपाटिदेसनीयं, यामकालिकादीसु पटिगहणेपि अञ्जोहरणेपि दुक्कटं, एकतोउपसम्पन्नाय यावकालिकेपि तथेव, जातिकाय अञ्जातिकसञ्जिवेमतिकानम्पि एसेव नयो । जातिकसञ्जिनो पन, जातिकाय वा दापेत्तिया, उपनिक्खिपित्वा वा ददमानाय, या च अन्तरारामभिक्खुनुपस्सयत्तित्थियसेव्यपटिकमनेसु ठत्वा गामतो बहि नीहरित्वा, यामकालिकादीनि वा “सति पच्चये परिभुञ्जा”ति देति, तस्स, सिक्खमानसामणेरीनञ्च हत्थतो गहेत्वा परिभुञ्जन्तस्स, उम्मतकादीनञ्च अनापत्ति । परिपुण्णपसम्पन्ना, अञ्जातिकता, अन्तरघरे ठिताय हत्थतो सहत्था पटिगहणं, यावकालिकता, अञ्जोहरणन्ति इमानेत्य पञ्च अङ्गानि । समुट्टानादीनि एळकलोमसदिसानीति ।

पठमपाटिदेसनीयसिक्खापदवण्णना निड्डिता ।

२. दुतियपाटिदेसनीयसिक्खापदवण्णना

दुतिये इध सूपन्ति आदि वोसासनाकारदस्सनं । अपसक्क ताव भगिनीति आदि अपसादेतब्बाकारदस्सनं । तत्रायं विनिच्छयो — एकेनापि भिक्खुना अनपसादिते अञ्जोहरणत्थाय आमिसं गण्हन्तानं पटिगहणे दुक्कटं, अञ्जोहारे अञ्जोहारे पाटिदेसनीयन्ति ।

राजगहे छब्बगिये आरब्ध भिक्खुनिया वोसासन्तिया ननिवारणवत्थुस्मिं पञ्जत्तं, तिकपाटिदेसनीयं, एकतोउपसम्पन्नाय वोसासन्तिया ननिवारेन्तस्स दुक्कटं, तथा अनुपसम्पन्नाय उपसम्पन्नसञ्जिनो वेमतिकस्स च । अनुपसम्पन्नसञ्जिनो, पन यो च अत्तनो वा भत्तं दापेत्तिया, अञ्जेसं वा भत्तं देत्तिया, यं वा न दिन्नं, तं दापेत्तिया, यत्थ वा न दिन्नं, तत्थ, सब्बेसं वा समकं दापेत्तिया, सिक्खमानाय वा सामणेरिया वा वोसासन्तिया पटिगहेत्वा भुञ्जति, तस्स, पञ्च भोजनानि ठपेत्वा सब्बत्थ, उम्मतकादीनञ्च अनापत्ति । परिपुण्णपसम्पन्ना, पञ्चभोजनता, अन्तरघरे अनुञ्जातपकारतो अञ्चथा वोसासना, अनिवारणा, अञ्जोहरणन्ति इमानेत्य पञ्च अङ्गानि । समुट्टानादीनि कथिनसदिसानीति ।

दुतियपाटिदेसनीयसिक्खापदवण्णना निड्डिता ।

३. ततियपाटिदेसनीयसिक्खापदवण्णना

ततिये सेक्खसम्मतानीति लद्धसेक्खसम्मुतिकानि । पुब्बे अनिमन्तितोति धरूपचारोक्कमनतो पठमतरं उपचारं अनोक्कमन्तेयेव पुब्बे अनिमन्तितो । अगिलानो नाम यो सक्कोति पिण्डाय चरितुं । पाटिदेसनीयन्ति धरूपचारं ओक्कमित्वा आमिसं गण्हन्तस्स पटिगहणे ताव दुक्कटं, तं गहेत्वा यत्थकत्थचि भुञ्जन्तस्स अञ्जोहारे अञ्जोहारे पाटिदेसनीयन्ति ।

सावत्थियं सम्बहुले भिक्खू आरब्ध न मत्तं जानित्वा पटिगहणवत्थुस्मिं पञ्जत्तं, “पुब्बे अनिमन्तितो, अगिलानो”ति इमा पनेत्थ द्वे अनुपञ्जत्तियो, तिकपाटिदेसनीयं, यामकालिकादीसु पटिगहणेपि अञ्जोहारेपि दुक्कटं, तथा असेक्खसम्मतं सेक्खसम्मतसञ्जिनो वेमतिकस्स च । असेक्खसम्मतसञ्जिनो, पन यो च पुब्बे निमन्तितो वा गिलानो वा अञ्जस्स वा तेसं घरे पञ्जत्तं भिक्खं गण्हाति, यस्स च घरतो नीहरित्वा, आसनसालादीसु वा भिक्खुं अदिस्वा पठमयेव नीहरित्वा, द्वारमूले वा ठपितं देन्ति, तस्स तं भुञ्जन्तस्स, निच्चभत्तके, सलाकभत्ते, पक्खिके, उपोसथिके, पाटिपदिके, यामकालिकादि “सति पच्चये परिभुञ्जा”ति दिन्नं परिभुञ्जन्तस्स, उम्मतकादीनञ्च अनापत्ति । सेक्खसम्मतता, पुब्बे अनिमन्तितता, अगिलानता, धरूपचारोक्कमनं, ठपेत्वा निच्चभत्तकादीनि अञ्जं आमिसं गहेत्वा भुञ्जन्ति इमानेत्य पञ्च अङ्गानि । समुट्टानादीनि एळकलोमसदिसानीति ।

ततियपाटिदेसनीयसिक्खापदवण्णना निड्डिता ।

४. चतुत्थपाटिदेसनीयसिक्खापदवण्णना

चतुत्थे यानि खो पन तानि आरञ्जकानीति आदि चीवरविप्पवाससिक्खापदे वुत्तनयेनेव वेदितब्बं । पुब्बे अप्पटिसंविदितन्ति एत्थ यं इत्थिया वा पुरिसेन वा गहट्टेन वा पब्बजितेन वा आरामं वा आरामूपचारं वा पविस्त्वा “इत्थन्नामस्स, भन्ते, कुलस्स खादनीयं वा भोजनीयं वा आहरियस्सतो”ति (पाचि० ५७३) आरोचितं, तं पच्छा यथाआरोचितमेव वा आहरियतु, तस्स परिवारं कत्वा अञ्जं वा तेन सद्धि बहुकम्पि, “इत्थन्नामं कुलं पटिसंविदितं कत्वा खादनीयं वा भोजनीयं वा गहेत्वा गच्छतो”ति सुत्वा अञ्जानि वा कुलानि तेहि सद्धि आहरन्तु, तं सब्बं पटिसंविदितं नाम । यं पन एवं अनारोचितं अनाहट्ठञ्च, तं अप्पटिसंविदितं नाम । अगिलानो नाम यो सक्कोति पिण्डाय गन्तुं । पाटिदेसनीयन्ति एवरूपं अन्तमसो आराममञ्जेन गच्छन्तेहि अद्धिकेहि दिन्नम्पि आरामे वा आरामूपचारे वा पटिगहेत्वा अञ्जोहरन्तस्स पटिगहणे दुक्कटं, अञ्जोहारे अञ्जोहारे पाटिदेसनीयन्ति ।

सक्केसु सम्बहुले भिक्खू आरब्ध आरामे चोरे पटिवसन्ते अनारोचनवत्थुस्मिं पञ्जत्तं, “अगिलानो”ति अयमेत्थ एका अनुपञ्जत्ति, तिकपाटिदेसनीयं, यामकालिकादीसु आहारत्थाय पटिगहणेपि अञ्जोहारेपि दुक्कटमेव, तथा पटिसंविदिते अप्पटिसंविदितसञ्जिनो वेमतिकस्स च, पटिसंविदितसञ्जिनो, पन गिलानस्स, यो च पटिसंविदितं कत्वा आहटं वा गिलानावसेसकं वा बहारामे वा पटिगहितं,

तत्थजातकमेव वा मूलफलादिं, यामकालिकादीसु वा यंकिञ्चि ‘सति पच्चये परिभुञ्जा’ति लद्धं परिभुञ्जन्तस्स, उम्मत्तकादीनञ्च अनापत्ति । यथावुत्तआरञ्जकसेनासनता, यावकालिकस्स अतत्थजातकता, अगिलानता, अगिलानावसेसकता, अप्पटिसंविदितता, अञ्जारामे पटिग्गहणं, अञ्जोहरणन्ति इमानेत्य सत्त अङ्गानि । समुद्धानादीनि कथिनसदिसानेव, इदं पन किरियाकिरियन्ति ।

चतुत्थपाटिदेसनीयसिक्खापदवण्णना निड्डिता ।

कङ्कहावितरणिया पातिमोक्खवण्णनाय

पाटिदेसनीयवण्णना निड्डिता ।

सेखियकण्डो

१. परिमण्डलसिक्खापदवण्णना

सेखियेसु पठमे परिमण्डलन्ति समन्ततो मण्डलं । **सिक्खा करणीया**ति “एवं निवासेस्सामी”ति आरामेपि अन्तरधरेपि सब्बत्थ सिक्खा कातब्बा, एत्थ च यस्मा वत्तक्खन्धके वुत्तवत्तानिपि सिक्खितव्वत्ता सेखियानेव होन्ति, तस्मा पाराजिकादीसु विय परिच्छेदो न कतो । चारित्तविनयदस्सनत्थञ्च “यो पन भिक्खु ओलम्बेन्तो निवासेत्थ, दुक्कटं”न्ति एवं आपत्तिनामेन अवत्ता “सिक्खा करणीया”ति एवं सब्बसिक्खापदेसु पाळि आरोपिता, पदभाजने (पाचिं ५७६) पन “आपत्ति दुक्कटस्सा”ति वुत्तत्ता सब्बत्थ अनादरियकरणे दुक्कटं वेदितव्वं ।

इदानीं परिमण्डलन्ति एत्थ नाभिमण्डलं पटिच्छादेत्वा जाणुमण्डलस्स हेट्ठा जङ्गुडिकतो पट्टाय अट्ठङ्गुलमत्तं निवासनं ओतारेत्वा निवासेन्तेन परिमण्डलं निवत्थं नाम होति, एवं अनिवासेत्वा अनादरियेन पुरतो वा पच्छतो वा ओलम्बेत्वा निवासेन्तस्स दुक्कटं । न केवलञ्च तस्सेव, ये चञ्जे “तेन खो पन समयेन छब्बगिया गिहनिवत्थं निवासेन्ति, हत्थिसोण्डकं मच्छवालकं चतुक्कण्णकं तालवण्टकं सतवलिकं निवासेन्ति, संवल्लियं निवासेन्ती”ति खन्धके (चूळव० २८०) निवासनदोसा वुत्ता, तथा निवासेन्तस्सपि दुक्कटमेव ।

तत्थ **हत्थिसोण्डकं** नाम नाभिमूलतो हत्थिसोण्डसण्ठानं ओलम्बकं कत्वा निवत्थं चोळिकइत्थीनं निवासनं विय । **मच्छवालकं** नाम एकतोदसन्तं एकतो पासन्तं ओलम्बेत्वा निवत्थं । **चतुक्कण्णकं** नाम उपरि द्वे, हेट्ठतो द्वेति एवं चत्तारो कण्णे दस्सेत्वा निवत्थं । **तालवण्टकं** नाम तालवण्टाकरेन साटकं ओलम्बेत्वा निवत्थं । **सतवलिकं** नाम दीघसाटकं अनेकक्खतुं ओभुजित्वा ओवट्टिकं करोन्तेन निवत्थं, वामदक्खिणपस्सेसु वा निरन्तरं वलियो दस्सेत्वा निवत्थं । सचे पन जाणुतो पट्टाय एका वा द्वे वा वलियो पञ्जायन्ति, वट्ठति । **संवल्लियन्ति** मल्लकम्मकारादीहि विय कच्छं बन्धित्वा निवत्थं । एवं निवासेतुं गिलानस्सापि मग्गप्पटिपन्नस्सापि न वट्ठति । यम्पि मग्गं गच्छन्ता एकं वा द्वे वा कण्णे उक्खिपित्वा अन्तरवासकस्स उपरि लग्गन्ति, अन्तो वा एकं कासावं तथा निवासेत्वा बहि अपरं निवासेन्ति, सब्बं न वट्ठति ।

गिलानो पन अन्तोकासावस्स ओवट्टिकं दस्सेत्वा अपरं उपरि निवासेतुं लभति, अगिलानेन द्वे निवासेन्तेन सगुणं कत्वा निवासेतब्बानि । इति इमं खन्धके पटिक्खित्तञ्च ओलम्बकञ्च सब्बं विवज्जेत्वा वुत्तलक्खणसम्पन्नं निब्बिकारं परिमण्डलं निवासेतव्वं, तथा अनिवासेत्वा यंकिञ्च विकारं करोन्तस्स दुक्कटं ।

“निदानं पुगलं वत्थु”न्ति आदिके (कङ्कहा० अट्ठ० पठमपाराजिकवण्णना) पन विनिच्छये सुरुसुरुकारकं कोसम्बियं पञ्जत्तं, सामिसेन हत्थेन पानीयथालकसिस्थिकपत्तधोवनपटिसंयुतद्वयं भग्गोसु सम्बहुले भिक्खू आरब्ध, सेसानि सब्बानेव सावत्थियं छब्बगिये आरब्ध ओलम्बेत्वा निवासनादिवत्थुस्मिं पञ्जत्तानि । सुपोदनविज्जत्तियं धम्मदेसनादीसु च गिलानवसेन एका अनुपञ्जति, सब्बानि साधारणपञ्जत्तियो, अनापत्तिकानि, सब्बेसु दुक्कटमेव, अञ्जो आपत्तिभेदो नत्थि, विपत्तिविचारणा वुत्तायेव, समुद्धानादीनि सब्बेसं अवसाने दस्सयिस्साम । अनापत्तिमत्तं पन अङ्गञ्च सब्बत्थ वत्तव्वं, तयिदं वुच्चति । इमस्मिं ताव सिक्खापदे असञ्चिच्च, अस्सतिया, अजानन्तस्स, गिलानस्स, आपदासु, उम्मत्तकादीनञ्च अनापत्ति ।

तत्थ **असञ्चिच्चाति** “अपरिमण्डलं निवासेस्सामी”ति एवं असञ्चिच्च, अथ खो “परिमण्डलंयेव निवासेस्सामी”ति विरज्झित्वा अपरिमण्डलं निवासेन्तस्स अनापत्ति । **अस्सतिया**ति अज्जाविहितस्सापि तथा निवासेन्तस्स अनापत्ति । **अजानन्तस्सा**ति परिमण्डलं निवासेतुं अजानन्तस्स अनापत्ति, अपिच निवासनवत्तं उग्गहेतव्वं । यो पन सुक्खजङ्घो वा होति महापिण्डकमसो वा, तस्स सारुप्पत्थाय अट्ठङ्गुलाधिकम्पि ओतारेत्वा निवासेतुं वट्ठति । **गिलानस्सा**ति यस्स जङ्घाय वा पादे वा वणो होति, तस्स उक्खिपित्वा वा ओतारेत्वा वा निवासेतुं वट्ठति । **आपदासूति** वाळा वा चोरा वा अनुबन्धन्ति, एवरूपासु आपदासु अनापत्ति । **उम्मत्तका**दयो वुत्तनया एव । अनादरियं, अनापत्तिकारणाभावो, अपरिमण्डलनिवासनन्ति इमानेत्य तीणि अङ्गानि । यथा चेत्थ, एवं सब्बत्थ पुरिमानि द्वे तत्थ तत्थ वुत्तप्पटिपक्खकरणञ्चाति तीणियेव होन्ति, तस्मा इतो परं तानिपि अवत्ता अनापत्तिमत्तमेव वक्खामाति ।

२. दुतियपरिमण्डलसिक्खापदवण्णना

दुतिये “न, भिक्खवे, गिहिपारुत्तं पारुपितव्वं”न्ति (चूळव० २८०) एवं पटिक्खितं गिहिपारुत्तं अपारुपित्वा उभो कण्णे समं कत्वा पारुपनं **परिमण्डलपारुपनं** नाम, तत्थ यंकिञ्च सेतपटपारुत्तं परिब्बाजकपारुत्तं एकसाटकपारुत्तं सुरासोण्डपारुत्तं अन्तेपुरिकपारुत्तं महाजेडुपारुत्तं कुटिप्पवेसकपारुत्तं ब्राह्मणपारुत्तं पाळिकारकपारुत्तन्ति एवमादि परिमण्डललक्खणतो अञ्जथा पारुत्तं, सब्बमेतं **गिहिपारुत्तं** नाम । तस्मा यथा सेतपटा अट्ठपालकनिगण्ठा पारुपन्ति, यथा च एकच्चं परिब्बाजका उरं विवरित्वा द्वीसु अंसकूटेसु पावुरणं ठपन्ति, यथा च एकसाटका मनुस्सा निवत्थसाटकस्स एकेन अन्तेन पिण्डि पारुपित्वा उभो कण्णे उभोसु अंसकूटेसु ठपन्ति, यथा च सुरासोण्डादयो साटकेन गीवं परिक्खिपित्वा उभो अन्ते उरे वा ओलम्बन्ति, पिण्डियं वा खिपन्ति, यथा च अन्तेपुरिकायो अक्खितारकमत्तं दस्सेत्वा ओगुण्डितं पारुपन्ति, यथा च महाजेड्ढा दीघसाटकं निवासेत्वा तस्सेव एकेनन्तेन सकलसरीरं पारुपन्ति, यथा च कस्सका खेतकुटि पविसन्ता साटकं पलिवेदेत्वा उपकच्छके पक्खिपित्वा तस्सेव एकेनन्तेन सरीरं पारुपन्ति, यथा च ब्राह्मणा उभिन्नं उपकच्छकानं अन्तरे साटकं पवेसेत्वा अंसकूटेसु पक्खिपन्ति, यथा च पाळिकारको भिक्खु एकसपारुपनेन पारुत्तं वामबाहुं विवरित्वा चीवरं अंसकूटे आरोपेति, एवं अपारुपित्वा सब्बेपि एते, अञ्जे च एवरूपे पारुपनदोसे वज्जेत्वा निब्बिकारं परिमण्डलं पारुपितव्वं । तथा अपारुपित्वा आरामे वा अन्तरधरे वा अनादरेन यंकिञ्च विकारं करोन्तस्स दुक्कटं, अनापत्ति पुरिमसदिसायेव, यथा चेत्थ, एवं सब्बत्थ । यत्थ पन विसेसो भविससति, तत्थ वक्खामाति ।

३-४. सुप्पटिच्छन्नसिक्खापदवण्णना

ततिये **सुप्पटिच्छन्नो**ति सुट्ठु पटिच्छन्नो, गण्ठकं पटिमुञ्चित्वा अनुवातन्तेन गीवं पटिच्छादेत्वा उभो कण्णे समं कत्वा पटिसङ्घरित्वा याव मणिबन्धं पटिच्छादेत्वा अन्तरधरे गमिस्सामीति अत्थो, तथा अकत्वा पन जाणुं वा उरं वा विवरित्वा गच्छन्तस्स दुक्कटं ।

चतुत्थे गलवाटकतो पट्टाय सीसं, मणिबन्धतो पट्टाय हत्थे, पिण्डिकमंसतो पट्टाय पादे विवरित्वा सेसं छादेत्वा निसिन्नो **सुप्पटिच्छन्नो** नाम होति, एत्थ पन वासूपगतस्स अनापत्ति ।

५-६. सुसंवुत्तसिक्खापदवण्णना

पञ्चमे **सुसंवुत्तो**ति हत्थं वा पादं वा अकीळापेन्नो सुविनीतोति अत्थो । छट्ठेपि एसेव नयो ।

७-८. ओक्खित्तचक्खुसिक्खापदवण्णना

सत्तमे **ओक्खित्तचक्खू**ति हेड्डा खित्तचक्खु हुत्वा पुरतो युगमत्तं भूमिभागं पेक्खमानो, एकस्मिं पन ठाने ठत्वा हत्थिअस्सादिपरिस्सयाभावं ओलोकेतुं वड्ढति । अट्टमेपि एसेव नयो ।

१-१०. उक्खित्तकसिक्खापदवण्णना

नवमे **उक्खित्तकाया**ति उक्खेपेन, इत्थम्भूतलक्खणे करणवचनं, एकतो वा उभतो वा उक्खित्तचीवरो हुत्वाति अत्थो, अन्तो इन्दखीलतो पट्टाय एवं न गन्तब्बं ।

दसमे निसिन्नकाले धमकरणं नीहरन्तेनापि चीवरं अनुक्खिपित्वाव नीहरितब्बं, वासूपगतस्स पन अनापत्ति ।

११-१२. उज्जग्घिकसिक्खापदवण्णना

एकादसमे **उज्जग्घिकाया**ति महाहसितं हसन्तोति अत्थो । इधापि हि इत्थम्भूतलक्खणेयेव करणवचनं ।

द्वादसमेपि एसेव नयो । उभयत्थ हसनीयस्मिं वत्थुस्मिं मिहितमत्तं करोन्तस्स अनापत्ति ।

१३-१४. उच्चसद्दसिक्खापदवण्णना

तेरसमे **अप्पसद्दो**ति न उच्चासद्दमहासद्दो हुत्वा । चुद्दसमेपि एसेव नयो । अयं पनेत्थ अप्पसद्दतापरिच्छेदो — सचे द्वादसहत्थे गेहे आदिमिह सङ्कत्थेरो, मज्जे दुतियत्थेरो, अन्ते ततियत्थेरोति एवं निसिन्नेसु यं सङ्कत्थेरो दुतियत्थेरेन सङ्गि मन्तेति, दुतियत्थेरो च तस्स सद्दं सुणाति, कथञ्च ववत्थपेति । ततियत्थेरो पन सद्दमेव सुणाति, कथं न ववत्थपेति, एतावता **अप्पसद्दो** होति । सचे पन ततियत्थेरो कथञ्च ववत्थपेति, **महासद्दो** नाम होति ।

१५...पे०...२०. कायप्पचालकादिसिक्खापदवण्णना

इतो परेसु छसु **कायप्पचालक**न्ति कायं चालेत्वा चालेत्वा, एस नयो सब्बत्थ । तस्मा कायादीनि पग्गहेत्वा निच्चलानि उजुकानि ठपेत्वा गन्तब्बञ्चेव निसीदितब्बञ्च, निसीदनप्पटिसंयुत्तेसु तीसु वासूपगतस्स अनापत्ति ।

२१-२२. खम्भकतसिक्खापदवण्णना

एकवीसद्वावीसेसु **खम्भकतो**ति कटियं हत्थं ठपेत्वा कतखम्भो ।

२३-२४. ओगुण्ठितसिक्खापदवण्णना

तेवीसचतुवीसेसु **ओगुण्ठितो**ति ससीसं पारुतो ।

२५. उक्कुटिकसिक्खापदवण्णना

पञ्चवीसे **उक्कुटिका** वुच्चति पण्हियो उक्खिपित्वा अग्गपादेहेव, अग्गपादे वा उक्खिपित्वा पण्हिहियेव भूमियं फुसन्तस्स गमनं, करणवचनं पनेत्थ वुत्तलक्खणमेव ।

२६. पल्लत्थिकसिक्खापदवण्णना

छब्बीसे न **पल्लत्थिकाया**ति हत्थपल्लत्थिकाय वा दुस्सपल्लत्थिकाय वा न निसीदितब्बं । अनादरेन निसीदन्तस्स दुक्कटं, वासूपगतस्स पन इधापि पुरिमेसु च द्वावीसचतुवीसेसु अनापत्ति ।

छब्बीसतिसारुप्पसिक्खापदवण्णना निड्डिता ।

२७. सक्कच्चपटिगहणसिक्खापदवण्णना

भोजनप्पटिसंयुत्तेसु पठमे **सक्कच्चन्ति** सति उपट्टापेत्वा ।

२८. पत्तसज्जीपटिगहणसिक्खापदवण्णना

दुतिये पत्ते सज्जा पत्तसज्जा, सा अस्स अत्थीति **पत्तसज्जी**, अत्तनो भाजने उपनिबद्धसज्जी हुत्वाति अत्थो ।

२९. समसूपकपटिगहणसिक्खापदवण्णना

ततिये **समसूपको** नाम यत्थ मुग्गमासेहि वा कुलत्थादीहि वा कतो हत्थहारियो सूपो भत्तस्स चतुत्थभागप्पमाणो होति, ततो हि अधिकं गण्हन्तस्स दुक्कटं । ठपेत्वा पन सूपं अवसेसा सब्बापि सूपेय्यब्बज्जनविकाति **रसरसो** नाम होति, तस्मिं रसरसे, जातकानं वा पवारितानं वा अज्जस्सत्थाय वा अत्तनो धनेन वा इध अनापत्ति ।

३०...पे०...३२. समतित्तिकसिक्खापदवण्णना

चतुत्थे **समतित्तिक**न्ति समपुण्णं समभरितं अधिद्वानुपगपत्तस्स अन्तोमुखवट्टिलेखं अनतिकमत्तिवा रचितं । **पिण्डपात**न्ति यंकिञ्च यावकालिकं । अनधिद्वानुपगे पन यावकालिकं यामकालिकादीनि च यत्थकत्थचि थूपीकतानिपि वट्टन्ति, यं पन द्वीसु पत्तेसु गहेत्वा एकं पूरेत्वा विहारं हरति, यं वा पक्खिपियमानं पूवउच्छुक्खण्डफलाफलादि हेड्डा ओरोहेति, तक्कोलवटंसकादयो वा उपरि ठपेत्वा दिव्यन्ति, यञ्च पण्णे वा थालके वा पक्खिपित्वा पत्तमत्थके ठपितं होति, न तं थूपीकतं नाम, तस्मा तं सब्बं वड्ढति । इध पन गिलानस्सापि अनापत्ति नत्थि, तस्मा तेनेपि समतित्तिकोयेव गहेतब्बो । सब्बत्थ पन पटिगहेतुमेव न वट्टति, पटिगहितं पन सुप्पटिगहितं परिभुज्जितुं वड्ढति । पञ्चमछट्टानि वुत्तनयानेव ।

३३-३४. सपदानसिक्खापदवण्णना

सत्तमे **सपदान**न्ति तत्थ तत्थ ओधिं अकत्वा अनुपटिपाटिया । यो पन अज्जेसं वा देन्तो, अज्जभाजने वा आकिरन्तो ततो ततो ओमसति, तस्स, उत्तरिभङ्गञ्च उपटिपाटिया गण्हन्तस्सापि इध अनापत्ति । अट्टमं वुत्तनयमेव ।

३५. थूपकतसिक्खापदवण्णना

नवमे थूपकतोति मत्थकतो वेमज्झतोति अत्थो। यो पन परित्तके सेसे एकतो सङ्कट्ठित्वा ओमहित्वा भुज्जति, तस्सापि अनापत्ति।

३६. ओदनप्पटिच्छादनसिक्खापदवण्णना

दसमे यस्स भत्तसामिका माघातसमयादीसु ब्यञ्जनं पटिच्छादेत्वा देन्ति, यो च न भित्त्योकम्यताय पटिच्छादेति, तेसं अनापत्ति, गिलानस्स पन अनागतत्ता आपत्तियेव।

३७. सूपोदनविज्जित्तिसिक्खापदवण्णना

एकादसमे जातकानं वा पवारितानं वा अज्जस्सत्थाय अत्तनो धनेनाति इदं अनापत्तियं अधिकं।

३८. उज्झानसज्जीसिक्खापदवण्णना

द्वादसमे उज्झाने सज्जा उज्झानसज्जा, सा अस्स अत्थीति उज्झानसज्जी। इधापि गिलानो न मुच्चति, “दस्सामी”ति वा, “दापेस्सामी”ति वा ओलोकेन्तस्स पन, न उज्झानसज्जिस्स च अनापत्ति।

३९. कबळसिक्खापदवण्णना

तेरसमे नातिमहन्तन्ति मयूरण्डं अतिमहन्तं, कुक्कुटण्डं अतिखुदकं, तेसं वेमज्झणमाणं। मूलखादनीयादिभेदे पन सब्बखज्जके फलाफले च अनापत्ति।

४०. आलोपसिक्खापदवण्णना

चुद्धसमे परिमण्डलन्ति अदीघं। इध पन खज्जकफलाफलेहि सद्धि उत्तरिभङ्गेपि अनापत्ति।

४१-४२. अनाहतसिक्खापदवण्णना

पन्नरसमे अनाहटेति अनाहरिते, मुखद्वारं असम्पत्तेति अत्थो। सोळसमे सब्बहत्थन्ति सकलं हत्थं।

४३. सकबळसिक्खापदवण्णना

सत्तरसमे सकबळेनाति एत्थ यत्तकेन वचनं अपरिपुण्णं होति, तत्तके सति कथेन्तस्स आपत्ति। यो पन धम्मं कथेन्तो हरितकादीनि मुखे पक्खिपित्वा कथेति, यत्तकेन वचनं अपरिपुण्णं न होति, तत्तके मुखमिह सति वट्टति।

४४. पिण्डुक्खेपकसिक्खापदवण्णना

अट्ठारसमे पिण्डुक्खेपकन्ति पिण्डं उक्खिपित्वा उक्खिपित्वा, इधापि खज्जकफलाफलेसु अनापत्ति।

४५. कबळावच्छेदकसिक्खापदवण्णना

एकूनवीसतिमे कबळावच्छेदकन्ति कबळं अवच्छिन्दित्वा अवच्छिन्दित्वा, इध खज्जकफलाफलेहि सद्धि उत्तरिभङ्गेपि अनापत्ति।

४६. अवगण्डकारकसिक्खापदवण्णना

वीसतिमे अवगण्डकारकन्ति मक्कटो विय गण्डे कत्वा कत्वा, इध फलाफलमत्तके अनापत्ति।

४७. हत्थनिद्धनकसिक्खापदवण्णना

एकवीसतिमे हत्थनिद्धनकन्ति हत्थं निद्धनित्वा निद्धनित्वा, अनापत्तियं पनेत्थ “कचवरं छट्ठेन्तो हत्थं निद्धनाती”ति (पाचि० ६२३) इदं अधिकं।

४८. सित्थावकारकसिक्खापदवण्णना

द्वावीसतिमे सित्थावकारकन्ति सित्थानि अवकिरित्वा अवकिरित्वा, इधापि “कचवरं छट्ठेन्तो सित्थं छट्ठयती”ति (पाचि० ६२३) इदं अनापत्तियं अधिकं।

४९. जिह्वा निच्छारकसिक्खापदवण्णना

तेवीसतिमे जिह्वा निच्छारकन्ति जिह्वं निच्छारेत्वा निच्छारेत्वा।

५०-५१. चपुचपुकारकसिक्खापदवण्णना

चतुवीसतिमे चपुचपुकारकन्ति चपु चपूति एवं सहं कत्वा कत्वा। पञ्चवीसतिमेपि एसेव नयो।

५२...५०...५४. हत्थनिल्लेहकादिसिक्खापदवण्णना

छब्बीसतिमे हत्थनिल्लेहकन्ति हत्थं निल्लेहित्वा निल्लेहित्वा। भुज्जन्तेन हि अङ्गुलिमतम्पि निल्लेहितुं न वट्टति। घनयागुफाणितपायासादिके पन अङ्गुलीहि गहेत्वा अङ्गुलियो मुखे पवेसेत्वा भुज्जितुं वट्टति, सत्तवीसतिमअट्ठवीसतिमेसुपि एसेव नयो। तस्मा एकङ्गुलियापि पत्तो न निल्लेहितब्बो, एकओट्टोपि च जिह्वाय न निल्लेहितब्बो, ओट्टमंसेहि एव पन गहेत्वा अन्तो पवेसेतुं वट्टति।

५५. सामिससिक्खापदवण्णना

एकूनत्तिसतिमे न सामिसेनाति एतं पटिकूलवसेन पटिक्खित्तं, तस्मा सङ्घिकम्पि पुग्गलिकम्पि गिहिसन्तकम्पि अत्तनो सन्तकम्पि सङ्घोपि सरावकम्पि थालकम्पि न गहेतब्बमेव, गणहन्तस्स दुक्कटं।

सचे पन हत्थस्स एकदेसो आमिसमक्खितो न होति, तेन पदेसेन गहेतुं वट्ठति, इध “धोविस्सामीति वा, धोवापेस्सामीति वा पटिग्गहाती”ति (पाचि० ६३१) इदं अनापत्तियं अधिकं।

५६. ससित्थकसिक्खापदवण्णना

तिसतिमे “उद्धरित्वा वा भिन्दित्वा वा पटिग्गहे वा नीहरित्वा वा छट्ठेती”ति इदं अनापत्तियं अधिकं। तत्थ **उद्धरित्वा** वाति सित्थानि उदकतो उद्धरित्वा, एकस्मिं ठाने रासिं कत्वा उदकं छट्ठेति। **भिन्दित्वा** वाति सित्थानि भिन्दित्वा उदकगतिकानि कत्वा छट्ठेति। **पटिग्गहे** वाति पटिग्गहेन पटिच्छन्तानं पटिग्गहे छट्ठेति। **नीहरित्वा**ति बहि नीहरित्वा छट्ठेति, एवं छट्ठेन्तस्स अनापत्ति।

तिसभोजनपटिसंयुत्तसिक्खापदवण्णना निद्रुति।

५७. छत्तपाणिसिक्खापदवण्णना

धम्मदेसनापटिसंयुत्तेसु पठमे यंकिञ्चि छत्तं पाणिमिह अस्साति **छत्तपाणि**। सो तं छत्तं यत्थकत्थचि सरिंरावयवे ठपेत्वापि याव हत्थेन न मुञ्चति, तावस्स धम्मं देसेतुं न वट्ठति। सचे पनस्स अञ्जो छत्तं धरेति, पस्से वा ठितं होति, हत्थतो अपगतमत्ते छत्तपाणि नाम न होति, तस्स देसेतुं वट्ठति। धम्मपरिच्छेदो चेत्थ पदसोधम्मं वुत्तनयेनेव वेदितब्बो।

५८-५९. दण्डपाणिसिक्खापदवण्णना

दुतिये **दण्डो** नाम मज्झिमस्स पुरिसस्स चतुहत्थप्पमाणो, दण्डपाणिभावो पनस्स छत्तपाणिमिह वुत्तनयेनेव वेदितब्बो। ततियेपि एसेव नयो। असिं सन्निहित्वा ठितोपि हि सत्थपाणिसङ्ख्यं न गच्छति।

६०. आवुधपाणिसिक्खापदवण्णना

चतुत्थे सब्बापि धनुविकति सद्धिं सरविकतिया **आवुधन्ति** वेदितब्बा, तस्मा सद्धिं वा सरेन धनुं गहेत्वा, सुद्धधनुं वा सुद्धसरं वा सजियधनुं वा निज्जियधनुं वा गहेत्वा ठितस्स वा निसिन्तस्स वा धम्मं देसेतुं न वट्ठति। सचे पनस्स धनु खन्धेपि पटिमुक्कं होति, याव न गण्हाति, ताव वट्ठति।

६१-६२. पादुकसिक्खापदवण्णना

पञ्चमे **पादुकारुळहस्सा**ति छत्तदण्डके अङ्गुलन्तरिकं अप्पवेसेत्वा केवलं अक्कन्तस्स वा, पवेसेत्वा ठानवसेन पटिमुक्कस्स वा। छट्ठेपि एसेव नयो। इध पन ख्यायं पण्हिकबन्धं ओमुञ्चित्वा ठानवसेन “ओमुक्को”ति वुच्चति, तस्सापि न वट्ठति।

६३. यानसिक्खापदवण्णना

सत्तमे सचंपे द्वीहि जनेहि हत्थसङ्काटेन गहितो, साटके वा ठपेत्वा वंसेन वय्हति, अयुत्ते वा वय्हादिके याने विसङ्कुरित्वा वा ठपिते चक्कमत्तेपि निसिन्तो होति, **यानगतो**त्वेव सङ्गं गच्छति। सचे पन द्वेपि एकयाने निसिन्ना होन्ति, वट्ठति। विसुं निसिन्नेसुपि उच्चं याने निसिन्नेन नीचे निसिन्तस्स देसेतुं वट्ठति, समप्पमाणेपि वट्ठति, तथा पुरिमं निसिन्नेन पच्छिमं निसिन्तस्स। पच्छिमं पन उच्चतरेपि निसिन्नेन देसेतुं न वट्ठति।

६४. सयनसिक्खापदवण्णना

अट्ठमे **सयनगतस्सा**ति अन्तमसो कटसारकेपि पकतिभूमियम्पि निपन्नस्स उच्चेपि मज्जे वा पीठे वा भूमिपदेसे वा ठितेन निसिन्नेन वा देसेतुं न वट्ठति। सयनगतेन पन सयनगतस्स उच्चतरे वा समप्पमाणे वा निपन्नेन देसेतुं वट्ठति। निपन्नेन पन ठितस्स वा निसिन्तस्स वा निपन्नस्स वा, निसिन्नेन च ठितस्स वा निसिन्तस्स वा, ठितेन ठितस्सेव वट्ठति।

६५. पल्लत्थिकसिक्खापदवण्णना

नवमे हत्थपल्लत्थिकादीसु याय कायचि निसिन्तस्स देसेतुं न वट्ठति।

६६. वेठितसिक्खापदवण्णना

दसमे **वेठितसीसस्सा**ति दुस्सवेठेन वा मोळिआदीहि वा यथा केसन्तो न दिस्सति, एवं वेठितसीसस्स, तेनेवस्स अनापत्तियं “केसन्तं विवरापेत्वा देसेती”ति (पाचि० ६४३) वुत्तं।

६७. ओगुण्ठितसिक्खापदवण्णना

एकादसमे **ओगुण्ठितसीसस्सा**ति ससीसं पारुतस्स, अनापत्तियं पनेत्थ “सीसं विवरापेत्वा देसेती”ति (पाचि० ६४४) अधिकं।

६८. छमासिक्खापदवण्णना

द्वादसमे **छमायं निसीदित्वा**ति भूमियं निसीदित्वा। **आसने**ति अन्तमसो वत्थम्पि तिणानिपि सन्थरित्वा निसिन्तस्स।

६९. नीचासनसिक्खापदवण्णना

तेरसमे **उच्चे आसने**ति अन्तमसो भूमिपदेसेपि उन्नतप्पदेसे निसिन्तस्स।

७०. ठितसिक्खापदवण्णना

चुद्दसमे न **ठितो निसिन्तस्सा**ति सचे थेरस्स उपड्डानं गन्त्वा ठितं दहरं आसने निसिन्तो महाथेरो पज्जं पुच्छति, न कथेतब्बं। गारवेन पन थेरं “उट्ठित्वा पुच्छा”ति वत्तुं न सक्का, तस्मा “पस्से ठितस्स भिक्खुनो कथेस्सामी”ति कथेतुं वट्ठति।

७१. पच्छतोगमनसिक्खापदवण्णना

पन्नरसमे सचे पुरतो गच्छन्तो पज्जं पुच्छति, तस्स तं अकथेत्वा “पच्छिमस्स भिक्खुनो कथेस्सामी”ति कथेतब्बं। सद्धिं उग्गहितधम्मं पन सज्झायितुं, समधुरेन वा गच्छन्तस्स कथेतुं वट्ठति।

७२. उप्पथेनगमनसिक्खापदवण्णना

सोळसमे न उप्पथेनाति एत्थ सचे द्वेपि सकटमग्गस्मिं एकेकचक्कपथेन वा उप्पथेन वा समधुरं गच्छन्ति, वट्ठति ।

७३. ठितोउच्चारसिक्खापदवण्णना

सत्तरसमे “असञ्चिच्चा”ति अनापत्तियं सचे पटिच्छन्नद्वानं गच्छन्तस्स सहसा उच्चारो वा पस्सावो वा निक्खमति, असञ्चिच्च कतो नाम होति ।

७४. हरितेउच्चारसिक्खापदवण्णना

अट्टारसमे यम्पि जीवमानरुक्खस्स मूलं पथवियं दिस्समानं गच्छति, साखा वा भूमिलग्गा गच्छति, सब्बं हरितसङ्घातमेव । खन्धे निसीदित्वा पन अप्पहरितद्वाने पातेतुं वट्ठति । सचे अप्पहरितद्वानं ओलोकेन्तस्सेव सहसा निक्खमति, गिलानद्वाने ठितो होति, “अप्पहरिते कतो हरितं ओत्थरती”ति (पाचिं ६५२) इदमेत्थ अनापत्तियं अधिकं । तत्थ सचेपि अप्पहरितं अलभन्तेन तिण्णदुपकं वा पल्लण्डुपकं वा उपेत्वा कतो पच्छा हरितं ओत्थरति, वट्ठतियेव । खेळेन चेत्थ सिङ्गाणि कापि सङ्गहिता ।

७५. उदकेउच्चारसिक्खापदवण्णना

एकूनवीसतिमे न उदकेति एतं परिभोगउदकमेव सन्धाय वुत्तं, वच्चकुटिसमुहादिउदकेसु पन अपरिभोगेसु अनापति । देवे वस्सन्ते समन्ततो उदकोधे जाते अनुदकद्वानं अलभन्तेन उदके कातुं वट्ठति, इधापि “थले कतो उदकं ओत्थरती”ति (पाचिं ६५४) इदं अनापत्तियं अधिकं, सेसं सब्बसिक्खापदेसु उत्तानमेव ।

समुद्धानादिदीपनत्थाय पनेत्थ इदं पकिण्णकं — उज्जग्घिकउच्चासहपटिसंयुत्तानि चत्तारि, सकबळेन मुखेन ब्याहरणं एकं, छमानीचासननिसिन्निठितपच्छतो गमनउप्पथगमनपटिसंयुत्तानि पञ्चाति इमानि दस सिक्खापदानि समनुभासनसमुद्धानानि, एकेकमेत्थ किरियं, सञ्जाविमोक्खं, सचित्तकं, लोकवज्जं, कायकम्मं, वचीकम्मं, अकुसलचित्तं, दुक्खवेदनं । सूपोदनविज्जतिसिक्खापदं थैय्यसत्थसमुद्धानं, किरियं, सञ्जाविमोक्खं, सचित्तकं, लोकवज्जं, कायकम्मं, वचीकम्मं, अकुसलचित्तं, दुक्खवेदनं । छत्तपाणिदण्डपाणिसत्थपाणि आवुधपाणिपादुकाउपाहनयानसयनपल्लत्थिकवेठितओगुण्ठितनामकानि एकादस धम्मदेसनासमुद्धानानि, किरियाकिरियानि, सञ्जाविमोक्खानि, सचित्तकानि, लोकवज्जानि, वचीकम्मनि, अकुसलचित्तानि, दुक्खवेदानि । सेसानि तेपण्णास पठमपाराजिकसमउद्धानादिभेदानीति ।

एकूनवीसतिधम्मदेसनापटिसंयुत्तसिक्खापदवण्णना निड्डिता ।

कङ्कावितरणिया पातिमोक्खवण्णनाय

सेखियवण्णना निड्डिता ।

अधिकरणसमथवण्णना

अधिकरणसमथेसु सत्ताति तेसं गणनपरिच्छेदो । अधिकरणानि समेन्ति वूपसमेन्तीति अधिकरणसमथा । उद्देसं आगच्छन्तीति आपत्ताधिकरणसङ्घातासु च अवसेसाधिकरणतयपच्चयासु च आपत्तीसु परिसुद्धभावं पुच्छन्त्यं उद्दिशितब्बतं आगच्छन्ति । उप्पन्नुप्पन्नानन्ति उप्पन्नानं उप्पन्नानं । अधिकरणानन्ति विवादाधिकरणं अनुवादाधिकरणं आपत्ताधिकरणं किच्चाधिकरणन्ति इमेसं चतुन्नं । समथाय वूपसमायाति समनत्थज्जेव वूपसमनत्थज्ज समुखाविनयो दातब्बो...पे... तिणवत्थारकोति इमे सत्त समथा दातब्बा । तत्रायं विनिच्छयो — अधिकरणेसु ताव “धम्मो”ति वा, “अधम्मो”ति वा अट्टारसहि वत्थुहि विवदन्तानं भिक्खुनं यो विवादो, इदं विवादाधिकरणं नाम । सीलविपत्तिया वा आचारदिट्ठिआजीवविपत्तिया वा अनुवदन्तानं यो अनुवादो उपवदना चेव चोदना च, इदं अनुवादाधिकरणं नाम । मातिकाय आगता पञ्च, विभङ्गे द्वेति सत्तिपि आपत्तिक्खन्था आपत्ताधिकरणं, नाम । यं सङ्गस्स अपलोकनादीनं चतुन्नं कम्मानं करणं, इदं किच्चाधिकरणं नाम ।

तत्थ विवादाधिकरणं (चूळव० २२८) द्वीहि समथेहि सम्मति समुखाविनयेन च येभ्युसिकाय च, समुखाविनयेनेव सम्मानं यस्मिं विहारे उप्पन्नं, तस्मिंयेव वा, अज्जत्थ वूपसमेतुं गच्छन्तानं अन्तरामगे वा, यत्थ गन्त्वा सङ्गस्स निव्यातितं, तत्थ सङ्गेन वा वूपसमेतुं असक्कोन्ते तत्थेव उब्बाहिकाय सम्मतपुग्गलेहि वा विनिच्छितं सम्मति, एवं सम्माने च पन तस्मिं या सङ्गसमुखता धम्मसमुखता विनयसमुखता पुग्गलसमुखता अयं समुखाविनयो नाम । तत्थ च कारकसङ्गस्स सङ्गसामगिवसेन समुखीभावो सङ्गसमुखता, समेतब्बस्स वत्थुनो भूतता धम्मसमुखता, यथा तं समेतब्बं, तथेवस्स समनं विनयसमुखता, यो च विवदति, येन च विवदति, तेसं उभिन्नं अत्थपच्चत्थिकानं समुखीभावो पुग्गलसमुखता । उब्बाहिकाय वूपसमेने पनेत्थ सङ्गसमुखता परिहायति, एवं ताव समुखाविनयेनेव सम्मति ।

सचे पनेवम्पि न सम्मति, अथ न उब्बाहिकाय सम्मता भिक्खु “न मयं सक्कोम वूपसमेतुं”न्ति सङ्गस्सेव निव्यातेन्ति, ततो सङ्गो पञ्चङ्गसमन्नागतं भिक्खुं सलाकग्गाहापकं सम्मन्तिवा तेन गुळहकविवट्टकसकण्णजपकेसु तीसु सलाकग्गाहेसु अज्जतरवसेन सलाकं गाहेत्वा सन्निपतितपरिसाय धम्मवादीनं येभ्युयताय यथा ते धम्मवादीनो वदन्ति, एवं वूपसन्तं अधिकरणं समुखाविनयेन च येभ्युसिकाय च वूपसन्तं होति । तत्थ समुखाविनयो वुत्तनयो एव, यं पन येभ्युसिककम्मस्स करणं । अयं येभ्युसिका नाम, एवं विवादाधिकरणं द्वीहि समथेहि सम्मति ।

अनुवादाधिकरणं (चूळव० २३६) चतुहि समथेहि सम्मति समुखाविनयेन च सतिविनयेन च अमूळहविनयेन च तस्सपापियसिकाय च । समुखाविनयेनेव सम्मानं यो च अनुवदति, यज्ज अनुवदति, तेसं वचनं सुत्वा सचे काचि आपत्ति नत्थि, उभो खमापेत्वा, सचे अत्थि, “अयं नामेत्थ आपत्ती”ति एवं विनिच्छितं वूपसम्मति, तत्थ समुखाविनयलक्खणं वुत्तनयमेव । यदा पन खीणासवस्स भिक्खुनो अमूलिकाय सीलविपत्तिया अनुद्धंसितस्स सतिविनयं याचमानस्स सङ्गो जत्तिचतुत्थेन कम्मेन सतिविनयं देति, तदा समुखाविनयेन च सतिविनयेन च वूपसन्तं होति, दिन्ने पन सतिविनये पुन तस्मिं पुग्गले कस्सचि अनुवादो न रुहति । यदा उम्मतको भिक्खु उम्मादवसेन गते अस्सामणके अज्झाचारे “सरतायस्मा एवरूपि आपत्ति”न्ति भिक्खुहि चोदियमानो “उम्मतकेन मे, आवुसो, एतं कतं, नाहं तं सरामी”ति भणन्तोपि भिक्खुहि चोदियमानो पुन अचोदन्त्याय अमूळहविनयं याचति, सङ्गो चस्स जत्तिचतुत्थेन कम्मेन अमूळहविनयं देति । तदा समुखाविनयेन च अमूळहविनयेन च वूपसन्तं होति, दिन्ने पन अमूळहविनये पुन तस्मिं पुग्गले कस्सचि तपच्चया अनुवादो न रुहति ।

यदा पन पाराजिकेन वा पाराजिकसामन्तेन वा चोदियमानस्स अज्जेनज्जं पटिचरतो पापुस्सन्ताय पापियस्स पुग्गलस्स “सचायं अच्छिन्नमूलो भविस्सति, सम्मा वत्तिवा ओसारणं लभिस्सति, सचे छिन्नमूलो, सयमेवस्स नासना भविस्सती”ति मज्जमानो सङ्गो जत्तिचतुत्थेन कम्मेन तस्सपापियसिकं कम्मं करोति, तदा समुखाविनयेन च तस्सपापियसिकाय च वूपसन्तं होति, एवं अनुवादाधिकरणं चतुहि समथेहि सम्मति ।

आपत्ताधिकरणं (चूळव० २३९) तीहि समथेहि सम्मति समुखाविनयेन च पटिज्जातकरणेन च तिणवत्थारकेन च । तस्स समुखाविनयेनेव वूपसमो नत्थि, यदा पन एकस्स वा भिक्खुनो, निस्सगियवण्णनायं वुत्तनयेन सङ्गणमज्झेसु वा भिक्खु लहुकं आपत्तिं देसेति, तदा आपत्ताधिकरणं समुखाविनयेन च पटिज्जातकरणेन च वूपसम्मति । तत्थ समुखाविनये ताव यो च देसेति, यस्स च देसेति, तेसं समुखीभावो पुग्गलसमुखता, सेसं वुत्तनयमेव । पुग्गलस्स च गणस्स च देसनाकाले सङ्गसमुखता परिहायति ।

या पनेत्थ “अहं, भन्ते, इत्थन्नामं आपत्तिं आपन्नो”ति च, “पस्ससी”ति, “आम पस्सामी”ति च पटिज्जा, ताव “आर्याति संवरेय्यासी”ति करणं पटिज्जातकरणं नाम । सङ्गादिसेसे परिवासादियाचना

पटिज्जा, परिवासादीनं दानं पटिज्जातकरणं नाम । द्वेपक्खजाता पन भण्डनकारका भिक्खू बहुं अस्सामणकं अज्झाचारं चरित्वा पुन लज्जिधम्मं उप्पन्ने “सचे मयं इमाहि आपत्तीहि अज्जमज्जं करिस्साम, सियापि तं अधिकरणं कक्खळत्थाय वाळत्थाय संवत्तेय्या”ति अज्जमज्जं आपत्तिया कारापने दोसं दिस्वा यदा तिणवत्थारककम्मं करोन्ति, तदा आपत्ताधिकरणं सम्मुखाविनयेन च तिणवत्थारकेन च सम्मति । तत्र हि यत्तका हत्थपासूपगता “न मेतं खमती”ति एवं दिट्ठाविकम्मं अकत्वा निहम्पि ओक्कमन्ता होन्ति, सब्बेसं ठपेत्वा थुल्लवज्जञ्च गिहिण्टिसंयुत्तञ्च सब्बापत्तियो वुड्डहन्ति, एवं आपत्ताधिकरणं तीहि समथेहि सम्मति ।

किच्चाधिकरणं (चूळव० २४२) एकेन समथेन सम्मति सम्मुखाविनयेनेव । इति इमानि चत्तारि अधिकरणानि यथानुरूपं इमेहि सत्तहि समथेहि सम्मन्ति, तेन वुत्तं “उप्पन्नुप्पन्नानं अधिकरणानं समथाय वूपसमाय सम्मुखाविनयो दातब्बो...पे०... तिणवत्थारको”ति । अयमेत्थ विनिच्छयनयो, वित्थारो पन समथक्खन्धके आगतोयेव, विनिच्छयोपिस्स समन्तपासादिकार्यं वुत्तो ।

तत्थायस्मन्ते पुच्छामि, कच्चित्थ परिसुद्धाति तेसु सत्तसु अधिकरणसमथेसु कच्चित्थ परिसुद्धा, नत्थि वो किञ्चि समथेहि वूपसमेतब्बन्ति पुच्छामि, एतेन सब्बापत्तीहि परिसुद्धभावो पुच्छितो होति ।

उड्डिट्ठो खो आयस्मन्तो निदानन्ति आदि निगमनवचनं । तत्थ एत्तकन्ति एत्तकं सिक्खापदं । **सुत्तागतन्ति** सुत्ते पातिमोक्खे आगतं । **सुत्तपरियापन्नन्ति** तत्थेव अन्तोगधं । **अन्वद्धमासं उद्देसं आगच्छतीति** अद्धमासे अद्धमासे उपोसथवसेन उद्देसितब्बतं आगच्छति । **समग्गेहीति** कायसामग्विषयेन समग्गेहि । **सम्पोदमानेहीति** चित्तसामग्विषयेन एकज्झासयताय सुद्ध मोदमानेहि । **अविवदमानेहीति** अट्टारससु विवादवत्थसु अज्जतरवसेनापि अविवदमानेहि । **सिक्खितब्बन्ति** तं तं सिक्खापदं अवीतिकमन्तेहि अधिसीलसिक्खा सम्पादेतब्बा । अन्तरन्तरा पन यं न वुत्तं, तं सब्बं पुरिमे पुरिमे सिक्खापदे वुत्तता चेव उत्तानत्थता चाति ।

अधिकरणसमथवण्णना निट्ठिता ।

कङ्कावितरणिा पातिमोक्खवण्णनाय

भिक्खुपातिमोक्खवण्णना निट्ठिता ।

॥ नमो तस्स भगवतो अरहतो सम्मसम्बुद्धस्स ॥

भिक्खुनीपातिमोक्खवण्णना

पाराजिककण्डो

भिक्खुनीनं हितत्थाय, पातिमोक्खं पकासयि ।
यं नाथो, तस्स दानेसो, सम्पत्तो वण्णनावकमो ॥

साधारणपाराजिकं

१...पे०...४. मेथुनधम्मसिक्खापदवण्णना

तत्थ **सुणातु** भेति आदीनं भिक्खुपातिमोक्खवण्णनायं वुत्तनयेनेव अत्थो वेदितब्बो । केवलज्झि, भन्ते, अय्येति आदिवसेन तस्मिञ्च इध च अभिलापमत्तमेव लिङ्गभेदमत्तञ्च विसेसो । यस्मा च भिक्खुनिया सिक्खापच्चक्खानं नाम नत्थि, तस्मा भिक्खुनीनं “सिक्खासाजीवसमापना सिक्खं अपच्चक्खाय दुब्बल्यं अनाविकत्वा”ति अवत्वा **या पन भिक्खुनी छन्दसो मेथुनं धम्मं पटिसेवेय्याति** वुत्तं । तत्थ **छन्दसोति** मेथुनरागपटिसंयुत्तेन छन्देन चेव रुचिया च । छन्दे पन असति बलक्कारेन पर्थसिताय अनापत्ति, तस्मा या परिपुण्णपूषसम्पदा भिक्खुनी मनुस्सामनुस्सतिरच्छानजातीसु पुरिसउभतोब्यज्जनकपण्डकानं यस्स कस्सचि सजीवस्स वा निज्जीवस्स वा सन्थतस्स वा असन्थतस्स वा अक्खायितस्स वा येभुय्येन अक्खायितस्स वा अङ्गजातस्स अत्तनो वच्चमगपस्सावमग्गमुखेसु तीसु यत्थकत्थचि सन्थते वा असन्थते वा पकतिवातेन असंफुट्टे अल्लोकासे अन्तमसो तिलफलमत्तमि पदेसं छन्दसो पवेसेति, परेन वा पवेसियमाना पवेसनपविट्ठितउद्धरणेसु यकिञ्चि सादियति, अयं पाराजिका होति । सेसमेत्थ इतो परेसु च साधारणसिक्खापदेसु वुत्तनयानुसारेनेव वेदितब्बं ।

असाधारणपाराजिकं

५. उब्भजाणुमण्डलिकासिक्खापदवण्णना

असाधारणेसु पन चतुन्नं ताव पाराजिकानं पठमे **अवस्सुताति** कायसंसगारागेन तिन्ता, किलिन्नाति अत्थो । द्रुतियपदेपि एसेव नयो । **पुरिसपुगलस्साति** कायसंसगं समापज्जितुं विज्जुस्स मनुस्सजातिकस्स पुरिससङ्घातस्स पुगलस्स । **अधक्खकन्ति** अत्तनो अक्खकानं अधो । **उब्भजाणुमण्डलन्ति** जाणुमण्डलानं उपरि, एत्थ च उब्भक्कप्परमि उब्भजाणुमण्डलेनेव सङ्गहितं । **आमसन्ति** आमज्जनं फुट्टोकासं अनतिकमत्तिता तत्थेव सङ्गट्टनं । **परामसन्ति** इतो चितो च सञ्चरणं । **गहणन्ति** गहितमत्तं । **छुपन्ति** असङ्गट्टेत्वा फुट्टमत्तं । **पटिपीळन्ति** अङ्गे गहेत्वा निपीळनं । **सादियेय्याति** या भिक्खुनी अत्तनो यथापरिच्छिन्ने काये पुरिसस्स एतं आमसनादिं सादियति, सयं वा पन तेन कायेन पुरिसस्स यकिञ्चि कायप्पदेसं सादयमाना छुपति, अयं उब्भजाणुमण्डलिका नाम पाराजिकाति अयमेत्थ सङ्केपो ।

“निदानं पुगलं वत्थु”न्ति आदिके (कङ्का० अट्ठ० पठमपाराजिकवण्णना) तेन वित्थारविनिच्छये यस्मा सब्बानेव असाधारणपञ्चत्तियो होन्ति, तस्मा इतो पट्ठाय सन्ति अनुपज्जतिं वत्त्वा साधारणपञ्चत्तीति वा असाधारणपञ्चत्तीति वा न वक्खाम, आणत्तियं यत्थ आणत्ति नत्थि, तत्थ किञ्चि अवत्वा यत्थ अत्थि, तत्थेव वक्खाम, विपत्तिविचारणा वुत्तायेव ।

अवसेसं पन सब्बत्थ वत्तब्बं, तयिदं वुच्चयति, इदं ताव सिक्खापदं सावत्थियं सुन्दरीनन्दं आरब्ध कायसंसगं समापज्जनवत्पुस्मिं पञ्जत्तं, एकतो अवस्सुते यथापरिच्छिन्नेन कायेन पुरिसस्स कायं, उभतो अवस्सुतेपि कायेन कायप्पटिबद्धं, यथापरिच्छिन्नकायप्पटिबद्धेन वा अवसेसकायेन वा तस्स कायं आमसन्तिया थुल्लच्चयं, यक्खपेतपण्डकतिरच्छानगतमनुस्सविगहानं उभतो अवस्सुते यथापरिच्छिन्नेन कायेन कायं आमसन्तियापि थुल्लच्चयं, सचे पन पुरिसस्स कायसंसगारागो नत्थि, पाराजिकक्खेतेपि थुल्लच्चयमेव । अवसेसे पन कायप्पटिबद्धेन कायप्पटिबद्धादिभेदे, मेथुनरागगेहसितपेमेसु च सब्बत्थ दुक्कटं । असञ्चिच्च, अस्सतिया, अजानन्तिया, असादियन्तिया, उम्मत्तिकादीनञ्च अनापत्ति । अङ्गानि समुट्ठानादीनि च भिक्खुपातिमोक्खे कायसंसगो वुत्तनयेनेव वेदितब्बानीति ।

उब्भजाणुमण्डलिकासिक्खापदवण्णना निट्ठिता ।

६. वज्जप्पटिच्छादिकासिक्खापदवण्णना

दुतिये गणस्साति अज्जासं भिक्खुनीनं । ठिताति सल्लिङ्गे ठिता । चुताति कालङ्कता । नासिताति लिङ्गनासनाय सयं वा नट्ठा, अज्जेहि वा नासिता । अवस्सटाति तित्थायतनं सङ्कन्ता । पुब्बेवाहं अय्ये अज्जासिन्ति इदं तस्सा वचनकालदस्सनं, सल्लिङ्गे ठिताय पन पाराजिकभावं जत्वा “न दानि नं कस्सचि आरोचेस्सामी”ति धुरे निक्खित्तमत्तेयं अयं वज्जपटिच्छादिका नाम पाराजिका होतीति ।

सावत्थियं थुल्लनन्दं आरब्ध नेव अत्तनापटिचोदना नगणस्स आरोचनवत्थुस्मिं पञ्जत्तं, सेसमेत्थ सप्पाणकवग्गमि दडुल्लापत्तिपटिच्छादनसिक्खापदे वुत्तनयेनेव वेदितब्बं । तत्र हि पाचित्तियं, इध पाराजिकन्ति अयमेव विसेसो, सेसं तादिसमेवाति ।

वज्जपटिच्छादिकासिक्खापदवण्णना निड्डिता ।

७. उक्खित्तानुवत्तिकासिक्खापदवण्णना

ततिये उक्खित्तन्ति आपत्तिया अदस्सनादीसु उक्खित्तं । धम्मेनाति भूतेन वत्थुना । विनयेनाति चोदेत्वा सारेत्वा । सत्थुसासनेनाति इधापि चोदेत्वा सारेत्वा करणमेव सत्थुसासनं नाम । अनादरन्ति येन सङ्केन उक्खेपनियकम्मं कर्तं, तस्मिं वा, तत्थ परियापन्नगणे वा एकपुग्गले वा तस्मिं वा कम्मे आदरवरहितं, सम्भावत्तनाय अवत्तमानन्ति अत्थो । अपटिकारन्ति पटिकाररहितं, अनोसारितन्ति अत्थो । अकतसहायन्ति एककम्मादिके संवासे सह अयनभावेन समानसंवासका भिक्खु सहाया नाम, यस्स पन सो संवासो तेहि सङ्घि नत्थि न तेन ते सहाया कता होन्ति, इति सो अकतसहायो नाम, तं अकतसहायं, समानसंवासकभावं अनुपगतन्ति अत्थो । तमनुवत्तेय्याति तं उक्खित्तकं उक्खित्तकभावेयेव ठितं भिक्खुं वा भिक्खुनीं यंदिट्ठिको सो होति, तां दिट्ठिया गहणभावेन अनुवत्तेय्य । सा भिक्खुनी भिक्खुनीहि सङ्गभेदसिक्खापदादीसु वुत्तनयेन विसुं सङ्गमज्जे च वुच्चमाना तं वत्थुं अपटिनिस्सज्जन्ती समनुभासनकम्मपरियोसाने उक्खित्तानुवत्तिका नाम पाराजिका होतीति ।

सावत्थियं थुल्लनन्दं आरब्ध उक्खित्तानुवत्तनवत्थुस्मिं पञ्जत्तं, जत्तिया दुक्कटं, द्वीहि कम्मवाचाहि द्वे थुल्लच्चया, “यस्सा नक्खमति, सा भासेय्या”ति एवं य्य-कारणत्ताय ततियकम्मवाचाय पाराजिकं, अधम्मकम्मे तिकदुक्कटं, सेसं सङ्गभेदसिक्खापदादीसु वुत्तनयेनेव वेदितब्बं ।

उक्खित्तानुवत्तिकासिक्खापदवण्णना निड्डिता ।

८. अट्ठवत्थुकासिक्खापदवण्णना

चतुत्थे अवस्सुताति लोकस्सादमित्तसन्थववसेन कायसंसगगरागेन तित्ता । अयमेव हि अत्थो सीहळमातिकाडुकथायं वुत्तो, समन्तपासादिकायं (पाचि० अट्ठ० ६७५) पनस्स विचारणा कता, दुतियपदेपि एसेव नयो । पुरिसपुग्गलस्स हत्थगहणं वाति आदीसु पन यं पुरिसपुग्गलेन हत्थे गहणं कर्तं, तं “पुरिसपुग्गलस्स हत्थगहणं”न्ति वुत्तं, एसेव नयो सङ्घाटिकण्णगहणेपि । हत्थगहणन्ति एत्थ च यस्स कस्सचि अपाराजिककखेत्तभूतस्स अङ्गस्स गहणं हत्थगहणं, यस्स कस्सचि निवत्थस्स वा पारुतस्स वा गहणं सङ्घाटिकण्णगहणं । सन्तिट्ठेय्य वाति आदीसु कायसंसगसङ्घातस्स असङ्गमस्स पटिसेवनत्थाय पुरिसस्स हत्थपासे सन्तिट्ठेय्य वा, तत्थ ठिता सल्लपेय्य वा, पुरिसेन वा “इत्थन्नामं ठानं आगच्छा”ति वुत्ता तं सङ्केतं गच्छेय्य, तस्स वा पुरिसस्स अब्भागमनं सादियेय्य, येन केनचि वा पटिच्छन्नं ओकासं पविसेय्य, पुरिसस्स हत्थपासे ठत्वा कायं उपसंहरेय्याति एवमत्थो दडुब्बो । अयमि पाराजिकाति यथा पुरिमायो, एवं अयमि भिक्खुनी एतस्स कायसंसगसङ्घातस्स असङ्गमस्स पटिसेवनत्थाय एतानि अट्ठ वत्थूनि पटिपाटिया वा उपपटिपाटिया वा पूरेत्वा अट्ठवत्थुका नाम पाराजिका होतीति ।

सावत्थियं छब्बगिया भिक्खुनियो आरब्ध अट्ठमं वत्थुं परिपूर्णवत्थुस्मिं पञ्जत्तं, सङ्केतगमने पदे पदे दुक्कटं, पुरिसस्स हत्थपासं ओक्कन्तमत्ते थुल्लच्चयं, पुरिसस्स अब्भागमनसादयमानेपि दुक्कटं । हत्थपासोक्कमने थुल्लच्चयं, सेसेसु एकेकस्मिं थुल्लच्चयमेव, अट्ठमे परिपुण्णे पाराजिकं । एकेकस्मिं पन वत्थुस्मिं सतक्खत्तुम्पि वीतिक्कन्ते ता आपत्तियो देसेत्वा मुच्चति, अपिचेत्थ गणनूपिका आपत्ति वेदितब्बा, “इदानि नापज्जिस्सामी”ति हि धुरनिकखेपं कत्वा देसिता गणनूपिका, देसितगणनं उपेति, पाराजिकस्स अङ्गं न होति । तस्मा या एकं आपन्ना धुरनिकखेपं कत्वा देसेत्वा पुन किलेसवसेन आपज्जति, पुनरपि देसेति, एवं अट्ठमं परिपूरेत्तीपि पाराजिका न होति । या पन आपज्जित्वा “पुनरपि अज्जं वत्थुं आपज्जिस्सामी”ति सउस्साहाव देसेति, तस्सा सा आपत्ति अगणनूपिका, देसितापि अदेसिता होति, पाराजिकस्स अङ्गं होति । असज्जिच्च, अस्सतिया, अजानन्तिया असादियन्ति, उम्मात्तिकादीनञ्च अनापत्ति । कायसंसगगरागो, सउस्साहता, अट्ठमस्स वत्थुस्स पूरणन्ति इमानेत्थ तीणि अङ्गानि । समनुभासनसमुद्धानं, किरियाकिरियं, सज्जाविमोक्खं, सचित्तकं, लोकवज्जं, कायकम्मं, वचीकम्मं, अकुसलचिन्तं, द्विवेदनन्ति ।

अट्ठवत्थुकासिक्खापदवण्णना निड्डिता ।

उद्दिट्ठा खो अय्यायो अट्ठ पाराजिका धम्माति भिक्खू आरब्ध पञ्जत्ता साधारणा चत्तारो, इमे चत्तारोति एवं पातिमोक्खुद्देसमग्गेन अट्ठ पाराजिका धम्मा उद्दिट्ठाति एवमेत्थ अत्थो वेदितब्बो, सेसं भिक्खुपातिमोक्खवण्णनायं वुत्तनयेमेवाति ।

कङ्कवितरणिंया पातिमोक्खवण्णनाय

भिक्खुनिपातिमोक्खे

पाराजिकवण्णना निड्डिता ।

सङ्घादिसेसकण्डो

१. उस्सयवादिकासिक्खापदवण्णना

सङ्घादिसेसेसु पठमे उस्सयवादिकाति मानुस्सयवसेन कोधुस्सयवसेन अट्ठकरणत्थाय विनिच्छयमहामत्तानं सन्तिके विवदमाना । गहपतिना वाति आदीहि ठपेत्वा पञ्च सहधम्मिके अवसेसा गहट्ठपज्जिता सङ्गहिता । अयं भिक्खुनी पठमापत्तिकन्ति आदिमि पठमं आपत्ति एतस्साति पठमापत्तिको, वीतिक्कमक्खणेयेव आपज्जितब्बोति अत्थो, तं पठमापत्तिकं । आपन्नाति अट्ठपरियोसाने आपन्ना । भिक्खुनि सङ्घतो निस्सारतीति निस्साराणीयो, तं निस्साराणीयं । सङ्घादिसेसन्ति एवंनामकं ।

सावत्थियं थुल्लनन्दं आरब्ध उस्सयवादिकवत्थुस्मिं पञ्जत्तं, साणत्तिकं, “अट्ठं करिस्सामी”ति यंकिञ्चि दुतियिकं वा सक्खिं वा सहायं वा परियेसन्ति परियेसने दुक्कटं, यत्थ ठिताय “अट्ठं कातुं गच्छामी”ति चित्तं उपज्जति, ततो पट्टाय गच्छन्ति या पदे पदे दुक्कटं, यत्थकर्त्तया अन्तमसो भिक्खुनुपस्सयं आगतपि वोहारिके दिस्वा अत्तनो कथं आरोचेन्ति या दुक्कटं । इतरेन अत्तनो कथाय आरोचिताय भिक्खुनिया थुल्लच्चयं, पठमं इतरेन पच्छा भिक्खुनिया आरोचनेपि एसेव नयो । सचे पन भिक्खुनी तं वदति “मम च तव च कथं त्वंयेव आरोचेही”ति, सो अत्तनो वा कथं पठमं आरोचेतु, तस्सा वा, पठमारोचने भिक्खुनिया दुक्कटं, दुतिये थुल्लच्चयं, तेन एवं वुत्ताय भिक्खुनिया आरोचनेपि एसेव नयो । सचे पन भिक्खुनी अज्जेन कथापेति, तत्रापि एसेव नयो । यथा वा तथा वा हि आरोचियमाने पठमारोचने भिक्खुनिया दुक्कटं, दुतिये थुल्लच्चयं । उभिन्नं पन कथं सुत्वा वोहारिकेहि विनिच्छये कते अट्ठपरियोसानं नाम होति, तस्मिं अट्ठपरियोसाने भिक्खुनिया जयेपि पराजयेपि सङ्घादिसेसो ।

या पन पच्चत्थिकमनुस्सेहि दूतं वा पहिणत्वा, सयं वा आगन्त्वा “एहि, अय्ये”ति आकङ्खियमाना गच्छति, या वा उपस्सये अज्जेहि कतं अनाचारं अनोदिस्स आचिक्खन्ती रक्खं याचति, याय च

किञ्चि अवुत्ता वोहारिका अञ्जतो सुत्वा सयमेव अहुं परियोसापेन्ति, तस्सा, उम्मत्तिकादीनञ्च अनापत्ति। अञ्जेहि अनाकट्ठिताय अडुकरणं, अडुपरियोसानन्ति इमानेत्य द्वे अङ्गानि। समुद्धानादीनि पठमकथिनसदिसानि, इदं पन किरियमेवाति।

उस्सयवादिकासिक्खापदवण्णना निट्ठिता।

२. चोरिवुट्ठापिकासिक्खापदवण्णना

दुतिये याय पञ्चमासग्घनकतो पट्टाय यंकिञ्च परसन्तकं अवहरितं, अयं चोरी नाम, तं चोरिं। वज्झं विदितन्ति तेन कम्मेन “वधारहा अयं”न्ति एवं विदितं। अनपलोकेत्वाति अनापुच्छा। गणन्ति मल्लगणभट्टपुत्तगणादिकं। पूगन्ति धम्मगणं। सेणन्ति गन्धिकसेणिदुस्सिकसेणिआदिकं। यत्थ यत्थ हि राजानो गणादीनं गामनिगमे निव्यातेन्ति “तुम्हेव एत्थ अनुसासथा”ति, तत्थ तत्थ तेयेव इस्सरा होन्ति, तस्मा ते सन्धाय इदं वुत्तं। एत्थ च राजानं वा गणादिके वा अपलोकेत्वापि भिक्खुनिसङ्घो अपलोकेतब्बोव। अञ्जत्र कप्पाति तित्थियेसु वा अञ्जभिक्षुनीसु वा पब्बजितपुब्बा कप्पा नाम, तं ठपेत्वा अञ्जं उपसम्मादेन्तिया गणआचरिनी पत्तचीवरपरियेसनेसु सीमासम्मुतिया जत्तिया च दुक्कटं, द्वीहि कम्मवाचाहि थुल्लच्चयं, कम्मवाचापरियोसाने सङ्गादिसेसो।

सावत्थियं थुल्लनन्दं आरब्ध चोरिं वुट्ठापनवत्थुस्मिं पञ्जत्तं, चोरिया वेमत्तिकाय दुक्कटं, तथा अचोरिया चोरिसञ्जाय चेव वेमत्तिकाय च। अचोरिसञ्जाय, अजानन्तिया, अपलोकेत्वा वुट्ठापेन्तिया, कप्पं वुट्ठापेन्तिया, उम्मत्तिकादीनञ्च अनापत्ति। चोरिता, चोरिसञ्जिता, अञ्जत्र अनुज्जातकारणा वुट्ठापनन्ति, इमानेत्य तीणि अङ्गानि। चोरिवुट्ठापनसमुद्धानं, किरियाकिरियं, सञ्जाविमोक्खं, सचित्तकं, पण्णत्तिवज्जं, कायकम्मं, वचीकम्मं, तिचित्तं, तिवेदनन्ति।

चोरिवुट्ठापिकासिक्खापदवण्णना निट्ठिता।

३. एकगामन्तरगमनसिक्खापदवण्णना

ततिये गामन्तरन्तिआदीसु सकगामतो ताव निक्खमन्तिया अनापत्ति, निक्खमित्वा पन अञ्जं गामं गच्छन्तिया पदे पदे दुक्कटं, एकेन पादेन इतरस्स गामस्स परिकखेपे वा उपचारे वा अतिककन्ते थुल्लच्चयं, दुतियेन अतिककन्तमते सङ्गादिसेसो, ततो निक्खमित्वा पुन सकगामं पविसन्तियापि एसेव नयो। सचे पन खण्डपाकारेन वा वत्तिच्छेदेन वा भिक्खुनिविहारभूमियेव सक्का होति पविसित्तुं, एवं पविसमानाय कप्पियभूमिया पविट्ठा नाम होति, तस्मा वट्ठति। बहिगामे ठत्वा यंकिञ्च सकगामं वा परगामं वा अकप्पियभूमिं पदसा पविसन्तिया आपत्तीति अयमेत्थ सङ्घो।

नदिपारगमे वुत्तलक्खणाय नदिया दुतियिकं विना परतीरं गच्छन्तिया वा अन्तरानदियं दुतियिकाय सङ्घि भण्डित्वा पुन ओरिमतीरमेव पच्चुत्तरन्तिया वा पठमपादं उद्धरित्वा तीरे ठपितक्खणे थुल्लच्चयं, दुतियपादुद्धारे सङ्गादिसेसो। इद्धिसेतुयाननवाहि पन परतीरं ओतरित्तुं, नहानादिकारणेन च ओतिण्णाय ओरिमतीरं पदसापि पच्चुत्तरित्तुं वट्ठति।

रत्तिविपवासे “पुरेअरुणेयेव दुतियिकाय हत्थपासं ओक्कमिस्सामी”ति आभोगं विना एकगम्भेपि दुतियिकाय हत्थपासातिककमे ठत्वा अरुणं उट्ठापेन्तिया आपत्ति।

एका वा गणम्हाति एत्थ पन एका भिक्खुनीपि गणोयेव। ओहीयेय्याति अवहीयेय्य, दस्सनूपचारं वा सवनूपचारं वा विजहेय्याति अत्थो। तस्मा इन्दखीलातिककमतो पट्टाय बहिगामे रुक्खथम्मसाणिपाकारादि अन्तरितभावेनापि दुतियिकाय दस्सनूपचारं विजहिते सचेपि सवनूपचारो अत्थि, आपत्तियेव। अञ्जोकासे पन दूरपि दस्सनूपचारो होति, तत्थ मग्गमूळसहेन विय धम्मस्सवनारोचनसहेन विय च “अये”ति सहायन्तिया सहस्सवनातिककमे आपत्तियेव। सचे पन मग्गं गच्छन्ती ओहीयित्वा “इदानि पापुणिस्सामी”ति सउस्साहा अनुबन्धति, वट्ठति।

सावत्थियं अञ्जतरं भिक्खुनिं आरब्ध गामन्तरगमनवत्थुस्मिं पञ्जत्तं, “एका वा नदिपार”न्तिआदिका एत्थ तिविधा अनुपञ्जत्ति, पुरे अरुणे सकगामतो निक्खमित्वा अरुणुगमनकाले गामन्तरपरियापन्नं नदिपारं ओक्कमनन्तिया पन चतरस्सोपि आपत्तियो एकक्खणेयेव होन्ति। वुत्तम्मि चेत्तं —

“सिक्खापदा बुद्धवरेन वण्णिता।

सङ्गादिसेसा चतुरो भवेय्युं।

आपज्जेय्य एकपयोगेन सब्बा।

पज्हा मेसा कुसलेहि चिन्तिता”ति॥ (परि० ४७९)।

एतेनुपायेन तिण्णं, द्विन्ञ्च एकतोभावो वेदितब्बो। दुतियिकाय पन पक्कन्ताय वा विब्भन्ताय वा कालङ्कताय वा पक्खसङ्कन्ताय वा आपदासु वा गामन्तरगमनादीनि करोन्तिया उम्मत्तिकादीनञ्च अनापत्ति। अन्तरायेन एकतोभावो, गामन्तरगमनादीसु अञ्जतरतापज्जनं, आपदाय अभावोति इमानेत्य तीणि अङ्गानि। समुद्धानादीनि पठमपाराजिकसदिसानि, इदं पन पण्णत्तिवज्जं, तिचित्तं, तिवेदनन्ति।

एकगामन्तरगमनसिक्खापदवण्णना निट्ठिता।

४. उक्खित्तकओसारणसिक्खापदवण्णना

चतुर्थे उक्खित्तन्ति आपत्तिया अदस्सनादीसु उक्खित्तं। अनञ्जाय गणस्स छन्दन्ति तस्सेव कारकसङ्गस्स छन्दं अजानित्वा। ओसारेय्याति ओसारणकम्मं करेय्य। तस्सा एवं करोन्तिया, गणपरियेसने सीमासम्मुतिया जत्तिया च दुक्कटं, द्वीहि कम्मवाचाहि थुल्लच्चयं, कम्मवाचापरियोसाने सङ्गादिसेसो।

सावत्थियं थुल्लनन्दं आरब्ध एवं ओसारणवत्थुस्मिं पञ्जत्तं, तिकसङ्गादिसेसं, अधम्मकम्मे तिकदुक्कटं, कारकसङ्गं वा आपुच्छित्वा, गणस्स वा छन्दं जानित्वा, वत्ते वा वत्तन्ति, असन्ते कारकसङ्गे ओसारन्तिया, उम्मत्तिकादीनञ्च अनापत्ति। धम्मकम्मेन उक्खित्तता, अञ्जत्र अनुज्जातकारणा ओसारणन्ति इमानेत्य द्वे अङ्गानि। समुद्धानादीनि सङ्गभेदसिक्खापदे वुत्तनयानेव, इदं पन किरियाकिरियन्ति।

उक्खित्तकओसारणसिक्खापदवण्णना निट्ठिता।

५. भोजनप्पटिगहणपठमसिक्खापदवण्णना

पञ्चमे अवस्सुताति छन्दरागेन तिन्ता। अवस्सुतस्साति तादिसस्सेव। खादेय्य वा भुज्जेय्य वाति एत्थ पटिगहणे थुल्लच्चयं, अञ्जोहारे अञ्जोहारे सङ्गादिसेसो।

सावत्थियं सुन्दरीनन्दं आरब्ध अवस्सुताय अवस्सुतस्स हत्थतो आमिसप्पटिगहणवत्थुस्मिं पञ्जत्तं, एकतोअवस्सुते पटिगहणे दुक्कटं, अञ्जोहारे अञ्जोहारे थुल्लच्चयं, यक्खपेतपण्डकतिरच्छानगतमनुस्सविग्गहानं हत्थतो उभतोअवस्सुतेपि सति एसेव नयो। तत्थ पन एकतोअवस्सुते सति दुक्कटं, सब्बत्थ उदकदन्तपोनगहणेपि परिभोगेपि दुक्कटमेव। उभोसु अनवस्सुतेसु, “अनवस्सुतो”ति वा जत्वा गणहन्तिया, उम्मत्तिकादीनञ्च अनापत्ति। उदकदन्तपोनतो अञ्जं अञ्जोहरणीयं, उभतोअवस्सुतता, सहत्था गहणं, अञ्जोहरणन्ति इमानेत्य चत्तारि अङ्गानि। समुद्धानादीनि पठमपाराजिकसदिसानीति।

भोजनपटिगहणपठमसिक्खापदवण्णना निड्ढिता ।

६. भोजनपटिगहणदुतियसिक्खापदवण्णना

छट्ठे यतो त्वन्ति यस्मा त्वं । इङ्गाति उय्योजनत्थे निपातो । अयम्पीति या एवं उय्योजेति, सा एवं उय्योजनेन च तेन वचनेन इतरिस्सा पटिगहणेन च दुक्कटानि, अज्झोहारगणनाय थुल्लच्चयानि च आपज्जित्वा भोजनपरियोसाने सङ्गादिसेसं आपज्जति ।

सावत्थियं अज्जतरं भिक्खुनिं आरब्भ एवं उय्योजनवत्थुस्मिं पज्जत्तं, साणत्तिकमेव, पुरिसस्स वा यक्खादीनं वा हत्थतो उदकदन्तपोनपटिगहणुय्योजने च तेसं परिभोगे च दुक्कटं, एस नयो यक्खादीनं हत्थतो अवसेसगहणत्थं उय्योजने, तेसं गहणे, अज्झोहारे च । भोजनपरियोसाने पन थुल्लच्चयं । “अनवस्सुतो”ति जत्त्वा वा, “कुपिता न पटिगहणी”ति वा, “कुलानुदयताय न पटिगहणी”ति वा उय्योजेन्ति या, उम्मतिकादीनञ्च अनापत्ति । मनुस्सपुरिसता, अज्जत्र अनुज्जातकारणा, “खादनीयं भोजनीयं गहेत्वा भुञ्जा”ति उय्योजना, तेन वचनेन गहेत्वा इतरिस्सा भोजनपरियोसानन्ति इमानेत्य तीणि अङ्गानि । समुद्धानादीनि अदिन्नादानसदिसानीति ।

भोजनपटिगहणदुतियसिक्खापदवण्णना निड्ढिता ।

७-८-९. सञ्चरितादिसिक्खापदवण्णना

सत्तमअट्टमनवमसिक्खापदानं सञ्चरितादित्तये वुत्तनयेनेव विनिच्छयो वेदितब्बो ।

सञ्चरितादिसिक्खापदवण्णना निड्ढिता ।

१०. सिक्खंपच्चाचिक्खणसिक्खापदवण्णना

दसमे किंनुमाव समणियोति किंनु इमा एव समणियो । तासाहन्ति तासं अहं । यावत्तित्यकपदत्थो भिक्खुपातिमोक्खवण्णनायं (कङ्का० अट्ट० निगमनवण्णना), अवसेसविनिच्छयो च तत्थेव सङ्गभेदसिक्खापदवण्णनायं वुत्तनयेनेव वेदितब्बो, इदं पन सावत्थियं चण्डकाळिभिक्खुनिं (पाचि० ७०९) आरब्भ “बुद्धं पच्चाचिक्खामी”ति आदिवचनवत्थुस्मिं पज्जत्तं, एवं वचनमेव चेत्थ चतुसु अङ्गेषु पठमं अङ्गन्ति अयं विसो, सेसं तादिसमेवाति ।

सिक्खंपच्चाचिक्खणसिक्खापदवण्णना निड्ढिता ।

११. अधिकरणकुपितसिक्खापदवण्णना

एकादसमे किस्मिज्जिवेव अधिकरणेति चतुन्नं अज्जतरस्मिं । पच्चाकताति पराजिता । इदम्पि सावत्थियं चण्डकाळि आरब्भ “छन्दगामिनियो च भिक्खुनियो”ति आदिवचनवत्थुस्मिं पज्जत्तं, सेसं दसमे वुत्तनयेनेव वेदितब्बन्ति ।

अधिकरणकुपितसिक्खापदवण्णना निड्ढिता ।

१२. पापसमाचारपठमसिक्खापदवण्णना

द्वादसमे संसट्ठाति पब्बजितानं अननुलोमेन गिहीनं कोट्टनपचनसासनहरणादिना कायिकवाचसिकेन मिसीभूता । पापो कायिकवाचसिको आचारो एतासन्ति पापाचारा । पापो कित्तिसहो एतासन्ति पापसदा । पापो आजीवसङ्घातो सिलोको एतासन्ति पापसिलोका । भिक्खुनिसङ्घस्स विहेसिकाति अज्जमज्जिस्सा कम्मे करियमाने पटिक्कोसनेन विहेसिका । वज्जपटिच्छादिकाति खुद्धानुखुद्वक्कस्स वज्जस्स पटिच्छादिका ।

सावत्थियं सम्बहुला भिक्खुनियो आरब्भ संसट्ठविहारवत्थुस्मिं पज्जत्तं, सेसमेत्थापि दसमे वुत्तनयेनेव वेदितब्बं, समनुभासनकम्मकाले पन द्वेतिस्सो एकतो समनुभासितब्बाति ।

पापसमाचारपठमसिक्खापदवण्णना निड्ढिता ।

१३. पापसमाचारदुतियसिक्खापदवण्णना

तेरसमे एवं वदेय्याति ता समनुभट्ठा भिक्खुनियो एवं वदेय्य । एवाचाराति एवं आचारा, यादिसो तुम्हाकं आचारो, तादिसो आचारोति अत्थो, एस नयो सब्बत्थ । उज्जायाति अवज्जाय नीचं कत्वा जाननाय । परिभवेनाति “किं इमा करिस्सन्ती”ति एवं परिभवित्वा जाननेन । अक्खन्तियाति असहनताय, कोधेनाति अत्थो । वेभस्सियाति बलवन्तस्स भावेन, अत्तनो बलप्पकासनेन समुत्तासेनाति अत्थो । दुब्बल्याति तुम्हाकं दुब्बलभावेन, सब्बत्थ उज्जाय च परिभवेन चाति एवं समुच्चयत्थो दट्ठब्बो । विविच्चथाति नाना होथ, अननुलोमिकं कायिकवाचसिकसंसंगं पज्जहथाति अत्थो ।

सावत्थियं थुल्लनन्दं आरब्भ “संसट्ठाव, अय्ये, तुम्हे विहरथ, मा तुम्हे नाना विहरित्था”ति उय्योजनवत्थुस्मिं पज्जत्तं, सेसमेत्थापि दसमे वुत्तनयेनेव वेदितब्बन्ति ।

पापसमाचारदुतियसिक्खापदवण्णना निड्ढिता ।

१४. सङ्गभेदकादिसिक्खापदवण्णना

सङ्गभेदादीसु चतुसु वुत्तनयेनेव विनिच्छयो वेदितब्बो । केवलज्झि भिक्खुनी सङ्गं न भिन्दति, भेदाय पन परक्कमति चेव अनुवत्तति च । उद्दिट्ठा खो अय्यायो सत्तरस सङ्गादिसेसा धम्माति भिक्खू आरब्भ पज्जत्ता साधारणा सत्त, असाधारणा दसाति एवं सत्तरस । उभतोसङ्गे पक्खमानत्तं चरितब्बन्ति भिक्खुनिया हि आपत्तिं छादेन्ति यापि परिवासो नाम नत्थि, छादनपच्चयापि न दुक्कटं आपज्जति, तस्मा छादेत्वापि अछादेत्वापि एकं पक्खमानत्तमेव चरितब्बं । तं भिक्खुनीहि अत्तनो सीमं सोधेत्वा विहारसीमाय वा, सोधेतुं असक्कोन्तीहि खण्डसीमाय वा सब्बन्तिमेन परिच्छेदेन चतुवगं गणं सन्निपातापेत्वा दातब्बं । सचे एका आपत्तिं होति, एकिस्सा वसेन, सचे द्वे वा तिस्रो वा सम्बहुला वा एकवत्थुका वा नानावत्थुका वा, तासं तासं वसेन भिक्खुपातिमोक्खवण्णनायं वुत्तवत्थुगोत्तनाम आपत्तिभेदेसु यं यं इच्छति, तं तं आदाय योजना कातब्बा ।

तत्रिदं पठमापत्तिवसेन मुखमत्तनिदस्सनं — ताय आपन्नाय भिक्खुनिया भिक्खुनिसङ्गं उपसङ्गमित्वा एकंसं उत्तरासङ्गं करित्वा वुद्धानं भिक्खुनीनं पादे वन्दित्वा उक्कुटिकं निसीदित्वा अज्जलिं पगहेत्वा एवमस्सवचनीयो “अहं, अय्ये, एकं आपत्तिं आपज्जि उस्सयवादं, साहं, अय्ये, सङ्गं एकिस्सा आपत्तिया उस्सयवादाय पक्खमानत्तं याचामी”ति, एवं तिकखत्तुं याचापेत्वा ब्यत्ताय भिक्खुनिया पटिबलाय सङ्गो आपेतब्बो —

“सुणातु मे, अय्ये, सङ्खो, अयं इत्थन्नामा भिक्खुनी एकं आपत्तिं आपज्जिं उस्सयवादं, सा सङ्खं एकस्सा आपत्तिया उस्सयवादाय पक्खमानत्तं याचति, यदि सङ्खस्स पत्तकल्लं, सङ्खो इत्थन्नामाय भिक्खुनिया एकस्सा आपत्तिया उस्सयवादाय पक्खमानत्तं ददेय्य, एसा जत्ति ।

“सुणातु मे, अय्ये, सङ्खो, अयं इत्थन्नामा भिक्खुनी...पे०... दुतियम्मि...पे०... ततियम्मि एतमत्थं वदामि, सुणातु मे, अय्ये, सङ्खो...पे०... सा भासेय्य । दिन्नं सङ्खेन इत्थन्नामाय भिक्खुनिया एकस्सा आपत्तिया उस्सयवादाय पक्खमानत्तं । खमति सङ्खस्स, तस्मा तुण्ही, एवमेतं धारयामी”ति ।

कम्मवाचापरियोसाने “वत्तं समादियामि, मानत्तं समादियामी”ति समादियित्वा सङ्खस्स आरोचेत्वा निक्खित्तवत्तेन ताव वसितुकामाय तत्थेव सङ्खमज्झे वा पक्कन्तासु भिक्खुनीसु एकभिक्खुनिया वा दुतियिकाय वा सन्तिके “वत्तं निक्खिपामि, मानत्तं निक्खिपामी”ति निक्खिपितब्बं । अज्जिस्सा पन आगन्तुकाय सन्तिके आरोचेत्वा निक्खिपितब्बं, निक्खित्तकालतो पट्टाय पकत्तत्ताने तिड्ढति, ततो पुरेअरुणेयेव चतूहि भिक्खुनीहि तं भिक्खुनिं गहेत्वा गामूपचारतो च भिक्खुनिं विहारूपचारतो च द्वे लेङ्गुपाते अतिक्कमित्वा महामग्गा ओक्कम्म गुम्बवतिआदीहि पटिच्छन्ने ओकासे निसीदितब्बं । चतूहि भिक्खूहिपि तत्थ गन्तब्बं, गन्त्वा भिक्खुनीनं अविदूरे विसुं निसीदितब्बं । अथ ताव भिक्खुनिया वुत्तनयेनेव वत्तं समादियित्वा भिक्खुनिसङ्खस्स ताव एवं आरोचेतब्बं —

“अहं, अय्ये, एकं आपत्तिं आपज्जिं उस्सयवादं, साहं सङ्खं एकस्सा आपत्तिया उस्सयवादाय पक्खमानत्तं याचिं, तस्सा मे सङ्खो एकस्सा आपत्तिया उस्सयवादाय पक्खमानत्तं अदासि, साहं मानत्तं चरामि, वेदयामहं, अय्ये, ‘वेदयती’ति मं सङ्खो धारेतू”ति ।

ततो भिक्खुसङ्खस्स सन्तिकं गन्त्वा एवं आरोचेतब्बं “अहं, अय्या, एकं आपत्तिं आपज्जिं...पे०... वेदयामहं, अय्या, ‘वेदयती’ति मं सङ्खो धारेतू”ति । आरोचेत्वा भिक्खुनिसङ्खस्सेव सन्तिके निसीदितब्बं, ततो पट्टाय भिक्खुसु वा, दुतियिकं ठपेत्वा भिक्खुनीसु वा पक्कन्तासुपि उभतोसङ्खे मानत्तं चिण्णमेव होति । याव अरुणं न उड्डहति, ताव यं पठमं पस्सति भिक्खुं वा भिक्खुनिं वा, तस्सा आरोचेतब्बं । उड्डिते अरुणे वत्तं निक्खिपित्वा उपस्सयं गन्तब्बं, एवं पञ्चदस अरुणा गहेतब्बा ।

अनिक्खित्तवत्ताय पन आगन्तुकेसु असति चतुन्नं भिक्खूनञ्च भिक्खुनीनञ्च देवासिकं आरोचेत्वा, आगन्तुकेसु सति सब्बेसम्मि आगन्तुकानं आरोचेन्तिया पञ्चदस दिवसानि पारिवासिकखन्धके (चूळव० ७५ आदयो) वुत्तनयेनेव सम्मा वत्तितब्बन्ति अयमेत्थ सङ्खेपो, वित्थारो पन समन्तपासादिकायं (चूळव० अट्ट० ७५ आदयो) वुत्तो, **चिण्णमानत्ताय भिक्खुनियाति** यदा एवं चिण्णमानत्ता भिक्खुनी होति, अथस्सा **यत्थ सिया वीसतिगणो भिक्खुनिसङ्खो**ति वुत्तनयेनेव अब्भानकम्मं कातब्बं, सेसं उत्तानमेवाति ।

कङ्कावितरणिया पात्तिमोक्खवण्णनाय

भिक्खुनिपात्तिमोक्खे

सङ्गादिसेसवण्णना निड्ढिता ।

निस्सगियकण्डो

१. पत्तसन्निचयसिक्खापदवण्णना

निस्सगियेसु आदिवग्गस्स ताव पठमे **पत्तसन्निचयं करेय्या**ति पत्तसन्निधिं करेय्य, एकाहं अनधिड्ढित्वा वा अविकप्पेत्वा वा अधिद्वानुपगं पत्तं ठपेय्याति अत्थो ।

सावत्थियं छब्बगिया भिक्खुनियो आरब्भ पत्तसन्निचयवत्थुस्मिं पञ्जत्तं, सेसकथामग्गो भिक्खुपात्तिमोक्खवण्णनाय वुत्तनयेनेव वेदितब्बो, तत्र हि दसाहातिककमे आपत्ति, इध एकाहातिककमेति एतकमेव तस्स च इमस्स च नानाकरणं, सेसं तादिसमेवाति ।

पत्तसन्निचयसिक्खापदवण्णना निड्ढिता ।

२. अकालचीवरसिक्खापदवण्णना

दुतिये **अकालचीवर**न्ति अत्थते कथिने कथिनमासेहि, अनत्थते चीवरमासतो अज्जस्मिं काले उप्पन्नं, यं वा पन कालेपि आदिस्स दिन्नं । **आदिस्स दिन्नं** नाम “सम्पत्ता भाजेन्तू”ति वत्त्वा वा, “इदं गणस्स, इदं तुम्हाकं दम्मी”ति वत्त्वा वा, दातुकामताय पादमूले ठपेत्वा वा दिन्नं । इच्चेतं अकालचीवरं “कालचीवर”न्ति अधिड्ढित्वा भाजापेन्तिया पयोगे दुक्कटं, यं अत्तना लद्धं, तं निस्सगियं होति । निस्सट्ठं पटिलभित्वापि यथादानेयेव उपनेतब्बं, अज्जस्मिम्पि एवरूपे सिक्खापदे एसेव नयो ।

सावत्थियं थुल्लनन्दं आरब्भ अकालचीवरं “कालचीवर”न्ति अधिड्ढित्वा भाजनवत्थुस्मिं पञ्जत्तं, अकालचीवरे वेमत्तिकाय, कालचीवरे अकालचीवरसज्जाय चेव वेमत्तिकाय च दुक्कटं । उभोसु कालचीवरसज्जाय, उम्मत्तिकादीनञ्च अनापत्ति । अकालचीवरता, तथासज्जिता, “कालचीवर”न्ति अधिड्ढाय लेसेन भाजापनं, पटिलाभोति इमानेत्थ चत्तारि अङ्गानि । समुद्धानादीनि अदिन्नादानसदिसानीति ।

अकालचीवरसिक्खापदवण्णना निड्ढिता ।

३. चीवरपरिवत्तनसिक्खापदवण्णना

ततिये **हन्दाति** गणह । **अच्छिन्देय्या**ति सयं अच्छिन्दन्तिया बन्धित्वा ठपितेसु बहूसुपि एकापत्ति, इतरेसु वत्थुगणनाय आपत्तियो । अच्छिन्दापने पन एकाय आपत्तिया बहूसु अच्छिन्नेसुपि एकापत्ति ।

सावत्थियं थुल्लनन्दं आरब्भ चीवरं परिवत्तेत्वा अच्छिन्दनवत्थुस्मिं पञ्जत्तं, साणत्तिकं, तिकपाचित्तियं, अज्जस्मिं परिकखारे तिकदुक्कटं, अनुपसम्मन्नाय चीवरेपि तिकदुक्कटमेव । या पन ताव वा दिव्यमानं, तस्सा वा विस्सासं गण्हाति, तस्सा, उम्मत्तिकादीनञ्च अनापत्ति । उपसम्मन्ना, परिवत्तितचीवरस्स विकप्पनुपगता, सकसज्जाय अच्छिन्दनं वा अच्छिन्दापनं वाति इमानेत्थ तीणि अङ्गानि । समुद्धानादीनि अदिन्नादानसदिसानि, इदं पन दुक्खवेदन्ति ।

चीवरपरिवत्तनसिक्खापदवण्णना निड्ढिता ।

४. अज्जविज्जापनसिक्खापदवण्णना

चतुत्थे **विज्जापेत्वा**ति जानापेत्वा, “इदं नाम आहरा”ति याचित्वा वा । **अज्जं विज्जापेय्या**ति यं पुब्बे “किन्तो, अय्ये, अफासु, किं आहरियतू”ति वुत्ताय विज्जापितं, तं पटिक्खित्वा तज्जेव अज्जञ्च गहेतुकामा ततो अज्जं विज्जापेय्य, तस्सा विज्जात्तिया दुक्कटं, पटिलाभेन निस्सगियं होति ।

सावत्थियं थुल्लनन्दं आरब्ध अञ्जं विज्जापेत्वा अञ्जं विज्जापनवत्थुस्मिं पञ्जत्तं, तिकपाचित्तियं, अनञ्जे द्विकदुक्कटं । अनञ्जे अनञ्जसञ्जाय पन, तस्मिं अप्पहोन्ते पुन तञ्जेव, अञ्जेनपि अत्थे सति तेन सद्धि अञ्जञ्च, यञ्च विज्जत्तं, ततो चे अञ्जं समग्घतरं होति, इमं आनिसंसं दस्सेत्वा सुद्धं अञ्जमेव च विज्जापेत्तिया, उम्मत्तिकादीनञ्च अनापत्ति । लेसेन गहेतुकामता, अञ्जस्स विज्जापनं, पटिलाभोति इमानेत्य तीणि अङ्गानि । समुद्धानादीनि सञ्चरित्तसदिसानीति ।

अञ्जविज्जापनसिक्खापदवण्णना निड्डिता ।

५. अञ्जचेतापनसिक्खापदवण्णना

पञ्चमे अञ्जं चेतापेत्वाति अत्तनो कप्पियभण्डेन “इदं नाम आहरा”ति अञ्जं परिवत्तापेत्वा । अञ्जं चेतापेत्वाति “एवं मे इदं दत्त्वा अञ्जमि आहरिस्सती”ति मञ्जमाना “न मे इमिना अत्थो, इदं नाम मे आहरा”ति ततो अञ्जं चेतापेत्थ । तस्सा चेतापनप्पयोगे दुक्कटं, पटिलाभेन तेन वा अञ्जेन वा मूलेन आहटं निस्सगियं होति, सेसं चतुत्थसदिसमेवाति ।

अञ्जचेतापनसिक्खापदवण्णना निड्डिता ।

६. पठमसङ्घिकचेतापनसिक्खापदवण्णना

छट्ठे अञ्जदत्थिकेनाति अञ्जस्सत्थाय दिन्नेन । अञ्जुद्धिसिकेनाति अञ्जं उद्धिसित्वा दिन्नेन । सङ्घिकेनाति सङ्घस्स परिच्चत्तेन । परिकखारेनाति कप्पियभण्डेन । अञ्जं चेतापेत्वाति “इदं नाम परिभुञ्जेय्याथा”ति यं उद्धिसित्वा नियमेत्वा यो परिकखारो दिन्नो, ततो अञ्जं परिवत्तापेत्थ, तस्सा पयोगे दुक्कटं, पटिलाभेन निस्सगियं ।

सावत्थियं सम्बहूला भिक्खुनियो आरब्ध तादिसेन परिकखारेन अञ्जं चेतापनवत्थुस्मिं पञ्जत्तं, तिकपाचित्तियं, अनञ्जदत्थिके द्विकदुक्कटं । तस्मिं पन अनञ्जदत्थिकसञ्जाय, सेसकं उपनेत्तिया, “तुम्हेहि एतदत्थाय दिन्नो, अम्हाकञ्च इमिना नाम अत्थो”ति सामिके अपलोकेत्वा उपनेत्तिया, यदा भिक्खुनियो विहारमि छट्ठेत्वा पक्कमन्ति, एवरूपासु आपदासु उपनेत्तीनं, उम्मत्तिकादीनञ्च अनापत्ति । सेसं चतुत्थसदिसमेवाति ।

पठमसङ्घिकचेतापनसिक्खापदवण्णना निड्डिता ।

७. दुतियसङ्घिकचेतापनसिक्खापदवण्णना

सत्तमे सञ्जाचिकेनाति सयं याचितकेनापि । एतदेवेत्थ नानाकरणं, सेसं छट्ठसदिसमेवाति ।

दुतियसङ्घिकचेतापनसिक्खापदवण्णना निड्डिता ।

८. पठमगणिकचेतापनसिक्खापदवण्णना

अट्ठमे महाजिकेनाति गणस्स परिच्चत्तेन, इदमेत्थ छट्ठतो नानाकरणं ।

पठमगणिकचेतापनसिक्खापदवण्णना निड्डिता ।

९. दुतियगणिकचेतापनसिक्खापदवण्णना

नवमे सञ्जाचिकेनाति इदं अट्ठमतो अतिरित्तं, सेसं द्वीसुपि छट्ठसिक्खापदसदिसमेवाति ।

दुतियगणिकचेतापनसिक्खापदवण्णना निड्डिता ।

१०. पुग्गलिकचेतापनसिक्खापदवण्णना

दसमे पुग्गलिकेनाति एकभिक्खुनिया परिच्चत्तेन । सञ्जाचिकेनाति सयं याचितकेन च । अञ्जं चेतापेत्वाति यं उद्धिसित्वा दिन्नं, ततो अञ्जं चेतापेत्तिया पयोगे दुक्कटं, पटिलाभेन निस्सगियं होति ।

सावत्थियं थुल्लनन्दं आरब्ध तादिसेन परिकखारेन अञ्जं चेतापनवत्थुस्मिं पञ्जत्तं, सेसं छट्ठसदिसमेवाति ।

पुग्गलिकचेतापनसिक्खापदवण्णना निड्डिता ।

पत्तवग्गो पटमो ।

११. गरुपावुरणसिक्खापदवण्णना

दुतियस्स पठमे गरुपावुरणन्ति सीतकाले पावुरणं । चतुक्कंसपरमन्ति कंसो नाम चतुक्कहापणिको होति, तस्मा सोळसकहापणगघनकं । चेतापेतब्बन्ति ठपेत्वा सहधम्मिके च जातकप्पवारित्ते च अञ्जेन किस्मिञ्चिदेव गुणे परितुड्ढेन “वदथाय्ये, येनत्थो”ति वुत्ताय विज्जापेतब्बं । ततो चे उत्तरीति तत्तुत्तरि विज्जापेत्तिया दुक्कटं, पटिल्हं निस्सगियं होति ।

सावत्थियं थुल्लनन्दं आरब्ध राजानं कम्बलं विज्जापनवत्थुस्मिं पञ्जत्तं, तिकपाचित्तियं, ऊनकचतुक्कंसे द्विकदुक्कटं । तस्मिं पन ऊनकसञ्जाय, चतुक्कंसपरमं चेतापेत्तिया, जातकप्पवारित्ते वा, अञ्जस्स वा अत्थाय, अत्तनो वा धनेन, महग्घं चेतापेत्तं अप्पग्घं चेतापेत्तिया, उम्मत्तिकादीनञ्च अनापत्ति । गरुपावुरणता, अतिरेकचतुक्कंसता, अननुज्जातड्डाने विज्जति, पटिलाभोति इमानेत्य चत्तारि अङ्गानि । समुद्धानादीनि सञ्चरित्तसदिसानीति ।

गरुपावुरणसिक्खापदवण्णना निड्डिता ।

१२. लहुपावुरणसिक्खापदवण्णना

दुतिये लहुपावुरणन्ति उण्हकाले पावुरणं । अट्ठतेय्यकंसपरमन्ति दसकहापणगघनकं, सेसं पठमसदिसमेवाति ।

लहुपावुरणसिक्खापदवण्णना निड्ढिता ।

इतो परानि इमस्मिं वग्गे अट्ठ, ततियवग्गे दसाति इमानि अट्ठारस सिक्खापदानि भिक्खुपातिमोक्खवण्णनायं वुत्तनयेनेव वेदितब्बानीति ।

जातरूपवग्गो ततियो ।

उद्दिट्ठा खो अय्यायो तिस निस्सग्गिया पाचित्तिया धम्माति भिक्खू आरब्भ पञ्जत्ता साधारणा अट्ठारस, असाधारणा द्वादसाति एवं तिस । सेसं सब्बत्थ उत्तानमेवाति ।

कङ्कावितरणिया पातिमोक्खवण्णनाय भिक्खुनिपातिमोक्खे

निस्सग्गियपाचित्तियवण्णना निड्ढिता ।

पाचित्तियकण्डो

१. लसुणवग्गो

१. लसुणसिक्खापदवण्णना

पाचित्तियेसु लसुणवग्गस्स ताव पठमे **लसुण**न्ति मगधरट्ठे जातं आमकं भण्डिकलसुणमेव, न एकद्वितिमिञ्जकं । तच्चि “खादिस्सामी”ति पटिग्गण्हन्तिया दुक्कटं, अज्झोहारे अज्झोहारे पाचित्तियं ।

सावत्थियं थुल्लनन्दं आरब्भ लसुणं हरापनवत्थुस्मिं पञ्जत्तं, तिकपाचित्तियं, अलसुणे द्विकदुक्कटं । तस्मिं पन अलसुणसञ्जाय, पलण्डुके, भञ्जनके, हरितके, चापलसुणे, सूपसम्पाके, मंससम्पाके, तेलसम्पाके, साळवे, उत्तरिभङ्गे, उम्मतिकादीनञ्च अनापत्ति । आमकलसुणञ्चेव, अज्झोहरणञ्चाति इमानेत्थ द्वे अङ्गानि । समुट्ठानादीनि एळकलोमसदिसानीति ।

लसुणसिक्खापदवण्णना निड्ढिता ।

२. सम्बाधलोमसिक्खापदवण्णना

दुतिये **सम्बाधे**ति पटिच्छन्तोकासे, उपकच्छकेसु च मुत्तकरणे चाति अत्थो । **संहरापेय्या**ति एत्थ खुरसण्डासकत्तरिआदीसु येन केनचि संहरापेन्तिया पयोगगणनाय पाचित्तियं, न लोमगणनाय ।

सावत्थियं छब्बग्गिया भिक्खुनियो आरब्भ सम्बाधे लोमं संहरापनवत्थुस्मिं पञ्जत्तं, अत्तनो अत्थाय अञ्जं आणापेन्तिया साणत्तिकं, आपत्तिभेदोन्तिय । आबाधपच्चया, उम्मतिकादीनञ्च अनापत्ति । आबाधाभावो, सम्बाधे लोमसंहरणन्ति इमानेत्थ द्वे अङ्गानि । समुट्ठानादीनि भिक्खुनिया सद्धिं एकद्वानमग्गमनसिक्खापदसदिसानीति ।

सम्बाधलोमसिक्खापदवण्णना निड्ढिता ।

३. तलघातकसिक्खापदवण्णना

ततिये **तलघातके**ति अन्तमसो उप्पलकेसरेनापि मुत्तकरणस्स तलघातने मुत्तकरण्हि पहारदाने पाचित्तियन्ति अत्थो ।

सावत्थियं द्वे भिक्खुनियो आरब्भ तलघातकरणवत्थुस्मिं पञ्जत्तं, पुरिमनयेनेव साणत्तिकं, आपत्तिभेदो नत्थि । इतो परं पन यत्थ नत्थि, तत्थ अवत्त्वाव गमिस्साम । आबाधपच्चया गण्डं वा वर्णं वा पहरन्तिया, उम्मतिकादीनञ्च अनापत्ति । आबाधाभावो, मुत्तकरणे पहारदानं, फस्ससादियनन्ति इमानेत्थ तीणि अङ्गानि । समुट्ठानादीनि पठमपराजिकसदिसानीति ।

तलघातकसिक्खापदवण्णना निड्ढिता ।

४. जतुमट्ठकसिक्खापदवण्णना

चतुत्थे **जतुमट्ठके**ति जतुना कते मट्ठदण्डके । वत्थुवसेनेतं वुत्तं, कामरागेन पन उप्पलकेसरम्पि पवेसेन्तिया आपत्ति ।

सावत्थियं अञ्जतरं भिक्खुनिं आरब्भ जतुमट्ठकसादियनवत्थुस्मिं पञ्जत्तं, सेसं ततियसदिसमेवाति ।

जतुमट्ठकसिक्खापदवण्णना निड्ढिता ।

५. उदकसुद्धिकसिक्खापदवण्णना

पञ्चमे **उदकसुद्धिक**न्ति मुत्तकरणस्स धोवनं । **आदियमानाया**ति करोन्तिया । **द्रङ्गुलपब्बपरमं आदातब्बन्ति** द्वीसु अङ्गुलीसु एकेकं कत्वा द्रङ्गुलपब्बपरमं आदातब्बं । **तं अतिक्कामेन्तिया**ति सचे धोवनकाले रागवसेन वित्थारतो ततियाय अङ्गुलिया अग्गपब्बं, गम्भीरतो एकस्साव अङ्गुलिया ततियपब्बं पवेसेति पाचित्तियं ।

सक्केसु अञ्जतरं भिक्खुनिं आरब्भ अतिगम्भीरं उदकसुद्धिकं आदियनवत्थुस्मिं पञ्जत्तं, तिकपाचित्तियं, ऊनकद्रङ्गुलपब्बे द्विकदुक्कटं । तस्मिं पन ऊनकसञ्जाय, द्रङ्गुलपब्बपरमं आदियन्तिया, आबाधपच्चया अतिरेकम्पि, उम्मतिकादीनञ्च अनापत्ति, सेसं ततियसदिसमेवाति ।

उदकसुद्धिकसिक्खापदवण्णना निड्ढिता ।

६. उपतिट्ठनसिक्खापदवण्णना

छट्ठे **भुञ्जन्तस्सा**ति पञ्चन्नं भोजनानं अञ्जतरं भुञ्जतो । **पानीयेना**ति सुद्धेन वा उदकेन, तक्कादीसु वा अञ्जतरेन । **विधूपनेना**ति याय कायचि बीजनिया । **उपतिट्ठेय्या**ति या एतेसु द्वीसु अञ्जतरं गहेत्वा हत्थपासे तिड्ढति, तस्सा पाचित्तियं ।

सावत्थियं अञ्जतरं भिक्खुनिं आरब्भ भुञ्जन्तस्स एवं तिड्ठनवत्थुस्मिं पञ्जत्तं, तिकपाचित्तियं, हत्थपासं विजहित्वा खादनीयं खादन्तस्स उपतिट्ठन्तिया दुक्कटं, अनुपसम्पन्ने तिकदुक्कटं । “इमं

पिवथ, इमिना बीजथा"ति एवं देन्तिया वा, दापेन्तिया वा, अनुपसम्पन्नं वा उपतिट्ठापनहं आणापेन्तिया, उम्मत्तिकादीनञ्च अनापत्ति। भुञ्जन्तस्स भिक्खुनो हत्थपासे ठानं, पानीयस्स वा विधूपनस्स वा गहणन्ति इमानेत्य द्वे अङ्गानि। समुद्धानादीनि एलकलोमसदिसानीति।

उपतिट्ठनसिक्खापदवण्णना निट्ठिता।

७. आमकधञ्जसिक्खापदवण्णना

सत्तमे विञ्जत्वाति अन्तमसो मातरम्पि याचित्वा। भुञ्जेय्याति अञ्जोहरेय्य। एत्थ च विञ्जति चेव भोजनञ्च पमाणं, तस्मा सयं विञ्जत्वा अञ्जाय भञ्जनादीनि कारापेत्वा वा, अञ्जाय विञ्जापेत्वा सयं भञ्जनादीनि कत्वा वा पटिगहणतो पट्टाय याव दन्तोहि संखादनं, ताव पुब्बपयोगेसु दुक्कटानि, अञ्जोहारे अञ्जोहारे पाचित्तियं।

सावत्थियं सम्बहुला भिक्खुनियो आरब्ध आमकधञ्जं विञ्जापनवत्थुस्मिं पञ्जत्तं, सयं वा अञ्जाय वा अविञ्जत्तिया लद्धं भञ्जनादीनि कत्वा वा कारेत्वा वा भुञ्जन्तिया दुक्कटं, अञ्जाय विञ्जत्तिया लद्धं पन सयं भञ्जनादीनि कत्वापि कारेत्वापि भुञ्जन्तिया दुक्कटमेव। आबाधे सति सेदकम्मादीनं अत्थाय विञ्जापेन्तिया, अविञ्जत्तिया लब्धमानं नवकम्मत्थाय सम्पटिच्छन्तिया, जातकप्पवारितट्ठाने मुग्गमासादि अपरणं विञ्जापेन्तिया, उम्मत्तिकादीनञ्च अनापत्ति। सत्तन्नं धञ्जानं अञ्जतरस्स विञ्जापनं वा विञ्जापापनं वा, पटिलाभो, भञ्जनादीनि कत्वा वा कारेत्वा वा अञ्जोहरणन्ति इमानेत्य तीणि अङ्गानि। समुद्धानादीनि अद्धानमग्सिक्खापदसदिसानीति।

आमकधञ्जसिक्खापदवण्णना निट्ठिता।

८. पठमउच्चारछट्ठनसिक्खापदवण्णना

अट्टमे सङ्कारन्ति कचवरं। विधासन्ति यंकिञ्च परिभुतावसेसं उच्छिदोदकम्पि दन्तकट्ठम्पि, अट्टिकचलकेसु पन वत्तब्बमेव नत्थि। तिरोकुट्टे वा तिरोपाकारे वाति यस्सकस्सचि कुट्टस्स वा पाकारस्स वा परतो। छट्ठेय्य वा छट्ठापेय्य वाति सब्बानिपेतानि एकतो छट्ठेन्तिया एकप्ययोगे एकापत्ति, सकिं आणत्तिया बहुकेपि छट्ठित्ते एकाव।

सावत्थियं अञ्जतरं भिक्खुनिं आरब्ध उच्चारं तिरोकुट्टे छट्ठनवत्थुस्मिं पञ्जत्तं, साणत्तिकं, भिक्खुस्स दुक्कटं, ओलोकेत्वा वा अवलञ्जे वा छट्ठेन्तिया, उम्मत्तिकादीनञ्च अनापत्ति। उच्चारदिभावो, अनोलोकनं, वलञ्जनट्ठानं, तिरोकुट्टतिरोपाकारता, छट्ठनं वा छट्ठापनं वाति इमानेत्य पञ्च अङ्गानि। समुद्धानादीनि सञ्चरित्तसदिसानि, इदं पन किरियाकिरियन्ति।

पठमउच्चारछट्ठनसिक्खापदवण्णना निट्ठिता।

९. दुतियउच्चारछट्ठनसिक्खापदवण्णना

नवमे हरितेति खेत्ते वा नाळिकेरादिआरामे वा यत्थकत्थचि रोपिमहरितट्ठाने। तानि वत्थूनि छट्ठेन्तिया वा छट्ठापेन्तिया वा पुरिमनयेनेव आपत्ति, तादिसे ठाने निसीदित्वा अन्तमसो उदकं पिवित्वा मत्थकच्छिन्नं नाळिकेरम्पि छट्ठेन्तिया आपत्तियेव।

सावत्थियं सम्बहुला भिक्खुनियो आरब्ध उच्चारदीनि हरिते छट्ठनवत्थुस्मिं पञ्जत्तं, साणत्तिकं, तिकपाचित्तियं, भिक्खुनो दुक्कटं, भिक्खुनियापि निक्खित्तबीजे खेत्ते याव अङ्कुरो न उट्ठहति, ताव दुक्कटं, अहरिते द्विकदुक्कटं। तस्मिं पन अहरितसञ्जाय छट्ठित्ते खेत्ते वा, सामिके अपलोकेत्वा वा छट्ठेन्तिया, उम्मत्तिकादीनञ्च अनापत्ति। सेसं अट्टमसदिसमेवाति।

दुतियउच्चारछट्ठनसिक्खापदवण्णना निट्ठिता।

१०. नच्चगीतसिक्खापदवण्णना

दसमे नच्चन्ति अन्तमसो मोरनच्चम्पि। गीतन्ति अन्तमसो धम्मभाणकगीतम्पि। वादितन्ति अन्तमसो उदकभेरिवादितम्पि। दस्सनायाति एतेसु यंकिञ्चि दस्सनाय गच्छन्तिया पदे पदे दुक्कटं, यत्थ ठिता पस्सति वा सुणाति वा, एकप्ययोगे एकापत्ति, तं तं दिसं ओलोकेन्तिया पयोगे पयोगे आपत्ति।

राजगहे छब्बगिया भिक्खुनियो आरब्ध नच्चादीनि दस्सनाय गमनवत्थुस्मिं पञ्जत्तं, सयं तानि वत्थूनि करोन्तिया, अञ्जं वा आणापेन्तिया, “चेतियस्स उपहारं देथा”ति ईदिसेन परियायेन वा भणन्तिया, “चेतियस्स उपहारं करोमा”ति वा वुत्ते “साधू”ति सम्पटिच्छन्तिया च पाचित्तियमेवाति सब्बअट्ठकथासु (पाचि० अट्ठ० ८३५-८३७) वुत्तं, भिक्खुनो सब्बत्थ दुक्कटं। “तुम्हाकं चेतियस्स उपट्ठानं करोमा”ति वुत्ते पन “उपट्ठानकरणं नाम सुन्दर”न्ति ईदिसं परियायं भणन्तिया, आरामे ठत्वा पस्सन्तिया वा सुणन्तिया वा, तथा अत्तनो ठितोकासं आगन्त्वा पयोजितं पटिपथं गच्छन्तिया सम्मुखीभूतं सलाकभत्तादिके सति करणीये गन्त्वा, आपदासु वा समज्जट्ठानं पविसित्वापि पस्सन्तिया वा सुणन्तिया वा, उम्मत्तिकादीनञ्च अनापत्ति। नच्चादीनं अञ्जतरता, अञ्जत्र अनुज्जातकारणा गमनं, दस्सनं वा सवनं वाति इमानेत्य तीणि अङ्गानि। समुद्धानादीनि एलकलोमसदिसानि, इदं पन लोकवज्जं, अकुसलचित्तं, तिवेदनन्ति।

नच्चगीतसिक्खापदवण्णना निट्ठिता।

लसुणवग्गो पठमो।

१. रत्तन्धकारवग्गो

१. रत्तन्धकारसिक्खापदवण्णना

अन्धकारवग्गस्स पठमे रत्तन्धकारेति रत्तिअन्धकारे। अप्पदीपेति पज्जोतचन्दसूरियअग्गीसु एकेकेनापि अनोभासिते। पुरिसेनाति सन्तिट्ठितुं सल्लपितुञ्च विञ्जुना मनुस्सपुरिसेन सट्ठिं। सन्तिट्ठेय्य वाति हत्थपासे ठितमत्ताय पाचित्तियं। सल्लपेय्याति तत्थ ठत्वा गेहसितकथं कथेन्तियापि पाचित्तियमेव।

सावत्थियं अञ्जतरं भिक्खुनिं आरब्ध एवं सन्तिट्ठनवत्थुस्मिं पञ्जत्तं, पुरिसस्स हत्थपासं विजहित्वा, यक्खादीनं हत्थपासं अविजहित्वापि सन्तिट्ठन्तिया, सल्लपेन्तिया वा दुक्कटं, यंकिञ्चि विञ्जुं दुतियं गहेत्वा एवं करोन्तिया, अरहोपेक्खाय, अञ्जविहिताय, उम्मत्तिकादीनञ्च अनापत्ति। रत्तन्धकारता, पुरिसस्स हत्थपासे ठानं वा सल्लपनं वा, सहायाभावो, रहोपेक्खाताति इमानेत्य चत्तारि अङ्गानि। थेय्यसत्थसमुद्धानं, किरियं, सञ्जाविमोक्खं, सचित्तकं, लोकवज्जं, कायकम्मं, वचीकम्मं, अकुसलचित्तं, तिवेदनन्ति।

रत्तन्धकारसिक्खापदवण्णना निट्ठिता।

२. पटिच्छन्नोकाससिक्खापदवण्णना

दुतिये पटिच्छन्ने ओकासेति कुडादीसु येन केनचि पटिच्छन्ने, इदमेवेत्थ नानत्तं ।

पटिच्छन्नोकाससिक्खापदवण्णना निट्ठिता ।

३. अज्झोकाससल्लपनसिक्खापदवण्णना

ततिये अज्झोकासेति नानं, सेसं उभयत्थापि पठमसदिसमेवाति ।

अज्झोकाससल्लपनसिक्खापदवण्णना निट्ठिता ।

४. दुतियिकउय्योजनसिक्खापदवण्णना

चतुत्थे रथिकायाति रच्छायं । ब्यूहेति अनिविद्धरच्छायं । सिङ्गाटकेति चच्चरे । निकण्णिकं वा जप्पेय्याति कण्णमूले किञ्चि जप्पेय्य । उय्योजेय्याति अनाचारं चरितुकामताय “गच्छ त्व”न्ति दुतियिकं उय्योजेय्य । पाचित्तियन्ति पुरिमनयेनेव ताव सन्तिट्ठनादीसु तीणि पाचित्तियानि, उय्योजेन्तिया पन उय्योजने च हत्थपासविजहने च दुक्कटं, विजहिते पाचित्तियं ।

सावत्थियं थुल्लनन्दं आरब्ध एवं सन्तिट्ठनवत्थुस्मिं पञ्चत्तं, सेसं पुरिमत्तयसदिसमेव । अनापत्तियं पन “न अनाचारं आचरितुकामा, सति करणीये दुतियिकं भिक्खुनि उय्योजेती”ति (पाचि० ८५२) एतकं अधिकन्ति ।

दुतियिकउय्योजनसिक्खापदवण्णना निट्ठिता ।

५. अनापुच्छापक्कमनसिक्खापदवण्णना

पञ्चमे पुरेभत्तन्ति अरुणुगमनं उपादाय याव मज्झन्हिकं । आसनेति पल्लङ्कस्सोकासभूते । सामिके अनापुच्छाति तस्मिं कुले यंकिञ्चि विज्जुं मनुस्सं अनापुच्छा । पक्कमेय्याति एत्थ छन्नस्स अन्तो निसीदित्वा अनोवस्सकं अज्झोकासे उपचारं अतिकामेन्तिया पठमपादे दुक्कटं, दुतिये पाचित्तियं ।

सावत्थियं अज्जतरं भिक्खुनि आरब्ध अनापुच्छा पक्कमनवत्थुस्मिं पञ्चत्तं, तिकपाचित्तियं, पल्लङ्कस्स अनोकासे दुक्कटं, तथा आपुच्छिते अनापुच्छितसज्जाय चेव वेमत्तिकाय च । आपुच्छितसज्जाय पन, असंहारिमे, गिलानाय, आपदासु, उम्मत्तिकादीनञ्च अनापत्ति । पुरेभत्तता, अन्तरधरे निसज्जा, आसनस्स पल्लङ्कोकासता, अज्जत्र अनुज्जातकारणा अनापुच्छं, वुत्तपरिच्छेदातिकमोति इमानेत्य पञ्च अङ्गानि । समुट्ठानादीनि कथिनसदिसानि, इदं पन किरियाकिरियन्ति ।

अनापुच्छापक्कमनसिक्खापदवण्णना निट्ठिता ।

६. अनापुच्छाअभिनिसीदनसिक्खापदवण्णना

छट्ठे पच्छाभत्तन्ति मज्झन्हिके वीतिवत्ते याव सूरियस्स अत्थङ्गमा । अभिनिसीदेय्य वाति आदिमिह निसीदित्वा गच्छन्तिया एका आपत्ति, अनिसीदित्वा निपज्जित्वाव गच्छन्तियापि एका, निसीदित्वा निपज्जन्तिया द्वे ।

सावत्थियं थुल्लनन्दं आरब्ध आसने अभिनिसीदनवत्थुस्मिं पञ्चत्तं, सेसं पञ्चमसदिसमेव । यथा पन तत्थ असंहारिमे, एवमिध धुवपञ्चत्ते अनापत्तीति ।

अनापुच्छाअभिनिसीदनसिक्खापदवण्णना निट्ठिता ।

७. अनापुच्छासन्थरणसिक्खापदवण्णना

सत्तमे विकालेति अत्थङ्गते सूरिये । सेय्यन्ति अन्तमसो पण्णसन्थारम्पि, सेसं छट्ठसदिसमेव ।

इदं पन सावत्थियं सम्बहुला भिक्खुनियो आरब्ध विकाले कुलानि उपसङ्कमत्वा सामिके अनापुच्छित्वा सेय्यं सन्थरित्वा अभिनिसीदनवत्थुस्मिं पञ्चत्तं, अनापत्तियज्जेत्थ धुवपञ्चत्तं नाम नत्थीति ।

अनापुच्छासन्थरणसिक्खापदवण्णना निट्ठिता ।

८. परउज्झापनकसिक्खापदवण्णना

अट्ठमे दुग्गहितेन दूपधारितेनाति यं वुत्तं, ततो अज्जथा गहितेन च उपधारितेन च । परन्ति “अहं किरय्ये अय्यं न सक्कच्चं उपट्ठहामी”ति आदिना (पाचि० ८६९) नयेन उपसम्पन्नं उज्झापेन्तिया पाचित्तियं ।

सावत्थियं अज्जतरं भिक्खुनि आरब्ध एवं परं उज्झापनवत्थुस्मिं पञ्चत्तं, तिकपाचित्तियं, अनुपसम्पन्नाय तिकदुक्कटं, उम्मत्तिकादीनयेव अनापत्ति । दुग्गहितता, उज्झापनं, यं उज्झापेति, तस्सा उपसम्पन्नाति इमानेत्य तीणि अङ्गानि । समुट्ठानादीनि अदिन्नादानसदिसानि, इदं पन दुक्खवेदनन्ति ।

परउज्झापनकसिक्खापदवण्णना निट्ठिता ।

९. परअभिसपनसिक्खापदवण्णना

नवमे अभिसपेय्याति सपथं करेय्य । तत्थ “निरये उपपज्जामि, निरये उपपज्जतू”ति एवमादीनि वदमाना निरयेन अभिसपति नाम, अक्कोसतीति अत्थो । “गिहिनी होमि, गिहिनी होतू”ति एवमादीनि वदमाना ब्रह्मचरियेन । तस्सा वाचाय वाचाय पाचित्तियं ।

सावत्थियं चण्डकाळि आरब्ध एवं अभिसपनवत्थुस्मिं पञ्चत्तं, तिकपाचित्तियं, अनुपसम्पन्नाय तिकदुक्कटं, तिरच्छानयोनिया वा पेत्तिविसयेन वा मनुस्सदोभग्गेन वा अभिसपने दुक्कटं । अत्थधम्मनुसासनिपुरेक्खारानं उम्मत्तिकादीनञ्च अनापत्ति । निरयेन वा ब्रह्मचरियेन वा अभिसपनं, उपसम्पन्ना, अत्थधम्मपुरेक्खारादीनं अभावोति इमानेत्य तीणि अङ्गानि । समुट्ठानादीनि अट्ठमसदिसानेवाति ।

पर अभिसपनसिक्खापदवण्णना निट्ठिता ।

१०. रोदनसिक्खापदवण्णना

दसमे वथित्वाति हत्थादीहि पहरित्वा, उभयं करोन्तियाव पाचित्तियं ।

सावत्थियं चण्डकाळि आरब्ध अत्तानं वधित्वा रोदनवत्थुस्मिं पञ्जत्तं, केवलं वधन्तिया वा रोदन्तिया वा दुक्कटमेव । जातिरोगभोगव्यसनेहि फुट्टाय केवलं रोदन्तिया एव न वधन्तिया, उम्मतिकादीनञ्च अनापत्ति । अत्तानं वधनञ्चेव, रोदनञ्चाति इमानेत्य द्वे अङ्गानि । समुद्धानादीनि समनुभासनसदिसानि, इदं पन किरियमेवाति ।

रोदनसिक्खापदवण्णना निट्ठिता ।

रत्तन्धकारवग्गो दुत्तियो ।

३. नग्गवग्गो

१. नग्गसिक्खापदवण्णना

नग्गवग्गस्स पठमे नग्गाति अनिवत्था वा अपारुता वा । एवञ्चि नहायन्तिया सब्बपयोगेसु दुक्कटं, नहानपरियोसाने पाचित्तियं ।

सावत्थियं सम्बहुला भिक्खुनियो आरब्ध एवं नहानवत्थुस्मिं पञ्जत्तं, उदकसाटिकचीवरे अच्छिन्ने वा नट्टे वा, “महग्घं इदं दिस्वा चोरापि हरेय्यु” न्ति एवरूपासु आपदासु वा नहायन्तिया, उम्मतिकादीनञ्च अनापत्ति । नग्गता, अनुज्जातकारणाभावो, नहानपरियोसानन्ति इमानेत्य तीणि अङ्गानि । समुद्धानादीनि एळकलोमसदिसानीति ।

नग्गसिक्खापदवण्णना निट्ठिता ।

२. उदकसाटिकसिक्खापदवण्णना

दुत्तिये सावत्थियं छब्बगिया भिक्खुनियो आरब्ध अप्पमाणिकायो उदकसाटिकायो धारणवत्थुस्मिं पञ्जत्तं, सेसमेत्थ सब्बं रतनवग्गे निसीदनसिक्खापदे वुत्तनयेनेव वेदितव्वन्ति ।

उदकसाटिकसिक्खापदवण्णना निट्ठिता ।

३. चीवरसिब्बनसिक्खापदवण्णना

ततिये विसिब्बेत्वाति दुस्सिब्बितं पुनसिब्बन्तिया विसिब्बेत्वा । अनन्तरायिकिनीति दससु अन्तरायेसु एकेकस्मिम्पि असति । अज्जत्र चतूहपञ्चाहाति विसिब्बितदिवसतो पञ्च दिवसे अतिक्कामेत्वा “नेव सिब्बिस्सामि, न सिब्बापनाय उस्सुक्कं करिस्सामी” ति धुरं निक्खित्तमत्ते पाचित्तियं ।

सावत्थियं थुल्लनन्दं आरब्ध चीवरं विसिब्बेत्वा न सिब्बन्वत्थुस्मिं पञ्जत्तं, तिकपाचित्तियं, अनुपसम्पन्नाय तिकदुक्कटं, तथा उभिन्नम्पि अज्जस्मिं परिकखारे । या पन अन्तरायिकिनी वा होति, परियेसित्वा वा किञ्चि न लभति, करोन्ती वा पञ्चाहं अतिक्कामेति, तस्सा च, गिलानाय च, आपदासु च, उम्मतिकादीनञ्च अनापत्ति । निवासनपारुपनुपगचीवरता, उपसम्पन्नाय सन्तकता, सिब्बन्तिया विसिब्बनं वा विसिब्बापनं वा, अज्जत्र अनुज्जातकारणा पञ्चाहातिककमो, धुरनिकखेपोति इमानेत्य पञ्च अङ्गानि । समुद्धानादीनि समनुभासनसदिसानीति ।

चीवरसिब्बनसिक्खापदवण्णना निट्ठिता ।

४. सङ्घाटिचारसिक्खापदवण्णना

चतुत्थे पञ्च अहानि पञ्चाहं, पञ्चाहमेव पञ्चाहिकं । सङ्घाटीनं चारो सङ्घाटिचारो, परिभोगवसेन वा ओतापनवसेन वा सङ्घटितट्टेन ‘सङ्घाटी’ ति लङ्गनामं तिचीवरं, उदकसाटिका, संकच्चिकाति इमेसं पञ्चन्नं चीवरानं परिवत्तन्ति अत्थो । अतिक्कामेय्य पाचित्तियन्ति छट्ठे अरुणुगमने एकस्मिं चीवरे वुत्तनयेन अपरिवत्तिते एका आपत्ति, पञ्चसु पञ्च ।

सावत्थियं सम्बहुला भिक्खुनियो आरब्ध चीवरं निक्खिपित्वा सन्तरुत्तरेन जनपदचारिकं पक्कमनवत्थुस्मिं पञ्जत्तं, तिकपाचित्तियं, पञ्चाहानतिककन्ते द्विकदुक्कटं । तस्मिं पन अनतिककन्तसज्जाय, पञ्चमं दिवसं पञ्च चीवरानि निवासेन्तिया वा पारुपन्तिया वा ओतापन्तिया वा, गिलानाय, “इदं मे चीवरं महग्घं ईदिसे चोरभये न सक्का धारेतु” न्ति एवरूपासु आपदासु, उम्मतिकादीनञ्च अनापत्ति । पञ्चन्नं चीवरानं अज्जतरता, पञ्चाहातिककमो, अनुज्जातकारणाभावो, अपरिवत्तन्ति इमानेत्य चत्तारि अङ्गानि । समुद्धानादीनि कथिनसदिसानीति ।

सङ्घाटिचारसिक्खापदवण्णना निट्ठिता ।

५. चीवरसङ्कमनीयसिक्खापदवण्णना

पञ्चमे चीवरसङ्कमनीयन्ति सङ्कमेतब्बं चीवरं, अज्जिस्सा सन्तकं अनापुच्छा गहितं पुन पटिदातब्बं पञ्चन्नं अज्जतरं चीवरन्ति अत्थो । धारेय्याति सचे तं निवासेति वा पारुपति वा पाचित्तियं ।

सावत्थियं अज्जतरं भिक्खुनि आरब्ध भिक्खुनिया चीवरं आदाय अनापुच्छा पारुपनवत्थुस्मिं पञ्जत्तं, तिकपाचित्तियं, अनुपसम्पन्नाय तिकदुक्कटं । या पन ताव या दिन्नं, तं वा आपुच्छा, अच्छिन्ननट्टचीवरिका वा हुत्वा, “इदं मे चीवरं महग्घं ईदिसे चोरभये न सक्का धारेतु” न्ति एवरूपासु आपदासु वा धारेति, तस्सा, उम्मतिकादीनञ्च अनापत्ति । चीवरसङ्कमनीयता, उपसम्पन्नाय सन्तकता, अनुज्जातकारणाभावो, धारणन्ति इमानेत्य चत्तारि अङ्गानि । समुद्धानादीनि पठमकथिनसदिसानि, इदं पन किरियाकिरियन्ति ।

चीवरसङ्कमनीयसिक्खापदवण्णना निट्ठिता ।

६. गणचीवरसिक्खापदवण्णना

छट्ठे गणस्साति भिक्खुनिसङ्गस्स । चीवरलाभन्ति विकप्पनुपगम्पि पच्छिमं लभितब्बं चीवरं । अन्तरायं करेय्याति यथा ते दातुकामा न देन्ति, एवं परक्कमेय्य । पाचित्तियन्ति सचे तस्सा वचनेन ते न देन्ति, भिक्खुनिया पाचित्तियं ।

सावत्थियं थुल्लनन्दं आरब्ध गणस्स चीवरलाभन्तरायकरणवत्थुस्मिं पञ्जत्तं, अञ्जस्मिं परिकखारे दुक्कटं, सम्बहुलानं पन एकभिक्षुनियो वा चीवरलाभेपि दुक्कटमेव । “समग्धकाले दस्सथा”ति एवं आनिसंसं दस्सेत्वा निवारन्तिया, उम्मत्तिकादीनञ्च अनापत्ति । विकप्पनुपगपच्छिमता, सङ्खस्स परिणतभावो, विना आनिसंसदस्सनेन अन्तरायकरणन्ति इमानेत्य तीणि अङ्गानि । समुद्धानादीनि अदिन्नादानसदिसानीति ।

गणचीवरसिक्खापदवण्णना निड्डिता ।

७. पटिबाहनसिक्खापदवण्णना

सत्तमे धम्मिकं चीवरविभङ्गन्ति समग्गेन सङ्गेन सन्निपतित्वा करीयमानं चीवरविभङ्गं । पटिबाहेय्याति पटिसेधेय्य, एवं पटिसेधेन्तिया पाचित्तियं ।

सावत्थियं थुल्लनन्दं आरब्ध धम्मिकं चीवरविभङ्गं पटिबाहनवत्थुस्मिं पञ्जत्तं, धम्मिके वेमत्तिकाय, अधम्मिके धम्मिकसञ्जाय चेव वेमत्तिकाय च दुक्कटं । उभयत्थ अधम्मिकसञ्जाय, आनिसंसं दस्सेत्वा पटिबाहन्तिया, उम्मत्तिकादीनञ्च अनापत्ति । चीवरविभङ्गस्स धम्मिकता, धम्मिकसञ्जिता, विना आनिसंसेन पटिबाहनन्ति इमानेत्य तीणि अङ्गानि । समुद्धानादीनि अदिन्नादानसदिसानेवाति ।

पटिबाहनसिक्खापदवण्णना निड्डिता ।

८. चीवरदानसिक्खापदवण्णना

अट्टमे समणचीवरन्ति कप्पकत्तं निवासनपारुपणुपगं, एवरूपं ठपेत्वा पञ्च सहधम्मिके मातापितरो च यस्स कस्सचि गहट्टस्स वा पब्बजितस्स वा परिचयित्वा देन्तिया पाचित्तियं ।

सावत्थियं थुल्लनन्दं आरब्ध अगारिकस्स समणचीवरदानवत्थुस्मिं पञ्जत्तं, भिक्षुनो दुक्कटं । मातापितृन् परिचयित्वापि, अञ्जेसं तावकालिकमेव देन्तिया, उम्मत्तिकादीनञ्च अनापत्ति । समणचीवरता, ठपेत्वा सहधम्मिके च मातापितरो च अञ्जेसं दानं, अतावकालिकताति इमानेत्य तीणि अङ्गानि । समुद्धानादीनि सञ्चरित्तसदिसानीति ।

चीवरदानसिक्खापदवण्णना निड्डिता ।

९. कालअतिक्कमनसिक्खापदवण्णना

नवमे दुब्बलचीवरपच्चासायाति दुब्बलाय चीवरपच्चासाय, “सचे सक्कोम दस्सामा”ति एतकमत्तं सुत्वा उप्पादिताय आसायाति अत्थो । चीवरकालसमयं अतिक्कामेय्याति वस्संवुड्ढाभिक्षुनीहि कालचीवरे भाजियमाने “आगमेय्याथ, अत्थे, अत्थि सङ्खस्स चीवरपच्चासा”ति वत्त्वा तं चीवरविभङ्गं चीवरकालं अतिक्कामेय्य, तस्सा अनत्थते कथिने वस्सानस्स पच्छिममासं, अत्थते कथिने कथिनुब्भारदिवसं अतिक्कामेन्तिया पाचित्तियं ।

सावत्थियं थुल्लनन्दं आरब्ध दुब्बलचीवरपच्चासाय चीवरकालसमयं अतिक्कमनवत्थुस्मिं पञ्जत्तं, दुब्बलचीवरे वेमत्तिकाय, अदुब्बलचीवरे दुब्बलचीवरसञ्जाय चेव वेमत्तिकाय च दुक्कटं । उभयत्थ अदुब्बलचीवरसञ्जाय, किञ्चापि “न सक्कोमा”ति वदन्ति, “इदानीं पन तेसं कप्पासो वा उप्पज्जिस्सति, सङ्गो वा पुरिसो आगमिस्सति, तस्मिं आगते अद्दा दस्सन्ती”ति एवं आनिसंसं दस्सेत्वा निवारन्तिया, उम्मत्तिकादीनञ्च अनापत्ति । दुब्बलचीवरता, दुब्बलसञ्जिता, विना आनिसंसेन निवारणन्ति इमानेत्य तीणि अङ्गानि । समुद्धानादीनि अदिन्नादानसदिसानीति ।

कालअतिक्कमनसिक्खापदवण्णना निड्डिता ।

१०. कथिनुद्धारसिक्खापदवण्णना

दसमे धम्मिकं कथिनुद्धारन्ति सब्बासं भिक्षुनीनं अकालचीवरं दातुकामेन उपासकेन यत्तको अत्थारमूलिको आनिसंसो, ततो अधिकं वा समकं वा दत्त्वा याचितेन समग्गेन भिक्षुनिसङ्गेन यं कथिनं जत्तिदुत्तियकम्मेन अन्तरा उद्धरीयति, तस्स सो उद्धारो “धम्मिको”ति वुच्चति, एवरूपं कथिनुद्धारन्ति अत्थो । पटिबाहेय्याति निवारेय्य, तस्स एवरूपं कथिनुद्धारं निवारन्तिया पाचित्तियं ।

सावत्थियं थुल्लनन्दं आरब्ध कथिनुद्धारं पटिबाहनवत्थुस्मिं पञ्जत्तं, सेसं सत्तमे वुत्तनयेनेव वेदितव्वन्ति ।

कथिनुद्धारसिक्खापदवण्णना निड्डिता ।

नगवग्गो ततियो ।

४. तुवट्टवग्गो

१. एकमञ्चतुवट्टनसिक्खापदवण्णना

तुवट्टवग्गस्स पठमे तुवट्टेय्यन्ति निपज्जेय्युं । तासु पन एकाय वा निपन्नाय अपरा निपज्जतु, द्वेपि वा सहेव निपज्जन्तु, द्विन्मि पाचित्तियं ।

सावत्थियं सम्बहुला भिक्षुनियो आरब्ध द्विन् एकमञ्चे तुवट्टनवत्थुस्मिं पञ्जत्तं, सचे पन एकाय निपन्नाय एका निसीदति, उभो वा निसीदन्ति, तासं, उम्मत्तिकादीनञ्च अनापत्ति । एकमञ्चता, द्विन् तुवट्टनन्ति इमानेत्य द्वे अङ्गानि । समुद्धानादीनि एळकलोमसदिसानीति ।

एकमञ्चतुवट्टनसिक्खापदवण्णना निड्डिता ।

२. एकत्थरणतुवट्टनसिक्खापदवण्णना

दुतिये एकं अत्थरणञ्चेव पावुरणञ्च एतासन्ति एकत्थरणपावुरणा, संहारिमानं पावारत्थरणकटसारकादीनं एकं अन्तं अत्थरित्वा एकं पारुपित्वा तुवट्टेन्तीनमेतं अधिवचनं । पाचित्तियन्ति तंयेव अत्थरित्वा तं पारुपित्वा निपज्जन्तीनं पाचित्तियं ।

सावत्थियं सम्बहुला भिक्षुनियो आरब्ध एवं तुवट्टनवत्थुस्मिं पञ्जत्तं, तिकपाचित्तियं, अत्थरणे वा पावुरणे वा एकस्मिं दुक्कटं, नानत्थरणपावुरणे द्विकदुक्कटं । तस्मिं पन नानत्थरणपावुरणसञ्जाय, ववत्थानं दस्सेत्वा निपज्जन्तिया, उम्मत्तिकादीनञ्च अनापत्ति । सेसं पठमसदिसमेवाति ।

एकत्थरणतुवट्टनसिक्खापदवण्णना निड्डिता ।

३. अफासुकरणसिक्खापदवण्णना

ततिये अफासुन्ति “इमिना इमिस्सा अफासु भविस्सती”ति अनापुच्छा पुरतो चङ्कमनट्टाननिस्सज्जादयो वा उद्दिसउद्दिसापनपरिपुच्छनसज्जायं वा करोन्ति या चङ्कमने निवत्तनगणनाय, ठानादीसु पयोगगणनाय, उद्देसादीसु पदगणनाय पाचित्तियं।

सावत्थियं थुल्लनन्दं आरब्ध सञ्चिच्च अफासुकरणवत्थुस्मिं पञ्जत्तं, तिकपाचित्तियं, अनुपसम्पन्नाय तिकदुक्कटं, न अफासुकामताय, आपुच्छा पुरतो चङ्कमनादीनि करोन्ति या, उम्मतिकादीनञ्च अनापत्ति। उपसम्पन्नाता, अफासुकामता, अफासुकरणं, अनापुच्छनन्ति इमानेत्य चत्तारि अङ्गानि। समुद्धानादीनि अदिन्नादानसदिसानि, इदं पन किरियाकिरियं, दुक्खवेदनन्ति।

अफासुकरणसिक्खापदवण्णना निड्ढिता।

४. नउपट्ठापनसिक्खापदवण्णना

चतुर्थे दुक्खितन्ति गिलानं। सहजीविनिन्ति सद्धिविहारिनिं। नेव उपट्ठेय्याति तस्सा उपट्ठानं सयं वा अकरोन्ति या, परेहि वा अकारेन्ति या धुरं निक्खित्तमत्ते पाचित्तियं।

सावत्थियं थुल्लनन्दं आरब्ध दुक्खितं सहजीविनिं अनुपट्ठानवत्थुस्मिं पञ्जत्तं, अन्तेवासिनिया वा अनुपसम्पन्नाय वा दुक्कटं, दससु अञ्जतरन्तराये सति परियेसित्वा अलभन्ति या, गिलानाय, आपदासु, उम्मतिकादीनञ्च अनापत्ति। गिलानता, सद्धिविहारिता, अनुज्जातकारणाभावो, उपट्ठाने धुरनिक्खेपोति इमानेत्य चत्तारि अङ्गानि। समुद्धानादीनि समनुभासनसदिसानीति।

नउपट्ठापनसिक्खापदवण्णना निड्ढिता।

५. निक्कट्टनसिक्खापदवण्णना

पञ्चमे उपस्सयं दत्त्वाति सकवाटबद्धं अत्तनो पुग्गलिकविहारं दत्त्वा। निक्कट्टेय्याति बहूनिपि द्वाराणि एकपयोगेन निक्कट्टेन्ति या एका आपत्ति, नानापयोगेहि पयोगगणनाय आपत्तियो, आणत्तियम्पि एसेव नयो। सचे पन “इमञ्चिमञ्च द्वारं अतिक्रामेही”ति आणापेति, एकाय आणत्तिया एव द्वारगणनाय आपत्तियो।

सावत्थियं थुल्लनन्दं आरब्ध एतादिसे वत्थुस्मिं पञ्जत्तं, तिकपाचित्तियं, अकवाटबद्धतो दुक्कटं, अनुपसम्पन्नाय तिकदुक्कटं, सकवाटबद्धतो वा अकवाटबद्धतो वा उभिन्निम्पि परिकखारनिककट्टने दुक्कटमेव, सेसं सङ्घिकविहारनिककट्टनसिक्खापदे वुत्तनयमेवाति।

निक्कट्टनसिक्खापदवण्णना निड्ढिता।

६. संसट्टसिक्खापदवण्णना

छट्ठं उत्तानपदत्थमेव। सावत्थियं चण्डकाळि आरब्ध संसट्टविहारवत्थुस्मिं पञ्जत्तं, सेसमेत्थ पठमअरिडुसिक्खापदे वुत्तविनिच्छयसदिसमेवाति।

संसट्टसिक्खापदवण्णना निड्ढिता।

७. अन्तोरट्टसिक्खापदवण्णना

सत्तमे अन्तोरट्टेति यस्स विजिते विहरति, तस्स रट्टे। असत्थिका चारिकन्ति विना सत्थेन गच्छन्ति या, गामन्तरगणनाय, अगामके अरञ्जे अद्ध्ययोजनगणनाय पाचित्तियं।

सावत्थियं सम्बहुला भिक्खुनियो आरब्ध वुत्तनयेनेव देसचारिकं पक्कमनवत्थुस्मिं पञ्जत्तं। सत्थेन सह गच्छन्ति या, खेमे अप्पटिभये, आपदासु, उम्मतिकादीनञ्च अनापत्ति। अन्तोरट्टता, अखेमता, अनुज्जातकारणाभावो, चारिकं पक्कमनन्ति इमानेत्य चत्तारि अङ्गानि। समुद्धानादीनि एल्लकलोमसदिसानीति।

अन्तोरट्टसिक्खापदवण्णना निड्ढिता।

८. तिरोरट्टसिक्खापदवण्णना

अट्ठमे तिरोरट्टेति यस्स विजिते विहरति, तं ठपेत्वा अञ्जस्स रट्टे। सेसं सत्तमे वुत्तनयेनेव वेदितब्बं, नगरं पनेत्थ राजगहन्ति।

तिरोरट्टसिक्खापदवण्णना निड्ढिता।

९. अन्तोवस्ससिक्खापदवण्णना

नवमे अन्तोवस्सन्ति पुरिमं वा तेमासं, पच्छिमं वा तेमासं अवसित्वा तस्स वस्सस्स अन्तोयेव। इध सत्ताहकरणीयेन वा केनचि उब्बळ्हाय वा आपदासु वा गच्छन्ति या उम्मतिकादीनञ्च अनापत्ति। सेसं अट्ठमसदिसमेवाति।

अन्तोवस्ससिक्खापदवण्णना निड्ढिता।

१०. चारिकनपक्कमनसिक्खापदवण्णना

दसमे वस्संवुट्ठाति पुरिमं वा तेमासं, पच्छिमं वा तेमासं वुट्ठा। छप्पञ्चयोजनानीति एत्थ पवारेत्वा पञ्च योजनानि गन्तुम्पि वट्ठति, छसु वत्तब्बमेव नत्थि। सचे पन तीणि गन्त्वा तेनेव मग्गेन पच्चागच्छति, न वट्ठति, अञ्जेन आगन्तुं वट्ठति। “वुत्तप्पमाणं अट्ठानं न गच्छिस्सामी”ति धुरे निक्खित्तमत्ते पाचित्तियं।

राजगहे सम्बहुला भिक्खुनियो आरब्ध वस्सं वसित्वा चारिकं अपक्कमनवत्थुस्मिं पञ्जत्तं। अन्तराये सति, परियेसित्वा दुतियिकं भिक्खुनिं अलभन्ति या, गिलानाय, आपदासु, उम्मतिकादीनञ्च अनापत्ति। वस्संवुट्ठता, अनुज्जातकारणाभावो, पञ्चयोजनानतिक्रमोति इमानेत्य तीणि अङ्गानि। समुद्धानादीनि पठमपाराजिकसदिसानि, इदं पन अकिरियं, दुक्खवेदनन्ति।

चारिकनपक्कमनसिक्खापदवण्णना निड्ढिता।

तुवट्टवगो चतुत्थो ।

५. चित्तागारवगो

१. राजागारसिक्खापदवण्णना

चित्तागारवगस्स पठमे **राजागार**न्ति रज्जो कीळनधरं । **चित्तागार**न्ति कीळनचित्तसालं । **आराम**न्ति कीळनउपवनं । **उय्या**न्ति कीळनुय्यानं । **पोक्खर**णन्ति कीळनपोक्खरणिं । **दस्सना**याति “एतेसु यंकिञ्चि पस्सिस्सामी”ति गच्छन्ति या पदे पदे दुक्कटं, यत्थ उत्त्वा पस्सति, तत्थ पदं अनुद्धरित्वा पञ्चापि पस्सन्ति या एकाव आपत्ति । सचे पन तं तं विलोकेत्वा पस्सति, गीवं परिवत्तनप्पयोगगणनाय आपत्तियो, न उम्मीलनगणनाय ।

सावत्थियं छब्बगिया भिक्खुनियो आरब्ध चित्तागारं दस्सनाय गमनवत्थुस्मिं पञ्जत्तं, भिक्खुस्स सब्बत्थ दुक्कटं, अवसेसो विनिच्छयो नच्चदस्सनसिक्खापदे वुत्तनयेनेव वेदितब्बोति ।

राजागारसिक्खापदवण्णना निट्ठिता ।

२. आसन्दिपरिभुज्जनसिक्खापदवण्णना

दुतिये **आसन्दी** नाम अतिक्कन्तप्पमाणा वुच्चति । **पल्लङ्को** नाम संहारिमेन वाळेन कर्तोति वुत्तो । **परिभुज्जेय्या**ति एत्थ पन निसीदननिपज्जनप्पयोगगणनाय पाचित्तियं वेदितब्बं ।

सावत्थियं सम्बहुला भिक्खुनियो आरब्ध आसन्दिपल्लङ्कपरिभोगवत्थुस्मिं पञ्जत्तं, आसन्दि या पदे छिन्दित्वा, पल्लङ्कस्स वाळे भिन्दित्वा परिभुज्जन्ति या, उम्मतिकादीनञ्च अनापत्ति । आसन्दिपल्लङ्कता, निसीदनं निपज्जनं वाति इमानेत्य द्वे अङ्गानि । समुद्धानादीनि एळकलोमसदिसानीति ।

आसन्दिपरिभुज्जनसिक्खापदवण्णना निट्ठिता ।

३. सुत्तकन्तनसिक्खापदवण्णना

ततिये **सुत्त**न्ति छन्नं अज्जतरं । **कन्तेय्या**ति एत्थ यत्तकं हत्थेन अज्झितं होति, तस्मिं तक्कम्हि वेठिते एका आपत्ति । इदञ्चि सन्थाय पदभाजनीये (पाचि० ९८८) “उज्जवुज्जवे”ति वुत्तं ।

सावत्थियं छब्बगिया भिक्खुनियो आरब्ध सुत्तं कन्तनवत्थुस्मिं पञ्जत्तं, कन्तनतो पुब्बे कप्पासविचिननं आदिं कत्वा सब्बप्पयोगेसु हत्थवारगणनाय दुक्कटं । कन्तितसुत्तं कन्तन्ति या, उम्मतिकादीनञ्च अनापत्ति । अकन्तितता, कन्तन्ति इमानेत्य द्वे अङ्गानि । समुद्धानादीनि एळकलोमसदिसानीति ।

सुत्तकन्तनसिक्खापदवण्णना निट्ठिता ।

४. गिहिवेय्यावच्चसिक्खापदवण्णना

चतुत्थे **गिहिवेय्यावच्च**न्ति गिहीनं वेय्यावच्चं । सचेपि हि मातापितरो अत्तनो किञ्चि कम्मं अकारापेत्वा तेसं यागुपचनादीनि करोन्ति, पुब्बप्पयोगेसु पयोगगणनाय दुक्कटानि आपज्जित्वा यागुआदीसु भाजनगणनाय, खादनीयादीसु पूवगणनाय पाचित्तियं आपज्जति ।

सावत्थियं सम्बहुला भिक्खुनियो आरब्ध गिहीनं वेय्यावच्चकरणवत्थुस्मिं पञ्जत्तं, मनुस्सेहि सङ्गस्स यागुपाने वा भत्ते वा चेतियपूजाय वा करीयमानाय तेसं सहायभावेन यागुपचनादीनि, अत्तनो वेय्यावच्चकरस्स च तानियेव करोन्ति या, उम्मतिकादीनञ्च अनापत्ति । गिहिवेय्यावच्चकरणं, अनुज्जातकारणाभावोति इमानेत्य द्वे अङ्गानि । समुद्धानादीनि एळकलोमसदिसानीति ।

गिहिवेय्यावच्चसिक्खापदवण्णना निट्ठिता ।

५. अधिकरणसिक्खापदवण्णना

पञ्चमे **अधिकरण**न्ति चतुत्तं अज्जतरं । **पाचित्तियन्ति** इध चीवरसिब्बने विय धुरं निक्खित्तमत्ते पाचित्तियं, एकाहम्पि परिहारो नत्थि ।

सावत्थियं थुल्लनन्दं आरब्ध अधिकरणं नवूपसमनवत्थुस्मिं पञ्जत्तं, सेसमेत्थ चीवरसिब्बनसिक्खापदे वुत्तनयेनेव वेदितब्बन्ति ।

अधिकरणसिक्खापदवण्णना निट्ठिता ।

६. भोजनदानसिक्खापदवण्णना

छट्ठे **सहत्था**ति कायेन वा कायप्पटिबद्धेन वा निस्सगियेन वा उपेत्वा पञ्चसहधम्मिके अवसेसानं अज्जत्र उदकदन्तपोना यंकिञ्चि अज्झोहरणीयं ददन्ति या पाचित्तियं ।

सावत्थियं थुल्लनन्दं आरब्ध अगारिकस्स खादनीयभोजनीयदानवत्थुस्मिं पञ्जत्तं, उदकदन्तपोने दुक्कटं । या पन दापेति न देति, उपनिक्खिपित्वा देति, बाहिरलेपं देति, तस्सा, उम्मतिकादीनञ्च अनापत्ति । अज्जत्र उदकदन्तपोना अज्झोहरणीयं, उपेत्वा पञ्च सहधम्मिके अज्जस्स सहत्था दानन्ति इमानेत्य द्वे अङ्गानि । समुद्धानादीनि एळकलोमसदिसानीति ।

भोजनदानसिक्खापदवण्णना निट्ठिता ।

७. आवसथचीवरसिक्खापदवण्णना

सत्तमे **आवसथचीवर**न्ति “उत्तुनियो भिक्खुनियो परिभुज्जन्तू”ति दिन्नचीवरं । **अनिस्सज्जित्वा**ति चतुत्थे दिवसे धोवित्वा अज्जिस्सा अन्तमसो सामपेरियापि उत्तुनिया अदत्वा । **पाचित्तियन्ति** एवं अनिस्सज्जित्वा परिभुज्जन्ति या पाचित्तियं ।

सावत्थियं थुल्लनन्दं आरब्ध आवसथचीवरं अनिस्सज्जित्वा परिभुज्जनवत्थुस्मिं पञ्जत्तं, तिकपाचित्तियं, निस्सज्जिते द्विकदुक्कटं । तस्मिं पन निस्सज्जितसञ्जाय, पुन परियायेन वा, अज्जासं उत्तुनीनं अभावेन वा, अच्छिन्ननट्टचीवरिकाय वा, आपदासु वा परिभुज्जन्ति या, उम्मतिकादीनञ्च अनापत्ति । आवसथचीवरता, चतुर्थदिवसता, धोवित्वा अनिस्सज्जनं, अनुज्जातकारणाभावोति इमानेत्य चत्तारि अङ्गानि । समुद्धानादीनि कथिनसदिसानि, इदं पन किरियाकिरियन्ति ।

आवसथचौरसिक्खापदवण्णना निड्ढिता ।

८. आवसथविहारसिक्खापदवण्णना

अट्टमे आवसथन्ति कवाटबद्धविहारं । अनिस्सज्जित्वाति रक्खणत्थाय अदत्त्वा, “इदं जग्गेय्यासी”ति एवं अनापुच्छित्वाति अत्थो । चारिकं पक्कमेय्य पाचित्तियन्ति एत्थ सकगामतो अज्जं गामं एकरत्तिवासत्थायपि पक्कमन्तिया परिकिञ्चत्तस्स आवसथस्स परिकखेपं, अपरिकिञ्चत्तस्स उपचारं पठमपादेन अतिक्कन्तमत्ते दुक्कटं, दुत्तियेन पाचित्तियं ।

सावत्थियं थुल्लनन्दं आरब्ध आवसथं अनिस्सज्जित्वा चारिकं पक्कमनवत्थुस्मिं पज्जत्तं, तिकपाचित्तियं, अकवाटबद्धे दुक्कटं, निस्सज्जिते द्विकदुक्कटं । तस्मिं पन निस्सज्जितसज्जाय, सति अन्तराये, पटिजग्गिकं परियेसित्वा अलभन्तिया, गिलानाय, आपदासु, उम्मत्तिकादीनञ्च अनापत्ति । सकवाटबद्धता, वुत्तनयेन पक्कमनं, अनुज्जातकारणाभावोति इमानेत्य तीणि अङ्गानि । समुट्टानादीनि कथिनसदिसानीति, इदं पन किरियाकिरियन्ति ।

आवसथविहारसिक्खापदवण्णना निड्ढिता ।

९. तिरच्छानविज्जापरियापुणनसिक्खापदवण्णना

नवमे तिरच्छानविज्जन्ति यंकिञ्चि बाहिरकं अनत्थसंहितं हत्थिअस्सरथधनुथरुसिप्पआथब्बणखिलनवसीकरणसोसापनमन्तागदप्पयोगादिभेदं परूपाघातकरं विज्जं । परियापुणेय्याति एत्थ यस्स कस्सचि सन्तिके तं पदादिवसेन परियापुणन्तिया पदगणनाय चेव अक्खरगणनाय च पाचित्तियन्ति ।

तिरच्छानविज्जापरियापुणनसिक्खापदवण्णना निड्ढिता ।

१०. तिरच्छानविज्जावाचनसिक्खापदवण्णना

दसमे वाचेय्याति पदं विसेसो । उभयम्पि सावत्थियं छब्बगिया चेव सम्बहुला भिक्खुनियो च आरब्ध तिरच्छानविज्जं परियापुणनवाचनवत्थुस्मिं पज्जत्तं । लेखे, धारणाय च, गुत्तथाय च यक्खपरित्तनागमण्डलादिके सब्बपरित्ते, उम्मत्तिकादीनञ्च अनापत्ति । तिरच्छानविज्जता, परियापुणनवाचना, अनुज्जातकारणाभावोति इमानेत्य द्वीसुपि तीणि अङ्गानि । समुट्टानादीनि पदसोधम्मसदिसानीति ।

तिरच्छानविज्जावाचनसिक्खापदवण्णना निड्ढिता ।

चित्तागारवग्गो पञ्चमो ।

६. आरामवग्गो

१. आरामपविसनसिक्खापदवण्णना

आरामवग्गस्स पठमे सभिक्खुकं आरामन्ति यत्थ भिक्खु रुक्खमूलेपि वसन्ति, तं पदेसं । अनापुच्छाति एत्थ भिक्खुसामणेरआरामिकेसु यंकिञ्चि अनापुच्छा, परिकिञ्चत्तस्स आरामस्स परिकखेपं अतिक्कमन्तिया, अपरिकिञ्चत्तस्स उपचारं ओक्कमन्तिया पठमपादे दुक्कटं, दुत्तियपादे पाचित्तियं ।

सावत्थियं सम्बहुला भिक्खुनियो आरब्ध अनापुच्छा आरामं पविसनवत्थुस्मिं पज्जत्तं, “सन्तं भिक्खुं अनापुच्छा”ति च “जानं सभिक्खुक”न्ति च इमानेत्य द्वे अनुपज्जत्तियो, सभिक्खुके वेमत्तिकाय, अभिक्खुके सभिक्खुकसज्जाय चेव वेमत्तिकाय च दुक्कटं । तस्मिं पन दुविधेपि अभिक्खुकसज्जाय, सन्तं भिक्खुं आपुच्छा पविसन्तिया, पठमण्विद्वानं वा भिक्खुनीनं सीसंनूलोकिकाय, यत्थ वा भिक्खुनियो सन्निपत्तिता, तत्थ “तासं सन्तिकं गच्छामी”ति सज्जाय, आरामेन वा मग्गो होति, तेन गच्छन्तिया, आपदासु, उम्मत्तिकादीनञ्च अनापत्ति । सभिक्खुकारामता, सभिक्खुकसज्जिता, वुत्तपरिच्छेदातिक्कमो, अनुज्जातकारणाभावोति इमानेत्य चत्तारि अङ्गानि । समनुभासनसमउट्टानं, किरियाकिरियं, सज्जाविमोक्खं, सचित्तकं, पण्णत्तिवज्जं, कायकम्मं, वचीकम्मं, तिचिचि, तिवेदनन्ति ।

आरामपविसनसिक्खापदवण्णना निड्ढिता ।

२. भिक्खुअक्कोसनसिक्खापदवण्णना

दुत्तिये अक्कोसेय्याति दसन्नं अक्कोसवत्थूनं अज्जतरेन सम्मुखा वा परम्मुखा वा अक्कोसेय्य । परिभासेय्याति भयमस्स उपदंसेय्य । पाचित्तियन्ति तस्सा एवं करोन्तिया पाचित्तियं ।

वेसालियं छब्बगिया भिक्खुनियो आरब्ध आयस्मन्तं उपालि अक्कोसनवत्थुस्मिं पज्जत्तं, तिकपाचित्तियं, अनुपसम्पन्ने तिकदुक्कटं, अत्थधम्मअनुसासनिपुरेक्खाराय, उम्मत्तिकादीनञ्च अनापत्ति । उपसम्पन्नता, अक्कोसनपरिभासनं, अत्थपुरेक्खारतादीनं अभावोति इमानेत्य तीणि अङ्गानि । समुट्टानादीनि अदिन्नादानसदिसानि, इदं पन दुक्खवेदनन्ति ।

भिक्खुअक्कोसनसिक्खापदवण्णना निड्ढिता ।

३. गणपरिभासनसिक्खापदवण्णना

तत्तिये चण्डिकताति कुट्ठा । गणन्ति भिक्खुनिसङ्घं । परिभासेय्याति एत्थ “बाला एता अब्बता एता, नेता जानन्ति कम्मं वा कम्मदोसं वा कम्मसम्पत्तिं वा कम्मविपत्तिं वा”ति एवं यत्थ कत्थचि परिभासन्तिया पाचित्तियं ।

सावत्थियं थुल्लनन्दं आरब्ध गणं परिभासनवत्थुस्मिं पज्जत्तं, सम्बहुला वा एकं वा अनुपसम्पन्नं वा परिभासन्तिया दुक्कटं । सेसं दुत्तियसदिसमेवाति ।

गणपरिभासनसिक्खापदवण्णना निड्ढिता ।

४. पवारितसिक्खापदवण्णना

चतुत्थे गणभोजने वुत्तनयेन निमन्तिता, पवारणासिक्खापदे वुत्तनयेन पवारिता वेदितब्बा । पाचित्तियन्ति तस्सा पुरेभत्तं ठपेत्वा यागुञ्चेव सेसानि च तीणि कालिकानि अज्जं यंकिञ्चि आमिसं अज्झोहरणत्थाय पटिगणहन्तिया गहणे दुक्कटं, अज्झोहारे अज्झोहारे पाचित्तियं ।

सावत्थियं सम्बहुला भिक्खुनियो आरब्ध अज्जत्र भुञ्जनवत्थुस्मिं पञ्चत्तं, तीणि कालिकानि आहारत्थाय पटिगणहन्तियापि अज्झोहरन्तियापि दुक्कटं । या पन निमन्तिता अप्पवारिता यागुं पिवति, सामिके अपलोकेत्वा भुञ्जति, तीणि कालिकानि सति पच्चये परिभुञ्जति, तस्सा, उम्मत्तिकादीनञ्च अनापत्ति । निमन्तिता वा पवारिता वा तं उभयं वा, पुरेभत्तं वुत्तलक्खणस्स आमिस्सस्स अज्झोहारो, सामिकानं अनापुच्छन्ति इमानेत्य तीणि अङ्गानि । अङ्गानसमुद्धानं, निमन्तिताय अनापुच्छा भुञ्जन्तिया आपत्तिसम्भवतो सिया किरियाकिरियं, पवारिताय कप्पियं कारेत्वापि अकारेत्वापि परिभुञ्जन्तिया आपत्तिसम्भवतो सिया किरियं, नोसज्जाविमोक्खं, अचित्तकं, पण्णत्तिवज्जं कायकम्मं, वचीकम्मं, तिचिच्चं, तिवेदनन्ति ।

पवारितसिक्खापदवण्णना निड्डिता ।

५. कुलमच्छरिनीसिक्खापदवण्णना

पञ्चमे कुले मच्छरो कुलमच्छरो, कुलमच्छरो एतस्सा अत्थि, कुलं वा मच्छरायतीति कुलमच्छरिनी । अस्साति या ईदिसी भवेय्य । पाचित्तियन्ति तस्सा “यं कुलं भिक्खुनीनं पच्चये दातुकामं, कथं नाम तत्थ भिक्खुनियो न गच्छेय्यु”न्ति भिक्खुनीनं वा सन्तिके कुलस्स, “कथं नाम इमे तासं किञ्चि न दज्जेय्यु”न्ति कुलस्स वा सन्तिके भिक्खुनीनं अवण्णं भासन्तिया पाचित्तियं ।

सावत्थियं अज्जतरं भिक्खुनिं आरब्ध कुलमच्छरायनवत्थुस्मिं पञ्चत्तं । अमच्छरायित्वा सत्तयेव आदीनवं आचिक्खन्तिया, उम्मत्तिकादीनञ्च अनापत्ति । भिक्खुनीनं अलाभकामता, कुलस्स वा सन्तिके भिक्खुनीनं भिक्खुनीनं वा सन्तिके कुलस्स अवण्णभणनन्ति इमानेत्य द्वे अङ्गानि । समुद्धानादीनि अदिन्नादानसदिसानि, इदं पन दुक्खवेदनन्ति ।

कुलमच्छरिनीसिक्खापदवण्णना निड्डिता ।

६. अभिक्खुकावाससिक्खापदवण्णना

छट्ठे सचे भिक्खुनुपस्सयतो अड्डयोजनम्भन्तरे ओवाददायका भिक्खू न वसन्ति, मग्गो वा अखेमो होति न सक्का अनन्तरायेन गन्तुं, अयं अभिक्खुको नाम आवासो । तत्थ “वस्सं वसिस्सामी”ति सेनासनपज्जापनपानीयउपड्ढापनादीनि करोन्तिया दुक्कटं, सह अरुणुग्गमना पाचित्तियं । अयमेत्थ सङ्गोपो, वित्थारो पन समन्तापासादिकायं (पाचि० अट्ठ० १४४ आदयो) वुत्तो ।

सावत्थियं सम्बहुला भिक्खुनियो आरब्ध अभिक्खुके आवासो वस्सं वसनवत्थुस्मिं पञ्चत्तं, यत्थ पन वस्सूपगता भिक्खू पक्कन्ता वा होन्ति विव्वन्ता वा कालङ्कता वा पक्खसङ्कन्ता वा तत्थ वसन्तिया, आपदासु, उम्मत्तिकादीनञ्च अनापत्ति । अभिक्खुकावासता, वस्सूपगमनं, अरुणुग्गमनन्ति इमानेत्य तीणि अङ्गानि । समुद्धानादीनि एळकलोमसदिसानेवाति ।

अभिक्खुकावाससिक्खापदवण्णना निड्डिता ।

७. अपवारणासिक्खापदवण्णना

सत्तमे वस्संवुड्डाति पुरिमं वा पच्छिमं वा तेमासं वुड्डा । उभतोसङ्गेति भिक्खुनिसङ्गे चेव भिक्खुसङ्गे च । अयं पनेत्थ विनिच्छयकथा — भिक्खुनीहि चातुदसेयेव सन्निपतित्वा “सुणातु मे, अय्ये, सङ्गो, अज्ज पवारणा चातुदसी, यदि सङ्गस्स पत्तकल्लं, सङ्गो पवारेय्या”ति एवं सव्वसङ्गाहिकजत्तिं वा, “तेवाचिकं पवारेय्या”ति एवं तेवाचिकजत्तिं वा, सति अन्तराये “द्वेवाचिकं, एकवाचिकं, समानवस्सिकं पवारेय्या”ति एवं द्वेवाचिकादिजत्तिं वा ठपेत्वा सव्वसङ्गाहिकजत्तिं चे ठपिता, “सङ्गं, अय्ये, पवारेमि दिट्ठेन वा सुतेन वा परिसङ्काय वा, वदन्तु मं अय्यायो अनुकम्पं उपादाय, पस्सन्तो पटिकरिस्सामी”ति (चूळव० ४२७) एवं सकिं वा, “दुतियम्मि, अय्ये, सङ्गं...पे०... ततियम्मि, अय्ये, सङ्गं...पे०... पटिकरिस्सामी”ति एवं द्वत्तिक्खत्तुं वा वत्ता पटिपाटिया पवारेतब्बं । तेवाचिकाय जत्तिया वचनं न हापेतब्बं, द्वेवाचिकादीसु वट्ठेतुं वट्ठति, हापेतुं न वट्ठति । एवं भिक्खुनिसङ्गे पवारेत्वा तत्थेव एका भिक्खुनी भिक्खुनिक्खन्धके (चूळव० ४२७) वुत्तेन जत्तिदुतियकम्मेन भिक्खुनिसङ्गस्सत्थाय भिक्खुसङ्गं पवारेतुं सम्मन्तिव्वत्ता । ताय सम्मताय भिक्खुनिया पन्नरसे भिक्खुनिसङ्गं आदाय भिक्खुसङ्गं उपसङ्कमित्वा एकसं उत्तरासङ्गं करित्वा अज्जलिं पग्गहेत्वा एवमस्स वचनीयो “भिक्खुनिसङ्गो अय्य भिक्खुसङ्गं पवारेति दिट्ठेन वा सुतेन वा परिसङ्काय वा, वदताय्य भिक्खुसङ्गो भिक्खुनिसङ्गं अनुकम्पं उपादाय, पस्सन्तो पटिकरिस्सति, दुतियम्मि अय्य...पे०... ततियम्मि अय्य...पे०... पस्सन्तो पटिकरिस्सती”ति एवं पवारेतब्बं ।

सचे पञ्चवग्गो भिक्खुनिसङ्गो न पूरति, चतुहि वा तीहि वा गणजत्तिं ठपेत्वा, द्वीहि विना जत्तिया अज्जमज्जं पवारेतब्बं । एकाय “अज्ज मे पवारणा”ति अधिद्वातब्बं ।

विहारं पन गन्त्वा “भिक्खुनियो, अय्य, भिक्खुसङ्गं पवारेन्ति दिट्ठेन वा सुतेन वा परिसङ्काय वा, वदताय्य भिक्खुसङ्गो भिक्खुनियो अनुकम्पं उपादाय, पस्सन्तियो पटिकरिस्सन्ती”ति च, “अहं, अय्य, भिक्खुसङ्गं पवारेमि दिट्ठेन वा सुतेन वा परिसङ्काय वा, वदतु मं, अय्य, भिक्खुसङ्गो अनुकम्पं उपादाय, पस्सन्ती पटिकरिस्सामी”ति च एवं तिक्खत्तुं वत्तब्बं ।

सचे भिक्खुसङ्गो न पूरति, “भिक्खुनिसङ्गो, अय्य, अय्ये पवारेति दिट्ठेन वा सुतेन वा परिसङ्काय वा, वदन्तु अय्या भिक्खुनिसङ्गं अनुकम्पं उपादाय, पस्सन्तो पटिकरिस्सती”ति च, “भिक्खुनिसङ्गो, अय्य, अय्यं पवारेति दिट्ठेन वा सुतेन वा परिसङ्काय वा, वदताय्यो भिक्खुनिसङ्गं अनुकम्पं उपादाय, पस्सन्तो पटिकरिस्सती”ति च एवं तिक्खत्तुं वत्तब्बं ।

उभन्नं अपरिपूरिया “भिक्खुनियो, अय्या, अय्ये पवारेन्ति दिट्ठेन वा सुतेन वा परिसङ्काय वा, वदन्ताय्या भिक्खुनियो अनुकम्पं उपादाय, पस्सन्तियो पटिकरिस्सन्ती”ति च, “भिक्खुनियो, अय्य, अय्यं पवारेन्ति दिट्ठेन वा सुतेन वा परिसङ्काय वा, वदताय्यो भिक्खुनियो अनुकम्पं उपादाय, पस्सन्तियो पटिकरिस्सन्ती”ति च, “अहं, अय्या, अय्ये पवारेमि दिट्ठेन वा सुतेन वा...पे०... वदन्तु मं, अय्या, अनुकम्पं उपादाय, पस्सन्ती पटिकरिस्सामी”ति च, “अहं, अय्य, अय्यं पवारेमि दिट्ठेन वा सुतेन वा...पे०... वदतु मं, अय्यो, अनुकम्पं उपादाय, पस्सन्ती पटिकरिस्सामी”ति च एवं तिक्खत्तुं वत्तब्बं । सब्बाहेव हि इमिना नयेन उभतोसङ्गे पवारिता होति, या पन वस्संवुड्डा “उभतोसङ्गे एवं न पवारेस्सामी”ति धुरं निक्खिपति, तस्सा सह धुरनिक्खेपेन पाचित्तियं ।

सावत्थियं सम्बहुला भिक्खुनियो आरब्ध वस्सं वसित्वा न पवारणावत्थुस्मिं पञ्चत्तं । अन्तराये पन सति, परियेसित्वा भिक्खू अलभन्तिया, गिलानाय, आपदासु, उम्मत्तिकादीनञ्च अनापत्ति । वस्संवुड्डता, न उभतोसङ्गे पवारणा, अनुज्जातकारणाभावोति इमानेत्य तीणि अङ्गानि । समुद्धानादीनि समनुभासनसदिसानीति ।

अपवारणासिक्खापदवण्णना निड्डिता ।

८. ओवादसिक्खापदवण्णना

अट्ठमे ओवादायाति गरुधम्मस्सवनत्थाय । संवासायाति उपोसथपुच्छनत्थाय चेव पवारणत्थाय च । पाचित्तियन्ति “एतेसं अत्थाय न गच्छामी”ति धुरं निक्खिपत्तमे पाचित्तियं ।

सक्केसु छब्बगिया भिक्खुनियो आरब्ध ओवादाय अगमनवत्थुस्मिं पञ्चत्तं । अन्तराये पन सति, परियेसित्वा दुतियिकं अलभन्तिया, गिलानाय, आपदासु, उम्मत्तिकादीनञ्च अनापत्ति । ओवादसंवासानं अत्थाय अगमनं, अनुज्जातकारणाभावोति इमानेत्य द्वे अङ्गानि । समुद्धानादीनि पठमपाराजिकसदिसानि, इदं पन अकिरियं, दुक्खवेदनन्ति ।

ओवादसिक्खापदवण्णना निड्डिता ।

९. ओवादूपसङ्कमनसिक्खापदवण्णना

नवमे अन्वद्धमासन्ति अद्धमासे अद्धमासे। उपोसथपुच्छन्ति उपोसथपुच्छन्। ओवादूपसङ्कमनन्ति ओवादत्थाय उपसङ्कमन्। तं अतिक्रामेन्तियाति एत्थ भिक्खुनीहि तेरसे वा चातुदसे वा आरामं गन्त्वा “अयं उपोसथो चातुदसो पन्नरसो”ति पुच्छितब्बं, उपोसथदिवसे निदानवण्णनायं वृत्तनयेन ओवादूपसङ्कमनं याचितब्बं। या भिक्खुनी वृत्तपकारे काले तदुभयं न करोति, सा तं अतिक्रामेति नाम, तस्सा “उपोसथम्पि न पुच्छिस्सामि, ओवादम्पि न याचिस्सामी”ति धुरं निक्खित्तमत्ते पाचित्तियं।

सावत्थियं सम्बहुला भिक्खुनियो आरब्ध उपोसथओवादानं अपुच्छनअयाचनवत्थुस्मिं पञ्जत्तं, अनापत्ति अट्टमसदिसायेव। उपोसथओवादानं अपुच्छनअयाचनायं धुरनिकखेपो, अनुञ्जातकारणाभावोति इमानेत्य द्वे अङ्गानि। समुद्धानादीनि समनुभासनसदिसानीति।

ओवादूपसङ्कमनसिक्खापदवण्णना निड्डिता।

१०. पसाखेजातसिक्खापदवण्णना

दसमे पसाखेति नाभिया हेट्ठा जाणुमण्डलानं उपरिपदेसे। ततो हि यस्मा रुक्खस्स साखा विय उभो ऊरू पभिज्जित्वा गता, तस्मा सो “पसाखो”ति वुच्चति, तस्मिं पसाखे। गण्डन्ति यंकञ्चि गण्डं। रुधितन्ति वणं। भेदापेय्य वातिआदीसु सचे “भिन्द फालेही”ति सब्बानि आणापेति, सो च तथेव करोति, छ दुक्कटानि छ च पाचित्तियानि। अथापि “यंकञ्चि एत्थ कत्तब्बं, तं सब्बं करोही”ति एवं आणापेति, सो च सब्बानिपि भेदनादीनि करोति, एकवाचाय छ दुक्कटानि छ च पाचित्तियानि। सचे पन भेदनादीसु एकयेव “इदं नाम करोही”ति आणापेति, सो च सब्बानि करोति। यं आणत्तं, तस्सेव करणे पाचित्तियं।

सावत्थियं अञ्जतरं भिक्खुनि आरब्ध पसाखे जातं गण्डं पुरिसेन भेदापनवत्थुस्मिं पञ्जत्तं, अपलोकेत्वा वा विज्जुं वा यंकञ्चि दुत्तियिकं गहेत्वा एवं करोन्तिया, उम्मत्तिकादीनञ्च अनापत्ति। पसाखे जातता, अनपलोकनं, दुत्तियिकाभावो, पुरिसेन भेदादीनं कारापनन्ति इमानेत्य चत्तारि अङ्गानि। समुद्धानादीनि कथिनसदिसानि, इदं पन किरियाकिरियन्ति।

पसाखेजातसिक्खापदवण्णना निड्डिता।

आरामवगो छट्ठो।

७. गब्भिनीवग्गो

१. गब्भिनीसिक्खापदवण्णना

गब्भिनिवग्गस्स पठमे “गब्भिनी”ति जानित्वा उपज्झायाय वुट्ठापेन्तिया गणपरियेसनादीसु च जत्तिकम्मवाचाद्वये च दुक्कटं, कम्मवाचापरियोसाने पाचित्तियं।

सावत्थियं सम्बहुला भिक्खुनियो आरब्ध गब्भिनि वुट्ठापनवत्थुस्मिं पञ्जत्तं, गब्भिनिया वेमतिकाय अगब्भिनिया गब्भिनिस्सञ्जाय चेव वेमतिकाय च दुक्कटं। उभोसु अगब्भिनिस्सञ्जाय, उम्मत्तिकादीनञ्च अनापत्ति। गब्भिनिता, ‘गब्भिनी’ति जाननं, वुट्ठापनन्ति इमानेत्य तीणि अङ्गानि। समुद्धानादीनि अदिन्नादानसदिसानि, इदं पन पण्णत्तिवज्जं, तिचित्तं, तिवेदनन्ति।

गब्भिनीसिक्खापदवण्णना निड्डिता।

२. पायन्तीसिक्खापदवण्णना

दुत्तिये पायन्तिन्ति थज्जं पायमानं, यं पार्येति, तस्स माता वा, धाति वा। इदं वत्थुमत्तमेवेत्य विसेसो, सेसं पठमसिक्खापदसदिसमेवाति।

पायन्तीसिक्खापदवण्णना निड्डिता।

३. पठमसिक्खमानसिक्खापदवण्णना

तत्तिये द्वे वस्सानीति पवारणावसेन द्वे संवच्छरानि। छसु धम्मेषूति पाणातिपातावेरमणिआदीसु विकालभोजनावेरमणिपरियोसानेसु छसु सिक्खापदेसु। असिक्खितसिक्खन्ति पदभाजने (पाचिं १०७७) वृत्तनयेनेव अदिन्नसिक्खं वा कुपितसिक्खं वा। सिक्खमानं वुट्ठापेय्याति तेसु छसु धम्मेषु सिक्खनतो, ते वा सिक्खासङ्घाते धम्मे माननतो एवल्लङ्घनामं अनुपसम्पन्नं उपसम्पादेय्य। पाचित्तियन्ति पठमसिक्खापदे वृत्तनयेनेव कम्मवाचापरियोसाने पाचित्तियं।

सावत्थियं सम्बहुला भिक्खुनियो आरब्ध एवरूपं सिक्खमानं वुट्ठापनवत्थुस्मिं पञ्जत्तं, धम्मकम्मे तिकपाचित्तियं, अधम्मकम्मे तिकदुक्कटं। द्वे वस्सानि छसु धम्मेषु सिक्खितसिक्खं सिक्खमानं वुट्ठापेन्तिया, उम्मत्तिकादीनञ्च अनापत्ति। वृत्तनयेन असिक्खितसिक्खता, धम्मकम्मा, कम्मवाचापरियोसानन्ति इमानेत्य तीणि अङ्गानि। समुद्धानादीनि पठमे वृत्तनयानेवाति।

पठमसिक्खमानसिक्खापदवण्णना निड्डिता।

४. दुत्तियसिक्खमानसिक्खापदवण्णना

चतुत्थे सङ्केन असम्मतन्ति यस्सा सङ्केन अन्तमसो उपसम्पदामाळकेपि पदभाजने (पाचिं १०८६) वृत्ता उपसम्पदासम्मुति न दिन्ना होति, तं इमा द्वेपि महासिक्खमाना नाम। इध सङ्केन सम्मतं वुट्ठापेन्तिया, उम्मत्तिकादीनञ्च अनापत्ति। सेसं तत्तिये वृत्तसदिसमेव, इदं पन किरियाकिरियं होतीति।

दुत्तियसिक्खमानसिक्खापदवण्णना निड्डिता।

५. पठमगिहगतसिक्खापदवण्णना

पञ्चमे गिहगतन्ति पुरिसन्तरगतं, इधापि इदं वत्थुमत्तमेव विसेसो। ऊनद्वादसवस्सञ्च परिपुण्णसञ्जाय वुट्ठापेन्तिया किञ्चापि अनापत्ति, सा पन अनुपसम्पन्नाव होति। सेसं पठमसिक्खापदसदिसमेवाति।

पठमगिहगतसिक्खापदवण्णना निड्डिता।

६-७. दुतियततियगिहगतसिक्खापदवण्णना

छट्ठे सब्बं ततिये वुत्तनयेन । सत्तमेपि सब्बं चतुत्थे वुत्तनयेनेव वेदितव्वन्ति ।

दुतियततियगिहगतसिक्खापदवण्णना निड्ढिता ।

८. पठमसहजीविनिसिक्खापदवण्णना

अट्ठमे सहजीविनन्ति सङ्घिविहारिणि । नेव अनुगणहेय्याति सयं उद्देसादीहि नानुगणहेय्य । न अनुगणहापेय्याति “इमिस्सा, अय्ये, उद्देसादीनि देही”ति एवं न अज्जाय अनुगणहापेय्य । पाचित्तियन्ति धुरे निक्खित्तमत्ते पाचित्तियं ।

सावत्थियं थुल्लनन्दं आरब्ध एवरूपे वत्थुस्मिं पञ्जत्तं, सेसमेत्थ तुवट्ठवग्गे दुक्खित्तसहजीविनिसिक्खापदे वुत्तसदिसमेवाति ।

पठमसहजीविनिसिक्खापदवण्णना निड्ढिता ।

९. नानुबन्धनसिक्खापदवण्णना

नवमे वुट्ठापितं पवत्तिनन्ति वुट्ठापितं पवत्तिनि याय उपसम्पादिता, तं उपज्झायिनन्ति अत्थो । नानुबन्धेय्याति चुण्णेन मत्तिकाय दन्तकट्टेन मुखोदकेनाति एवं तेन तेन करणीयेन न उपट्ठहेय्य । पाचित्तियन्ति नानुबन्धस्सन्ति धुरे निक्खित्तमत्ते पाचित्तियं ।

सावत्थियं सम्बहुला भिक्खुनियो आरब्ध नानुबन्धनवत्थुस्मिं पञ्जत्तं । बालं पन अलज्जिनिं वा अननुबन्धन्तिया, गिलानाय, आपदासु, उम्मत्तिकादीनञ्च अनापत्ति । वुट्ठापितपवत्तिनिता, द्वे वस्सानि अननुबन्धने धुरनिक्खेपो, अनुज्जातकारणाभावोति इमानेत्य तीणि अङ्गानि । समुट्ठानादीनि पठमपाराजिकसदिसानि, इदं पन अकिरियं, दुक्खवेदनन्ति ।

नानुबन्धनसिक्खापदवण्णना निड्ढिता ।

१०. दुतियसहजीविनिसिक्खापदवण्णना

दसमे नेव वूपकासेय्याति न गहेत्वा गच्छेय्य । न वूपकासापेय्याति “इमं, अय्ये, गहेत्वा गच्छाही”ति अज्जं न आणापेय्य । पाचित्तियन्ति धुरे निक्खित्तमत्ते पाचित्तियं ।

सावत्थियं थुल्लनन्दं आरब्ध सहजीविन्या अवूपकासनवत्थुस्मिं पञ्जत्तं । सति पन अन्तराये, परियेसित्वा दुतियिकं अलभन्तिया, गिलानाय, आपदासु, उम्मत्तिकादीनञ्च अनापत्ति । सहजीविनिता, वूपकासवूपकासापने धुरनिक्खेपो, अनुज्जातकारणाभावोति इमानेत्य तीणि अङ्गानि । समुट्ठानादीनि समनुभासनसदिसानीति ।

दुतियसहजीविनिसिक्खापदवण्णना निड्ढिता ।

गब्बिनीवग्गो सत्तमो ।

८. कुमारिभूतवग्गो

१-२-३. पठमकुमारिभूतादिसिक्खापदवण्णना

कुमारिभूतवग्गस्स पठमदुतियततियानि तीहि गिहगतसिक्खापदेहि सदिसानेव । या पन ता सब्बपठमा द्वे महासिक्खमाना, ता अतिक्कन्तवीसतिवस्साति वेदितव्वा । ता हि गिहगता वा होन्तु, अगिहगता वा, सम्मुतिकम्मादीसु “सिक्खमाना”इच्चेव वत्तव्वा, “गिहगता”ति वा “कुमारिभूता”ति वा न वत्तव्वा । गिहगताय दसवस्सकाले सिक्खासम्मुतिं दत्त्वा द्वादसवस्सकाले उपसम्पदा कातव्वा, एकादसवस्सकाले दत्त्वा तेरसवस्सकाले कातव्वा, द्वादसतेरसचुट्ठसपन्नरससोळसत्तरसअट्ठारसवस्सकाले सिक्खासम्मुतिं दत्त्वा वीसतिवस्सकाले उपसम्पदा कातव्वा । अट्ठारसवस्सकालतो पट्ठाय च पनायं “गिहगता”तिपि “कुमारिभूता”तिपि वत्तुं वट्ठति । या पनायं “कुमारिभूता”ति वुत्ता सामणेरी, सा “गिहगता”ति न वत्तव्वा, “कुमारिभूता”इच्चेव वत्तव्वा । सिक्खासम्मुतिदानवसेन पन सब्बापि “सिक्खमाना”ति वत्तुं वट्ठतीति ।

पठमकुमारिभूतादिसिक्खापदवण्णना निड्ढिता ।

४. ऊनद्वादसवस्ससिक्खापदवण्णना

चतुत्थे ऊनद्वादसवस्साति उपसम्पदावसेन अपरिपुण्णद्वादसवस्सा । पाचित्तियन्ति उपज्झाया हुत्वा वुट्ठापेन्तिया वुत्तनयेनेव दुक्कटानि अन्तरा, कम्मवाचापरियोसाने पाचित्तियन्ति ।

ऊनद्वादसवस्ससिक्खापदवण्णना निड्ढिता ।

५. परिपुण्णद्वादसवस्ससिक्खापदवण्णना

पञ्चमे सङ्केन असम्पत्ताति यस्सा सङ्केन पदभाजने (पाचि० ११३२) वुत्ता वुट्ठापनसम्मुति न दिन्ना । सेसं उभयत्थापि महासिक्खमानासिक्खापदद्वयसदिसमेवाति ।

परिपुण्णद्वादसवस्ससिक्खापदवण्णना निड्ढिता ।

६. खीयनधम्मसिक्खापदवण्णना

छट्ठे अलं ताव ते अय्ये वुट्ठापितेनाति वुच्चमानाति वुट्ठापनसम्मुतिया याचित्ताय सङ्केन उपपरिक्खिपित्वा “यस्मा बाला अब्यत्ता च अलज्जिनी च होति, तस्मा अलं ताव तुक्खं उपसम्पादितेना”ति एवं निवारीयमाना । पच्छा खीयनधम्मन्ति पच्छा अज्जासं ब्यत्तानं लज्जिनीनं वुट्ठापनसम्मुतिं दिव्यमानं दिस्वा “अहमेव नून बाला”तिआदीनि भणमाना यत्थ कत्थचि खीयेय्य । पाचित्तियन्ति एवं खीयनधम्मं आपज्जन्तिया पाचित्तियं ।

सावत्थियं चण्डकाळिं आरब्ध एवं खीयनधम्मं आपज्जनवत्थुस्मिं पञ्जत्तं, पकतिया छन्दादीनं वसेन करोन्तीनं खीयन्तिया, उम्मत्तिकादीनञ्च अनापत्ति । वुट्ठापनसम्मुतिया याचनं, उपपरिक्खित्वा न

छन्दादिवसेन पटिक्खित्ताय “साधू”ति पटिस्सवो, पच्छाखीयनन्ति इमानेत्य तीणि अङ्गानि । समुद्धानादीनि अदिन्नादानसदिसानि, इदं पन दुक्खवेदनन्ति ।

खीयनधम्मसिक्खापदवण्णना निड्डिता ।

७-८. सिक्खमाननवुट्ठापनपठमदुतियसिक्खापदवण्णना

सत्तमे सा पच्छाति सिक्खमानाय उपसम्पदाय याचियमानाय सा भिक्खुनी एवं वत्वा लद्धे चीवरे पच्छा असति अन्तराये “नेव वुट्ठापेस्सामि, न वुट्ठापनाय उस्सुककं करिस्सामी”ति धुरं निक्खिपेय्य, तस्सा सह धुरनिकखेपेन पाचित्तियन्ति । अट्टमेपि एसेव नयो ।

उभयम्पि सावत्थियं थुल्लनन्दं आरब्ध एतेसु वत्थूसु पञ्जत्तं, द्वीसुपि सति अन्तराये, परियेसित्वा अलभन्तिया, गिलानाय, आपदासु, उम्मत्तिकादीनञ्च अनापत्ति । उभयत्थ “एवाहं तं वुट्ठापेस्सामी”ति पटिञ्जा, आकङ्खितनिष्फत्ति, पच्छा धुरनिकखेपो, अनुज्जातकारणाभावोति इमानेत्य चत्तारि अङ्गानि । समुद्धानादीनि समनुभासनसदिसानोति ।

सिक्खमाननवुट्ठापनपठमदुतियसिक्खापदवण्णना निड्डिता ।

९. सोकावाससिक्खापदवण्णना

नवमे सोकावासन्ति सङ्केतं कत्वा आगच्छमाना पुरिसानं अन्तोसोकं पवेसेतीति सोकावासा, तं सोकावासं । अथ वा घरं विय घरसामिका अयम्पि पुरिससमागमं अलभमाना सोकं आविसति, इति यं आविसति, स्वास्सा आवासो होतीति सोकावासा । तेनेवस्स पदभाजने (पाचि० ११६०) “सोकावासा नाम परेसं दुक्खं उपादेति, सोकं आविसती”ति द्विधा अत्थो वुत्तो । पाचित्तियन्ति एवरूपं वुट्ठापेन्तिया वुत्तनयेनेव कम्मवाचापरियोसाने उपज्झायाय पाचित्तियं ।

सावत्थियं थुल्लनन्दं आरब्ध एवरूपं सिक्खमानं वुट्ठापनवत्थुस्मिं पञ्जत्तं । अजानन्तिया, उम्मत्तिकादीनञ्च अनापत्ति । सोकावासता, जाननं, वुट्ठापनन्ति इमानेत्य तीणि अङ्गानि । समुद्धानादीनि गम्भिनिवुट्ठापनसदिसानेवाति ।

सोकावाससिक्खापदवण्णना निड्डिता ।

१०. अननुज्जातसिक्खापदवण्णना

दसमे मातापितृहीति विजातमातरा च जनकपितरा च । सामिकेनाति येन परिग्गहिता, तेन । अननुज्जातन्ति उपसम्पदत्थाय अननुज्जातं । द्विक्खत्तुज्झि भिक्खुनीहि आपुच्छितब्बं, पब्बज्जाकाले च उपसम्पदाकाले च, भिक्खून् पन सकिं आपुच्छितेपि वट्ठति । तस्मा या उपसम्पदाकाले अनापुच्छा उपसम्पादेति, तस्सा वुत्तनयेनेव पाचित्तियं ।

सावत्थियं थुल्लनन्दं आरब्ध अननुज्जातवुट्ठापनवत्थुस्मिं पञ्जत्तं । अपलोकेत्वा वुट्ठापेन्तिया, तेसं अत्थिभावं अजानन्तिया, उम्मत्तिकादीनञ्च अनापत्ति । अनपलोकनं, अत्थिभावजाननं, वुट्ठापनन्ति इमानेत्य तीणि अङ्गानि । अननुज्जातसमुद्धानं, किरियाकिरियं, नोसज्जाविमोक्खं, अचित्तकं, पण्णत्तिवज्जं, कायकम्मं, वचीकम्मं, तिचित्तं, तिवेदनन्ति ।

अननुज्जातसिक्खापदवण्णना निड्डिता ।

११. पारिवासिकसिक्खापदवण्णना

एकादसमे पारिवासिकछन्ददानेनाति पारिवासियेन छन्ददानेन । तत्थ चतुब्बिधं पारिवासियं परिसपारिवासियं रत्तिपारिवासियं छन्दपारिवासियं अज्झासयपारिवासियन्ति ।

तत्थ परिसपारिवासियं नाम भिक्खू केनचिदेव करणीयेन सन्निपत्तिता होन्ति, अथ मेघो वा उड्डहति, उस्सारणा वा करीयति, मनुस्सा वा अज्झोत्थरन्ता आगच्छन्ति, भिक्खू “अनोकासा मयं, अज्जत्र गच्छामा”ति छन्दं अविस्सज्जित्वा उड्डहन्ति, इदं परिसपारिवासियं नाम, किञ्चापि परिसपारिवासियं, छन्दस्स पन अविस्सट्ठता कम्मं कातुं वट्ठति ।

पुन भिक्खू “उपोसथादीनि करिस्सामा”ति रत्तिं सन्निपत्तिता “याव सब्बे सन्निपत्तिन्ति, ताव धम्मं सुणिस्सामा”ति एकं अज्झेसन्ति, तस्मिं धम्मकथं कथेन्तेयेव अरुणो उगच्छति । सचे “चातुइसिकं उपोसथं करिस्सामा”ति निसिन्ना, “पन्नरसो”ति कातुं वट्ठति । सचे पन्नरसिकं कातुं निसिन्ना, पाटिपदे अनुपोसथे उपोसथं कातुं न वट्ठति । अज्जं पन सङ्ककिच्चं कातुं वट्ठति, इदं रत्तिपारिवासियं नाम ।

पुन भिक्खू “किञ्चिदेव अब्भानादिसङ्गकम्मं करिस्सामा”ति सन्निपत्तिता होन्ति, तत्रेको नक्खत्तपाठको भिक्खु एवं वदति “अज्ज नक्खत्तं दारुणं, मा इदं कम्मं करोथा”ति । ते तस्स वचनेन छन्दं विस्सज्जेत्वा तत्थेव निसिन्ना होन्ति, अथज्जो आगन्त्वा “नक्खत्तं पतिमानेन्तं, अत्थो बालं उपज्झगा (जा० १.१.४९), किं नक्खत्तेन करोथा”ति वदति, इदं छन्दपारिवासियञ्चेव अज्झासयपारिवासियञ्च । एतस्मिं पारिवासिये पुन छन्दपारिसुद्धिं अनाहरित्वा कम्मं कातुं न वट्ठति, इदं सन्धया वुत्तं “पारिवासिकछन्ददानेना”ति । पाचित्तियन्ति एवं वुट्ठापेन्तिया वुत्तनयेनेव कम्मवाचापरियोसाने पाचित्तियं ।

राजगहे थुल्लनन्दं आरब्ध एवं वुट्ठापनवत्थुस्मिं पञ्जत्तं । छन्दं अविस्सज्जेत्वाव अवुट्ठिताय परिसाय वुट्ठापेन्तिया, उम्मत्तिकादीनञ्च अनापत्ति । पारिवासिकछन्ददानता, वुट्ठापनन्ति इमानेत्य द्वे अङ्गानि । समुद्धानादीनि गम्भिनिस्सिक्खापदसदिसानेवाति ।

पारिवासिकसिक्खापदवण्णना निड्डिता ।

१२. अनुवस्ससिक्खापदवण्णना

द्वादसमे अनुवस्सन्ति अनुसंवच्छरं । एवं वुट्ठापेन्तियापि वुत्तनयेनेव पाचित्तियं ।

सावत्थियं सम्बहुला भिक्खुनियो आरब्ध अनुवस्सं वुट्ठापनवत्थुस्मिं पञ्जत्तं । एकन्तरिकं वुट्ठापेन्तिया, उम्मत्तिकादीनञ्च अनापत्ति । अनुवस्सता, वुट्ठापनन्ति इमानेत्य द्वे अङ्गानि । समुद्धानादीनि एकादसमे वुत्तनयानेवाति ।

अनुवस्ससिक्खापदवण्णना निड्डिता ।

१३. एकवस्ससिक्खापदवण्णना

तेरसमे एकन्तरिकं एकं वुड्डापेत्तिया, उम्मत्तिकादीनञ्च अनापत्ति। सेसं द्वादसमेन सदिसमेवाति।

एकवस्ससिक्खापदवण्णना निड्डिता।

कुमारिभूतवग्गो अट्ठमो।

१. छत्तुपाहनवग्गो

१. छत्तुपाहनसिक्खापदवण्णना

छत्तवग्गस्स पठमे **छत्तुपाहनन्ति** पदभाजने (पाचि० ११७८-११८२) वुत्तलक्खणं छत्तञ्च उपाहनायो च। **धारेय्या**ति परिभोगवसेन मग्गगमने एकप्पयोगेनेव दिवसम्मि धारेन्तिया एका आपत्ति। सचे पन तादिसं ठानं पत्वा छत्तम्मि अपनामेत्वा उपाहनापि ओमुञ्चित्वा पुनप्पुनं धारेति, पयोगगणनाय पाचित्तियं।

सावत्थियं छब्बगिया भिक्खुनियो आरब्ध छत्तुपाहनधारणवत्थुस्मिं पञ्जत्तं, “अगिलाना”ति अयमेत्थ अनुपञ्जति, छत्तस्सेव उपाहनानंयेव वा धारणे दुक्कटं, अगिलानाय तिकपाचित्तियं, गिलानाय द्विकदुक्कटं। गिलानसञ्जाय पन, आरामे आरामूपचारे धारेन्तिया, आपदासु, उम्मत्तिकादीनञ्च अनापत्ति। उभिन्नं धारणं, अनुञ्जातकारणाभावोति इमानेत्य द्वे अङ्गानि। समुद्धानादीनि एळकलोमसदिसानीति।

छत्तुपाहनसिक्खापदवण्णना निड्डिता।

२. यानसिक्खापदवण्णना

दुतिये **यानेना**ति वक्खादिना। एत्थापि ओरोहित्वा पुनप्पुनं अभिरुहन्तिया पयोगगणनाय पाचित्तियं। अनापत्तियं “आरामे आरामूपचारे”ति नत्थि, सेसं पठमे वुत्तनयेनेव वेदितब्बन्ति।

यानसिक्खापदवण्णना निड्डिता।

३. सङ्घाणिसिक्खापदवण्णना

ततिये **सङ्घाणि**न्ति यंकिञ्चि कटूपगं। **धारेय्या**ति कटियं पटिमुञ्चेय्य। एत्थापि ओमुञ्चित्वा ओमुञ्चित्वा धारेन्तिया पयोगगणनाय पाचित्तियं।

सावत्थियं अञ्जतरं भिक्खुनिं आरब्ध सङ्घाणि धारणवत्थुस्मिं पञ्जत्तं। आबाधपच्चया कटिसुत्तं धारेन्तिया, उम्मत्तिकादीनञ्च अनापत्ति। सेसं वुत्तनयेनेव वेदितब्बं, इदं पन अकुसलचित्तन्ति।

सङ्घाणिसिक्खापदवण्णना निड्डिता।

४. इत्थालङ्कारसिक्खापदवण्णना

चतुत्थे **इत्थालङ्कार**न्ति सीसूपगादीसु अञ्जतरं यंकिञ्चि पिळन्धनं। इध तस्स तस्स वसेन वत्थुगणनाय आपत्ति वेदितब्बा।

सावत्थियं छब्बगिया भिक्खुनियो आरब्ध इत्थालङ्कारं धारणवत्थुस्मिं पञ्जत्तं, आबाधपच्चया किञ्चिदेव धारेन्तिया, उम्मत्तिकादीनञ्च अनापत्ति। सेसं वुत्तसदिसमेवाति।

इत्थालङ्कारसिक्खापदवण्णना निड्डिता।

५. गन्धवण्णकसिक्खापदवण्णना

पञ्चमे **गन्धवण्णकेना**ति येनकेनचि गन्धेन च वण्णकेन च। इध गन्धादियोजनतो पट्टाय पुब्बपयोगे दुक्कटं, नहानपरियोसाने पाचित्तियं। आबाधपच्चया, उम्मत्तिकादीनञ्च अनापत्ति। सेसं चतुत्थसदिसमेवाति।

गन्धवण्णकसिक्खापदवण्णना निड्डिता।

६. वासितकसिक्खापदवण्णना

छट्ठे **वासितकेना**ति गन्धवासितकेन। **पिञ्जाकेना**ति तिलपिट्ठेन। सेसं पञ्चमसदिसमेवाति।

वासितकसिक्खापदवण्णना निड्डिता।

७. भिक्खुनिउम्महापनसिक्खापदवण्णना

सत्तमे **उम्महापेय्या**ति उब्बट्टापेय्य। **परिमहापेय्या**ति सम्बाहापेय्य। एत्थ च हत्थं अमुञ्चित्वा उब्बट्टेने एकाव आपत्ति, मोचेत्वा मोचेत्वा उब्बट्टेने पयोगगणनाय आपत्तियो। सम्बाहनेपि एसेव नयो।

सावत्थियं सम्बहुला भिक्खुनियो आरब्ध भिक्खुनिया उम्महापनपरिमहापनवत्थुस्मिं पञ्जत्तं, गिलानाय, आपदासु, उम्मत्तिकादीनञ्च अनापत्ति। इध मग्गगमनपरिस्समोपि गेलञ्जं, चोरभयादीहि सरीरकम्पनादयोपि आपदा। सेसं चतुत्थे वुत्तनयेनेव वेदितब्बन्ति।

भिक्खुनिउम्महापनसिक्खापदवण्णना निड्डिता।

८-१-१०. सिक्खमानउम्महापनादिसिक्खापदवण्णना

अट्ठमनवमदसमेसुपि सिक्खमानाय सामणेरिया गिहिनियाति एत्तकमेव नानं। सेसं सत्तमसदिसमेवाति।

सिक्खमानउम्महापनादिसिक्खापदवण्णना निड्डिता।

११. अनापुच्छासिक्खापदवण्णना

एकादसमे भिक्खुस्स पुरतोति न अभिमुखमेवाति अत्थो, इदं पन उपचारं सन्धाय कथितन्ति वेदितब्बं । तस्मा भिक्खुस्स उपचारे अन्तमसो छमायपि “निसीदामि, अय्या”ति अनापुच्छित्वा निसीदन्तिया पाचित्तियं ।

सावत्थियं सम्बहुला भिक्खुनियो आरब्ध अनापुच्छा निसीदनवत्थुस्मिं पञ्जत्तं, तिकपाचित्तियं, आपुच्छिते द्विकदुक्कटं । तस्मिं आपुच्छितसञ्जाय, गिलानाय, आपदासु, उम्मत्तिकादीनञ्च अनापत्ति । भिक्खुस्स अनापुच्छा, उपचारे निसञ्जा, अनुञ्जातकारणाभावोति इमानेत्य तीणि अङ्गानि । समुट्टानादीनि कथिनसदिसानि, इदं पन किरियाकिरियन्ति ।

अनापुच्छासिक्खापदवण्णना निड्ढिता ।

१२. पञ्हापुच्छनसिक्खापदवण्णना

द्वादसमे अनोकासकतन्ति “असुकस्मिं नाम ठाने पुच्छामी”ति एवं अकतओकासं, तस्मा सुत्तन्ते ओकासं कारापेत्वा विनयं वा अभिधम्मं वा पुच्छन्तिया पाचित्तियं । सेसेसुपि एसेव नयो, सब्बसो अकारिते पन वत्तब्बमेव नत्थि ।

सावत्थियं सम्बहुला भिक्खुनियो आरब्ध अनोकासकतं भिक्खुं पञ्हं पुच्छनवत्थुस्मिं पञ्जत्तं । तत्थ तत्थ ओकासं कारापेत्वा पुच्छन्तिया, अनोदिसस ओकासं कारापेत्वा यत्थ कत्थचि पुच्छन्तिया, उम्मत्तिकादीनञ्च अनापत्ति । भिक्खुस्स अनोकासकारापनं, पञ्हं पुच्छन्ति इमानेत्य द्वे अङ्गानि । समुट्टानादीनि पदसोधम्मसदिसानि, इदं पन किरियाकिरियन्ति ।

पञ्हापुच्छनसिक्खापदवण्णना निड्ढिता ।

१३. असंकच्चिकसिक्खापदवण्णना

तेरसमे असंकच्चिकाति अधक्खकउब्भनाभिमण्डलसङ्घातस्स सरीरस्स पटिच्छादनत्थं अनुञ्जातसंकच्चिकविरहिता । गामं पविसेय्याति एत्थ परिकिखत्तस्स गामस्स परिकखेपं, अपरिकिखत्तस्स उपचारं अतिकमन्तिया वा ओक्कमन्तिया वा पठमपादे दुक्कटं, दुतिये पाचित्तियं ।

सावत्थियं अञ्जतरं भिक्खुनिं आरब्ध असंकच्चिकाय गामं पविसनवत्थुस्मिं पञ्जत्तं । यस्सा पन संकच्चिकचीवरं अच्छिन्नं वा नडुं वा, तस्सा, गिलानाय, आपदासु, उम्मत्तिकादीनञ्च अनापत्ति । असंकच्चिकता, वुत्तपरिच्छेदातिकमो, अनुञ्जातकारणाभावोति इमानेत्य तीणि अङ्गानि । समुट्टानादीनि एल्लकलोमसदिसानीति ।

असंकच्चिकसिक्खापदवण्णना निड्ढिता ।

छत्तुपाहनवगो नवमो ।

१०...पे०...१६. मुसावादादिवग्गो

मुसावादादिसिक्खापदवण्णना

इतो परेसु मुसावादवग्गादीसु सत्तसु वग्गेसु भिक्खुपातिमोक्खवण्णनायं वुत्तनयेनेव विनिच्छयो वेदितब्बोति ।

सोळसमवग्गो ।

उद्दिट्ठा खो अय्यायो छसट्टिसता पाचित्तिया धम्माति भिक्खू आरब्ध पञ्जत्ता साधारणा सत्तति, असाधारणा छन्नवुतीति एवं छसट्टिसता । सेसं सब्बत्थ उत्तानमेवाति ।

कङ्गावितरणिया पातिमोक्खवण्णनाय

भिक्खुनिपातिमोक्खे

सुद्धपाचित्तियवण्णना निड्ढिता ।

तत्रायं सङ्केपतो असाधारणसिक्खापदेसु समुट्टानविनिच्छयो — गिरग्गसमज्जा चित्तागारसिक्खापदं सङ्गाणी इत्थालङ्कारो गन्धवण्णको वासितकपिञ्जाको भिक्खुनिआदीहि उम्मह्नपरिमह्नाति इमानि दस सिक्खापदानि अचित्तकानि लोकवज्जानि अकुसलचित्तानि । अयं पनेत्थ अधिप्पायो, विनापि चित्तेन आपज्जितब्बत्ता अचित्तकानि, चित्ते पन सति अकुसलेनेव आपज्जितब्बत्ता लोकवज्जानि चेव अकुसलचित्तानि चाति । अवसेसानि सचित्तकानि पण्णत्तिवज्जानेव । चोरिवुट्ठापनं गामन्तरं आरामसिक्खापदं गम्भिनवग्गे आदितो पट्टाय सत्त, कुमारिभूतवग्गे आदितो पट्टाय पञ्च पुरिसादिसंसट्ठं पारिवासिकछन्ददानं अनुवस्सवुट्ठापनं एकन्तरिकवुट्ठापनन्ति इमानि एकूनवीसति सिक्खापदानि सचित्तकानि पण्णत्तिवज्जानि । अवसेसानि सचित्तकानि लोकवज्जानेवाति ।

पाटिदेसनीयकण्डो

१. सप्पिविज्जापनसिक्खापदवण्णना

पाटिदेसनीयेसु पठमे सप्पिन्ति पुब्बे वुत्तविनिच्छयं पाळिआगतं (पाचि० १२३०) गोसप्पिआदिमेव । विज्जापेत्वा भुज्जेय्याति एत्थ “विज्जत्तिया पटिलद्धं भुज्जिस्सामी”ति गहणे दुक्कटं, गहितस्स अज्झोहारे अज्झोहारे पाटिदेसनीयं ।

सावत्थियं छब्बगिया भिक्खुनियो आरब्ध सप्पिं विज्जापेत्वा भुज्जनवत्थुस्मिं पञ्जत्तं, “अगिलाना”ति अयमेत्थ अनुपञ्जत्ति, तिकपाटिदेसनीयं, गिलानाय द्विकदुक्कटं । या पन गिलाना गिलानसञ्जा, गिलानकाले वा विज्जापेत्वा पच्छा अगिलाना हुत्वा भुज्जति, गिलानाय वा सेसकं, जातकप्पवारितट्टानतो वा विज्जत्तं, अञ्जस्स वा अत्थाय, अत्तनो वा धनेन गहितं भुज्जति, तस्सा, उम्मत्तिकादीनञ्च अनापत्ति । वुत्तलक्खणसप्पिता, अनुञ्जातकारणाभावो, विज्जत्ति, अज्झोहारोति इमानेत्य चत्तारि अङ्गानि । समुट्टानादीनि अट्टानसदिसानीति ।

सप्पिविज्जापनसिक्खापदवण्णना निड्ढिता ।

२. तेलविज्जापनादिसिक्खापदवण्णना

दुत्तियादीसुपि तेलादीनि पुब्बे वुत्तविनिच्छयानि पाळियं (पाचि० १२३६) आगतानेव, पाळियं अनागतेसु पन अट्टसुपि दुक्कटमेव । सेसं सब्बत्थ पठमे वुत्तसदिसमेवाति ।

तेलविज्जापनादिसिक्खापदवण्णना निड्डिता ।

कङ्खावितरणिया पातिमोक्खवण्णनाय

भिक्षुनिपातिमोक्खे

पाटिदेसनीयवण्णना निड्डिता ।

१. परिमण्डलादिसिक्खापदवण्णना

इतो परं पन सेखियानि चेव अधिकरणसमथा च सब्बपकारतो भिक्षुपातिमोक्खवण्णनाय वुत्तनयेनेव वेदितव्वाति ।

कङ्खावितरणिया पातिमोक्खवण्णनाय

भिक्षुनिपातिमोक्खवण्णना निड्डिता ।

निगमनकथा

एत्तावता च —

वण्णनं पातिमोक्खस्स, सोणत्थेरेन याचितो ।
विनये जातकङ्खानं, कङ्खावितरणित्थिको ॥

आरंभिं यमहं सब्बं, सीहळडुकथानयं ।
महाविहारवासीनं, वाचनामग्गनिस्सितं ॥

निस्साय सा अयं निड्डं, गता आदाय सब्बसो ।
सब्बं अट्टकथासारं, पाळियत्थञ्च केवलं ॥

न हेत्थ तं पदं अत्थि, यं विरुज्जेय्य पाळिया ।
महाविहारवासीनं, पोरणडुकथाहि वा ॥

यस्मा तस्मा अकत्वाव, एत्थ कङ्खं हितेसिना ।
सिक्खितव्वाव सक्कच्चं, कङ्खावितरणी अयं ॥

यथा च निड्डं सम्पत्ता, कङ्खावितरणी अयं ।
द्रावीसति भाणवारपअमाणाय पाळिया ॥

एवं अनन्तरायेन, निड्डं कल्याणनिस्सिता ।
अचिरं सब्बसत्तानं, यन्तु सब्बे मनोरथाति ॥

परमविसुद्धसद्भाबुद्धिवीरियपटिमण्डितेन सीलाचारज्जवमद्ववादिगुणसमुदयसमुदितेन सकसमयसमयन्तरगहनज्झोगाहणसमत्थेन पञ्जावेय्यत्तियसमन्नागतेन तिपिटकपरियत्तिप्यभेदे साट्टकथे सत्थुसासने अप्पटिहतजाणप्यभावेन महावेय्याकरणेन करणसम्पत्तिजनितसुविनिग्गतमधउरोदारवचनलावण्ययुत्तेन युत्तमुत्तवादिना वादीवरेन महाकविना पभिन्नपटिसम्भिदापरिवारे छळभिज्जादिप्यभेदगुणपटिमण्डिते उत्तरिमनुस्ससधम्मं सुप्पातिट्ठितबुद्धीनं थेरवंसप्यदीपानं थेरानं महाविहारवासीनं वंसालङ्कारभूतेन विपुलविसुद्धबुद्धिना बुद्धधोसोति गरूहि गहितनामधेय्येन थेरेन कत्ता अयं कङ्खावितरणी नाम पातिमोक्खवण्णना —

ताव तिड्डतु लोकस्मिं, लोकनित्थरणेसिनं ।
दस्सेन्ती कुलपुत्तानं, नयं सीलविसुद्धिया ॥

याव “बुद्धो”ति नाममि, सुद्धचित्तस्स तादिनो ।
लोकमि लोकजेडुस्स, पवत्तति महेसिनोति ॥

कङ्खावितरणी-अट्टकथा निड्डिता ।